



# PHYSIOGNO-

## MONIA IE-

### SVITICA

Variis opusculis,  
Discursibus,  
Characteribus,  
Epigrammatibus



*expressa*

*Studio & opera*

PETRI DE WANGEN.


*in Bibliotheca M. M. Bernardi*

*Fontanensis Long. Tul. n. fis.*



LVGDVNI,

Anno Christi MDCCXI



# PHYSIOGNO-

MOMIAE

SALUTICA

Ynstruenda  
Discutibus  
Characteribus  
Explanandis

explicis

Stetit & orat


PETRI DE W. ANGEN.

*[Handwritten notes in Latin, including "Bibliotheca de W. Angen." and "Petri de W. Angen."]*



LUGDANI.

Anno Christi 1601.



# SYLLABVS OPVSCV- LORVM HOC VOLVMI-

ne contentorum.

- I. Breue COLLOQVIVM IESVITICVM, toti orbi  
Christiano, ad recte cognoscendam, hactenus non satis  
perspectam Iesuitarum religionem, utilissimum: habi-  
tum à S. Theol. D. PAVLO FLORENIO, cum  
CHRISTIANO FRANCKEN Philosophia pro-  
fessore in Cæsareo Iesuitarum Gymnasio Vienna, anno  
1578. 20. Ianuar. pag. 1.
- II. CHARACTERES IESVITARVM. pag. 37.  
Centuria I. pag. 47.  
Centuria II. pag. 67.  
Centuria III. pag. 95.  
Centuria IV. pag. 124.
- III. De studiis IESVITARVM abstrusioribus, & consiliis  
eorum sanguinariis. pag. 152.
- IV. Quaestiones Diabolo proposita à P. COTTONO Soc.  
Iesu. pag. 170.
- V. CONSILIVM datum amico, de recuperanda & in po-  
sterum stabilienda pace regni Poloniae, in quo demon-  
stratur, Pacem nec constitui, nec stabiliri posse, quamdiu  
IESVITAE in Polonia mancant. pag. 181.
- VI. Exemplar LITTERARVM BONONIAE datarum,  
in quibus Excellentia & perfectio PATRVN SOCI-  
ETATIS IESV ostenditur: multa quoque simul ipsis Pa-  
tribus & eorum institutis facta obiectiones resolvuntur.  
pag. 258.





VII. *Salvus-conductus* IESVITARVM.

pag. 289.

VIII. *Admonicio ad* HENRICVM IV. *super restitutione*  
IESVITARVM.

pag. 291.

IX. *In* IESVITAM *cor Regis* HENRICI IV. *peten-*  
*tem.*

pag. 300.



BKZ-


BREVE COL-  
LOQVIVM IESVITI-  
CVM, TOTIORBI CHRI-

*stiano, ad rectè cognoscendam, hætenus non satis  
perspectam Iesuitarum religionem, utilissimum: ha-  
bitum à sacra Theologia Doctore & Professore,*  
PAVLO FLORENIO, cum CHRISTIANO

FRANCKEN *Philosophia professore in Ca-  
sareo Iesuitarum Gymnasio Vienna,*

*Anno 1578. xx. Ia-  
nuarii.*

A



SINGVLARI VIRO,  
PAVLO FLORENIO, SACRÆ

THEOLOGIÆ DOCTORI,

atq; omnium humanarum præstantia  
scientiarum ornatissimo,

Christianus Francken

S. P. D.



*Voniam semper ad te, Paule do-  
ctissime, mens mea recurrit. Singu-  
laris, & diuini memor sermonis,  
quem paucis diebus ante tuum ex  
Iesuitarum religione discessum  
mecum habuisti: necessarium es-  
se planè indicauit, cùm mihi ipsi, ad nostræ recorda-  
tionem amicitie declarandam: tùm maximè omni-  
bus Christianis, ad salutis suæ dulcissimum, Iesug,  
diuino nomine tectum & occultatum venenum co-  
gnoscendum, ut sermo hic quoq; tuus, vel noster po-  
tius, litterarum mandatus monumentis, ad te in pri-  
mis, tanquam ad præcipuum auctorem suum, reco-  
gnoscendi gratia, præsentemq; te, cùm ipse iam veni-  
re non possim, amandi, reuerteretur: deinde verò  
monendi causa ad omnes, qui ubiq; sunt, Christianos  
exire permitteretur. Etenim tãta huius, tamq; aper-*

ta



ra vis est, & veritas, ut diurnis me nocturnisq; ani-  
 mi stimulis perpetuis panē confecerit: nec unquam  
 postea, quam tu Jesuitis valedixisti, quiescere, aut  
 respirare sinerit: repugnantemq; nihilominus sem-  
 per, ac reliquis ingenij viribus ad mortem usq; voca-  
 tionem meam defendere conantem, vix tandem vi-  
 num exceptum, atq; ex media Jesuitarum sodalitate  
 extractum, in communem me hominum societatem  
 reiecerit. Vbi nunc constitutus, sapē casum veluti  
 aduersum, & iniquum deploro meum: quasiq; du-  
 ctis post tergum oculis, viso I E S V à me relicto gra-  
 niter suspiro. Sed tamen hoc me luctu toties leuari  
 sentio, quoties mentis aciem à consuetudine Jesuitica  
 abducens, antiquum quero, atq; inuenio I E S V M:  
 quippe qui non suam mihi, sed Pharisæicam tantum,  
 suo tamen insignitam nomine religionem ereptam es-  
 se, non dicat modo, sed hoc etiam signo confirmet,  
 quod nemo sana mentis homo, istam qui Societatem  
 I E S V ingressurus, vel iam ingressus, hunc meum,  
 atq; adeo nostrum libellum attentè legerit, lectumq;  
 diligenter cum eius constitutionibus, moribusq; con-  
 tulerit, in ea ob fucum, fallaciamq; deprehensam  
 permanere poterit: quodq; ad hunc ipsum, quamvis  
 minimum libellum, nemo Iesuitarum, veritate, con-  
 scientiaq; prohibentibus, respondere audebit: vel au-  
 sus, vere, sincereq; respondebit. quanquam fortasse  
 alius quispiam, legum, morum, constitutionum Ie-  
 suiticarum ignarus, multaq; sine mente, ac ratione  
 turbans, stupidus, & stolidus blatero (cuiusmodi hoc  
 tempore permultos Romana aut Ecclesia) Jesuitarū  
 patrociniū suscipere non grauabitur.



Sed iam, quo tandem modo à Iesuitis discesserim, breviter accipe. Ab ipso tuo conuersionis S. Pauli, superioris anni, festo, quo ex Viennensi Collegio, totaq, societate IESV discessisti, cum totū & mihi, ut dixi, manendi apud Iesuitas, animum creptum sentirem, crebras habui cum nostro Prouinciali, de mea ex Societate dimissione, contētionēs: institi, vrsi, ut dimitterer, sepiissimē: alioqui iā iam mihi animi dolore moriendū esse clamitauit. Tum sepeliemus te, inquit ille. Ego verò nec mori, inquam, nec sepeliri apud vos poterō. Horrendē igitur, inquit, Deus te puniet. Quoduis supplicium, inquā, hac mihi erit permanfione leuius. Ergo Paulus Florenius, inquit, tuo in animo seminauit teq, totum à nobis abalienauit. Imò Paulus vester Campanus, inquā, Pragēsis nunc vestri Collegii Rector animū meum lethaliter vulnerauit, ut sanari iam amplius in Societate nō possit. Repetite enim memoria, si placet, quòd cum ad effusas ille suas contra me furias defendendas, se Italum esse proclamaret, hocq, nomine sapientem se intelligi vellet: ego tū cōtra omnia Societatis auspicia, ex ipso, num in Italia etiam asini gignerētur, querere fuerim coactus. Quibus sanē & huiusmodi aliis contentionibus, tantum abest, ut quicquam de me dimittendo cogitarint, ut Rectorem etiam nostrū, Emericum Forslerum, qui nec seipsum quidem, nedum alios benè regere sciret, mea causa Gracium ablegarint, ut ibi quales subditi, talis Rector esset: Prouinciali nostro, Laurentio Maggio in eius locum descendente: Gracensi verò Rectore in Prouincialem promotō.

Dictitauerat enim Prouincialis, posteaq, reipsa  
com-

comprobavit: quoniam non, ut pleriq<sup>3</sup>, propter voluptates, & diuitias, quas planè contemnerem, discedere vellem, ingeniumq<sup>3</sup> haberem pugnax, & melancholicum; quidvis mihi potius concedendum, quàm ex Societate discessum: ne ut incauti quondā Romani suum Iulium Cæsarem, sic ipsi me decem annos contra se aluisse viderentur.

Hoc igitur beneficio vel nolens deninctus, in summis certè usq<sup>3</sup> continuis angoribus, institutum tamen meum, in Cæsareo Gymnasio, Philosophiæ curriculum ad finem usq<sup>3</sup> perduxi pridie nonas Februarias huius anni, iisdem me semper audientibus, qui tuo erant tempore, Romani Pontificis alumni.

Absoluto autem meo doctrinæ cursu, valde ipsi de me solliciti & anxii, primo quoq<sup>3</sup> tempore me in Italiam: inde verò in Hispaniam, ubi omnis mihi, si non ex societate discedendi, at contra eandem pugnandi præcisa foret occasio, relegandum censent: tempusq<sup>3</sup> idoneum, & occasionem eiusmodi expectant, qua illectus potius, quàm tractus, aut coactus, Romā usq<sup>3</sup> reduci possem. Quod cum præsentirem, id me scire dissimulans, flagitare illos cœpi: ut mihi summis contemplandi, doceq<sup>3</sup>q<sup>3</sup> laboribus perfuncto, ac propemodum exhausto, animi gratia domum Brunensem, Collegiumq<sup>3</sup> Olomucense inuisere liceret: neque prius ab huiusmodi destitui precibus, quàm id, quod vellem, tandem impetrarem, vel ab inuitis potius extorquerem. Itaque duodecimo post emensum Aristotelicum labyrinthum die, ex Viennensi Collegio, ea, quæ dixi, conditione dimissus, iter Brunam & Olomucium intendi,

omnem meam & Theologicam, & Philosophicam, non parui momenti suppellectilem, diligentissime illis ad reditum meum custodiendam relinquens: imò totum etiam, si haberem, mundum donare me illis malle cogitans, quàm diutius apud eosdem manere.


Neq; verò Reuerendi nostri Jesuita, idem mihi, quod alius solent, obiicere possunt: me non sincero, ac religioso, sed ficto, & explorandi animo ipsorum fuisse religionem ingressum: atque hanc ob causam in eadem permanere non potuisse. Nam in primis ipsi fatentur, me panè puerum nullo simulandi artificio eruditum ad suam religionem peruenisse: idq; in prima statim probationis Romana domo ita crebris corporis voluntariis suppliciis testatum esse, ut ter unico illo anno in febriculam inciderem. Deinde in Romano ipsorum Collegio, ubi optimus quisq; & ingeniosissimus iuuenis, cum ad ardentes, totumq; caput, & pectus fatigantes meditationes studiorum quoq; labor accedit, venam sibi pectoris frangens, unaq; cum sanguine axillam effundens, ad imminutam mortem truditur, me eodem etiam fati nouo, & prorsus Iesuitico genere libentissime decessurum fuisse, nisi Medicorum consilio inuitissimè, ad Neapolitanum Collegium, tanquam ad laxiorem disciplinam, clementioremq;, utpote Campanam, cœli temperiem misissent. Postremò ex Italia in Germaniam reuersum ad propagandum regnum Iesuiticum multis ultrò voluminibus patriam mihi carissimam Saxoniam, atq; in ea Magdeburgenses potissimum, & Gerdlebenses, & in his eximium præfer-



tim Doctorem Siegfridum Saccū, Superintenden-  
tem Magdeburgensem, & doctissimum virum M.  
Arnoldum Bierstedium, Senatorem Gardeleben-  
sem acerrime oppugnasse. Hac inquam, ut alia o-  
mittam, & tu partim non ignoras, & Iesuita, ut dixi,  
negare non audebunt, & ipsa à ficto potuisse in reli-  
gione animo proficisci, neminem arbutor, nisi omnis  
pietatis, & religionis expertem esse dicturum.

Quod deniq<sup>3</sup> ad ipsum hunc libellum, seu Collo-  
quium hoc attinet, in eo breuitatis causa imitatus  
Platonem, & M. Tullium in suis de Philosophia  
libris, te, cū aliqua tui laude (quam aequo, quaso,  
animo feras: cum nec me blandiri, nec te laudibus  
capi posse optimè noueris) induco Doctorem, de So-  
cietate IESV, deq<sup>3</sup> ipsius idolis differentem: me  
autem discipulum vel addubitantem, vel queren-  
tem aliquid, tandemq<sup>3</sup> sententiam meam tua  
adiungentē. Vale. Lipsiæ, 24. Aprilis,  
Anni 1579.





Um singularis viri, & propè  
 diuini, Pauli Florenii tempus a-  
 desset, quo ex perversa Iesuita-  
 rum sodalitate ad communem  
 hominum societatem remigra-  
 ret: nosq; illo ipso tempore soli essemus, tum  
 ille, Videtur mihi, inquit, Christiane, rem om-  
 nem sincerius & subtilius contemplanti, no-  
 stra hæc, in qua versamur, religio Iesuitica to-  
 ta ex superstitione, hypocrisi & ficta quadam  
 pictaq; sanctitate conflata, vltimaq; hac mun-  
 di senectute à diabolo excitata: quæ omnes er-  
 rores, nugas & superstitiones, quæ, vno vt ver-  
 bo dicam, minus honesto quidem, & quo sanè  
 inuitus vtor, sed huic rei aptissimo, planeq; ne-  
 cessario, quæ inquam omnia turpissima Papæ  
 stercora tum grauitèr per se olentia, tum verò  
 hoc tempore, quo à curiosis plerisq; & eruditis  
 viris crebrò commouentur, multò magis fœtē-  
 tia, sanctitatis iam quadam simulatione cōdita,  
 temperatave, meandrisq;, nescio quibus, inuo-  
 luta, orbi Christiano iterum venderet pro aro-  
 matis, atq; aded per vim fermè quadam ob-  
 truderet: vt nihil tam turpe, fœcundum &  
 falsum in Romana Ecclesia cernatur, quod hæc  
 nouo non artificio, vel mentis aciem præstrin-  
 gendo, vel omnem turpitudinem & falsitatem  
 callidè tegendo, pulchrum apparere faceret,  
 atq; verum. Quare considerandum nobis etiā  
 atq; etiam censeo: in quam religionem ver-  
 semur,

semur, ne hanc esse falsam ignorantes, & ipsi à Deo ignoremur: deinde verò quod præclarus ille vates Ieremias iubet faciendum. *Fugite, Ierem. 50.* inquit, *de medio Babylonis, ut saluet unusquisque animam suam.*

Itane verò, inquam, Paule, omnium tu sanctissimam & doctissimam religionem fictam esse putas & falsam? Atqui ego vel hanc esse veram existimo, proindeque in eadem nobis tanquam legitima in vocatione nostra iuxta Apo-  
stoli doctrinam permanendum, nec latum ab ea vnguem discedendum: vel omnes, quæ ubique sunt, falsas esse religiones: quapropter velis, ut aiunt, remisque fugiendas. 1 Cor. 7.

Tum ille, Idem mihi, inquit, Christiane, necdum hanc religionem ingressus videbarur: eademque de causa, è blandientis mundi huius, ex amplexuque me suo dimittere nolentis, erupi tandem brachiis: quasi que currens ad societatem Iesu, tanquam ad omnium sanctissimam, Deo gratissimam, animæ meæ utilissimam religionem, veni: sed veram nunc in ea & sinceram sanctitatem quærens, non nisi (hei mihi) fucatam & simulatam inuenio. Hoc autem non odio me vel malevolentia inductum confingere, sed ab ipsa conuictum veritate, & coactum esse dicere videbis, euidentissimeque palpabis, si ad ipsa statim mecum Societatis fundamenta penetrans, relictâque omni voluntaria, vel, ut nostri vocant, sancta simplicitate, animi-ve cæcitate, purum rationis lumen tecum affe-

ras: si quæ claro & sincero, non autem præstigiis Iesuiticis cæcato animo ea intuens, omnem fucum & fallaciam cernere queas. Quod si, ut spero, facis, non dubito, quin iā nunc ex iis, quæ in quavis nostra probationis domo, ad erudiendos & iuxta normā Societatis instituendos novitios iaciuntur, spiritualibus fundamentis intelligas: neminem prorsus huic esse religioni aptum, nisi qui vel naturalē quandam, vel servili educatione acquisitam, vel stupore quodam animi arreptā propensionē habeat ad hypocrisin & superstitionē: nempè qui manifestā quādam oris pietate, vultusq; totius benignitate devotionem, quam vocant, sciat suam proderè in propatulo, quā tamen Christus abscondere iussit in cubiculo: quive publicè orans, non aliter ac Phariseus ieiunans, faciem nouerit suam exterminare: quæ cum verissima sit hypocrisis, à nostris tamen *adificatio* appellatur & *denotio*. Equidē hoc esse Societatis nostræ fundamentū, indies magis magisq; perspicio, atq; valdè etiā deploro: neq; prius animus conquiescet meus, quàm ex his sordibus emerfero. Tu verò si diuturnā cōsuetudine quasi altera natura impeditus, illud fortassis necdum vides, efficiam perfectò, ut vel solo id tactu, sensuum omnium stupidissimo illo quidem, sed sincerissimo, & qui minimè deprauari possit, cognoscas.

Fateor sanè, inquam, Paule, me ista nondum videre: quare si tenebris me Iesuiticis circumfusum arbitraris, fac, si potes, tactu saltē, cuiusmodi ea sint, ut cognoscā,

Atq;



Atq; ille, Accede igitur, inquit, iam propius, memoriaque quasi manu tange omnem, quam partim in teiplo, partim in aliis Iesuitis es hactenus expertus, sanctitatem: eamq; diligenter cum singulorum simul naturis, Italicis, Hispanicis, Gallicis, Germanicis: ingeniosis vel stolidis: ingenuis vel seruilibus diligenter ponderas explorato, sic tandem, scio, statues: in Hispanis & Italis multò te semper plura & maiora Iesuiticæ sanctitatis insignia notasse atq; obseruasse, quàm in Germanis, Gallis & aliis nationibus: in stolidis autem & seruilibus hominibus multò adhuc plura & maiora quàm in ingenuis & ingeniosis.

Causam autem huius rei in Hispanis quidē, nullam aliam reperies nisi seruile in Christiana religione educationem. Tanta enim in Hispania, vt scis, de fide Romana in singulos fit inquisitio: tamque arcta, ne inde auolet, septa tenetur custodia, vt nisi ipsi filii ad parētes suos <sup>aut</sup> ~~aut~~ damnatos exurendos, allato propria ex domo lignorū fasciculo, carnificē adiuuent, ipsiq; propemodum parentum carnifices existant, heretici ferè ab omnibus iudicentur, eodemq; digni supplicio censeantur. Ex quo certè cognoscis, necesse esse Hispanos superstitiosos euadere, actus religionis externos multiplicare, & vel mortuos fidem Romanam spirare: ne si minus multa religionis suę signa dederint, suspecti de fide reddantur, & in tertiam vsq; & quartam generationem crudelissimè puniantur. In hac



igitur infinita animi seruitute nata, educata, instituta natio Hispanica, per se feruens, & cholerica, quì potest non fieri sua in religione feruentissima, vel, si mauis, sanctissima? imò quì non ipse diabolus si Hispanicæ inquisitionis esset capax, semper se in angelum lucis transfigurare, aliquemque acquirere Romanæ sanctitatis habitum cogeretur? Hoc ex fonte profluxit *Ignatius de Loyola*, qui miles Gallorum virtute in arce Pompeiopolitana victus: ipse verò superstitione omnes vincens, factus est pater Iesuitarum, quibus vicissim Gallos, nec non totum orbem expugnaret terrarum. In Italis verò frequentes illos religionis externos actus oriri deprehendes, ex naturali quadam ad hypocrisin & superstitionem inclinatione: quippe qui, vt ex omnibus ferè suis ipsorum monumentis constat, semper fuerint sintque ad Deorum multitudinem colendam & ad omnem idololatriam propensissimi: facile vt appareat, ex hoc eos fornicationis poculo permulta in religionem Christianam transfudisse: eamque, fermè totam veneno mortifero infecisse. Quo veneno adhuc maxima pars orbis Christiani, suauitate, dulcedine, antiquitate & pulchritudine ipsius illecta deceptaque; inebriatur: dum quotidie de sua sollicita salute ad multitudinem Romanorum confugit Deorum, nimirum & ad innumeros Sanctos, à Pontificibus Romanis Deorum loco Ethnicorum inductos, ad inuocandumque; propositos, atque hos etiam eosdem, si non re-

psa,

2. Cor. 11.

Apoc. 17.

ipsa, at nominibus multiplicatos: & ad plurimas Deas seu sanctas; in quibus proculdubio loco *Cereris*, quam Romanæ mulieres facibus accensis religiosissimè colebant, *Virgo Maria* tum est constituta, cum *festum luminarium* seu *Purificationis Mariae* est institutum: cumque ad augendam idololatriam, hæc ipsa solennitas in mensem potissimum Februarium est coniecta: quo tempore prisca Romani *Februa* celebrabant sua, totamque urbem *februare*, id est lustrare seu purgare solebant. Siquidem omnis tunc populus, ut Romani scriptores testantur, pro impetranda defunctorum animabus quiete, piaculis, sacrificiisque circa sepulchra, facibus accensis cereisque intentus erat. Ad hanc idololatriam sacram deinde Scripturam per se venire nolentem quasi per crines attraxerunt: & fortassis aliquem etiam eiusmodi librū inuentum, ex quo hæc quoquo modo deduci probarique possit, canonicum fecerunt, ut ex ea omnino articulus fieret fidei: in quo defendendo, ut in multis aliis, omnes Romanæ Ecclesiæ doctores vel somniatores potius mirandum in modum, sed frustra desudant: tandemque excogitandis, inquirendisque quotidie nouis rationibus, cum nihil se proficere videant, ad traditionem Ecclesiasticam, tanquam extremam ad anchoram, vnicumque portum salutis confugiunt. Cum tamen illa ipsa traditio maxima ex parte, præcipuo Idolo Romano, magnitudine suâ ad cælum usque pertingente, imò ad ve-

*Varro lib. 1. de  
vita pop. Rom.  
Macrob lib 2.  
Saturnal c. 13.  
Ouid 2. & 4.  
Fast.*

nerandam & tremendam Trinitatem, triplici,  
quam gestat, coronâ, tripliciq̃ue, quâ omnes ad  
ipsum accedentes faciunt, genuflexione, sese e-  
rigēte, fulciatur. Nec verò vlla ego alia de causâ  
sa Germanos & Bohemos suapte natura ad o-  
mnem pietatē propendentes, tam facilè à Ro-  
mana desciuisse arbitror Ecclesia, quàm quòd  
ipsi ob insitam sibi grauitatē morumq̃ue hone-  
statem, ab omni idolorū & ceremoniarū multi-  
tudine, ab omniq̃ gesticationū & superstitionū  
leuitate, Italorum propria, semper abhorru-  
erint, adhucq̃; abhorreant. quanquam hac ta-  
men idololatria & leuitate non per paucos an-  
nos sese contaminarunt, inducti Idoli Romani  
authoritate, nunquamq̃; fallente, quâ semper  
se possidere prædicaret, veritate. Quòd si non-  
nulli specioso Hieronymi, Ambrosii, Augusti-  
ni, Bernhardi, Thomæ Aquinatis, & aliorū no-  
mine sanctorum per nostros Iesuitas commoti  
ad pristinā abominationem reueſtātur: hi certè  
vel indocti, vel inexperti sunt iuuenes, vel mi-  
nus prudentes & intelligentes viri: qui confuso  
quodā sanctitatis, & doctrinæ rumore ipsi quoq̃;  
confusi, cernere non valent, quòd, quoniā isti,  
quos dixi, Patres, Romanum Pontificem Deum  
terrenū fecerunt, summam inter omnes homi-  
nes potestatē & perpetuam doctrinæ veritatem  
illi alligando, vicissim eis Romanus hic Deus  
sanctitatis quoddā donaturū & alligatū volue-  
rit nomen: vt tanta illa, tamq̃; suæ dignitati, ne  
dicam vanitati, seruiens doctrina, non humana,  
sed



sed diuina voce fusa videretur, eaq; ipse semper  
fretus quousuis nobis fidei possit articulos con-  
dere. Seruiles deniq; & stolidos homines, (hi  
enim in nostra illa diuisione nobis restât,) quis  
nō videt eā ipsā ob causā, & facillimè arripere  
& pertinacissimè retinere stolidā hāc & seruile  
sibi; naturaliter conuenientē religionē? Sed  
hoc tu optimè intelligis, qui non ita multis, si  
meministi, abhinc dieb. dolorē mihi tuū, ex ru-  
sticis Collegii huius & stolidis morib. acceptū,  
communicasti, cū nō sine tui aliqua commi-  
seratione ex te audirē; te postea, quā ex Italia  
in Germaniā esles reuersus, acerbissimis exagi-  
tatū animi doloribus, citissimā tibi sēpē mortē  
exoptasse, ne quid contra tuam facere vocatio-  
nem cogerē, quam vehementer infringeret &  
labefactaret ea cogitatio & experientia: quod  
in istis partibus Societatem Iesū non ingrede-  
retur, vel certē non remaneret, nisi fāx homi-  
num, quæ vix rationis sit capax, nedū verā pie-  
tatis & religionis: cui tamen, quod multitudine  
vincat, te in omnibus conformare debeas, si  
externa velis pace, simulq; interna trāquillitate  
animi frui. Benè igitur habet, cognita sunt nō-  
stræ religionis fundamenta: ad ipsum nūc cor-  
pus Societatis pergamus, quod cuiusmodi sit,  
nō est iam difficile ex suis quasi principiis caus-  
sisq; cognoscere. Nam cū Societas nostra, quæ  
IESV cognomentum impudentissimè sibi arro-  
gat, ex eiusmodi hypocritarum, & supersticioso-  
rum hominum colluue constet, Phariſaica erit  
potius dicenda religio: quæ tamen IESV, vt dixi,



*Matth. 7.* pulcherrimo vestita sit nomine, vt miseri mortales iam non solùm sub vestimētis ouium, sed etiam sub diuinitatis ornamento salutis suæ latitantes insidiatores haberent: vt etiam, si fieri possit, electi, nihil in tanto veritatis nomine iubeſſe suspicantes falsi, in errorem inducerentur.

*Matth. 24.*

Totum autem corpus Societatis, præter *Generalem*, qui ordinis huius est caput, & coryphæus, sex omnino hominum genera complectitur: quorum primi sunt, *quatuor votorum professi*: alteri, *trium votorum professi*: tertii, *Coadiutores spirituales*: quarti, *Coadiutores temporales*: quinti, *Scholastici*: sexti, *novitii*.

*Quatuor votorum professi* ita appellântur, quòd præter tria communia paupertatis, castitatis, & obedientiæ vota, peculiariter vouët & Pontifici Romano obedientiam, in disseminandis nimirum & propagandis totum per orbem terrarum, cùm ipse iusserit, Romanæ Ecclesiæ erroribus & superstitionibus, non petito viatico: & Patri Generali abnegationem honorum, ne scilicet fieri extra societatem Cardinales velint, & tamen hoc ipso nomine fiunt Cardinales in Societate: ex quibus Generalis, ipsorum Papa, eligatur: quibus tanquam cardinibus tota Societas vertatur: qui habeant existimationem doctrinæ & sanctitatis: sicque vana & stulta Societas, dum ambitionem se fugere putat, vel dissimulat, in ipsam ambitionem incurrit.

currit. Non secus ac vani illi, de quibus Cicero In i. Tusc.  
quæst. libro. meminit, Philosophi, qui iis ipsis libris, quos de contemnenda gloria scribebant, in illis nomina inscribentes sua, inanem gloriam aucupabantur.

*Trium verò votorum Professores* sunt in Societate Episcopi. nam hic gradus cum in aliis religionibus à simplici sacerdotio non separetur, sed iidem qui Sacerdotes, sunt quoque Professores; in nostra tamen religione ab eo sciungitur, quò nimirum altior, maiorque appareret, si multis annis primum post Sacerdotium, ad Professionem tanquam ad Episcopatum concederetur ascensus. Quibus sanè gradibus satis superque nobis demonstrant, se turpem ambitionis speciem in pulcherrimum, speciosissimumque inanis gloriæ simulachrum commutasse: quod pulchritudine suâ omnes mortales commoueret, plurimos etiam alliceret, & retineret apud sese. Cum si acrimæ acie, externam hanc formam, figuramque penetrantes, interiora eius viderent, proculdubio bestiam ibi illam secundam, quæ adorari faciat primam, latitantem inuenirent. Per *primam bestiam* Pontificem Romanum intelligo, qui ob sæcularem, quam sibi usurpat, potestatem verissimus est Antichristus: quemque Societas nostra per vniuersum iam ferè mundum adorari facit, semperque ut faciat, se quarto illo suo, & peculiari voto obstrinxit. Illud autem quod Seruator noster, & dilectus ipsius discipulus Iohānes, & propheta Daniel de breui di-

*Apo. 13.*

*Matt. 24.*

*Apo. 13.*

*Daniel 9.*

cunt Antichristi tempore, de vltima est persecutione intelligendum: quę tunc erit, cūm bellua illa Germaniā, Bohemiam, atq; alia imperia sibi nuper erepta, per secundum hanc bestiam, Societatem nostram, aliqua ex parte recuperauerit: multaq; alia regna per eandē sibi adiecta viderit. Tunc enim diuitiis aucta magnificabit cor suum, & contra Principem Principum consurget, & sine manu conteretur.

*Daniel. 8.*

*Coadiutores spirituales* (quo nomine omnes Sacerdotes, Theologiæ ac Philosophiæ Professores, & artium inferiorū Præceptores non professi cōprehenduntur) nuncupatis prius paupertatis, castitatis & obedientiæ votis, bestiam hanc adiuuant in peruertendis & traducendis ad primam belluam animabus: qua in re quō quisque aptior & diligentior extiterit, eō citius ad professionem admissus membrum huius monstri efficitur.

*Coadiutores verò temporales* corpus huius bestię curant, victum atq; amictum ei præparantes, omniaque negotia domestica tractantes.

*Scholastici* deniq; & *Novitii* in eum finē domaluntur, ne monstrū hoc tandē deficiat aliquādo: sed vt putrescētibus veteribus membris, in recentioribus semper & nouis conseruetur.

Porro autem ad perpetuò occultandā, conseruandam & augendam superstitionem & idololatriam bestia hæc catulis suis intellectum (si quem habet) ipsumq; sensum ligat: dū monet & mandat serio, vt ea, quæ Superior iubet, cæcā

*In epist. Pet. Ignatii de Loyola, qua singulis mensibus legittur ad mensam.*



cæcâ obedientiâ perficiant : quæque ipse facit, cæco iudicio pertranseant, non considerantes an bonum vel utile sit necne, quod præcipitur: quandoquidem omnis eiusmodi cogitatio meritum tollit, & valorē obedientiæ. Qua quidem in re Societas Canonistas imitatur, perniciosissimos summorum Pontificum adulatores, & mundi totius seductores. Hi enim orbi Christiano quondam persuaserunt, Rōmanum Pontificem tantæ esse dignitatis & auctoritatis, vt etiam si totum ille mundum destrueret, nemo tamen ex ipso diabolici huius facti vel posset vel quærere deberet rationem. Sic prorsus, imò multo peius suos Societas alumnos instituit, cum docet: quæq; Superior iubet, quæq; ipse facit, non solum iudicanda non esse (multo verò minus reprehendenda) sed etiam tanquā bona & sancta (vt Patris nostri Ignatii verbis vtar) præsupponenda. Quò nimirum omnis tandem stultitia, idololatria & superstitio Sanctitatis nomen obtineant, locoq; reliquiarum Societatis colatur. Ac mihi quidem videor satis te ad cognoscendam & palpandam religionem nostram circumduxisse: neque dubito, quin iam tandem intelligas, quā grauitè in hoc vitæ genere deligendo decepti simus; quamque facili nobis, si ab eodem recesserimus, sit ignoscendum.

Horrenda sunt, inquam, ista Paule, & quidem ipse sæpè eiusmodi visus sum in Italia monstra videre: sed intellectum, vt consti-

*Distinct. 40.  
cap. Si Papa*

*In eadem epist.  
fol. 2.*



tutiones nostræ iubent, excacans meum, illa à diabolo cōficta imaginabar, qui circuitet quærens, quemadmodum mea me vocatione priuaret, perq̃; huius amissionem in miseriam protruderet sempiternam. Itaque abominandis tu portentis potius, quàm fortissimis fretus argumentis, & primam vocationē nostram, & Ecclesiā Romanam conuellere conaris: quod tibi vni si concedam, non video, cur idem singulis sectis omniū aliorum religionē contemnentibus non concedendū foret: cū nihil non ex sacra Scriptura à quouis, vt sibi placet, intellecta probari posse videatur. Sed tamen, quia valdè probabilia, quæ de istis monstris commemorasti, sunt omnia: reliqua verò euidentissima etiā, ipsumq̃; sensum conuincētia, in hisce tibi homini omnium, meo iudicio, Iesuitarum doctissimo & ingeniosissimo non repugnabo: quin etiam excitare & excutere conabor, quam præstigiis tu Iesuiticis obscuratam dicebas, & deprauatam, intelligentiam meam, complicatamq̃; animi mei de Societate Iesu notionem euoluere, vt latius deinde explices, quamnam sit species, forma atque notio veri Iesuitæ, quem orbis Christianus tantopere admiratur ac inspicit. Vt autem tuo more ad ipsa me statim Societatis fundamenta conuertam, quàm varia mihi hæc variis temporibus visū sint, accipe.

Diuina prorsus, mihi crede, primis diebus esse iudicabam Societatis primordia: mihiq̃ue non amplius in terris, sed versari videbar in cœlis:

lis: quod idē omnibus nostris nouitiis, vel certē plurimis vsu venire puto. Nam tanta quotidianarum de rebus diuinis nostrarum vis est meditationum, vt homo veluti denuò natus, nō quidem vt antè à naturalibus parentibus, sed à Societate Iesu velut *Iuiesuanatus*, nō aliter ac Christus à Spiritu S. incarnatus, videatur. Testatur hoc tota hominis quasi deificata natura: quippe quæ ab eo tempore, quo huiusmodi sese dedit meditationibus, à corporis obsequio, indulgentiaque quàm longissimè recedit: carnis societatem flagris, aliisque voluntariis corporis suppliciis eiicit: voluptatem sicut labem aliquam dedecoris opprimit: imaginem Domini Dei nostri (vt decima octaua nostra iubet regula) in quouis suo spirituali fratre agnoscit: nec non despicit, contemnit, proque nihilo putat diuitias, honores, atque omnia, quæ vulgò ducuntur amplissima. Et hæc primo anno mea fuit de Societate Iesu, firma sanè, & constans persuasio.

Altero verò anno cū casu in litteras nostras Iaponicas incidissem, ibique inter cetera non sine admiratione legissem, quod apud Iaponios etiam, antipodas nostros, religiosi quidā (quos *Iamambuxas*, hoc est, milites conuallium vocant) reperiantur, qui ad famam sanctimonie colligendam grauiter sese puniant, permultū vigilent, diutissimè ieiunent, ac meditationibus quibusdam arbitrato suo cōpositis vacent: quo dū his rebus ad eò proficiant, vt non rarò

*In commentario  
de reb. Indicis &  
Iaponicis anno  
1574. Colonia e-  
dito.*

*fol. 241. & 424.*

tanquam spiritu afflati diuino fundere oracula  
 credantur, perfectique & sancti viri ab omni-  
 bus habeantur, tum præsertim, cum propter I-  
 dolum suum mortem sibi ultro consciscere nõ  
 dubitant. Hæc, inquã, & multa huiusmodi alia  
 cum ex litteris illis à nostri ordinis hominibus,  
 & scriptis, & nunc etiã in lucem editis cogno-  
 uissem, obstupui scilicet, tamq; cohorrui, quã  
 si ex astris in terrã relapsus fuissẽ. Occurrebat. n.  
 menti meæ subitò, nihil nostræ inueniri posse  
 religioni similis: quare vehementer timendũ  
 esse, ne omnis hæc nostra spiritalis viuẽdi ratio  
 nõ diuina sit, sed humana tãtũ & Philosophi-  
 ca: quòd eã vel Idololatræ & Ethnici homines  
 Euangelii luce carentes assequantur: & quidẽ  
 tales Ethnici, qui natura, moribus, ingenio, no-  
 stris Europæis ingeniosiorib. (Italis puta & Hi-  
 spanis) persimiles dicuntur, quiuis iam vt intel-  
 ligat, à similibus naturis, & ingeniis simillimas  
 inuentas & constitutas esse religiones. Quid?  
 quòd apud eosdẽ Iaponios non nostra tantũ  
 religio, sed tota fermẽ Ecclesia Romana Ethni-  
 co spiritu fundata constitutaq; cernatur? Nam  
 in ipsẽ litteris commemoratur, principem o-  
 mnium in Iaponiorũ imperio locum tenere su-  
 premũ religionis antistitẽ: qui pænẽ pro numi-  
 ne colitur, & vulgò sacrosanctus putatur sic, vt  
 prohibeatur humi vestigia ponere, latissimeq;  
 imperat, & cum profanis regibus sæpẽ certat.  
 Tundos etiam, (qui sunt velut Episcopi) tametsi  
 eorũ nominatio, quæ dicitur, quibusdã in locis  
 penes Regulos sit, confirmat tamẽ & creat ipse:

fol. 445.

fol. 281.

fol. 422.



qui deinde magnò apud summos infimosq; in honore sunt, sacerdotia conferunt, ieiunia indicunt, carnis gustatus, cum religiosis diebus ad idolorum delubra vulgò peregrinantur, concedunt. Nascetes præterea *Bontiorum* (qui Iaponii sunt monachi) sectæ nullam auctoritatē vel existimationē obtinēt, nisi eas idem suo diplomate & testimonio cōprobauerit. Hi porrò Bōtiii amplissima incolere dicuntur nostrorum ritu monachorum cœnobìa, cœlibem vitam ducere, in phano medio aram excitare, in qua Amidæ signum ligneum, in rosa item lignea confidet, præclara ad aspectum: ingentes habere bibliothecas, cœnationes ad cibum vnà sumendum, æramenta seu tintinnabula, quibus ad precatìones horarias excitantur: vespere Præfectū certum unicuiq; argumentum ad meditandū proponere: à media nocte ante aram templi alternantib. choris quasi matutinas recitare preces, è *Xacæ* libro nouissimo: prima luce vnā horā singulos meditando cōsumere: permagna cōstruere peristylia, & in iis *Fotoquiorū* (quò nomine Iaponii quidam sancti appellantur) sacella: mēto, capiteq; esse raso: dies per annū festos celebrare multos. Nihilominus tamē eosdē Bontios vita moribusq; esse turpissimos, & omnium mortaliū auarissimos, omnesq; nosse cōficiendæ pecuniæ vias: vèdere populo multa chirographa, quorum præsidio se tutos fore à dæmonibus vulgus existimat: mutuari èt nummos, quos in altera vita duplicato reddant fœnore: dareque

fol. 43r.

Ibidem.

cautionis causa creditori syngraphas, quas secum è vita discedens deferat ad inferos: claro denique eos ut plurimum esse genere, eò quòd Iaponii proceres multiplici prole onerati, quibus filiis satis amplum patrimonium relinquere se posse diffidunt, hos ferè ad Bontiorum numerum aggreget. Christianos hosce diceres monachos, vel, si mores spectes, Canonicos, & Romanæ Ecclesiæ prælatos, si lux Euangelii vel tenuiter eis ante nostrorum hominum ad ipsos adventum affulisset: vel vllus omnino ad illos Christianus, ex quo hæc audita imitarentur, penetrasset. Sed neq; animarum cultus Iaponiis deest, in quo tamen paulò magis, quàm nos, sunt superstitiosi. Nā Augusto mense integrum ipsi biduum tribuete dicuntur colendis manibus, mortuorum. Sub imminentem noctem in ædiu foribus lampadas multas accedere, vario genere picturæ & ornatu: inde urbem nocte tota partim religionis, partim spectandi causa perambulare: magnam etiam populi vim, cum aduersperascit, ex urbe, aduentatibus suorum (ut ipsi videlicet opinantur) manibus obuiam prodire. Vbi quædam ad locum peruentum est, quo loco eos sibi occurrere arbitrantur, humanis primum verbis excipere: Felix, dicentes, faustusq; sit vester aduentus, iamdiu aspectus vestri fructu caruimus: confidete parumper, ciboq; vos ex itineris defatigatione reficite. Tum oryzam, arborum fructus, aliaq; cibaria apponere: ibiq; per horam moratos, quasi finem epularum expectent, eos  
 preci-

precibus in domos suas inuitare, dicereque, se iam præcedere ut domum instruant, parentque conuiuium. Ut biduum illud effluxit, funalibus accensis plebem oppido egredi, lumina discedentibus præferentem, (ne scilicet in tenebris offendant, aut quopiam incurrant) inde in urbem reuersos, ædium tecta lapidationibus diligenter excutere, ne qui fortè ex manibus (à quibus nimirum aliquod sibi incommodum metuunt) occultè remanserint. Interrogatos à nostris Iaponios, cur illis epulum præbeant; respondisse, eos ad paradisum tendentes suum, qui abest leucarum decies millies millena milia, quod iter non minus quam triennio conficitur, recolligendarum virium causa huc diuertere. In his autem omnib. regnare Bontios, *Ibidem.* Iaponiorum sacrificulos, neminemque esse re familiari, quamuis exigua, quin ad expiandos ritè suorum manes, Bontiiis munus aliquod afferat. Mitto iam breuitatis gratia aquam lustralem: vascula vaporaria suffimenti causa prunis imposita: multas & magnas indulgentias, quas *fol. 429.* Bontii populo in concionibus perseveranti, & cœnobiaz ipsorum ditanti proponunt: globulos *fol. 444.* precatorios, quos permulti Iaponii non solum priuatos inter parietes, sed in publico, totaque urbe ferè semper manu percurrunt, ab Amida, Xacaque diuitias, honores, prosperam valetudinem, sempiterna gaudia suppliciter postulant. Quæ quidem usque adeò vera sunt, ut & à nostri ordinis hominibus visa, perscriptaque sint: & pænè ipsa etiam nostri Patris *Petri Mas-*



*fei*, qui litteras illas ex Italico idiomate in Latinū conuertit, verba vsurparim. Atq; hæc altera mea fuit de Societate Iesū totaq; Romana Ecclesia opinio, vel potius, vt Confessarius dicebat meus, tentatio: quam vix multis diebus ex animo tandem meo exclusi, omnem eiusmodi vim rationum dies noctesq; in mentem meā irrumpentiū, precibus iaculatoriis, vt vocant, ieiuniis & aliis corporis afflictionibus constanter repellendo.

Hac autem vixdum deuicta rētatione, ecce tibi repētē alia, quæ vitā mihi vix reliquā faceret. Nam paulò post accidit, vt in prædio nobis pro spiritali cibo prælegeretur 18. cap. 3. lib. Regū: vbi de sacerdotibus Baal narratur, q̄ ad suum ipsi placandū Deum cultris se & lāceolis incidētes sanguinē emisérunt. Quo audito (nōdum videlicet Theologus erā, neq; tota adhuc sacra biblia perlegerā) equidem toto corpore exhorruī, omnēq; comedendi sensum & appetitum amisi: nostrorum nimirū recordans flagellorū, quibus tanquam cultris & lanceolis in nostra ipsi terga sæuiētes, non parum aliquādo sanguinis elicimus, atq; haud scio, an vt Iaponiū illi Iesuitæ (quos *Iamambuxas* vocari dixi) mortem tandem vltro nobis inferimus, sanitatem quidem certē eripimus.

Verū istī & istiusmodi sexcēti alii spirituales scrupuli à me in Societate excepti, vereor ne leuiiores sint, quā vt tibi homini grauiissimo enumerentur, & ad cognoscendū proponātur. Quocirca reliquis omnib⁹ omissis duo tantū

sancta & catholica, id est, Italica mōstra & Idola, quorū patrociniū Societas nostra peculiari-  
ter iūscēpit, & de quib⁹ per decē iam annos la-  
boro, ea vt mihi catholica effecta, sancta quoq;  
facere possim, describere conabor: ex quo tuā  
de Societate Iesu & Romana Ecclesia sentēti-  
am in omnem æternitatem confirmari & cor-  
roborari senties.

Alterū igitur horum Idolorū vidi Romæ in  
phano D. Petri, q̃ Idolum vulgò appellāt *Vica-  
riū Christi*: ego verò illud vel ipsum Christū, vel  
quid maius etiā Christo propterea existimabā,  
quòd omnis populus, qui religionis causā eò  
cōfluxerat, simul ac illud in sublimi folio posi-  
tū manibus rubrorum hominū, Seraphinorum  
instar angelorum, ne fortē ad lapidē pedem suū *Tsal. 90*  
offenderet, afferri vidit, statim in genua procū-  
beret, pectus suū tunderet, multaq; id gen⁹ a-  
lia, q̃ soli Deo conueniūt, faceret. Proh Chri-  
ste sancte, anim⁹ tūc exclamabat meus, quousq;  
quæso tibi ferendū videbitur, vt quantū ipse te  
verus Deus humiliaueris in teris, tantum Vica-  
ri⁹ tuus, homo dūtaxat, super omnes sese efferat  
& extollat cœlos? Vt, cū nullū tu hīc regnum  
habueris, imò regnum tuum non esse de hoc *Iam. 11.*  
mundo dixeris, nullaq; regia vsus maiestate  
fueris: Vicarius tamen tuus omniū iura possi-  
deat regnorum, omnesq; reges, teq; etiam Re-  
gem regum humana diuinaq; vincat pompa  
& maiestate? Vt cū discipulus tuus Petrus, *Mat. 16.*  
qui primus Papa fuisse dicitur, Cornelium  
Centurionem sibi ad pedes ne iacere quidem,

sedum cosculari sit passus, sed statim illum  
erexerit: Surge, inquit, & ego ipse homo  
sum: Successor tamen eius, se hominem ob-  
litus, sicut Deus istic aliquis sedeat, cuius ipsi  
homines deosculentur pedes? Sed tamen re-  
uocaui me statim, & reduxi ad nonnullam ani-  
mæ æquitatem hoc quasi mecum habito collo-  
quio: Est certè, inquam, omninò Pontifici Ro-  
mano eiusmodi pompa & maiestas necessaria,  
ad alliciendos in officioq; retinendos superbos  
imperatores, reges & principes huius mundi:  
ad perstringēdos oculos vulgi, vt quod humilia-  
tas efficere apud huiusmodi homines non pos-  
set id saltem præstaret vanitas: vt cū proprio  
sanctitatis & virtutis splendore, sicut Christus,  
Apostoli, & alii sancti viri, dignitatem tueri suā  
nō possit, eam fulgore saltem alieno defendat:  
ne cū prisca Romani toti quondam mundo  
dominarentur, si Pontificis Romani potestas  
nō ad cœlos etiam & tartara, vel purgatoriū in  
hunc vsū confictū extenderetur, Papa minor  
illis, aut saltem æqualis videretur: vt quemad-  
modū summ⁹ Romanorū Deus, Iuppiter Opt.  
Max. quosdam fulmine fingitur ad inferos de-  
turbasse: sic Romanus Pontifex suum terrificū  
haberet excommunicationis fulmen, quò o-  
mnes Christianorū animas attonitas redderet,  
easq; contra ipsius potentiam vel hiscere audē-  
tes, vltra inferos etiam, si fieri posset, deiiceret:  
vt deniq; sicut iidem illi rerū Domini amplif-  
simum suum, purpuraq; fulgentem magistratū  
habe-



habebant, ex quo alii principes erant ciuitatis, alii instar regum exteris imperabāt nationibus: sic Papa Romanus non solum Episcopos tanquam principes haberet, sed Cardinales etiam purpureosve Patres, qui summis regibus æquarentur: ex quibus solis instinctu Spiritus S. Vicarius Christi eligeretur. Quasi verò vt Cathedra Petri vrbi Romæ, sic Spiritus S. alligari non possit Cardinalibus, fœtidissimis certè ac turpissimis libidinum & ambitionum cloacis. Ipse enim sua sponte tantum in quietis, seu modestis *Isai. 46.* & humilitate præditis hominibus quiescere se velle dixit: inuitus autem & alligatus, vbicunq; Romana velit Ecclesia, permanere cogitur. quanquam hîc semper mens mea reclamabat, quòd non tam arctè Spiritum S. sibi & suæ alligarent Ecclesiæ, quin vigesies & septies eius præsentia destituti, viginti septem illa, quæ in tabulis Pontificū visuntur, excitarent Schismata: quæ certè perpetuum dicerent contra Spiritū S. testimoniū, omnemq; eius vim & potestatem redarguerēt. Quid enim? erroris & dissensionis author numē potest esse diuinū? Hoc loco cum vrgentur, non discessisse tunc dicunt à Romana Ecclesia Spiritū S. sed errore atq; ambitione hominum monstruosum Ecclesiæ caput, modò biceps, modò triceps extitisse: ex his autem omnibus semper vnum tantum verum & legitimū fuisse. O monstruosum Spiritū vestrum sanctum, monstruosamq; Ecclesiam, quæ errore ac ambitione vestra toties, totq; sibi capita

afficta sustinere, per tot annos circumferte, tot mortalibus ad errorem, abominationem & desperationem obtrudere cogatur. Næ ego istud monstrum, quod toties iam duo, aliquando etiam tria simul capita habuit, facile septem simul mostrosa vestra libidine, ambitioneq; capita acquirere posse video. Sed de primo isto monstro seu Idolo satis.

Alterum autem Idolum vidi Laureti, quod Itali vocant, *la Madonna di Loreto*. Est autem imago picta, ut dicitur, à S. Luca Evangelista, atq; eam ob causam mirabilium operum effectrix prædicatur. Non quæo verbis assequi, quanta sit Idoli huius religio, quanta ipsius miraculorum per totam Italiam fama. Hoc vnum Italis est cunctis, siue repentino aliquo mortis periculo percussis, siue ægritudine aliqua laborantibus, in ore. Huic omnes in tali statu vota faciunt, munera promittunt, peregrinationemq; ad ipsius templum pollicentur. Quod si accidat imminenti aliquos periculo, morbove liberari, illicò miraculum exclamant, promissa soluenda statuunt, Lauretanamque profectionem suscipiunt. Itaque concurrunt ex omnibus Italiæ partibus Lauretum quotidie, dona innumera afferuntur, tabellæ pictæ totam miraculorum seriem exprimentes in templo suspenduntur. Commouebat me sane primo aspectu tabellarum infinita multitudo, aliquidque ibi regnare diuini suspicabar.

Verum

Verùm vt propius accedens eas inspexi, faciliè cognoui stupentis illa populi atque sensu (quæ ferè solum habent) Deos sibi sensibiles quærentis esse deliramenta. Nam hîc quempiam pictum cernebam pendentem in equuleo, votisq; Virgini Lauretanæ factis omnia illa tormenta ferentem fortiter : illic alium ex feroci corruentē equo, mortis tamen fatum euadere : hîc quosdam ægotantes eiusdem inuocatione in pristinam sanitatem restitui : illic alios, eosq; nauigantes simili voto maritimâ procellam tempestatemq; effugere. Quas tamen ineptias ipse quondam Romanarum superstitionum diligens obseruator Cicero explosisse videtur, de natura tractans Deorum, deq; Diagora Philosopho, Romanorum Deos ridente ita scribens:

In 3. de nat.  
Deorū libro non  
longè à fine.

*Cum Diagoras Samothraciam venisset atq; ei quidam amicus: Tu qui Deos putas humana negligere, nonne animaduertis ex tot tabellis pictis, quàm multi votis vim tempestatis effugerint, in portumq; salui peruenierint? Ita fit, inquit. Illi enim nusquam picti sunt, qui naufragium fecerunt, in mariq; perierunt. Acutū sanè ac Philosopho homine dignū responsū, quo satis apertè significauit, tales non Iouis, non Iunonis, non Neptuni, non aliorum, quibus vota fecerant, Deorum ope seruatos fuisse: cū plures alii, iiq; multò fortassis his, qui mortem euaserant, meliores, similibus factis votis, fluctibus tamen hausti periissent: sed cū omnes ferè in periculo cōstituti ad aliquē eiusmodi confugere solerēt*




Deorum; accideretq; sapissimè, vt causæ naturales vehementius incitatæ, mortemq; minitantes, in medio deinde cursu vel impeditæ, vel per sese attenuatæ repentè salutis spem afferât, sine vlla ratione effectum hunc fictis commentitiisq; Diis adscribi. Hoc idem nostris accidit Italii in colendo Idolo Lauretano, tabellisq; pictis ei offerendis. quia cùm tota fermè Italia huic vota faciat, & necesse sit quodammodo in tanta hominum multitudine aliquos saltem, siue singulari ope diuina, siue viribus etiam naturæ, voti sui compotes fieri, & aliqua interdum naturæ miracula existere, stolidè hæc & stultè Virgini Lauretanæ attribuuntur: nisi negare fortè velint, quòd eodem modo, eademq; de causâ olim apud Ennenses etiam in Sicilia (vt idem Tullius testatur) simulachrum Cereis multis sæpè prodigiis (vt verbis eius vtar) vim suam numenq; declarârît: & multis sæpè in difficillimis rebus præsens eius auxilium tulerit. Sed hæc, vt dixi, ferè vulgus tantùm, vulgiq; similes sectantur. Nam docti eorum Philosophi, Medici, nec non Theologi, dignitate aliqua Ecclesiastica non deliniti, non modo hæc Lauretana miracula, sed ipsam etiam fidem Romanam (quod facilè cùm Neapoli essem, vbi nonnihil illis ab inquisitione papali respirare licet, intellexerim) tanquam fictam & falsam animo contemnunt: quin etiam apertè athei illi nomen Christiani ridebant meum, quòd Italico Idiomate per hominem Christianum, stupi-

*In 6. orat in  
Verrem.*

stupidum & stolidum significare ac intelligere soleant: idq; propterea credo, quòd nemo illis, nisi stupidus & stolidus, ad Chimæras papales credendas aptus & idoneus videatur.

Hæc mihi ferè in mentem veniebant, quæ tuo excitatus, & nescio quomodo illuminatus sermone, dicenda putarem de Societate Iesu, deq; suis, quæ ipsa præcipuè colit & veneratur, idolis. Tum Pàulus fortibus me oculis intuens, Non quæram, inquit, posthac ampliùs tantæ cæcitatæ Iesuiticæ causas; excusationes non recipiam: si in te potuit tantum veritatis lumen institutione Iesuiticâ deprauari, ac prope modum, nisi ipse, credo, huc diuinitus venissem, extingui; quid ego in obscuris & tenebricosis aliorum animis non fieri existimem? Quæ cum dixisset, finitæ signum nostræ recreationis dabatur, & vterq; nostrum compresso, vt fit, sermone, in suum se cubiculum recepit.








# CHARACTERES IESVITARVM.

id est,

*NOTÆ, ex Prophetarum, Apostolorum,  
& Apostolicorum virorum scriptis per  
Centurias collecta, quibus NOVÆ illius  
SOCIETATIS, sibi nomen IESV falso  
tribuentis, facies & artes ad vinum de-  
picta representantur.*



## AD CHRISTIANVM

LECTOREM

Præfatio.



**D**OMINVS NOSTER  
 IESVS CHRISTVS, nihileſſe  
 populo Chriſtiano magis noxium;  
 maioreqꝫ ſtudio ac zelo fugiendū,  
 quā ſuſos Prophetas, quos Apo-  
 ſtolus hereticos appellare ſolet; gra-  
 uiſſimis verbis docuit & admonuit. De tyrannis, lu-  
 daeis, aliisqꝫ Eccleſie & ſalutaris doctrina hoſtibus,  
 etiamſi Scriptura ita loquatur, ut eorum inſidias nos  
 declinare velit: tamen nihil expreſſius iubet, quā  
 ut nobis ipſis à Pſendoprophetis & Apoſtatis atten-  
 damus. Cāuete vobis, inquit Chriſtus, à falſis  
 Prophetis, qui ad vos accedunt in veſtimentis  
 ouium, intrinſecus autem ſunt lupi rapaces.  
 Primum autem illud nos obſeruare iubet, Pſendo-  
 prophetas videlicet venturos. Deinde non nudè &  
 ſimpliciter illos nobis fugiendos eſſe docet, ſed etiam  
 eius ſue tam neceſſaria monitionis duplicem adfert  
 cauſſam. Sanniam eorum qui fugiendi ſunt aſtutiā  
 & dolos: Veniunt ad vos, inquit, in veſtimentis  
 ouium; & parem aſtutia ac veſutia rabiem & fe-  
 rocitatem, Intus autem ſunt lupi rapaces. Vte-  
 nim eos ſcopulos, dicebat magnus ille Nazianze-  
 nus,

nus,

nus, magis nauta declinare solent, qui sub aquis cœti delitescunt, quàm eos, qui extant & eminent: ita & illi inimici vitandi sunt, qui ut latentes scopuli sub aquis, sic illi sub variis simultatum integumentis latent & occultantur, & qui tum demum se produnt, cùm iam navis fracta, mercesq; disiecta sunt. Et praesertim, cùm, ut ait Ambrosius, caput petant, ingulum inuadant, vitalibus vulnus infligant, corpore salvo animam occidant: merito Christus tales inimicos maxime metuendos esse diligenter monuit. Idem igitur & nos agamus: ac quis sit hic vestitus ouium, quæ integumenta sub quibus falsi Propheta latere solent, qui item fructus, per quos dignosci possint, paucis ex sacra Scriptura doctorumq; virorum iudiciis ad piorum utilitatem doceamus, ut ubi eos semel cognouerimus, tandem aliquando amare desinamus. Nemo autem alius hac nostra offendetur disputatione, nisi is, qui suo prius iudicio aut Pseudo-doctorem se esse, aut falsa dogmata amplecti & sequi agnouerit: quod ubi cognoscet, laqueo errorum liberatus, gratias potius nobis, qui eas pelles lupis exitiosissimis detrahimus, agat, quàm ut succensere debeat. Quod propositum nostrum Christus benedictione sua prosequatur.

Propheta vox non eum modò significat, qui de futuris vaticinatur, sed Doctorem quemuis, qui ordinaria vocatione ad ministerium Ecclesie destinatus, voluntatem Dei ex Scripturis interpretatur, & ad usum presentem accommodat, ut auditores ex eo doctrinam & consolationem percipiant, atque in Christo ad salutem aeternam edificentur. Sic Pau-



lus de Propheta officio differit in priori ad Cor. cap. 14. scribens: Qui prophetat hominibus, loquitur ædificationem, exhortationem & consolationem. Falsi ergò Prophetae sunt, qui non legitimè ordinati sunt, neq; auditoribus vitia & ad adificationem pertinentia loquuntur, sed sub hoc plausibili & piis omnibus venerando Prophetarũ titulo incautis ac simplicibus imponunt. Ideo dicit Christus, qui veniunt: ex priuato nimirum instinctu, non autem à Domino mittuntur: eorum similes de quibus ipse per Ieremiam, cap. 23. ait, Currebant, & ego non misi eos. Deinde in vestimētis ouium eos venire dicit, quia se oues esse, & ad populi Dei gregem siue ecclesiam pertinere simulat: imò huius Doctores, Pastores, procuratores dici & esse volunt, cū intrinsecus, id est ingenii & intentionis suæ respectu, sint lupi rapaces, ut ut se blanditiis mirificis insinuent. De his verò suos admonens Christus ut iam dictum est, non obscurè innuit à talibus periculū esse. & Ecclesie statum nunquam fore tam bene constitutum, quin tales possint subrepere. Etenim omnes homines natura mendaces, & proinde ad fabulas & fallacias propesi sunt, & fictis narrationibus potius quàm veritatis doctrina delectantur. Quò sit, ut si nemo nos fallat, pleriq; se ipsos fallant, & mendaci aliqua persuasionē animos suos pascant, dum sibi ipsis vel in superstitionibus suis vel in turpi scelerum licentia blandiuntur. Non deest ergo isti occasione Satan, sed mox suos seruos emittit, qui Dei nomine sese venditant, salutis publicæ studium proficiuntur, diuinum cultū, seminaria Religionis, verbum Dei in ore habent, &

(ut mirè ingeniosa est hypocrisis) ieiuniis, preculis, vestitu tetrico & ad simulationem composito, disciplina quadaam civili, fictis item blanditiis, querimoniis, declamationibus, suspiriis crebris & lacrymis, se mundo mortuos esse, se IESV seruos & socios, totoq; celestium amore atq; desiderio ardere simulant: cum non aliud querant, quam ut suis commodis & priuata existimationi consulat. Tales olim cum tota factione sua Corita fuerunt, qui totius Ecclesie causam agere volebant videri, ut & hanc ex Mosis atque Aaronis manu eriperent, & Deo suum honorem atque cultum vindicarent. Num. 16. Tales Prophetarum temporibus multi erant, quos canes mutos dicit Isaias cap. 56. qui item (ut Micheas cap. 2. ait) de vino & sicera concionabantur, & populum inanibus promissis lactabant. Similes horum erant Pharisei, Scribae & Sacerdotes, qui cum Mosis cathedram occupassent, populum inaxi traditionum furo decipiebant, & sub longarum precationum prae-textu domos viduarum & orphanorum deuorabant. Huius generis impostores nouissimis temporibus passim exorituros esse, Christus & Apostoli praedixerunt: & verè quidem hoc praedictum fuisse, res ipsa loquitur, si quid inter Christianos ab annis quingentis factum sit, ex historiis animo repetas, & quid quotidie fiat paulò attentius obserues.

Nobis ergò Christum loqui putabimus, & de nostro nos officio admonere, in cuius consideratione nos eò diligētius versari cōuenit, quod multi hīc grauitèr offendūt, Sunt enim qui admonitionem istam mini-

mē ad se pertinere, nec quicquam referre putant,  
 qua vel qualis doctrina predicetur & admitatur.  
 Et hi semper ratum fore aiunt, quod Christus dixit  
 Ioan. 10. Oves meae vocem meam audiunt, &  
 sequuntur eam, alieni autem vocem non se-  
 quuntur. Ad hac Doctores pro ipsis & toto popu-  
 lo rationem reddituros esse dicunt: se ergo apud  
 Deum excusatos esse, si suorum Principum volun-  
 tati atq; exemplo sese accommodent, & eos Docto-  
 res simpliciter sequantur, quos illis probari vident.  
 At longē aliter Christus, qui omnibus suis dicit, Ca-  
 uete vobis à pseudoprophetis. Cauendi verbo  
 diligentem attentionem requirit, & ne ullum secu-  
 ritati locum demus. His consentiunt Apostolorum  
 admonitiones: Omnia probate, quod bonum est  
 tenete, 1. Thes. 5. Item, Carissimi, ne cuius spi-  
 ritui credatis, sed probate spiritus, num ex Deo  
 sint, 1. Ioh. 4. Qui ergo quosvis promiscue audiunt  
 & sectantur, iis satis ostendunt, se nulla veritatis di-  
 lectione teneri, & proinde dignos esse quos Deus im-  
 postoribus seducendos, expilandos & dilaniandos pro-  
 pinet. Sibi ergo hoc Christi dictum singuli priuatim  
 applicent: qui verò reipubl. habenas moderantur, plus  
 quiddam abs se praeerea requiri sciant: ut nimirū  
 hic potissimum vigilent pro publica populi salute, ne  
 doctrina fontes toxico humanarum traditionū in-  
 ficientur: ideoq; autoritate sua in illis coercendis  
 utantur, qui illud audent. Extat de hac re lex Dei  
 Deut. 13. qua Pseudopphetam lapidari iubet,  
 quam Christus minimē abrogauit, ut neq; alias mo-  
 rales atq; indiciales, qua ad conseruandam hone-  
 statem,



statem, iustitiam & pacem publicam sunt necessaria. Qua verò moderatione Legis istius rigor temperari debeat & intendi, facile intelliget Princeps verè Christianus, si, quid cuiusq; salus & Dei gloria requirat, expendere.

At querat aliquis: Quo autem indicio ego, qui Scripturarum inexpertus & rudis sum, lupos illos agnoscam, si sub pellibus ouillis latitant, & oves atque pastores tam mirifico astu mentiri possunt? Huic ergo quaestioni occurrens Dominus, verum iudicem sine Lydium lapidem nobis porrigit, ad quem cum Doctores, tum doctrinas exploremus. A fructibus eorum, inquit, agnoscetis eos. Et quod breuius dictum videri poterat, similibus ex vulgo petitis interpretatur, dicens: Num colligunt ex spinis vnam, aut ex tribulis ficus? Ita omnis arbor bona fert fructus bonos, putris autem arbor fert fructus malos &c. Quibus verbis hoc omnino vult dicere: ut unaquaque arbor sui generis fructus fert, nec aliquis tam vecors facile fuerit, ut ex spinis vnam colligere aut ex tribulis ficus decerpere velit: ut item arbor bona fructus bonos, putris autem arbor putres & insipidos fructus gignit, neq; aliter fieri potest, ideo arbor quaeq; ex suis fructibus, qualis sit, agnoscitur: ita ex fructuum indicio Propheta etiam sine Doctores agnoscuntur, & qui illos obseruare velit, non facile falli poterit, nisi sciens volensq; cacutiat.

Ceterum hic probè teneamus oportet, quinam fructus illi sint, de quibus Dominus loquitur. Nam multi hos ad vitam & mores Doctorum sine Prophetarum referunt, & ex illis de doctrina indicant. At

licet hi in Doctore respici debeant, & nulla venia dignus sit, qui mali exempli author est suis auditoribus, tamen vitæ exemplum siue mores non sunt proprii illi fructus, ex quibus semper certum indicium de doctrina fieri possit: & sape sit ut veritatem pure ac sedulo doceant, qui malè viuunt: quod Christus quoque obseruauit, quando de Scribis & Phariseis dicebat, In cathedra Moſis ſedent, *Matt. 23.* Omnia ergo quæ dixerint vobis vt ſeruetis, ſeruate & facite: at ſecundum opera eorum ne feceritis: dicunt enim, & non faciunt. Vt ergo huius loci verum ſenſum teneamus, Prophetæ aut Doctoris vocabulo inſiſtere nos oportet. Huius proprius & germanus fructus eſt, Doctrina. Hæc ergo examinari debet, vt nimirum ex quibus fontibus deriuetur, ad quem finem item ſiue ſcopum dirigatur, & quæ eius effecta ſint, videamus. Ita nos ipſe Chriſtus docet, quando ſuæ doctrinæ authoritatem contra Iudeos aſtruens, inquit, Doctrina mea non eſt mea, ſed eius qui miſit me, *Ioan. 7.* Suam eſſe negat, ex hominis ſolius, quem aſſumpſerat, reſpectu loquens, vt eam non humanam, aut ex hominibus acceptam, ſed diuinam eſſe oſtendat. Et mox hoc ipſum probat, dicens: Si quis voluerit eius voluntatem facere, id eſt, ſi quis ſerio diuinæ voluntatis ſtudio tenetur, facile intelliget, num doctrina mea ex Deo ſit, an ex me ipſo loquar, nimirum vt vulgaris homo & carnis affectui dediuſ. Nam qui à ſemetipſo loquitur, gloriam propriam quærit: qui autem quærit gloriam eius qui miſit ipſum, hic verax eſt, &

est, & iniustitia in eo non est: videlicet quo ad doctri-  
nam. Quo ad vitam enim & inherentem nobis  
vitiositatem, homines omnes peccatores sunt, & in-  
multis labimur omnes.

Ex his colligimus, quinam Doctoris veri & fidi  
fructus sint: nimirum non ex se ipso loqui, sed Scri-  
pturam ex Dei ore, id est, ex Scripturis acceptā pro-  
ponere, Dei gloriam querere, huic soli homines ad-  
ducere per eum qui solus ad Patrē via est: hominum  
item saluti studere, ut omnia ad ecclesiae adificationē  
referantur, curare, sub qua pacis publica & chari-  
tatis studium continetur. Qui hoc seriō & ex corde  
faciunt, ii proculdubio curabunt, ut vita & mores i-  
psorum doctrina respondeant. Nec enim quod aliis  
sedulo inculcant, verbum Dei, in semetipsis negli-  
gent aut segnescere patientur. E contra Pseudo-  
prophetae aut falsi Doctoris fructus atque effectae-  
runt, proprii capitis figmenta aut ab aliis excogita-  
tas traditiones pro Dei oraculis venditare: suas pa-  
leas cum tritico Dei miscere: non Dei sed propriam  
gloriam querere: non auditorum saluti sed priva-  
to commodo & quāstui studere: homines non Deo  
per Christum adducere, sed sibi ipsis discipulos pa-  
rare: eosdem propriae iustitiae fiducia inflare, & cir-  
ca ceremonias inutiles occupatos tenere: denique  
respub. turbare, coniugia dissipare, æconomiam in-  
familis euertere, & dissensiones non necessarias se-  
rere. Qui ista faciunt, ii ferē sectatoribus suis li-  
centiae authores sunt, dū peccata ridiculis nugis faci-  
lē expiari posse fingunt: ipsi autem ex aliorū stultitia



& superstitione voluptatem capiunt, & in sinu suo  
 rident suauiter, quando nannas atq; fumos suos, quos  
 nimis credulis vendunt, in tanto pretio & sibi qua-  
 stuosissimos esse conspiciantur. Quamuis autem in-  
 terdum pietatem & ardens sanctimoniam studium si-  
 mulent, intrinsecus tamen sunt lupi rapaces: imò  
 ut Christus alibi ait Io. 10. fures & latrones sunt.  
 Nam ut Deo gloriā suam eripiunt, & Iesum Chri-  
 sti meriti sui laude spoliant, incautos verò pecuniis  
 emungunt, atq; multorum conscientias diris ac hor-  
 rendis fermentis excruciant. Tales fuisse Christi tē-  
 pore Phariseos & sacerdotes Iudaeorum, ipse non vno  
 loco testatur, & eosdem propter sacrorum nundina-  
 tionem, instar canum impudentissimorum flagello  
 facto ex templo eiecit, Ioan. 2. nimirum ad patris di-  
 ctum respiciens qui olim per Zachariam pradixe-  
 rat cap. 14. Chananais & mercatoribus non locum  
 fore in domo sua. Similes horum sunt hodie, qui  
 sibi primatum in Ecclesia vendicant, honorem Chri-  
 sto debitum in creaturas & ritus ridiculos atque fri-  
 gidissimas superstitiones transferunt, & (quod fa-  
 cturos D. Petrus praedicat epist. 2. cap. 2.) de Christi-  
 anis hominibus turpissimè nundinantur. Tales ho-  
 die inter omnes sectas apparent Novi Sodales, nomine  
 IESV tanquam ouilla pelle cecti, qui in familias ir-  
 rumpunt, & affectas conscientias fictis blanditiis at-  
 que suspiriis, imagunculis, confessionibus, precibus  
 inescant, ut salutis dubias factas facilius in partes su-  
 as pertrahant: qui seditionum, diuortiorum & tur-  
 barum publicarum authores sunt, ut ipsi sub ementi-  
 to Sacrosancti nominis titulo ex alieno securi vinant.

Hi ergo


*Hi ergo omnes cauendi sunt. Nam quacumq; sanctitatis & eruditionis specie polleant, reuera tamen arbores putres sunt, ex quibus non potest fructus aliquis sperari: spina item & tribuli sunt, qui conscientias superstitione delibutas acutissimè quidem pungunt, easdem verò neq; viuis suauibus, neq; ficibus, qui celestis dulcedinis saporem referant, recreare aut exhilarare possunt. Quid enim ex illis errorum magistris tibi promittas, qui suos sectatores, quos suis traditionibus sibi seruos fecerunt, per ludibrium bonos Christianos vocitare solent?*

*Tanta hypocriseos cogitatio & Iesuitica rabies, qua sub pietatis & eruditionis pelle in miserum ouile Christi per Europam & Orientis partes longè lateq; grassatur, me impulit, Christiane lector, ut CHARACTERES seu notas, quibus pseudonymos istos facilis ab aliis sectariis dignosceres, tibi colligerem. Tamen si enim qua illis tribuit Scriptura & orthodoxa Antiquitas, aliis etiam pseudoprophetis & falsis doctorebus ante & post Christum in carne manifestatum conueniant, nihilominus quadam peculiariter huic postrema Antichristi foetura tribuenda sunt: ut poteris facile conicere si mores & docendi methodum huius sectæ paulò propius inspicias. Quid in nos, quos insulse & falso haereticos vocant, pro concionibus apud Principes, & in scholis debacchentur, satis notum: sed mecum cogita, Lector, quales fuerint istorum hominum artes, qui per exiguum temporis spatium amplissimos sibi pronentus gratis compararunt, heredes legitimos multos exheredarunt, infinitos auri acernos emunxerunt, regna integra labefa-*

stant, consilia publica moderantur, & emissarii sedis Antichristiana facti horrendas tristium tragœdiarum faces accendunt, quibus miseram Europam, nē Deus auertat, brevi in cineres versam lugebunt posterī.


Characteribus autem seu notulis nostris ex Prophetarum, Apostolorum, Apostolicorumq; virorum laboribus collectis, interpretationes non adiunximus; tum quod per se facile percipiantur ista notula, tum ut iudiciū tuum acueremus, ut de noui iustius sodalitii ingenio & instituto acrius cogitares. Horrenda enim monstra sub pellibus Iesuiticis latuisse præsens dies ostendit, & infinita alia adhuc latere quis, nisi prorsus stupidus, negare audeat? Prior verò Centuria quæ de Pseudopropheta sancti Prophetæ, Christus & Apostoli tradunt, Iesuitico gregi apprimè conuenientia, continet. Tu opellam nostram precibus ad Deum tibi vtilem redde, expete pacem Ierosolymorum: dic, Tranquilli sint amantes tui.

Sit pax in præmunitione tua & tranquillitas in palatiis tuis, &c.



C H A





# CHARACTER RVM IESVITI- CORVM

## CENTVRIA PRIMA.

### I. CHARACTER.

**A**varitia] Isti canes avidissimi non norunt  
saturitatem: propterea ipsi pascunt se, ne-  
sciunt docere: quotquot sunt, ad viam suam se  
conuertunt, quisq; ad lucrum suum, ab extre-  
mitate illius. *Iesai. 56, 3.*

### II.

*Artes*] Oua aspidis excludunt, & telas aranci  
texunt: qui comedit ex ovis eorum morietur.

*Iesai. 59, 5.*

### III.

*Acta seu res gestæ*] Telæ illorum non erūt pro  
panno, neque operient se factis suis: facta illo-  
rum sunt facta iniquitatis, & opus violentiæ est  
in manibus eorum. *Iesai. 59, 6.*

### IV.

*Malitia*] Pedibus suis ad malum cōcurrunt,  
& festinant ad fundendum sanguinem innox-  
ium: cogitationes eorum sunt cogitationes ini-  
quæ: vastitas & contritio in aggeribus illorum  
est. *Iesai. 59, 7.*

### V.

*Cecitas mentis*] Viam pacis ignorant, nullum

est ius in orbitis illorum: semitas suas depravant istis, cuiq; incedenti per aliquam earum, hic expers est pacis. *Iſai.* 59, 8.

## VI.

*Turpis lucri cupiditas*] A minimo eorum vsq; ad maximum quisquis est, deditus est quæstui. *Ierem.* 6, 13.

## VII.

*Confusionum dissimulatio*] Curant contritionem filiaë populi mei secundum curationē mali leuiculi, dicendo, pax, pax: etsi nulla est pax. *Ierem.* 6, 14.

## VIII.

*Desperata contumacia*] Omnes sunt cōtūmācium contumacissimi, ambulantes cum detractiōe, chalybei & ferrei: omnes corruptores sunt. *Ierem.* 6, 28.

## IX.

*Doctrina*] Visionem animi sui loquuntur, nō ex ore Iehovæ. Dicunt continēter iis qui spernunt Deum, loquutus est Iehova, pax erit vobis: & cuique ambulanti ex sententia animi sui dicunt, non superueniet vobis malum. *Ierem.* 23, 16, 17.

## X.

*Impii conatus*] Putant se facturos, vt obliuiscatur populus nominis Dei per somnia sua, quæ enarrant quisque amico suo. *Ierem.* 23, 27.

## XI.

*Erroris efficacia*] Seducunt populum falsitatibus suis, & rapiditate sua, cū Deus non miserit

ferit eos, neque præceperit eis, & omnino non profint populo huic. *Ierem.* 23, 32.

## XII.

*Audacia*] Sequuntur spiritum suum, & quæ non vident. Vident vanitatem & diuinant mendacium. Multis modis fecerunt, vt erraret populus, dicentes pacem esse vbi nulla esset pax, quumque alius [*pseudopropheta*] extruit luteum parietem, ecce illi obducunt illum in falso rectorio. *Ezech.* 13, 3, 9, 10.

## XIII.

*Crudelitas*] Similes sunt leoni rugienti, prædanti prædam: animas comedunt, robur & res pretiosas capiunt, viduas eius multiplicant in medio eius. *Ezech.* 23, 25.

## XIV.

*Adulationes fraudulentæ*] Malitia sua exhilarant Regem, & mendaciis suis Principes. *Hose.* 7, 3.

## XV.

*Rapacitas*] Concupiscunt agros & rapiunt, domosque concupiscunt & adimunt: opprimentes virum cum domo eius, quemque cum possessione sua. *Mich.* 2, 2.

## XVI.

*Ambitio fallax*] Si vir ventosus & falsus mentiat, dicens, stillabo tibi pro vino aut pro potu inebriante, is stillator [*doctor*] est populi huius. *Mich.* 2, 11.

## XVII.

*Ventris cura*] Mordentes dentibus suis proclamant pacem, & in eum, qui non indiderit



ori ipsorum, indicunt bellum. *Mich. 3, 5.*

## XVIII.

*Amor pecunia*] Horum sacerdotes pretio doceant, & horum Prophetæ pecunia diuinant; interea Ichova nituntur, dicendo, Annon Ichova in medio nostri est? non superueniet vobis malum. *Mich. 3, 11.*

## XIX.

*Ingenium*] Optimus istorum similis est spinæ, rectissimus præ spineto est. *Mich. 7, 4.*

## XX.

*Hypocrisis*] Obscurant facies suas, ut appareant hominibus ieiunare. referunt mercedem suam. *Matt. 6, 16.*

## XXI.

*Mansuetudo ficta*] Veniunt cum vestimentis ouium, sed intrinsecus sunt lupi rapaces. A fructibus eorum agnoscetis eos. *Matt. 7, 15.*

## XXII.

*Impia superstitio*] Quare & vos transgredimini mandatum Dei per traditionem vestram? Nam Deus mandauit dicens; Honora patrem tuum & matrem; &, Qui maledixerit patri aut matri, morte moriatur. Vos autem dicitis, Quicumq; dixerit patri aut matri, Donum quodcunq; à me erit, tibi proderit; etiam si nequaquam honorauerit patrem suum aut matrem suam, insonus erit. Et irritum fecistis mandatum Dei per traditionem vestram. *Matt. 15, 3. &c.*

## XXIII.

*Vanæ religio*] Frustra Deum colunt, docentes doctrin-

doctrinas quæ sunt mandata hominum. *Matt.* 15, 9.

## XXIV.

*Tyrannis*] Dicunt, & non faciunt, Ligant enim onera grauiâ difficiliaq; portatu, & imponunt in humeros hominum: digito autem suo nolunt ea mouere. *Matt.* 23, 4.

## XXV.

*Ambitio*] Omnia opera sua faciunt, vt spectentur ab hominibus. *Matt.* 23, 5.

## XXVI.

*Impietas*] Væ vobis, hypocritæ, quoniâ clauditis regnū calorū coram hominibus. Vos. n. non introitis, nec introeūntes finitis introire. *Matt.* 23, 13.

## XXVII.

*Detestanda pietatis simulatio*] Væ vobis, hypocritæ, quoniam exeditis domos viduarum, & in speciem vtimini longis precibus: propterea auferetis grauius iudiciū. *Matt.* 23, 14.

## XXVIII.

*Periculosa concursationes*] Væ vobis, hypocritæ, quoniam circumitis mare & aridani, vt faciatis vnum profelytum: & cum fuerit factus, facitis eum filium gehennæ, duplo magis quam vos sitis. *Matt.* 23, 15.

## XXIX.

*Iniquitas hypocritica*] Væ vobis, hypocritæ, quoniâ assimiles estis sepulchris dealbatis, quæ extra quidem apparet speciosa, intus verò plena sunt ossibus mortuorum omniq; immunditia. Ita & vos extra quidem apparetis hominibus iusti: intus autē pleni estis hypocrisi & iniquitate. *Matt.* 23, 17.

## XXX.

*Ementitum nomen, speciosum, ut facilius seducant*] Multi venient in nomine meo, dicentes, Ego sum Christus, multosq; seducēt. *Matt. 24, 5.*

## XXXI.

*Erroris efficacia*] Edent signa magna & miracula: ita vt seducant (si fieri possit) etiam electos. *Matt. 24, 24.*

## XXXII.

*Ostentatio ridicula*] Diligunt primū confesum in conuentibus & salutationes in foris. *Luc. 11, 43.*

## XXXIII.

*Frans latens*] Sunt veluti monumenta quæ non apparent, & quæ nesciunt ii, qui super ea ambulant. *Luc. 11, 44.*

## XXXIV.

*Insanabilis pernicacia*] Si cæci essetis non haberetis peccatum: nunc verò dicitis, videmus: itaq; peccatum vestrum manet. *Ioh. 9, 41.*

## XXXV.

*Superbia*] Dilexerunt gloriam hominum potius quàm gloriam Dei. *Ioh. 12, 43.*

## XXXVI.

*Desperata rebellio*] Duri ceruice, & incircumcisi corde & auribus, vos semper Spiritui Sancto obnitimini: sicut patres vestri, ita & vos. *Actor. 7, 51.*

## XXXVII.

*Vina effigies*] Domino nostro Iesu Christo nō seruiunt, sed suo vētri: & per blandiloquentiā, & assentationē hominum corda minime malorum.



rum seducunt. *Rom.* 16, 18.

## XXXVIII.

*Opum conquisitio*] Quæ sua ipsorū sunt quærunt, non quæ Christi Iesu. *Philip.* 2, 21.

## XXXIX.

*Terrestrium cura*] Complures incedūt, quos sæpe dixi, nunc autem & flens dico, hostes esse crucis Christi. Quorum finis est exitium: quorum Deus est venter, & gloria cum confusione ipsorum: qui terrestria curant. *Phil.* 3, 18, 19.

## XL.

*Prasumptio*] Sese ingerunt in ea quæ non vident, & temere turgent carnis suæ sensu. *Coloss.* 2, 18.

## XLI.

*Ferox ingenium*] Neq; Deo placent, & omnibus hominibus aduerfantur. 1. *Thess.* 2, 15.

## XLII.

*Studia & occupationes*] Attendunt fabulis & genealogiis infinitis, quæ potius quæstiones præbent quàm ædificationem Dei, quæ est per fidem. 1. *Tim.* 1, 4.

## XLIII.

*Vaniloquentia*] Finis mandati est charitas ex puro corde & conscientia bona & fide non simulata. A quibus quum quidam [*Iesuitæ, nostro sæculo*] vt à scopo aberrarint, deflexerunt ad vaniloquentiam. 1. *Tim.* 1, 5.

## XLIV.

*Impudens ignorantia*] Volunt esse legis Doctores, nec intelligunt quæ loquuntur, neq; de quibus asseuerant. 1. *Tim.* 4, 7.

## XLV.

*Falsa doctrina*] Posterioribus temporibus desciscient quidam à fide, spiritibus deceptoribus attendentes ac doctrinis dæmoniorum per hypocrisim falsiloquorum: quorum conscientia cauterio resecta est, prohibentium contrahere matrimonium, iubentiū abstinere à cibis, quos Deus creauit ad participandum cum gratiarum actione fidelibus & iis qui cognouerunt veritatem. 1. *Tim.* 4, 1, 2, 3.

## XLVI.

*Insania*] Si quis diuersam docet doctrinam, neque accedit sanis sermonibus Domini nostri Iesu Christi, & ei quæ secundum pietatem est doctrinæ; is turgēt, nihil sciens, sed insaniēs circa quæstiones ac verborum pugnas ex quibus nascitur inuidia, lis, maledicentiæ, suspiciones malæ, peruersæ exercitationes hominū mente corruptorū, & qui priuati sunt veritate, & quæstui habent pietatem. 1. *Tim.* 6, 3, 4, 5.

## XLVII.

*Inanis gloriatio*] Auerstate profanos de rebus inanibus clamores, & oppositiones falso nominatæ scientiæ: quam nonnulli [*Iesuitæ hodie inter ceteros omnes sophistas*] præ se ferentes, circa fidem aberrarunt à scopo. 1. *Tim.* 6, 20, 21.

## XLVIII.

*Profani clamores*] Profanos de rebus inanibus clamores cohibe: ad maiorē enim procedent impietatem. 2. *Tim.* 2, 16.

## XLIX.

## XLIX.

*Quæstiones inerudita* ] Stultas autem & ineruditas quæstiones reiice, sciens eas gignere pugnas. 2. *Tim.* 2, 23.

## L.

*Hypocrisis* ] Habentes formam pietatis, sed vim eius abnegantes. 2. *Tim.* 3, 5.

## LI.

*Turpis occupatio* ] Irrepunt in familias, & captiuas ducunt mulierculas, onustas peccatis, aetas cupiditatibus variis. 2. *Tim.* 3, 6.

## LII.

*Mens reprobæ* ] Quemadmodum Iannes & Iambres restiterunt Moysi, ita & hi resistunt veritati, homines mente corrupti, reprobi circa fidem. Sed non procedent amplius: nam amentia istorum euidentis erit omnibus, ut & illorum fuit. 2. *Tim.* 3, 8, 9.

## LIII.

*Pessima conditio* ] Improbi homines & impostores procedent in peius, tum seducendo alios, tum seducti ipsi. 2. *Tim.* 3, 13.

## LIV.

*Perversitas* ] Refractarii, vaniloqui, & mentium deceptores: qui totas domos subuertunt, docentes quæ non oportet, turpis lucri gratia. *Tu.* 1, 10, 11.

## LV.

*Canterio ressecta conscientia* ] Hæreticū hominem post vnam & alteram admonitionē reiice: ut qui noris euersum eum esse, qui sit huius-



modi, & peccare, vt qui suo præiudicio sit condemnatus. *Tit. 3, 10, 11.*

## LVI.

*Abnegatio veri Christi* ] Fuerunt pseudoprophetæ in populo, vt etiam inter vos erunt falsi Doctores, qui subintroducunt hæreses exitiales, etiam Dominum qui illos mercatus est abnegantes, accersentes sibi ipsis velox exitium. *2. Pet. 2, 1.*

## LVII.

*Erroris efficacia* ] Multi sequuntur eorum exitia, per quos via veritatis blasphemabitur. *2. Pet. 2, 2.*

## LVIII.

*Auara negotiatio* ] Per auaritiam fictis sermonibus Christianos negotiabuntur. *2. Pet. 2, 3.*

## LIX.

*Miser exitus* ] Iis damnatio iam olim non otatur, & horum exitiū non dormitat. *2. Pet. 2, 3.*

## LX.

*Impura vita* ] Carnem sequentes in impura cupiditate incedunt, & dominatum despiciūt, & vt sunt audaces & sibi placentes non horrent dignitates conuitiis incessere. *2. Pet. 2, 10.*

## LXI.

*Mentis cecitas* ] Isti velut animantia rationis expertia, quæ naturali impetu feruntur, facta ad eum finem vt ea apta intereant, ea viruperantes quæ ignorant, sua ipsorum corruptela interibunt. *2. Pet. 2, 12.*

## LXII.

## LXII.

*Luxus*] Pro voluptate ducunt quotidianas delicias. 2. *Pet.* 2, 13.

## LXIII.

*Fraudes*] Labes ac maculæ, quæ fraudibus se oblectant. 2. *Pet.* 2, 13.

## LXIII.

*Turpitude*] Oculos habentes plenos adultorii, & qui à peccando cessare nesciant. 2. *Pet.* 2, 14.

## LXV.

*Artes perpetuæ*] Inescantes animas instabiles. 2. *Pet.* 2, 14.

## LXVI.

*Deploratus amor habendi*] Cor habentes ad auaritiam excitatum. 2. *Pet.* 2, 14.

## LXVII.

*Impia maledicentia*] Execrandi homines, qui relicta recta via aberrarunt, secuti viam Balaa-mi filii Bosor, qui mercedem iniquitatis amavit. 2. *Pet.* 2, 15.

## LXVIII.

*Vanitas*] Isti sunt fontes aqua carentes, nebulæ à turbine exagitatae &c. 2. *Pet.* 2, 17.

## LXIX.

*Ambitio noxia*] Prætumidam vanitatem loquendo per carnis cupiditates lasciuas eos inescant, qui verè effugerant eos qui in errore versantur. 2. *Pet.* 2, 18.

## LXX.

*Falsa iactantia*] Libertatem pollicentur, quæ ipsi serui sint corruptionis. 2. *Pet.* 2, 19.

## LXXI.

*Conditio*] Facta est vltima eorum conditio  
deterior priore. 1. *Pet.* 2, 20.

## LXXII.

*Scriptura S. depravatio*] In Epistolis Pauli  
nonnulli sunt difficilia intellectu, quæ indocti  
parumque stabiles detorquent, vt & reliquas  
scripturas, suo ipsorum exitio. 2. *Pet.* 3, 16.

## LXXIII.

*Antichristianismus*] Quicumq; spiritus non  
confitetur Christum in carne venisse, ex Deo  
non est, sed hic est ille Spiritus Antichristi, de  
quo audistis eum venturum fuisse, & iam nunc  
in mundo esse. 1. *Ioh.* 4, 3.

## LXXIV.

*Antiesuitismus*] Multi impostores ingressi  
sunt in mundum; qui non confitentur Iesum  
Christum venisse in carne. Qui est eiusmodi;  
impostor est & Antichristus. 2. *Ioh.* 7.

## LXXV.

*Dogmata & mores*] Hac graphice depingun-  
tur in epistola S. Iudæ, cuius testimonia quoniam  
consentiunt cum iis quæ citauimus ex 2. *Pet.* c. 4.  
iterum adscribere nolui.

## LXXVI.

*Noxia concursationes*] Ex fumo putei abyssi  
exierunt locustæ in terram: dataq; est illis po-  
testas qualē habent terrestres scorpia. *Apoc.* 9, 3.

## LXXVII.

*Furiosa audacia*] Vidi equos per visionem:  
& ipsorum sessores habentes thoraces igneos &  
hyacin-



hyacinthinos & sulphureos: erant autem capita equorum vt capita leonum: & ex ore ipsorū prodibat ignis, & fumus, & sulphur. *Apoc. 9, 17.*

## LXXVIII.

*Metuendus impetus*] Potestas eorum in ore eorum est, & in caudis eorum: nam caudæ eorum similes sunt serpentibus, habentes capita per quæ nocent. *Apoc. 9, 19.*

## LECTORI CHRISTIANO S.

**V**T integram Centuriam primā haberes, viginti duos Characteres ex Apostolicis viris prioribus adiungere visum est. Ceterum illud animaduertas velim, ante aliquot annos variis scriptis à Iesuitica secta editis Ecclesia Christiana Pastores infinitis consuetis fuisse laceratos. Maledictis autem certare cum isto sodalicio non est nobis constitutum: illis tantum regerimus, quod olim insignis Philosophus cuiusdam Sophista respondit, qui conquisitis multis futilibus argumentis probare conabatur, Philosophum illum non esse animal rationale: Conclude (inquit) de te quod de me dixisti, & verum dixeris. Resposuimus ergo veros Characteres ex sacris litteris, quos quotidiana experientia, mores, conatus & scripta Iesuitarum huic sectæ ante alias omnes omninò conuenire testantur, & posteritati nostra (nisi Deus talem mundo postem auerterit) amplius testabuntur.

## LXXIX.

Sunt nonnulli vaniloqui & seductores, non Christiani, sed Christum tempore, id est Christi lucriones, quiq; ex nomine Christi quæstû faciunt: fraude circumferentes illius nomen, & adulterantes verbum Euangelii, & erroris venenum allinentes dulcibus alloquiis, velut mulso aconitum miscentes, ut suauissimo sapore deceptus gustandi sensus incautè mortè hauriat. *Ignatius ad Trallianos, Epist. 5.*

## LXXX.

Speciem quidem pietatis habent, virtutem verò ipsius abnegant, sub Christi nomine & prætextu mercatum exercentes, verbum Dei adulterantes, & Iesum vendentes: corruptores, alieniq; appetentes, & pecuniarum violentissimi sectatores. *Ignatius ad Magnesianos, Ep. 6.*

## LXXXI.

Multi lupi velleribus tecti in Dei stadio currentes perniciosis voluptatibus illectos captiuos comprehendunt. *Item.* Si quis graditur iuxta aliena præscripta, hic non est Christi, sed est vulpes & corruptor vineæ Christi. *Ignatius ad Philadelphenses, Epist. 9.*

## LXXXII.

Infidam simultatem inter se exercent, charitatis nullam habent rationem, futura negligunt, præsentia seu stabilia (visibilia) bona curant, præcepta contemnunt, viduam & orphanum despiciunt, oppressum despuunt, vinctum rident. *Ignatius ad Smyrnenes, Epist. 10.*

Solent

## LXX XIII.

Solent malo dolo nomen quidem circumferre: sed patrant quædā indigna Deo, & sentiunt ea quæ pugnant cum Dei doctrina in exitium proprium, & eorum qui illis credunt. *Irem.* Erraticus ille & falsus Spiritus seipsum prædicat, sua loquitur, sibi namq; placet, seipsum glorificat, plenus enim fastu est, mendax, fraudulentus, assentatione & adulatione gaudens, subdolus, nugax, inconstans, verbosus, lubricus, meticulosus. *Ignatius ad Ephesios, Epist. 14.*

## LXXX IIII.

Relinquamus multorum vanitates falsasq; doctrinas, & ad illud quod traditum est nobis à principio verbum reuertamur. *Polycarpus in Epist. ad Philippenses.*

## LXXXV.

Venient præsumtores absq; gratia Dei loquentes, quorum gloria labiorum procedit ex superbia. Hi docebunt doctrinam, quæ aliena est à Deo, amica autem Diabolo: per quam ipse Spiritus erroris animas post se trahere festinabit. *Martial. in epist. ad Burdegalenses, cap. 11.*

## LXXXVI.

Non desunt quidam qui iuxta carnem proficiunt, iracundiæ suæ patrocinant ex Evangelio, & sententiæ, in quam proniores sunt, accommodantes Seruatoris nostri oracula: in quorum potestate si esset situm gehennæ quoslibet addicere, & totus mundus exhaustus esset



eorum scuitia: attamen, quantum in ipsis est, & condemnant, & ignis fornaces aperiunt. *Item.* Sunt quidam sic addicti suis opinionibus, ut, quantum in ipsis est, ex die noctem faciant: & quia in absurda imaginatione occaluerunt, non credunt alios rectè sapere, his tam iniqui ut malint mendacibus obrectationibus credere: ne quid dicam de his, qui propter malam conscientiam, quod de aliis dicitur, ad se trahunt, & quicquid de quouis loquaris, ad se pertinere putant: atque inde, ut fit, nouas confingunt fabulas & tragœdias, contenti suas suspiciones dicere vel scribere. *Item.* Non est contendendum cum eo qui dat operam, ut quomodocumq; fiat superior, & modò victor habeatur, veras rationes negligit. *Iustinus Martyr in Epist. ad Zenam & Serenam.*

## LXXXVII.

Philosophiam nomine habituq; profitemur quidam, qui nihil præstant dignum hac professione. *Iustinus Martyr in 2. Apologia pro Christianis.*

## LXXXVIII.

Vereratoriè instructi persuadendi arte seducunt mentes imperitorum, eosq; captiuos ducunt, deprauantes eloquia Domini: mali enarratores facti eorum quæ bene dicta sunt. *Item.* Verborum quidem artificio simplices eò probabiliter adducunt, ut aliquo modo inquirant: sed improbabiler ipsos perdunt, dum aduersus summum opificem impiam reddunt

dunt & blasphemam ipsorum mentem, ita ut ne verum quidem à falso discernere possint.  
*Irenæus in præfatione lib. 1. adu. hæreses.*

## LXXXIX.

Non ostenditur per se impostura, nè nuda deprehendatur: sed amictu verisimili callidè ornata, ita ut imperitioribus videatur externa specie se veritate ipsa veriore exhibere. *Ibidem.*

## X C.

Cùm tale sit principium doctrinæ ipsorum, quam neq; Prophetæ prædicauerunt, neq; Dominus docuit, neq; Apostoli tradiderunt, de qua gloriantur, se plusquam alii de vniuersis rebus cognouisse, cùm ex iis quæ scripta non sunt pronuncient, ac studeant, ut vulgò dici solet, ex harena testes connectere, conantur ad faciendam fidem iis quæ dicta sunt, accommodare aut parabolas Domini, aut dicta Prophetica, aut sermones Apostolorum, nè ipsorum figmentum testimonio carere videatur. Qua in re transiliunt ordinem & seriem scripturarum, ac (quantum in ipsis est) dissoluunt membra veritatis. Transferunt enim & transformant, & dum aliud ex alio faciunt, multos fallunt sapientia malè compacta ex dictis Domini, quæ errori suo aptant. *cap. 1. libri 1. aduersus hæreses.*

## X C I.

Quemadmodum si quis pulchrâ regis imaginem pretiosis lapidibus ab artifice

sapiente constructam dissoluat, deleta hominis forma quam ille statuerat, atq; lapillos illos transferat quibus efficiat formam canis aut vlupis, quam etiam malè struat : postea definiat ac dicat hanc esse pulchram illam regis imaginem, quam sapiens artifex construxerat, ostensis lapillis istis, qui à primo artifice pulchrè compositi fuerant in regis imaginem, malè verò translati à posteriore in formam canis, ac per phantasiam lapillorum astutè fallat imperitos, qui regiæ formæ notionem non habent, persuadeatq; hanc turpem canis formam esse pulchram illam imaginem regis : Eodem sanè modò hi consarcinant fabulas anicularum, quibus postea verba, dictiones & parabolas hinc inde euulsas applicant, & fabulis suis adaptare volunt eloquia Dei. *Ibidem.*

## XCII.

Quemadmodum ii qui in phreneticum affectum lapsi, quo plus rident & se valere putant, ac tanquam sani omnia peragunt, quædam verò etiam plus quàm sani, tanto peius se habent : similiter & isti, qui sapiëntia præcellere videntur, ac se ipsos enervant, tanto magis desipiunt, quanto supra vires iaculantur. *Eodem lib. I. c. 13.*

## XCIII.

Nemo est perfectus inter ipsos, qui non magna mendacia veluti fructus producit. *Eodem libro, cap. 15.*

Adfe-



## XCIV.

Adferunt immensam Apocryphorū & Scripturarum notharum multitudinem, vt stupefaciāt amentes & ignaros verarum litterarum.  
*Eodem lib. cap. 17.*

## XCV.

Veritati non credentes, in mendacio voluntatis perdiderunt panem veræ vitæ, in vacuum & in profundum vmbre incidentes, similes Æsopi cani, qui panem quidem reliquit, in vmbra autem eius impetum fecit & perdidit escam. *lib. 2. cap. 12.*

## XCVI.

Non magis idonei hi quàm Scripturæ, nec relinquentes nos eloquia Domini, & Moſen & reliquos Prophetas, qui veritatem præconiauerunt, his credere oportet, sanum quidem nihil dicentibus, instabilia autem delirantibus.  
*Eodem lib. cap. 54.*

## XCVII.

Quum ex Scripturis arguuntur, in accusationem conuertuntur ipsarum Scripturarum, quasi non rectè habeāt, neq; sint ex autoritate, & quia variè sint dictæ, & quia non possit ex his inueniri veritas ab his qui nesciant traditionē. *lib. 3. cap. 2.*

## XCVIII.

Sophistæ verborū magis volunt esse, quàm discipuli veritatis. *Eodem lib. cap. 40.*

## XCIX.


Quæcunq; cum grauitate summa dixerint, in vltimum ad hoc deuenerunt, vt blasphem-

ment Creatorem, & contradicant saluti plasmatis Dei. *In præfat. lib. 4.*

C.

Non accepta à Deo prophetica grátia, nee Deum timentes, sed aut propter vanam gloriam, aut ad quæstum aliquem, aut aliter secundum operationem mali spiritus, fingunt se prophetare, mentientes aduersus Deum. *Item.* Schismata operantur, sunt immanes, non habentes Dei dilectionem, suauiq; vtilitatem potius considerantes quàm vnitatem Ecclesiæ, propter modicas & quaslibet causas magnum & gloriosum corpus Christi conscindunt & diuidunt, & quantum est in ipsis interficiunt, pacem loquentes, & bellum operantes: verè liquantes culicem, & camelum transglutientes. Nulla enim ab eis tanta potest fieri correptio, quanta est schismatis pernicies. *lib. 4. cap. 61 & 62.*

*Admonitio.* Legite diligentius id quod ab Apostolis est Euangelium nobis datum, & legite diligentius Prophetas, & inuenietis vniuersam actionem, & omnem doctrinam, & omnem passionem Domini nostri prædicatam in ipsis. *frenans lib. 4. cap. 66.*





# CHARACTE- RVM IESVITI- CORVM CENTVRIA SECVNDA.

## I. CHARACTER.

**N**VNQVAM in sermone adulationis fuimus, sicut nouistis, inquit Apostolus; neque in prætextu auaritiæ, neque quærentes gloriam ab hominibus, neque à vobis, neque ab aliis, cum possemus esse oneri vt Christi Apostoli: sed fuimus manueri in medio vestri, sicut nutrix fouet filios suos. Eadem ratione eis qui sunt diuinorum verborum participes obseruandum est, num nimum curiosi animi vitio inducti, tanquam vrbium ædificia visuri, ad id accedant, num veniant vt sint rerum particularium participes [*quod Iesuite sedulo faciunt*] cum audierint eos qui sunt Christo consecrati ea, quæ sunt ad victum necessaria, libenter communicare. At sunt ii quidem hypocritæ, ideò mittantur. *Clemens Alexandrinus, Stromatum lib. 1.*

## II.

Quidam [*Iesuite*] seiplos erigentes, calumnias verbis inuenire contendunt, contentiosas



comparantes quæstiones, distinctiuncularum venatores, pusillarum quarundam artium æmulatores, litigatores & iurgiorū confarcinatores. Ob hanc artem efferentes se Sophistæ infelices, canoris quibusdam suis nugis garrientes, cū in nominum delectu & certa dictionum compositione & connexionione tota vita laborant, cicadis apparent loquaciores. &c. *Eodem lib.*

## III.

Hi sunt lupi rapaces, recti pellibus ouium, plagiarii, & disertī animarum abigei, qui clam quidem furantur, sed fures esse conuincuntur, qui & dolo & vi nos conantur superare qui non delectamur superuacaneis, utpote quod minùs eis in dicēdo valeamus. Isti sunt q̄ funiculos trahunt, inquit Scriptura, & nihil texunt, inanem laborem plurimi facientes, quem imposturam & astutiam ipse vocauit Apostolus, aptam ad erroris insidias. *Eodem libro.*

## IV.

Ipsæ Sophistarum dictiones non solum multorum oculos perstringunt & eos seducunt: sed nonnunquam etiam vim adferentes, caducam reportant victoriam. *Eodem libro.*

## V.

Mendaces sunt reuera, non ii qui se demittunt & se accommodant propter æconomiam salutis, neq; qui labētur in aliquibus ex iis quæ sunt singularia: sed qui concidūt in iis quæ sunt vel maximè principalia, & Dominum quidem, quan-

quantū fieri ab eis potest, informant & abrogāt. Auferunt autem veram Domini doctrinā, qui non pro dignitate Dei & Domini Scripturas tractant & tradunt. *libro sexto.*

## VI.

Ex iis qui declinant à veritate, alii quidē se ipsos solos, alii verò propinquos quoq; conātur fallere. Atq; ii quidem qui appellātur *δοξολογοί*, hoc est, opinione sapientes, qui se veritatem inuenisse existimant, nullam habentes veram demonstrationem, ii seipsos decipiunt, se acquieuisse existimantes, quorum non parua est multitudo, & quæstiones declinantium propter confutationes, & doctrinam vitantium propter condemnationem. Qui autem eos qui accedunt decipiunt, sunt valdè callidi & astuti, qui etiamsi satis assequantur se nihil scire probabilius, tamen argumentis obscurant veritatem. *libro septimo.*

## VII.

Necesse est labi in maximis eos qui res maximas aggrediuntur, nisi regulā veritatis ab ipsa veritate acceptam tenuerint. Qui autem sunt eiusmodi, vt qui à recta via exciderint, meritò etiam falluntur in plurimis singularibus, propterea quòd non habeant verorum & falsorū iudicium planè exercitatum, in iis quæ oportet eligere: si enim haberent, parerent Scripturis diuinis. *Eodem libro.*

## VIII.

Si Prophetis Scripturis vti audent qui fal-

sa dogmata sequuntur, primùm quidem non omnibus, deinde non perfectis, neque ut dicat corpus & contextura Prophetiæ: sed eligentes ea quæ dicta sunt ambigüe, traducunt ad proprias opiniones, paucas voces sparsim carpentes, non id considerantes quod ex ipsis significatur, sed ipsa, nuda dictione utentes, &c.  
*Eodem libro.*

## IX.

Nolunt conuerti ad veritatem ut quos pudeat deponere commodum sui in seiplos amoris: neque sciunt qua ratione possint suas rationes stabilire, Scripturis vim afferentes. *Eodem libro.*

## X.

Cùm ad falsã in vulgus proferendum dogmata processerint, cum omnibus ferè Scripturis euidenter pugnantes, & semper à nobis, qui contra eos dicimus, confutati, quod reliquum est nunc adhuc sustinent aut quædam ex scriptis Prophetiis non admittere, aut nos, tanquam qui simus alterius naturæ, non posse quæ sunt illorum propria intelligere, calumniantur. *Ibidem.*

## XI.

Nonnunquam, cùm conuincuntur, sua negant dogmata, apertè confiteri erubescunt quæ se seorsum ita docere gloriantur. Id enim in omnibus hæresibus videre licet, persequendo ipsorum dogmatum nequitias. Nam postquam à nostris euerſi fuerint, ostende-



dentibus ipsos apertè aduersari Scripturis, duorum alterum videre licet fieri ab eis qui præsumunt dogmati: aut enim suorum dogmatum consequentiam, aut ipsam Prophetiam, vel potius suam ipsorum spem despiciunt. Semper enim sibi sumunt id, quod eis visum fuerit, esse euidentius quàm quod dictum est à Domino per Prophetas, & ab Euangelio, & etiam Apostolorum testimonio comprobatum & confirmatum. &c. *Ibidem.*

## XII.

Inani sapientiæ opinione elati, perpetuò litigant, apertè ostendentes se magis curare ut videantur, quàm ut philosophentur. &c. *Ibidem.*

## XIII.

Cùm liceat ex ipsis Scripturis demonstrationes diuinis Scripturis conuenientes colligere, id omninò non faciunt, sed quod eorum voluptatibus suffragatur, eligunt. Gloriæ autem tenentur desiderio, quia ea quæ ex natura sua conueniunt sermonibus diuinitus inspiratis, tradita à beatis Apostolis & magistris, sua spõte fallaci sapientiæ simulatione corrumpunt per alias tractationes, humanis doctrinis resistentes diuinæ traditioni ut hæresim constituant. &c. *E. dem libro.*

## XIV.

Circuit cauponas religio mendicans: exigitis mercedem pro solo templi, pro aditu sacri: non licet Deos [ *ruus Iesuiticos* ] nosse gra-

tis, venales sunt. *Tertullianus, Apologetici cap. 13.*

## XV.

De quorundam infirmitatibus habet quod valent, nihil valentes si in bene valentem fidem incurrant. *De praescriptionibus, cap. 2.*

## XVI.

A Philosophia subornantur. *Item.* Inserunt Aristotelem qui illis Dialecticam instituit. &c. *cap. 7.*

## XVII.

Scripturas obtendunt, & hac sua audacia statim quosdam mouent: in ipso vero congressu firmos quidem fatigant, infirmos capiunt, medios cum scrupulo dimittunt. *cap. 15.*

## XVIII.

His nituntur quæ ex falso composuerunt, & quæ de ambiguitate cœperunt. *cap. 17.*

## XIX.

Solent dicere non omnia Apostolos scisse: eadem agitati dementia qua rursus conuerunt, omnia quidem Apostolos scisse, sed non omnia omnibus tradidisse, in utroque Christum reprehensioni subiicientes, qui aut minus instructos, aut parum simplices Apostolos miserit. *cap. 22.*

## XX.

Credunt sine Scripturis, ut credant aduersus Scripturas. *cap. 23.*

## XXI.

Doctrina eorum cum Apostolica comparata  
ex

ex diuersitate & cōtrarietate sua pronuntiauit, neq; Apostoli alicuius auctoris esse, neq; Apostolici: quia sicut Apostoli non diuersa inter se docuissent, ita & Apostolici non contraria Apostolis edidissent, nisi illi qui ab Apostolis deficiuerunt & aliter prædicauerunt. Ad hanc formam prouocabuntur ab illis Ecclesiis, quæ licet nullum ex Apostolis vel Apostolicis viris auctorem suum proferant, vt multò posteriores, quæ denique quotidie instituuntur: tamen in eadem fide conspirantes, non minus Apostolicæ deputantur pro consanguinitate doctrinæ. *cap. 32.*

## XXII.

Vnde extranei & inimici Apostolis, nisi ex diuersitate doctrinæ, quam vnusquisq; de suo arbitrio aduersus Apostolos protulit aut recepit? *cap. 37.*

## XXIII.

Nihil interest illis, licet diuersa tractatibus, dum ad vnius veritatis repugnationem conspirant. *cap. 41.*

## XXIV.

Ordinationes eorum temerariæ, leues, inconstantes: nunc neophytos collocant, nunc sæculo obstructos, nunc apostatas nostros, vt gloria eius obligent, quia veritate non possunt. *ibidem.*

## XXV.

Loquacitatem facundiam existimant: impudentiam constantiam deputant: & maledi-



cere singulis officium bonæ conscientia iudicant. *Aduers. Hermogenem, cap. 1.*

## XXVI.

Hæreticorum [*Iesuitarum*] patriarchæ philosophi. *cap. 8.* Iis ferè mos est simplicia quæq; torquere. *cap. 19.* Simplicitatē communium verborum torquent in quæstionem. *cap. 27.*

## XXVII.

Ne discipulis quidem propriis mysteria sua ante committunt, quàm suos fecerint. Habent artificium quo prius persuadeant quàm doceant. *Aduers. Valentinianos, cap. 1.*

## XXVIII.

Ex conscientia infirmitatis nunquam ordinarè tractant. *De resurrectione carnis, cap. 2.*

## XXIX.

Aufer illis, quæ cum Ethnicis sapiunt, ut de Scripturis solis quæstiones suas sistant, & stare non poterunt. *cap. 3.*

## XXX.

Nos rhetoricari quoque prouocant, sicut etiam philosophari. *cap. 5.*

## XXXI.

Scripturæ ignem alienum imponentes, hoc est sensum & intelligentiam alienam à Deo, & veritati contrariam, introducentes, incensum Domino non suaue sed execrabile offerunt. *Origenes in lib. Numerorum, homilia 9.*

## XXXII.

Hæreticorum voces si adhibeamus ad altare Dei,

Dei, vbi diuinus ignis est, vbi vera fidei prædicatione, melius ipsa veritas ex falsorum comparatione fulgebit. Si enim apponam dicta cuiuslibet hæretici, & hæc sermonibus veritatis ac Scripturarum diuinarum testimoniis, velut diuini altaris igne confutem, nonne euidentior eorum ex ipsa comparatione apparebit impietas? *Ibidem.*

## XXXIII.

Nouissimis temporibus atque in vltimo sæculo, Satan mille modis ac multipliciter dimiceat, congregatur & tentat, insidiatur, seducit atque subuertit, per multitudinem hæresium, per innumeros errores, per abundantes seductores, per pseudoChristos [*pseudo Iesuitas*] ac pseudodoctores, quibus hic mundus repletus est, quos nequissimus seminauit, quos atrocissimus ille produxit, quos malignissimus fecit, qui venerunt & veniunt in verbo Domini, in vestitu ouium, intrinsecus autem sunt lupi rapaces, nomen Christianorum habentes atque speciem pietatis, sed erroribus, impietatibus atque seductionibus referti. *In Iohannem, lib. I.*

## XXXIV.

Isti sunt veræ ianux mortis & viæ inferni. Isti sunt qui à veritate plurimos præuariantur, & à fide innumeros aberrare faciunt. Isti sunt ministri maligni Diaboli atque nuncii veritate carentes. Isti sunt cæci duces cæcorum. Isti sunt nubes sine aqua,

nebula à tempestate fugata, quibus caligo interiorum tenebrarum dignè seruetur ac custoditur. *Ibidem.*

## XXXV.

Differunt quasi de Euangeliiis, & quasi de Apostolis, traditionū suarum fabulas proprio corde exponentes, non in corde Spiritus sancti. Neque enim possunt dicere, Nos autē sensum Christi habemus, vt videamus ea quæ à Deo donata sunt nobis. *In Ezechielem, homil. 2.*

## XXXVI.

Vide mihi aliquem cuiuslibet falsi dogmatis defensorem, & considera quomodo idola sua, id est figmenta quæ ipse composuit, mansuetudine & castitate vestiatur, vt in aures audientium facilius ex vitæ bonitate ornatus sermo subrepat. Cū hoc fecerit, intellige eū assumpsisse vestem variam morum, & idolis subiecisse quæ ipse construxit. *In eundem, homil. 7.*

## XXXVII.

Cū prius errorem falsæ doctrinæ pro veritate susceperint, & hanc esse veritatem apud semetipsos iudicauerunt, tunc demum & ceteris hac persuadere conantur, quæ apud semetipsos vera esse censuerunt. *lib. 3. De Principiis, cap. 3.*

## XXXVIII.

Qui per suam indocilitatem & iniustitiam cum multa temeritate seipsos dederūt ad professionem docendi priusquam discerent & agnoscerent veritatem, & propterea vanas fabulas iudaicas imitantes tradunt corporales histo-



hiſtorias Scripturarum & non ſenſum ſpiritualem aut voluntatem earum, & adhuc detrahunt eis qui Chriſto conſurrexerūt & quæ ſuſum ſunt in Scripturis requirunt, & non ſuper terram, nec in terrenis Scripturarum poſitam exiſtimant veritatem: eludunt quantum ad ſe ante homines regnum cœlorum, eludentes illud iniuſtitia ſua, & trahentes ad ſe eos qui poterant, audientes diuiniorem & maiorem doctrinam & altitudinem veritatis, intrare per cœleſtes doctrinas & per conuenientes eis actus in regnum cœlorum. *Tract. 25. in Matth.*

## XXXIX.

Frequenter conſiderandi ſunt huiuſmodi homines, qui in rebus leuiſſimis religionem ſuam oſtentant. Rectè eos Chriſtus hypocritas appellat. Volentes enim religioſitatem acquirere coram hominibus, nolunt ſuſcipere religioſitatem illam quam Deus iuſtificauit. *Ibidem.*

## XL.

Calices ſunt à foris, quaſi mundati propter ſpeciem religionis quam ſimulant: ab intus autem pleni rapina & ſeductione quibus homines rapiunt ad errorem, & lupi rapaces ſub pelibus ouium latitantes, & ſimplicium animas deuorantes, qui videre non poſſunt eos eſſe lupos rapaces propter ouilium pellium tegumentum. *Ibidem.*

## XLI.

Sicut ſepulchra ſunt plena oſſibus & omni immunditie, ſic & illi pleni ſunt hypocriſi &

iniquitate, non in vna aliqua re simulantes; neque in conspectu vnus in omni vita sua, quamuis & hoc esset pessimum malum: sed omnibus diebus vitæ suæ in simulationibus viuunt, & aliud quidem sunt, aliud autem esse putantur. Sunt lasciui quidam intus, extra autē castos se esse ostendunt, simulatores castitatis & virginitatis fictores. Alii simulatores iustitiæ, cū sint intus iniqui: alii aliarum virtutum simulatores existunt, cū intus contrariis vitiis repleti sint. Sunt quidam & martyrii simulatores: quidam autem episcopatus, vel presbyteratus, vel diaconatus, vel ecclesiasticæ scientiæ vel doctrinæ, tantū personas & ostentationē virtutum habētes, verē autem sunt inimici earundem virtutum quas simulant. *Ibid.*

## XLII.

Circumeunt domos, loquentes ad gratiam cum omni adulatione & deceptione, non vt in verbo Dei animas ædificent, ad virtutem, sed vt adulatoriis dulcibusq; sermonib. permanere, vel etiam proficere eas hortentur in vitiis, laudantes & bona dicentes ea quę correptione digna sunt: ponentes lucem tenebras, & tenebras lucem, dulce amarum, & amarum dulce, & in his seducunt corda innocentium. *In Epist. ad Rom. cap. 16. lib. 10.*

## XLIII.

In perniciem fratrum lingua sua perstrepūt, & facundiæ venenatæ iacula contorquēt, magis duri sæcularis philosophiæ prauitate quàm philo-

philosophiæ dominicæ lenitate pacifici. *Gr. Cyprianus, Epist. 1. lib. 1.*

## XLIV.

Venenatam rabiem suam quotidie furiosa voce restantur. *Epist. 3.*

## XLV.

Sicut presbyteri Susannam pudicam corrumpere conati sunt, sic & hi adulterinis doctrinis Ecclesiæ pudicitiam corrumpere & veritatem Euangelicam violare conantur. *Epist. 8.*

## XLVI.

Vel furori suo vel libidini seruiantes, & diuinæ legis ac sanctitatis immemores, iactitare interim gestiunt quæ probare non possunt: & cum innocentiam destruere atque oppugnare non valeant, satis habent fama mendacii & falsorum ore maculas inspergere. *lib. 2. Epist. 20.*

## XLVII.

Ad nos sæpè studio magis contradicendi quàm vota discendi veniunt, & clamoris vocibus personantes malunt sua impudenter ingerere, quàm nostra patienter audire. *Contra Demetrianum.*

## XLVIII.

Dùm sibi appropinquasse iam lumini atque euasisse sæculi noctem videntur, alias nescientibus tenebras inimicus rursus infundit, ut cū Euāgelio Christi & cū obseruatione eius & lege non stantes, Christianos [*Iesuitas*] se vocent, & ambulantes in tenebris habere se lucem existiment, blandiente aduersario atque fallente,



qui secundum Apostoli vocem transfigurat se velut angelum lucis, & ministros subornat suos velut ministros iustitiæ, asserentes noctem pro die, interitum pro salute, desperationem sub obtentu spei, perfidiam sub prætextu fidei, Antichristum sub vocabulo Christi, vt dum verisimilia mentiuntur, veritatem subtilitate frustrentur. Hoc è fit, dum ad veritatis originem non reditur, nec caput quæritur, nec magistri cælestis doctrina seruetur. *De simplicitate prælatorum.*

## XLIX.

Corruptores Euangelii atque interpretes falsi extrema ponunt, & superiora prætereunt, partim memores, & partim subdolè corrumptes. *Ibidem.*

## L.

Ne suæ artes intereant, ac ne rapies exiguas consultoribus excutiant iam raris, si quando re venire in inuidiam compererunt, indignantur, declamitantque: In templis iam raritas summa est. Iacent antiquæ derisui ceremoniæ, & sacrorum quondam veterini ritus religionû nouarum superstitionibus occiderût: meritò humanum genus tot miseriarum angustis premitur, tot laborum excrucietur ærumnis. &c. *Arnobius, lib. I. aduersus Gentes.*

## LI.

Cùm nobis intenditis auersionem ex lege priorum, causam conuenit vt inspiciatis, non factum: nec quid reliquerimus opponere, sed secuti

secuti quid sumus potissimum contueri. Nam si mutare sententiam culpa est vlla, vel crimen, & à veteribus institutis in alias res nouas voluntatesque migrare: criminatio ista & vos spectat, qui toties vitam consuetudinemque mutastis: qui in mores alios atque alios ritus priorum condemnatione transiistis. *libro 2.*

## LII.

Multi superstitionibus variis pertinaciter inhaerentes, obdurant se contra manifestam veritatem, non tam de suis religionibus, quas prauè asserunt, bene meriti, quam de se malè: qui cum habeant iter rectum, deuios sequuntur anfractus, planum deserunt vt per præcipitium labantur, lucem relinquunt, vt in tenebris cæci ac debiles iaceant. *Lactantius Institutionum Diuinar. lib. 1. cap. 1.*

## LIII.

Horum leuitas instructa dicendi facultate & copia, incredibile est quantas mendaciorum nebulas excitauerit. *cap. 15.*

## LIV.

Tanta [ *hos* ] homines imaginum cupiditas tenet, vt iam viliora ducantur illa quæ vera sunt: auro scilicet, gemmis & ebore delectantur. Horum pulchritudo ac nitor perstringit oculos: nec vllam religionem putant, vbicunque illa non fulserint. *lib. 2. cap. 6.*

## LV.

Veniunt ad Deos [ *Dinos* ] non tam religionis gratia, quæ nulla potest esse in rebus malè par-

tis & corruptibilibus, quàm vt aurum oculis hauriant, nitorem læuigati marmoris aut eboris aspiciant, vt insignes lapillis & coloribus vestes, vel distincta gemmis fulgentibus pocula insatiabili contemplatione contrectent. Et quantò fuerint ornatiora templa, & pulchriora simulachra, tantò plus maiestatis habere creduntur. adeò religio eorum nihil aliud est, quàm quod cupiditas humanà miratur. Hæ sunt religiones, quas sibi à maioribus traditas, pertinacissimè tueri, ac defendere perseverant: nec considerant quales sint, sed ex hoc probatas atq; veras esse confidunt, quòdeas veteres tradiderunt: tantaque est auctoritas vetustatis, vt inquirere in eam scélus esse ducatur. Itaque creditur ei passim, tanquam cognitæ veritati. 7.  
*bidem.*

## LVI.

Cùm sapere, id est, veritatem quærere, omnibus sit innatum: sapientiam sibi adimunt, qui sine vlllo iudicio inuenta maiorum probant, & ab aliis pecudum more ducuntur. Sed hoc eos fallit quòd maiorum nomine posito, non putant fieri posse, vt aut ipsi plus sapiant, quia minores vocantur: aut illi desipuerint, quia maiores nominantur. cap. 7.

## LVII.

Non est apud me dubium quin hoc opus [complectens doctrina Iesuitica capita quadam & refutationes] si quis attigerit ex istis ineptè religios



giosis, vt sunt nimia superstitione impatientes, infectetur etiam maledictis, & vix lecto fortasse principio, affligat, proiciat, excretur, seq; inexpiabili scelere contaminari, atque astringi putet, si hæc aut legat patienter aut audiat. *lib. 5. cap. 1.*

## LVIII.

Ab his, si fieri potest, humanitatis iurè postulam, vt non prius damnent quàm vniuersa cognouerint. Sed noui hominum pertinaciam: nunquam impetrabimus. Timent enim ne à nobis reuicti, manus dare aliquando, clamante ipsa veritate, cogantur. Obstrepunt igitur, & intercedunt ne audiant, & oculos suos opprimunt, ne lumen videant, quod offerimus. &c. *ibidem.*

## LIX.

Audent homines improbißimi iustitiæ facere mentionem, qui teras immanitate vincunt, qui placidissimum Dei gregem vastant. *cap. 9.*

## LX.

Nullus pudor apud eos superest, à quibus abest omnis humanitas, & retorquent in homines iustos conuitia sibi congruentia. Impios enim vocant, ipsi scilicet pii & ab humano sanguine abhorrentes, cùm si & actus suos considerent & illorum, quos tanquam impios damnant, iam intelligent quàm mendaces sint: & iis omnibus, quæ aduersus bonos aut dicunt aut faciunt, digniores. *ibidem.*

## LXI.

Quidam, probitate ficta, viam sibi ad potentiam muniunt, faciuntque multa quæ boni solent, eò quidem promptius quòd fallēdi gratia faciunt. Sed ii cum esse cœperint propoliti ac voti sui compotes, & summum potentia gradū ceperint, tum verò simulatione deposita mores suos detegunt, rapiunt omnia, violāt & vexant, eosque ipsos bonos quorum causam susceperant, insequuntur, & gradus per quos ascenderunt amputant, nequis illos contra ipsos possit imitari. *lib. 6. cap. 6.*

## LXII.

Dum contradicendi studio insaniunt, dum sua etiam falsa defendunt, dum aliorum vera subuertunt, non tantum elapsa illis veritas est, quam se quærere simulabant, sed ipsi eam potissimum suo vitio perdididerunt. *lib. 7. cap. 7.*

## LXIII.

Homines stolidi, repudiata Dei cognitione & pietate, res quæ non sunt, rebus quæ sunt anteponunt, & pro vero Deo ea quæ nulla sunt Deos statuunt, creaturæ potius quàm Creatori seruientes, remque & stultam & impiam designantes, non aliter quàm si quis opera præopifice admiretur, &c. *Athanasius, orat. contra f-dola.*

## LXIIII.

Si ex eorum numero sunt, qui cum orthodoxorum speciem habeant, & amplecti videantur quæ à Patribus sunt edita, disputando tamen ea subuer-

subuertere moliantur, nihil aliud faciunt quā proximum suum potant subuersione lutulenta, verborum pugnis digladiantes, non ad aliquius vtilitatem, sed ad ruinam hominum simpliciorum. *Epist. ad Epictetum, contra hæreticos.*

## LXV.

Eorum insania in id barathri recidit, vt sensus non amplius integros, & incolumes retineant: sed prorsus mentem vndecunq; vitiatam reportant. *Ad Adelphium, contra Arianos.*

## LXVI.

Videntes se esse vndecunque notatos infamiaque conscribillatos, ipsorumq; falsum dogma apud omnes abominabile fieri, scelerum inuectores sese præbent, vt nusquam remissa cum veritate pugna, Christi perduelles hostesque permaneant. *Ibidem.*

## LXVII.

Isti pro veritate & rerum fide inane simulachrum introduxerunt. *Ibidem.*

## LXVIII.

Pro moribus sui imperatoris circumambulant, quærentes quem ex simplicioribus deuorent. *Ibidem.*

## LXIX.

Iudæ mores imitantur, Dominumq; relinquunt, vt Caiaphæ adhæreant. *Ibidem.*

## LXX.

Cum vnaquæq; hæresis sui cõmenti parentem habeat eum, qui ab initio peruersus, & homicida, & mendax fuit, ac pudore tam exosi



nominis teneatur, pulcherrimum, & quod super omnia est nomen I. sv profitetur, Scripturarumq; dictionibus amicitur, & verba quidē profert, veram inde tamen sententiam suffuratur, ac deinde intellectu, quem ipsa confinxit, dolis inumbrato erroneorum homicida efficitur. *Contra Arian. Oratione 1. ad Episcopos Aegypti.*

## LXXI.

Nihil habent in figmentis suis constituentis quod commune sit cum sacra Scriptura: neque id eos latet: sed tamen ad dolum simpliciorum transformationem vultus ad speciem angelicam conformant, eamque verborum indolem præ se ferunt, ut rectum sensum habere videantur, eumq; ubi persuaserint, eò miseros deducunt, ut diuersa alienaq; à Scripturis sentiāt. *Ib.*

## LXXII.

Illud prorsus est admirabile omnes in fingendo diuersa pugnantiaq; inter se adferre, nec alibi nisi in falsitate sibi inuicem consentire & copulari. *Ibid.*

## LXXIII.

Quam nunc scribunt, non cura veritatis scribunt, sed ludi causa technarumq; gratia id faciunt, ad imposturam hominum, ut mittendis epistolis, animos populorum circa istos occupatos teneant, seriasq; interim habeant & intermissionem non dicendæ causæ, latenteque ipsorum impietate, tempus locumq; nanciscuntur prorogandæ suæ hæreseos, canceris in modum omnia depascentis. Cuncta igitur mouet  
& rug.

& turbant, neq; vel ita suis ipsi decretis acquiescunt. *Ibid.* LXXIV.

Tunc, cum insidiis student maximopere se simulant de fide scribere, ut quemadmodum Pilatus manus lauit: ita & ipsi pios religiososque in Christum scribendo interficiant: ac dum de fide definienda negotiosos se fingunt, crimen infamiamq; diuertæ alienæq; à recta fide opinionis elabantur. *Ibid.*

## LXXV.

Pauci numero cum sint, volunt tamen sua præ omnibus valere, & quæ ab ipsis in angulis conflata sunt, ac proinde suspecta, rata esse, summam vim adhibentes, ut dissoluant & irrita faciant totius orbis sedulam & synceram Synodum. *Ibid.* LXXVI.

Etsi sublimes magnificosq; se faciunt, etsi maiores Phariseis fimbrias sibi alligant, dilatantq; se verborum sonitu & vim vocisque tenorem probe meditarum habent, nullam ob id fidem meruerint. *Ibid.*

## LXXVII.

Occultant animum, ac deinde in scribendo Scripturarum verbis pro esca utitur, ut latenter in suam malitiam pertrahant ignaros. *Ibid.*

## LXXVIII.

Ista omnium sectarum vltima, & nunc recē egressa, dolosa & vafra, cum videret sorores suas ceteras (inquā sectas ætate grandiores publice palamque probrosas haberi, specie suam dissimulat, & litterarum sacrarum verbis, quasi

honesto cultu induitur, vt patet eius Diabolus: ac satagit denuo intrare in paradysum Ecclesie, quo sub specie Christianismi [*Iesuitismi*] nonnullos seducat, vt credibilitate fallarum rationum persuasi, contra Christum sentiant. Veris enim rationibus nihil est apud illos firmum & stabilitum: imò quod peius est, iam nonnullos insipientes circumuenerunt, tantoq; errore compleuere, vt non solum auribus delirent, sed ad Euæ imitationem oblata degustent, & à degustatione cæci, captiq; sensibus, amara dulcia esse arbitrentur, & abominabilem sectam pulchram existiment. *Oratione 2. contra Arianos.*

## LXXIX.

Ex sacris eloquiis cauillationes suas conficiunt, & sacra eloquia vi ad suam sententiâ falsis interpretationibus detorquent. *Ibidem.*

## LXXX.

Veluti fues & canes in vomitus sui volutabra sese versantes, alia atque alia adinueniunt, commenta suæ impietatis. *Sermone 3. contra Arianos.*

## LXXXI.

Confutati non quiescunt, neque perplexi inopesq; quod respondeant pudefiunt, sed plane meretricio vultu depuduerunt aduersus omnes in impietatib. suis. *Contra Arianos, serm. 4.*

## LXXXII.

Hæreticus, vt res ipsa docet, prauū omnino, & vndequaq; corruptum animum ad impietatem habet. Ecce n. ubiq; refutati, declaratiq; nullius scientiæ esse, crubescere tamen nequaquam possunt:



possunt: sed quemadmodum in fabulis Ethnorum celebrata hydria, sublati prioribus serpentibus, aliisque pullulantibus, peruicaciter contendebat nouo semper obiectu anguim contra eum qui ipsi suos serpentes tollebat: ita quoq; isti homines animo Ethnico, deiectione ab aliis quæ obiciebāt, alias reperiunt stultas controuersias, & quasi veritatem hostem haberēt, comminiscuntur noua, vt ita se magis Christi perduelles & oppugnatores declarent: quippe qui post tot refutationes, quibus vel Diabolus ipse reiectus confususq; retrò abiisset, rursum ex peruerso corde noua alia comminiscuntur, & his quidem admurmurant, istis verò insusurrant, alios rursum veluti culices bombo circumstrepunt. *Ibidem.*

## LXX XIII.

Quemadmodum sepia atramentum, ita simplicioribus tenebras offundunt, ipsi interrim sui dogmatis nequaquam obliti. *Ibidem.*

## LXXX IIII.

Si benè fidant suæ sectæ, verbisq; quæ loquuntur, nudam nobis suam hæresin profecerant, ostendantq; , si quid pro ea defendenda, vel ex sacris litteris, vel ex aliqua humana saltē ratione, quæ quidem pia sit, deducere possint, aut si non possint raceāt. Nusquam enim quicquam inuenturi sunt, nisi quod faciat ad grauiorem ipsorum refutationem, saltem ex Scripturis sacris. *Epistola contra Arian. de sententia Dionysii Episcopi Alexandrini.*

## LXXXV.

Illi, quàm nihil sit fiducia in sua secta certè, ad mendacia de piis hominibus [ *veteris Christiana Ecclesia pastoribus & doctoribus* ] fingenda confugiunt. *Eadem epist.*

## LXXXVI.

Illi in comminiscendis vitilitigationibus nihil alienum à prauitate suæ indolis faciūt: neq; id mirū, cū tam vario sint & versipelli animo quàm Chamæleontes sunt in mutādis coloribus, quippe quibus tantisper pudor adsit dum refutantur, inopia hæsitatiōe q; respondendi, sed mox tamen resumpta audacia ad confiscationes fingendas recurrant: quos si denuò cōuincas, fatiscunt illi quidē, verū non diutius quàm vt denuò ea quæ nusquam sunt, mendaciis fingāt. &c. *Epistola de decretis Synodi Nicena.*

## LXXXVII.

Multi, qui videri volunt discipuli Iesu, non modo non faciunt quæ ab eo præcipiuntur, sed & magistro insidias ponunt vt proditor Iudas. *Sermone in illud, Profecti in pagum. &c.*

## LXXXVIII.

Vt dictis suis fidem facerent, damnantes dicta & vitia hæreticorū, pias Ecclesiæ prædicationes velamenta professionis impiæ furati sunt, vt correctis in melius verbis irreligiolorum, & ambigua significatione moderatis, sub impietatis damnatione doctrinam pietatis extinguerent. *Hilarius lib. 1. de Trinitate.*

Cæle-

## LXXXIX.

Cœlestium verborum simplicitatē pro voluntatis suæ sensu, non pro veritatis ipsius absolutione susceperunt aliter interpretanda, quàm dictorum virtus postulare. De intelligentia enim hæresis, non de Scriptura est, & sensus non sermo fit crimen. *lib. 2.*

## XC.

Videntur sibi de singulis quæ asserunt præstare rationem, quia singulis assertionibus suis quædam ex diuinis voluminibus testimonia subdiderunt, quæ corrupto intelligentiæ sensu solis tantum ignorantibus blandiantur, speciem veritatis secundum prauitatem interpretantium præstitura. *lib. 4.*

## XCI.

Grauis & periculosus est error in plurimis, & multorum lapsus: etiamsi se intelligat, tamen exurgendi pudore auctoritatem sibi præsumit, ex numero habens hoc impudentiæ, ut quod errat, prudentiā velit existimari: & quod cum multis errat, intelligentiam esse asserat veritatis, dum minus erroris esse existimatur in multis. *lib. 6.*

## XCII.

Incredibilibus se corrupti ingenii artibus hæretica subtilitas circumegit: primum ut fingeret religionem, deinde ut omnium simplicium aurium securitatē verbis falleret, tum præterea ut se prudentiæ sæculi coaptaret, postremò ut veritatis intelligentiam per speciem



editæ rationis auerteret. *Item.* Nostreis aduersum nos vsâ doctrinis, & Ecclesiæ fide contra Ecclesiæ fidem pugnans, grauissimo aduersus nos vel responsionis vel silentii periculo comparato, per ea quæ non negantur ea prædicat quæ negantur. *lib. 7.*

## XCIII.

Multi sunt, qui simulantes fidem non subditi sunt fidei, sibiq; fidem ipsi potius constituunt quàm accipiunt, sensu humanæ inanitatis inflati, dum quæ volunt sapiunt, & nolunt sapere quæ vera sunt, cùm sapientiæ hæc veritas sit, ea interdû sapere quæ nolis. *Item.* Homines mente peruersi, & professione fallaces, & ipse inanes, & sermone viperei, contradicendi nobis necessitatem imponunt, dum lethales doctrinas, & morbidas intelligentias, & corruptas voluntates, simplicitati audientium per speciem religionis insinuant. *lib. 8.*

## XCIV.

Vt bonis & prudentibus viris naturæ ac studii est, totos se ad beatæ spei alicuius obtinendam vel rem, vel tempus præparare, ne in aliquo minor sit expectatione procinctus: ita istis maximæ sollicitudinis est toto aduersus piæ fidei veritatem impietatis suæ ingenio laborare, vt aduersus eos qui religiosi sunt vincant esse irreligiosi, & ultra spem vitæ nostræ vitæ suæ desperatione potiores sunt, & plus impendunt cogitationis ad falsa, quam nos doctrinæ aptamus ad vera. *Eodem libro.*

## XCV.

## XCV.

Proficit semper contradictio eorum ad stultitiæ demonstrationem, quia quæ ingenio insipientis aut peruersæ intelligentiæ aduersus veritatem coaptantur, dum est inconcussa & immobilis, necesse est, vt quæ è diuerso sunt, & falsa intelligantur & stulta. *Eodem libro.*

## XCVI.

Sequitur fidei defectionem hypocrisis mendax, vt sit vel in verbis pietas quam amiserat conscientia. Et ipsam quidem simulatam pietatem omni verborum mendacio impiam reddunt, falsæ doctrinæ institutis corrumpentes sanctitatem fidei, dum secundum desideria studiorum potius quàm secundum Euangelicam fidem doctrina coaceruata est. Auribus enim pruriginè incitatis, dum per audiendi impatientem oblectationem sub nouella desiderii sui prædicatione scalpuntur, ipsi penitus ab auditu veritatis alieni, totos se fabulis destinant, vt his quæ loquuntur veritatis speciem acquirant, dum quæ vera sunt & loqui & audire non possunt. *libro 10.*

## XCVII.

Callidi & astuti artificio quodam vtuntur, inclusam perniciosam corruptelam exquisitorum verborum velamine contegunt. Non prius virus infundunt quàm simplices & innocentes sub prætextu nominis Christiani raptos atq; irretitos inuoluant, ne soli pereant, sed participes criminis sui reos faciant. *lib. 2. ad Constantium Augustum.*

## XCVIII.


Impietatis istius hinc vel præcipuè perpetuæ causa est, quòd fidem Apostolicam septuplo proferentes, ipsi tamen fidem Euangelicam nolunt confiteri, dum in populis impietates suas multiloquiis defendunt, & magniloquentiæ vanitate aures simplicium verbis fallentibus illudunt, dum euitant domino de Christo eà credere quæ de se docuit credenda: & per speciosum pacis nomen in vnitatem perfidiæ subrepunt, & sub reiiciendis nouitatibus rursum ipsi novis ad Deum vocibus rebellant, & sub Scripturarum vocabulo non scripta mentiuntur. & c. lib. 3. *ad eundem.*

## XCIX.

Isti sibi ipsis inter loquendum substratis quæcunq; voluerunt, & iis quæ inde consequuntur assumptis, seipsum postea in cogitationes absurdas detrudentes, hinc sese demonstrasse putant, sua placita necessariò recipienda. *Basilus Magnus, lib. 1. aduers. Eunom.*

## C.

Quoties isti perperam aliquid dicere aggrediuntur, assumere solent initio nonnulla ab omnibus concessa, ut ex eo quod bene in iis sentiunt, fides etiam ipsis in ceteris habeatur. *Eodem lib. 1.*





# CHARACTE- RVM IESVITI- CORVM

## CENTVRIA TERTIA.

### I.

**S**CRIPTVRAS, quæ multifariam ac multis modis intelliguntur, simpliciter considerantes [*id est, ad unicum & proprium sui ingenii sensum accommodantes*] excidunt, cum bene duci non patiantur. Et quod mirum est, Scripturæ quæ iuuant eos qui per fidem valēt, officiunt istis qui circa quæstiones ac inutiles contentiones ægrotant. *Item.* Quærunt non vt fidem, sed vt infidelitatem inueniāt. *Basilus Magnus, lib. 5. contra Eunomium.*

### II.

Curiōsa istorum hominum circa syllabas ac dictiones obseruatio, haudquaquam simplex alicui videri possit, neq; ad mediocre tendens malum: sed profundum atq; obrectum habet aduersus pietatem consilium. *Idem, de Sp. S. ad Amphilocho. cap. 2.*

### III.

Quoniam Sophisticen didicerunt, & vt præclara mirantur quæ didicerunt, obseruationes ex frustranea Philosophia, eque inani deceptione sumptas ad simplicem artificii ignaram doctrinam transferunt. *cap. 3.*

## I V.

Nos architectos nouitatis, & nouos tractatores ac verborum adinuentores, & quibus nō probrosissimis nominibus appellant. Quorum conuicia tantum abest vt indignè feramus, vt ni nos ipsorum calamitas dolore perpetuoque cruciatu afficeret, propemodum dicerem nos illorum maledictis gratiam habere, vt qui nobis conciliant beatitudinem. *cap. 6.*

## V.

Qui consueta fastidiunt, ac vetera [*Prophe-tica & Apostolica dicta*] tanquam obsoleta submouent, ii sunt qui nouas vocum fictiones recipiunt: quemadmodum qui in cultu studiosi sunt ornatus, semper nouam formam præferunt comuni. *Item.* Istorum verba ex noua sapientia inusta sunt ab ipsis met, qui in artificio pugnisq; verborum detriti sunt. *cap. 7.*

## VI.

In nos machinas & insidias struunt, seque mutuo exhortantur ad ferendas suppetias, vt quisque peritia aut robore valet: ceterum id quod oppugnatur fides est, isque scopus communis est omnibus, vt soliditatē fidei in Christum labefactent, Apostolicam traditionem solo æquaram abolendo. *cap. 10.*

## VII.

Illorum verba talia sunt, qualia solent esse hominum ira commotorum, qui ob rationem affectu obscuratam, à nullo temperant quod ad vlciſcendum eum à quo offensi sunt, faciat. *cap. 11.*

## VIII.

## VIII.

Impossibile est vt litteris nostris accusantium nos ora cohibeamus: imò credibilius est, nostris illos apologiis irritari quoq; , vt maiora ac peiora contra nos machinentur. *Item.* Vigilât illi in hoc vt nobis noceant. *Item.* Nundinariam vitam exercentes, quæstuariam sibi reddunt, quam nobis intentant calumniam. *Epistola* 73.

## IX.

Quemadmodû *Æsopica* fabula lupum culpas quasdam aduersus agnû producere, quasi is turpe sibi ac dedecorosum fore putet, si præter istam rationem interimat agnum, à quo nihil sit læsus: & tamen, licet omnem ex calumniâ intentatam accusationem agnus placidè diluat, nihilo magis lupum ab impetu sibi temperare, sed etiam si iustis rationibus vincatur, dentibus tamen victorem euadere facit: ita & isti qui odio nostri non secus atq; rei honestæ, student, turpe forsan putantes si absq; ratione nos odio persequi videantur, causas odii contra nos & crimina fingunt. &c. *Epist.* 80.

## X.

Hoc illis perpetuo studio agitur, ne ex diuinis Scripturis simpliciorum animi ritè doceantur, sed vt per extraneam Philosophiam veritas refellatur. *Epist.* 141.

## XI.

Ob imperitiam eiusque comitem temeritatem, aduersus omnem sermonem porcorum in modum ruunt, ac pulchras veritatis margari-



tas conculcant. *Gregorius Nazianzenus, Apologetico de fuga, orat. 1.*

## XII.

Veritatis doctrinam adulterant, ac vinum aquæ miscent, hoc est doctrinam cor hominis exhilarantem cum vili & vulgari, humiliq; serpente & euanida, frustra; & temerè fluente (vt ipsi ex hac cauponandi ratione obiter aliquid elucrentur) aliasq; alio modo cum iis, qui ad ipsos accedunt, verba faciunt, omnibusque assentantur, ventriloqui sanè quidem & vaniloqui, voluptatibus suis seruientes, verbis è terra prolatis, & in terram pessum euntibus, vt maximam apud vulgus gloriam & nominis celebritatem consequantur, maximis se ipsos damnis afficientes, aut etiam omninò perdentes, atque innoxium simpliciorum animarum cruorem effundentes, de effundentium manibus aliquando requirendum. *Eadem oratione.*

## XIII.

Res nostras, tam benè quàm malè se habentes, studiosè ac diligenter obseruant, non vt iudicent, sed vt improbent: nec vt nobis gratulentur, sed vt insultent, atq; & bona calumnientur, & mala tragicis verbis exaggerent, atque ab alienis lapsibus excusationem vitiis suis quærant. *Orat. 2. de pace.*

## XIV.

Suorum quidem mansueti & placidi indices sunt, alienorum autem seueri censores, vt  
hîc

hic quoq; fucū veritati faciant. Vibices nobis probro dant, cū ipsi vulnera habeant: offendicula nostra exagitant, cū turpiter ipsi prolabantur: maculis nostris gaudent, cū ipsi in cœno volutentur: festucas nobis obiciunt, cū interim ipsi trabium mole oppressi caligent. *Eadem oratione.*

## XV.

Pauperratem nobis exprobrant, opesq; suas insolenter iactant: Ecclesiam multitudine definiunt, ac paruum gregem aspernantur: populum velut ad lancem appendunt: arenam in pretio habent, & mundi lumina contumeliis afficiunt: deniq; lapides aggerunt, & gemmas contemnunt. *Orat. 25. ad Arrianos, & de seipso.*

## XVI.

Sunt quidam quibus non aures duntaxat, sed etiam lingua, atque adeo manus quoque ipsæ pruriunt, quiq; prophanis vocum novitatibus & contentionibus falsò nominatæ scientiæ, ac disputationum pugnis, quæ nullam utilitatem afferunt, oblectantur. Hi verò, utinam quemadmodum linguam volubilem habent, atque in nobilioribus & probatioribus verbis insectandis acrem & vehementem, sic etiam in agendo non nihil saltem, aut etiam æquè, operam collocarent. Id quod si facerent, minus utique caullatores essent, nec tam absurdè atque insolèter in verbis, perinde atq; in alex ludò, versarentur. *Orat. 33. quæ est 1. de Theologia.*



## XVII.

Summo studio res nostras explorant, nihilq;  
avidius expetūt quàm vt malorum nostrorum  
scintillæ in flammam surgant, quas etiam fur-  
tim exuscitant atq; accendunt, auræq; suæ af-  
flatu in cœlum attollunt, & Babylonica flam-  
ma, in orbem omnia populante, sublimiorem  
reddunt. Quoniam enim in suis dogmatibus  
nihil sibi præsidii roborisq; constitutum vi-  
dent, hoc in nostrarum rerum imbecillitate  
venantur. Ac proinde quemadmodum muscæ  
vulneribus, ita nostris calamitatibus, aut ( si  
maius) erratis imminet. *Eadem oratione.*

## XVIII.

Aranearum telis infirmiores illaqueant, ex  
eoq; sibi scitum aliquid ac præclarum facere  
videntur. Dialecticorum agmen nobis ex tem-  
pore producant, non aliter ac fabulæ olim gi-  
gantes, Leuissimos quosque viros ac virorum  
nomine indignos, velut colluiem quandam,  
in vnam voraginem cogentes, ac verborum il-  
lecebris magis ac magis effeminantes, nouam  
ex ipsis impietatis officinam condiderunt, astu-  
rè interim eorum amentia ad vtilitatem suam  
abutentes, ex eaq; messem facientes. *Eadem  
oratione.*

## XIX.

Quos non possunt sermone decipere, eos  
putant gladio esse feriendos. Cruentas leges  
ore dictant, manu scribunt, & putant quod  
lex



lex fidem possit hominibus imperare. *Ambrosius in Auxentium, de non tradendis Basilicis. Tom. 3.*

## XX.

Christus nobis pignus Spiritus dedit, id est Spiritus sancti donatione nos ditauit. Si quis ergò Christianorum hoc donatio contentus fortè non fuerit, & quærit amplius, incipit hoc ipso carere quod meruit. Quod specialiter cōtingit hæreticis. Dum enim nescio quid amplius quærunt, inuenientes erroris Spiritum, gratiam Spiritus sancti perdiderunt. *Serm. 7. Tom. 3.*

## XXI.

Narratores superflui, sicut hirundines, disputationis suauitatem loquacitatis continuatione corrumpunt. Superflua loquitur hæreticus. Qui non loquitur veritatem, non loquitur secundum legem. *Tom. 4. Serm. II. in 118. Psalmum.*

## XXII.

Multi fures sunt qui verbum Dei non ad utilitatem suam furantur & rapiunt: sed ad fraudem cœlestium Scripturarum in sua furta detorquent, adulterina sibi compendia colligentes, dolo magis quàm veritate quæsitæ. Sed hi sunt qui miscent aquam vino, tanquam caupones pessimi, adulterantes sermonem Dei, & in sincerum proferentes quicquid perfido & tanquam ebrio ore deprompserint: & ideo aliena loquuntur à lege. *Eodem serm.*

## XXIII.

Sampson viuas vulpes sibi nexuit, ad quarum caudas alligauit faces, & dimisit eas per messes allophylorum: per hanc figuram significans, quòd improbi & fraudulentì homines, & maximè hæretici liberam linguam habeant ad latrandum, sed exitus impeditos, aut religiosa principia, finem verò fraudis suæ incendio deputatum. *Eodem serm.*

## XXIV.

Multi sunt hæreticorum qui prætere-  
volunt corporis continentiam, vt assertionis  
suæ fidem testimonio sobriæ carnis acquirant.  
*Eccl. Tom. 4. cap. 14. lib. de Noe & Arca.*

## XXV.

Lupus est, qui humanæ necis insaturabili  
crudelitate fidelium morte populorum rabi-  
em suam desiderat explere. *Tom. 5. lib. 7. com-  
mentar. in cap. 10. Luca.*

## XXVI.

Animam petunt, guttur inuadunt, vitali-  
bus vulnus affligunt. Graues sunt morsus eo-  
rum: qui ipsis grauiores & rapaciores bestiis  
nullum auaritiæ finem impietatisque noue-  
runt. Nec vos moueat quod formam præten-  
dere videntur humanam: etsi foris homo cer-  
nitur, intus bestia fremit. Et ideo eos lupos  
esse non dubium est, iuxta Domini Iesu diui-  
nam sententiam, qui ait, Attendite vobis à fal-  
sis Prophetis, qui veniunt ad vos in vestitu oui-  
um,

um, intus autem sunt lupi rapaces. Ex fructibus eorum cognoscetis eos. *Ibidem.*

## XXVII.

Vidi ego quosdam, qui postquam renuciare sæculo, vestimentis duntaxat & vocis professione, non rebus, nihil de pristina conuersatione mutarunt. Res familiaris magis aucta, quàm imminuta. Eadem ministeria seruulorum, idem apparatus conuiuii. In vitio & patella fictili aurum comeditur, & inter turbas & examina ministrorum nomen sibi vendicant solitarii. Qui verò pauperes sunt & tenui substantiola, videnturque sibi scioli, pomparum ferculis similes procedunt in publicum, vt caninam exerceant facundiam. Alii sublatis in altum humeris, & intra se nescio quid cornicantes, stupentibusq; in terram oculis, tumentia verba trutinantur, vt si præconem addideris putes incedere præfecturam. Sunt qui humore cellarum immoderatisque ieiuniis, tædio solitudinis, ac nimia lectione, dum diebus ac noctibus auribus suis personant, vertuntur in melancholiam, & Hippocratis magis fomentis quàm nostris monitis indigent. Pleriq; artibus & negotiationibus pristinis carere non possunt, mutatisq; nominibus institutorum, eadē exercent commercia: non victum & vestitum, quod Apostolus præcipit, sed maiora quàm sæculi homines emolumenta sectantes. Et prius quidē ab Ædilibus vendēti-



um coërcebatur rabies, nec erat impune peccatum. Nunc autem sub religionis titulo, exercentur iniusta compendia, & honor nominis [*Iesuitici*] Christiani fraudem magis facit quàm patitur. Quodque pudet dicere ( sed necesse est vt saltem sic ad nostrum erubescamus dedecus ) publicè extendentes manus, pannis aurum tegimus : & contra omnium opinionem plenis sacculis morimur diuites, qui quasi pauperes viximus. *Hieronymus, Tom. i. Epistola ad Rusticum monachum.*

## XXVIII.

Nihil est grande, tristi & lurida facie, vel simulare, vel ostentare ieiunia : possessionū redditibus abundare, & vile iactare palliolum. *Item.* Si cupis esse, quod diceris monachus, id est solus, quid facis in vrbibus, quæ vti que nō sunt solorum habitacula, sed multorum? *Item.* Quē senseris aut semper aut crebrò de nummis loquentem, institorem potius habeto quàm monachum. *Epist. ad Paulinum.*

## XXIX.

Postquam nobilium introierunt domos, & deceperūt mulierculas oneratas peccatis, semper discentes, & nunquam ad scientiam veritatis peruenientes, tristitiam simulant : & quasi longa ieiunia, furtiuis noctium cibis protrahunt. Sunt alij, qui ideo presbyterium & diaconatum ambiunt, vt mulieres licenti-  
us videant. *Item.* Quidam in hoc omne studium vitamque posuerunt, vt matrona-  
rum

rum nomina, domos moresq; cognoscant. Ex quibus vnum, qui huius artis est princeps, breuiter strictimque describam; quò facilius magistro cognito, discipulos recognoscas. Cum sole festinus exsurgit, salutandi ei ordo disponitur, viarum compendia requiruntur, & panè vsque ad cubicula dormientium senex importunus ingreditur. Si puluillum viderit, si mantile elegans, si aliquid domesticæ suppellectilis, laudat, miratur, attrectat, & se his indigere cōquerens, non tam impetrat, quàm extorquet: quia singulæ metuunt vrbs veredarium offendere. *Epist. ad Eustochium.*

## XXX.

Hi sunt fontes sine aqua, & nebulæ turbini-  
bus exagitate, quibus caligo tenebrarum reser-  
uatur. Superba enim vanitatis loquentes pel-  
liciēt in desideriis carnis luxuriæ eos qui paul-  
lulum effugerant, & ad errorem reuersi sunt.  
Nonne tibi videtur sermo Apostolicus nouam  
imperitiæ factionem notare? aperiunt enim  
quasi fontes scientiæ, qui aquam non habent  
doctrinarum, promittunt imbrem, velut nubes  
prophetica, ad quas perueniat veritas Dei, &  
turbini-  
bus exagitantur dæmonum atq; vitio-  
rum. Loquuntur grandia, & totus eorū sermo  
superbia est. *Tom. 2. lib. contra Iovinianum.*

## XXXI.

Ne glories quòd multos discipulos habe-  
as. Filius Dei docuit in Iudæa, & duodecim tã-

tum illum Apostoli sequebantur. Torcular, inquit, calcaui solus, de gentibus vir non est mecum. Ille in passione solus remansit, & Petri quoque erga eum trepidauit constantia: Phariseorum autem doctrinae omnis populus applaudebatur. &c. *Eodem Tom. & libro.*

## XXXII.

Semper dulcia pollicentur, & ad modicum placent. Amara est veritas & qui eam praedicant, replentur amaritudine. *Eodem libro.*

## XXXIII.

Nobis melius visum est, locum mutare, quam fidei veritatem: aedificiorumque & mansionis amoenitatem amittere, quam eorum communionem maculari, quibus in praesentiarum aut cedendum, aut certe quotidie non lingua sed gladiis dimicandum. *Tom. 2. epist. 55. ad Riparium.*

## XXXIV.

Quidam eorum, qui libenter contentiones reperiunt, adscribunt nobis & nostrae doctrinae blasphemiam: super quo ipsi viderint, quomodo illud audiant, Neque maledici regnum possidebunt. *Eodem Tom. lib. 2. adu. Ruffinum.*

## XXXV.

Istae machinae eorum sunt, ut conuicti de perfidia ad maledicta se conferant. *Adu. Ruffinum, lib. 3.*

## XXXVI.

Frustra seruis Dei blanditias & dulcedines reseruasti, cum hoc proprie sit eorum qui decipere



pere cupiunt, audiētes dicente Apostolo, Huiusmodi Christo Domino nostro non seruiunt, sed suo ventri. Et perdulces sermones & benedictiones seducunt corda innocentium. *lib. I. Dialogorum adu. Pelagium.*

## XXXVII.

Ita infecit [*hec Secta*] corda multorū, vt cū superatos damnatosque esse se sentiant, tamen venena mentium non omittant: & quod solū possunt nos oderunt, per quos putant se libertatem docendæ hæreseos perdidisse. *Item.* Exceptis verbis rinnulis & emendicatis, nihil aliud loquitur. *Epist. 79. ad Alyp. & August.*

## XXXVIII.

De purissimo fonte Scripturarum assumētes testimonia, non ita interpretantur vt scripta sunt, sed simplicitatem sermonis Ecclesiastici id volunt significare quod ipsi sentiant. *Epist. 60. ad Ioannem Hierosolymitanum.*

## XXXIX.

Dispensatio ac libratio ista prudens verborum indoctos decipere potest. Cautus auditor & lector citò deprehendet insidias, & cuniculos, quibus veritas subuertitur, apertè in luce demonstrabit. *Item.* Venena erroris circumlinebant melle verborū. *Item.* Eadem nunc in veteri & noua hæresi consuetudo seruatur, vt aliud populi audiant, aliud prædicent sacerdotes. *Epist. 61. ad Pammachium.*

## XL.

Dum inter mulsum magistrorum & venena pariter bibunt, à magistro Apostolo recesserūt,

qui docet etiam angelum, & se, si in fide errauerint, non sequendos. *lib. 3. adu. Ruffinum.*

## XLI.

Si propter vnum verbum aut duo, quæ contraria sunt fidei, multæ hæreses abiectæ sunt ab Ecclesia, quanto magis hi inter hæreticos habebuntur, qui tantas peruersitates, & tam multa dogmata, contra fidem adinuenerunt, & Ecclesiæ Dei hostes extiterunt. *Eodem libro 3. adu. Ruffinum.*

## XLII.

Si fortè ad Scripturas sanctas, post sæculares litteras venerint, & sermone composito aurem populi mulserint, quicquid dixerint, hoc legē Dei putant: nec scire dignantur quid Prophetæ, quid Apostoli senserint. Sed ad sensum suū incongrua aptant testimonia, quasi grande sit, & non vitiosissimum docendi genus, deprauare sententias, & ad voluntatem suam Scripturā trahere repugnantem. *Tom. 3. Epist. ad Paulinū.*

## XLIII.

Euangelicam veritatem corrumpunt praua intelligentia, & sunt caupones pessimi, facientes de vino aquam. *Tom. 4. in 1. cap. Esaiæ.*

## XLIV.

Tandiu quærunt noua veteribus iungere, & eadem recentioribus immutare, donec & sensus humanus & sermo deficiant. *In 5. cap. Esaiæ.*

## XLV.

Sensu, quem à Deo in bonam partem acceperunt, abutuntur in contrarium atq; peruersum

sum, vt loquantur contra eum à quo conditi sunt, & linguæ ministerium, quo laudandus est Dominus, vertant in blasphemiam. *In 10. caput.*

## XLVI.

In montibus se esse credentes eriguntur cōtra scientiam Dei, iniquitatem in Excelsū loquuntur, & ponunt in cælum os suum: qui & ipsi habent populos, habent reges, qui deceptū populum deuorant. *In 13. caput.*

## XLVII.

Isti sunt falsi Apostoli, operarii mendaces, qui transfigurantur in Apostolos Christi, qui bono semini lolium superfeminant, dormientibus Ecclesiarum magistris, & nolentibus aut nequeuntibus eorum malitiæ resistere. *In idem 13. caput.*

## XLVIII.

Quis eorum non superbus est? qui Ecclesiasticam despiciens simplicitatem, ita habet Ecclesiæ homines quasi bruta animalia, & in tantum superbiæ iniuriæque tumore erigitur, vt contra ipsum Creatorem armet os suū, detrahens Prophetis eius, &c. *In 16. caput.*

## XLIX.

Non ob dilectionem Domini, sed ob mercedem cuncta faciunt, qui comedunt domos viduarum, & proprios abducunt greges, vt lanis eorum vestiantur & lac mulgeant. *Ibid.*

## L.

Omnes sibi cœlestia repromittunt & pollicentur ingentia. *Item.* Quis angulus est, quæ ex-



rema solitudo terrarum, ad quam non turbidus eorum sermo perueniat? Omnes qui habitant & morantur in orbe terrarum, ad eorum signum, quod quasi in montibus eleuatum est, erigunt oculos suos, & clangorem tubæ, id est doctrinæ, eorū audiunt. *Item.* Mittunt in mari huius sæculi libros, obsides peruersitatis suæ, & epistolas ad decipiendos eos qui lecturi sunt. Pergunt nuncii leues ad gentem excelsam & peregrinum populum & pessimum. Nulli enim Ecclesiasticorum tantum habent studii in bono quantum isti in malo: & in eo se lucrum putant consequi si alios decipiant, & ipsi perditici ceteros perdant. *In 18. caput.*

## L I.

Omnia mercedis causa faciunt, & de gloria Domini conciderunt, nec sequuntur tenuitatem mannae & humilitatem Ecclesiasticam, sed in monte pinguiissimo versantur ebrii absque vino. *In 28. cap.*

## L II.

Mendacium loquuntur contra Dominum: peruertunt animas esurientes atque sitientes, & vacuas abire faciunt: ut etiam si quid naturaliter boni habeant, magistrorum amittant vitio, quorum omne consilium est, ut perdant humiles iniquis sermonibus, & dissipent verba humilium in iudicio. *In 32. cap.*

## L III.

Dimisso cultu Dei errorum suorum simulachra venerantur, & illis offerunt victimas & libami-

hamina offundunt: faciētes absconditè, quod turpe est etiam dicere, & captiuas ducētes mulierculas oneratas peccatis, quæ ducuntur variis desideriis: semper discētes, & nunquam ad scientiam veritatis peruenientes. *In 57. caput.*

## LIV.

De his verè dicitur, Deuorant populum meum velut escam panis, & quos Christus notat deuorantes domos viduarum. *In 3. caput Ieremie.*

## LV.

Eorum cogitatio est vt calumnias struant, & sanctos viros accusatione præueniant, nec cogitant quòd illi veritatem loquantur, & quòd isti struant mendacia: iactant enim in sacerdotibus, & in sapientibus, & in pseudoprophētis suis, legem & consilium Dei, & eloquium permanere. *In 18. caput.*

## LVI.

Epistolas plenas mendaciorum, & fraudulentia, atque periurii, in orbem dirigunt, vt & aures polluant audientium, & existimationē simplicium lædant. Non enim eis sufficit iniquitatem propriam deuorare, & proximos lædere: sed quos semel oderunt, per vniuersum orbem infamare conantur, & vbiq; seminare blasphemias. *In 23. caput.*

## LVII.

Quia solent semper prospera polliceri, & celorum regna peccatoribus pandere, vt dicāt:

Parata sunt tibi regna cœlorum: potes imitari maiestatem Dei vt absq; peccato sis. Accepisti enim liberi arbitrii potestatem, & legis scientiam, per quam consequaris quod volueris. decipiuntq; blanditiis miseros, & maximè mulierculas oneratas peccatis, quę circumferuntur omni vento doctrinæ, &c. *Ibid.*

## LVIII.

Nobis agentibus patienter, & expectantibus miserorum salutem, præueniunt hæretici, & nos suo appellant nomine, cæci ducētes cæcos in foueam. *In 29. caput.*

## LIX.

Sicut quondam Pseudoprophetæ falsis vaticiniis & mendacibus promissis gentem Iudæorum seducebant: ita & nunc hæretici atq; schismatici fictis opinionibus & dolosis argumentationibus corda simplicium à veritate rectæ fidei & statu bonorum operum subuertere certant. *lib. 1. Commentar. in 2. caput Lamentationum.*

## LX.

Despiciunt Sion, & confidunt sibi in monte Samariæ, in superbia videlicet dogmatum puerforum, quæ putant esse sublimia, & per has prædicationes fraudulentas vindemiant atque populantur principia gentiũ, vt miraculo doctrinarum potentes quosq; gentiliũ ad errorem hæreticum pertrahant. *In 16. caput Ezechielis.*

## LXI.

Quasi tempestas venerunt contra Ecclesiã,  
& nu-



& nube verborum suorum, simplices quoque  
 credentium opprimere & operire festinant. *In*  
*38. cap.* LXII.

Congregant diuitias dogmatum in malum  
 suum, & nec repertores vtilitatem aliquā pos-  
 sunt consequi, nec sectatoribus suis fructū re-  
 linquere perpetuum: sed & ipsi & discipuli re-  
 uertuntur in terram, & perdunt diuitias ab eo  
 qui dixit, Perdam sapientiam sapientium, &  
 prudentiam prudentium reprobabo. *Tom. 5. in*  
*5. caput Ecclesiasticis.*

## LXIII.

Sagena eorum est sermo affabilis, blandum  
 eloquium, simulata aut coacta ieiunia, vestis  
 humilis, virtutum imitatio. Quod si cœperint  
 de superioribus disputare, & in sublime leuare  
 os suum, & Dei altitudines quærere, laqueum  
 ponunt in excelsis. *In cap. 9. Ecclesiasticis.*

## LXIII.

Vino inebriantur, quando Scripturas san-  
 ctas malè intelligunt atque peruertunt: sicera,  
 quando sæculari abutuntur sapientia. & Diale-  
 cticorum tendiculis, quæ non tam vincula sunt  
 appellanda quàm vmbra quædam & imagi-  
 nes, quæ citò pereunt atque soluuntur. Istius-  
 modi consiliarios maledictio possidebit, qui  
 quæstum putant esse pietatem, & cuncta faci-  
 unt propter auaritiam. *Tom. 4. lib. 9. Comm. in*  
*28. cap. Esaiæ.*

## LXV.

Dictum illud, Omnes mensæ eorum repletæ |

sunt vomitu, sordibusque, ita vt non sit vltra locus, ad hæreticos, & ad Scribas, ac Phariseos sic referri potest, vt vniuersam doctrinam eorum & cuncta mysteria dicamus vomitu plena & sordium, dum Scripturarum sanctarum non digerunt cibos, nec vniuerso corpori faciunt esse vitales, sed immaturos & fœtentes egerunt, ita vt nullum in eis Deus reperiatur locum. *Ibid.*

## LXVI.

Assumunt testimonia Scripturarum de veteri & nouo Testamento, & furantur verba Saluatoris vnusquisque à proximo suo, Prophetis, Apostolis, & Euangelistis, & assumunt linguas suas, vt cordis venena ore pronuncient. *Eccl. 10. 12.* Magna, incredibilia & ingentia repromittunt, vt seducant miseros, & illud implent Apostolicum, docentes quæ non oportet turpis lucri gratia: qui solent malis prospera, & bonis contraria nunciare. *In 23. cap. Hieremia.*

## LXVII.

Sensus & eloquia Scripturarum, quæ electa sunt mundi, & quæ nobis iit ornamentum data sunt, posuerunt in fomentum & materiam superbiæ: & imagines diuersorum dogmatum, & abominationem offendiculorum suorum fecerunt ex eis: vt per quæ poterant colere & adorare Deum, ex his Deum offenderent. *In 7. cap. Ezechielis.*

## LXVIII.

Nostri Hierusalem, quæ interpretatur visio pacis, ab istis scinditur, quando vnum & alterum

rum testimonium Scripturarū de propriis carpentes locis, conantur assuere his, quibus non queunt coaptare. *Item.* De auro & argento sanctarum Scripturarum idola faciunt, quando gratiam sensus & eloquentiæ suā prauitate corrumpunt. *Item.* In omnibus viarum principiis fabricatur lupanar suum, qui ad perueritatem doctrinæ testimoniis Scripturarum abutitur. *In 16. cap. Ezechielis.*

## LXIX.

Ecclesiastici viri qui dogmātum non custodiunt veritatem, sed de suo corde confingunt, magistrāq; habent præsumptionem suam, simili errore retinentur, id est, ut heretici, falluntur & fallunt. Qui cum populo persuaserūt vera esse quæ fingunt, & in theatratem modum plausus concitauerunt & clamores, inmemores fiunt imperitiæ suæ, & adducto supercilio, fibratisq; sermonibus atque trutinatis, magistrorum sibi assumunt auctoritatem. *In 34. cap. Ezechielis.*

## LXX.

Solent regi suo vel Pharaoni dicere, Filii sumus Sapientium, qui ab initio doctrinam nobis Apostolicam tradiderunt. Filii sumus regum antiquorum qui appellantur reges Philosophorum, & habemus scientiam Scripturarum iunctam Sapientiæ seculari. *In 19. caput Esaia.*

## LXXI.

Ipsi ingentia pollicentur, & simulachrū vani cultus de suo corde confingunt. lactāt gradidia



& ad decipiendos simplices quosque, quasi aureis sensibus & eloquiis argenti fulgore splendentibus imperitorum obliuunt aciem, & à suis adiutoribus sublimantur. *In 10. cap. Ieremia.*

## LXXII.

Simulachra dogmatum suorum atq; mendacii, artificii corde componunt, & venerantur ea quæ à se sciunt esse simulata. Nec sufficit eis error proprius, nisi simplices quosque eorum adoratione deceperint. Qui quæstum putant esse pietatem, & deuorant domos viduarum, abutentesque vulgi imperitia, ita arte Dialectica, quasi ascia & terebro, lima & runcina formant Deum suum, & cudunt malleo, atque inaurant sermonis rhetorici venustate: quorum Deus venter est, & gloria in confusione eorum. *In 44. cap. Esaia.*

## LXXIII.

Non dubium est, quin istiusmodi perditionis filii habeant plurimos filios quoscunque; deceperunt, & occidunt in profundis vallibus, & in barathro impietatis subter imminentes petras, quæ semper minantur ruinas: quæ pro diuersitate mendacii & varietate dogmatum peruersorum plures appellantur petræ. Nos autem vnam habemus petram quæ semper sequitur populum Dei, de qua bibebat quondam populus Israel, quando familiaritate Domini fruebatur. *In 57. cap. Esaia.*

## LXXIV.

Prudentium virorum dicta non capiunt, sed  
se ad

se ad disputationes contrarias præparantes, & initium & finem loquendi vanitate cum multo errore commutant, & cum nihil sciant loquuntur plura quàm norunt. *Tom. 5. in 10. cap. Ecclesiastis.*

## LXXV.

Non solùm cogitant & faciunt mala, sed doctrina sua quosque simplices decipiunt, & in morem Damascenorum, qui interpretantur Sanguinem bibentes, eorum quos deceperint sanguinem bibunt. *Tom. 5. lib. 1. Comm. in 1. cap. Amos.*

## LXXVI.

Per multiplices libros ab aliis malè inuenta corroborant. *In 4. cap.* Munera accipiunt, ut auferant Scripturarum, quæ peccatoribus tormenta denunciant, vertant in beatitudinem: & cum diuitibus prospera quæque promittant, tantum apud pauperes truculenti sunt ac seueri. *In 5. caput.*

## LXXVII.

Nunc loquentibus & pronuntiantibus plenus est orbis: loquuntur qui nesciunt: docent qui non didicerunt: magistri sunt, cum discipuli ante non fuerint. *In 5. cap. Michea.*

## LXXVIII.

Non populorum salutem, sed sua quærunt lucra, & deceptum gregem pedibus suis conterunt. *In 7. cap. Michea.*

## LXXIX.

Instructi sunt de Scripturis sanctis, & aduersus Dominum, leges, Prophetarum & Euangelii

verba vertunt, & sunt quasi arcus dolosus. *Item.* Non Scripturarum authoritatem, sed humanæ rationis sensum sequuntur. *In 7. cap. Osee.*

## LXXX.

Dum peruersè intelligunt quod legunt abominationem ponunt in domo Dei. *In 5. caput Amos.*

## LXXXI.

Illi turpis lucri gratia semper personam accipiunt in iudicio, & in eadem causa diuites ac pauperes non iuxta negotium, sed iuxta facultatum diuersitatem aliter atque aliter iudicant, & inhabitatores terræ suæ (quam prauis dogmatibus peruersâq; doctrina à se ornari putant) loquuntur mendacium, & ponunt in excelsum os suum & simplicitatem Ecclesiastici populi despiciunt. *In 5. cap. Mich.*

## LXXXII.

Videntur habere altitudinem & scientiam Scripturarum: sed omnis altitudo eorum veritati comparata phantasia est, & frustra extollit vocem. *In 3. cap. Habacuc.*

## LXXXIII.

Non habet curam rusticæ simplicitatis, quæ meretricia ornamenta non quærit, sed artificis elegantisq; mendacii, ut amatoribus suis placeant. *In 2. cap. Osee.*

## LXXXIV.

Postquam aliquos deceperint, solent dicere, Diuites facti sumus, habemus plurimam multitudinem, discipulorum turba nos sequitur,  
inue-



inuenimus idolum vel refrigerium nobis. Idcirco enim vel maxime hæreses componuntur vt deuorent domos viduarum. &c. *Item.* Solent dicere, Quicquid fecero, quicquid egero, mihi non poterit imputari: habeo enim diuitias meas, argumenta Philosophorum, & populi multitudinem, quam qui aspexerit me peccare non arbitrabitur. *In 12. cap. Osee.*

## LXXXV.

Fures & latrones qui ingrediuntur nocte hæreticos [*istos*] puto, contraria veritati dogmata prædicantes, qui furantur sufficientia sibi, & quotidie de Ecclesiæ gregibus rapere festinant. Isti ingredienti vineam Domini nostri, quam de Ægypto huius sæculi transtulit, ita cupiunt vniuersa populari, vt vix racemum relinquant in ea. &c. *In Abdiām.*

## LXXXVI.

Dulcia sunt eorum carmina, & suauis voce populos decipientia. Nec potest eorum cantica præterire, nisi qui obturauerit aurem suam, & quasi surdus euaserit. *In 1. caput. Michea.*

## LXXXVII.

Quicquid loquuntur non habet vocem sententias explicantem, sed tumultum clamorēq; & sonitum: non enim testimoniis Scripturarum, sed arte Dialectica & argumentis Philosophorū munita sunt atq; constructa. *In 10. cap. Osee.*

## LXXXVIII.

Vtinam tam noui non essent, minus forsitan plurimos decepissent. *Tom. 6. in 3. caput Epist. ad Titum.*

## LXXXIX.

Fermentū hanc vim habet, vt si farinae mixtum fuerit, quod parum videbatur crescat in maius, & ad saporem suum vniuersam cōspersionem trahat: ita & doctrina istorū, si vel modicam scintillā in tuum pectus iecerit, in breui ingens flamma crescit, & totam hominis possessionē ad se trahit. *In 16. cap. Matthæi, can. 32.*

## XC.

Cū peruersa docent, se hominum solent asserere lucratores: cū nō lucrum sit sed perditio animas interficere deceptorū. *Item.* Omnis Doctor Ecclesiæ, qui ad fidem Christi recta ratione persuadet, honestus lucrator est. Et omnis hæreticus, qui quibusdam præstigiis homines fallit & fallitur, loquitur quæ non oportet turpis lucri gratia. *In 1. cap. Epist. ad Titum.*

## XCI.

Sine Scripturarum auctoritate garrulitas non haberet fidem, nisi viderentur peruersam doctrinam etiam diuinis testimoniis roborare. *Item.* Tales homines Doctor Ecclesiæ, cui animæ populorum creditæ sunt, Scripturarum debet ratione superare, & silentium illis testimoniorum pondere imponere: qui non vñ aut paucas domos, sed vniuersas cum omnibus familiis subuertunt, docentes de ciborum differentiis, &c. Atq; vtinam hoc ipsum zelo fidei facerent ex parte aliqua posset ignosci, dicente Apostolo, Zelum Dei habent, sed non secundum scientiā. Verū quia venter est Deus,  
ipso-

ipforum, turpis lucri gratia volunt proprios facere discipulos, vt quasi magistri à sectatoribus suis alantur. *In 1. cap. Epist. ad Titum.*

## X C II.

Sub nomine [ *Iesu* ] Christi ea docent quæ contraria sunt Christo. Nec mirum si aliquos ab his videamus seduci, cum Dominus dixerit, Et multos seducent. *Item.* Sub opinione falsæ scientiæ contra Christum dimicant. *In 24. cap. Matthæi, can. 52. & 83.*

## X C III.

Viam tuam rectam fac propter inimicos meos qui insidiantur mihi. Quæ autem est ista via? Lectio Scripturarum: hoc est, ne in Scripturis tuis, per quas ingredi cupio in Ecclesiam tuam, corruam. Omnis enim qui malè intelligit Scripturas, in via Dei corruit. *Ec. Tom. 7. in Psalm. 5.*

## X C IV.

Si vir Ecclesiasticus, de Scripturis eruditus, contenderit contra eos, & de Scripturis sanctis coarguerit eos, statim requirunt quomodo aliud nouum dogma reperiant. Non quærunt quomodo saluentur, sed quomodo superent. *Ibidem.*

## X C V.

Si in Apostolis veritas Dei est, quomodo isti dicunt, Quod non est reuelatum Apostolis, nobis reuelatum est. *In Psalm. 107.*

## X C VI.

Plantatio eorum non est vetus, sed nouella est. Non est enim de veteri lege, non est de



Prophetis, non est de Apostolis: sed de nouis magistris est. Licet multæ sint hæreses veteres, tamen quotidie mutantur, & nouæ quotidie inueniuntur. Nouæ sunt ipsæ hæreses, licet veteres sint. tamen cùm quotidie doctrinas suas innouant, nouæ sunt. non enim sunt veterum magistrorum [*i. Prophetarum & Apostolorum*] doctrina contenti, sed quotidie ipsi noua reperiunt. *In 143. Psalmum.*

## XC VII.

Vidētis magistros eorum nihil aliud facere nisi studere diuitijs. Diuitijs student & pauperem Christum contemnunt. boues eorum crassif, quorum deus venter est, & gloria in confusione eorum. *Ibidem.*

## XC VIII.

Difficile hæreticos inuenies imperitos. Omnes enim magistri sunt & instructi scientia sæculari. Non habent rete Apostolorum, sed catenulas dialecticas. &c. *Item.* Multi nescientes, beatos tales putant. Ceterum nobis simplicitas Christiana est. Nolumus eloquentiam Platoniam, sed volumus simplicitatem Apostolicam. Piscator iste rete tenet, lutatos habet pedes, & manus ex opere callosas habet. Beatus populus, cuius est Dominus Deus eius. Beatus est populus qui pro omnibus diuitijs Christum habent. Illi habent filios & filias & cellaria, & oues fœtolas; boues crassos & nitidos atq; formosos. Ceterum nos non habemus multitudinem: sed scimus illud dictum in Eu-

ange.

angelio, Vbicunq; fuerint duo aut tres congregati in nomine meo, ibi in medio eorum sum. Ne timeas grex paruule: quia complacuit Deo habitare in te. *Ibidem.*


## XCIX.

Scrutantur Scripturas sanctas, & non spiritualiter tractantes vanas exinde proferunt quaestiones, quibus nos per iniquitatem & dolum cupiunt illaqueare: sed nihil praeualentes, ipsi potius à Deo scrutati atque examinati, relictii sunt vacui. *In Psal. 63.*

## C.

Vis populum liberare? magistros liga. Non vocauit magistros, sed reges. Regnant enim in peccatis & miseriis eorum. Nobiles eorum videas dicere, Iste vir doctus est: ille signa facit: iste Dæmones eiicit. Sancti Domini, quia habent gladios ancipites, hoc est duorum capitum, & de veteri & de nouo Testamento, ligant illos magistros, & præpediunt pedes ipsorum ne possint currere. &c.

*In Psal. 149.*





# CHARACTE- RVM IESVITI- CORVM

CENTVRIA QVARTA,

ex D. Augustini scriptis Polemicis collecta.

## I.

**S**I quid tēporalis molestiæ passi fuerint [*ut de persecutione Anglicana tragicis & famosis libellis passim hodie conqueruntur Iesuita*] per certissimum atq; rectissimum ordinem potestatum, cum ipsis priuatis furiosorum agminibus multa grauiora passim atq; quotidie, nulla regia, nulla Ecclesiastica lege committant: nos corporum persecutores vocant, se animarum interfectores non vocant, cum priuata licentia corporibus parcant. Sed quia semper permansuerudinem Christianam multò seuerius oculus iudicatur euulsus in lite, quàm animus excæcatus in schismate, & aduersum nos loquuntur, & nobiscum loquuntur: & cum eos obmutescere compellat veritas, silere non permittit iniquitas. *lib. i. contra Epistolam Parmeniani.*

## II.

Tanto isti amore hominum cæci sunt, &  
corde



corde impudico, vt adulteros mentis suæ vni legitimo viro coæquare non dubitent, vt quod de solo Domino Iesû Christo dici potuit, etiam in Donato [*Iesuite in Ignatio Loyola suæ sectæ auctore, sicut ex vita ipsius nuper edita constat*] perfectum fuisse contendant. *lib. 2.*

## III.

Non odio iniquitatum alienarum, sed studio contentionum suarum infirmas plebes iactantia sui nominis irriteritas, vel totas trahere, vel certè diuidere affectant, superbia tumidi, peruicacia væfani, calumniis inuidiosi, seditionibus turbulenti, ne luce veritatis carere ostendantur, vmbra rigidæ veritatis obtendunt: & quæ in Scripturis sanctis salua dilectionis sinceritate, & custodita pacis vnitæ, ad coerenda fraterna vitia moderatiori curatione fieri præcepta sunt, ad sacrilegium schismatis, & ad occasionem præcisionis vsurpant. *lib. 3.*

## IV.

Cùm multis quidem locis sermonum suorum nihil aliud quàm præsumere intelligantur, aliquando tamen verecundantur, cùm eos veritas urgere cœperit: quando interrogantur, vtrum non habeant peccatum, vel vtrum non sint peccatores. *lib. 3.*

## V.

Omnino nescio quemadmodum credi posset esse in hominibus tanta peruersitas, nisi experimento verborum suorum factorumq; patesceret vsque adeò se clausos habere cordis

oculos, vt commemorent sanctæ Scripturæ testimoni-  
a, nec intueantur in factis Prophetarum quemadmodum intelligenda sint verba  
Prophetarum. *lib. 3.*

## VI.

Eos teneamus interfectores Prophetarum,  
quos contradictores inuenerimus linguis Pro-  
phetarum. *lib. 2. contra litteras Petiliani, cap. 14.*

## VII.

Noli dicere, Absit, absit à nostrâ conscien-  
tia, vt ad nostram fidem aliquem compella-  
mus. Facitis enim vbi potestis, vbi autem non  
facitis, non potestis, siue legum, siue inuidiæ  
timore, siue resistentium multitudine. *lib. 2.*  
*cap. 15.*

## VIII.

Ita miseris plebibus vos venditatis, vt sine  
peccato vos esse credant, & peccata sua vestris  
orationibus purganda committant. Magni  
homines vos, excelsi, cœlestes, diuini, non iam  
homines sed Angeli, qui pro plebibus oratis,  
& pro vobis plebes orare non vultis. *lib. 2.*  
*cap. 105.*

## IX.

Qui disputat, verum discernit à falso. Quod  
qui [ *velut Iesuita* ] non possunt, & tamen Dia-  
lectici videri volunt, per insidiosas interroga-  
tiones captant incautorum assensiones, vt ex  
eorum responsionibus concludant, vnde illos  
vel in aperta falsitate deceptos rideant, vel oc-  
cultam falsitatem deceptis persuadeant, quam  
plerumq; etiam ipsi existimant veritatem. *Con-*  
*tra Cresconium grammatic. lib. primo, cap. 15.*

Recte

## X.

Rectè ista ( de piorum persecutionibus ) dic-  
cerentur à vobis quærentibus martyrum glori-  
am, si haberetis martyrum causam. Non enim  
felices ait Dominus qui mala patiuntur, sed qui  
propter filiū hominis patiuntur, qui est Christ⁹

Vos autem non propter ipsum [ *hodie in  
lia* ] sed contra ipsum. Patimini quippe i-  
quia nō ei creditis, & toleratis ideò nē cre-  
tis. Quomodo ergò vos eam fidē tenere iac-  
tatis, quam Dominus Christus Apostolis de-  
reliquit? An vsq; adeò cæcos & surdos vultis es-  
se homines vt non legant, non audiāt Euange-  
lium, vbi nouerint quam fidem de sua Ecclesia  
Dominus Christus Apostolis dereliquit, ex qua  
diuisi atq; separati nihil aliud facitis quàm cō-  
tra verba capitis & corporis rebellatis, & tamen  
propter filium hominis ac fidem quam reliquit  
Apostolis, vos persecutionē sustinere iactatis?  
*Contra secundam Gaudentii Epistolam, cap. 12.  
lib. 2.*

## XI.

Si ad vos putatis hæc iustorum verba ( Stabūt  
iusti in magna constantia aduersus eos qui se  
angustiauerunt, &c. ) prius an iusti sitis ostendi-  
re. Habetis enim res magnas quas inter iustiti-  
as vestras ventiletis, diuisionem Christi, rescis-  
sionem sacramentorum Christi, deferriorem  
pacis Christi, bellum contra membra Christi,  
eriminationes in coniugem Christi, negatio-  
nem promissorum Christi. *cap. 27. lib. 2.*



## XII.

Quicumq; de ipso capite ab Scripturis sanctis dissentiunt, etiã si in omnibus locis inveniuntur in quibus Ecclesia designata est, non sunt in Ecclesia. Et rursus quicumq; de ipso capite Scripturis sanctis consentiunt, & unitati Ecclesiæ non communicant, non sunt in Ecclesia, de Christi corpore, quod est Ecclesia, ab ipso Christi testificatione dissentiunt. *Lib. de vni Ecclesia contra Petiliani Donatistæ Epistolã, cap. 11.*

## XIII.

Videte quàm facile sit vel nobis in eos dicere, vel illos in nos quod ait Dominus ad Phariseos: Similes estis monumentis dealbatis quæ à foris apparent hominibus speciosa, intus verò plena sunt ossibus mortuorum & omni spurcitia: sic & vos à foris quidem apparetis hominibus iusti, intus autem estis pleni hypocrisis & iniquitate. Hæc siue in illos à nobis, siue ab eis in nos dicantur, nisi prius probetur manifestis documentis qui sint, qui cum sint iniusti iustos se ipsos confingant, conuiciante magis leuitate quàm conuincente veritate dici, quis mediocriter sanus ignoret? Aliter quippe illa Dominus in Phariseos dicebat tanquam Dominus, id est cognitor cordis & humanorũ omnium secretorum & testis & iudex. Nos autem prius debemus inuenire & ostendere quid arguamus, ne ipsi potius grauissimo crimine insanæ temeritatis arguamur. Sanè si ante docuerint nos tales esse, nequaquam recusare debemus

bemus talibus sanctarum Scripturarum verbis nos reprehendi atq; contundi. Ita si nos eos tales esse docuerimus, [ *ut abundè præstitum est tot libris editis, quibus multiplex hæresis & hypocrisis Iesuitica detegitur* ] erit similiter in potestate nostra, quibus Dominicis increpationibus, ante demonstratos conuictosq; feriamus. *cap. 5.*

## XIV.

Victi animositate, non vultis vinci veritate. *Paulo post.* Ecce sunt Scripturæ quibus credo. Ecce sunt Ecclesiæ quibus communico. Vbi tibi lego nomina earum, ibi mihi lege crimina earum. Si autem aliud declamas vel recitas, nos post vocem pastoris nostri per ora Prophetarum, per os proprium, per ora Euangelistarum nobis apertissimè declaratam, voces vestras non admittimus, non credimus, non accipimus. *cap. 11.*

## XV.

Nisi hoc dicant quod erubescunt si dicant, non habent omninò quod dicant. *cap. 15.*

## XVI.

Hæc [ *i. priuatorum quorundam scelera* ] nos multò probabilius & copiosius eis obiiicere possumus, non ea inanitate qua illi, ut in eis causam nostram constituamus: sed ut eis ostendamus, non ideò nos nolle talibus fidere, quia non inuenimus talia quæ dicamus, sed ne tēpus rebus necessariis vrile, in rebus non necessariis conteramus. Quod propterea illi faciunt, quia robusta & firma veritate subnixa documenta,

quibus causam suam tueantur, inuenire non possunt, & volunt videri aliquid dicere, dum tacere erubescunt, & inania loqui non erubescunt. *cap. 16.*

## XVII.

Remotis ergò omnibus talibus, Ecclesiam suam demonstrent si possunt, non in sermonibus & rumoribus Aphrorum, non in Conciliis Episcoporum suorum, non in litteris quorumlibet disputatorum, non in signis & prodigiis fallacibus, quia etiam contra ista verbo Domini præparati & cauti redditi sumus: sed in præscripto legis, in Prophetarum prædictis, in psalmorum cantibus, in ipsius Pastoris vocibus, in Euangelistarum prædicationibus & laboribus, hoc est in omnibus Canonicis Sanctorum librorum autoritatibus. Nec ita, ut ea colligant & commemorent, quæ obscurè, vel ambiguè, vel figuratè dicta sunt, quæ quisque sicut voluerit interpretetur secundum sensum suum [*quod ante aliquot annos insigni cum audacia præstitit Franciscus Turrianus, Sophistarum Iesuiticorum facile princeps, ut ex eius libris Christianus lector colligere potest*] talia enim rectè intelligi exponique non possunt, nisi prius ea quæ apertissimè dicta sunt, firma fide teneantur. *cap. 16.*

## XVIII.

Omissis morarum tendiculis ostendat [*Donatista, Iesuita*] Ecclesiam vel in sola Aphrica



rica [ *vel in sola Roma* ] perditis rot gentibus  
 retinendam, vel ex Aphrica [ *vel ex Roma* ] in  
 omnibus gentibus reparandam atque adim-  
 plendam: & sic ostendat, vt non dicat, Verum  
 est quia ego hoc dico, aut quia hoc dixit ille  
 collegæ meus, aut illi collegæ mei, aut illi Epi-  
 scopi, vel clerici, vel laici nostri: aut ideo ve-  
 rum est, quia illa & illa mirabilia fecit Dona-  
 tus [ *Ignatius Loyola* ] vel Pontius, vel quilibet  
 alius: aut quia homines ad memorias mor-  
 tuorum nostrorum orant & exaudiuntur: aut  
 quia illa & illa ibi contingunt: aut quia ille  
 frater noster, aut illa soror nostra tale visum  
 vigilans vidit, vel tale visum dormiens som-  
 niavit. Remoueantur ista vel figmenta men-  
 dacium hominum, vel portenta fallacium  
 spirituum. Aut enim non sunt vera, quæ di-  
 cuntur, aut si hæreticorum aliqua mira facta  
 sunt, magis cauere debemus: quod cum di-  
 xisset Dominus quosdam futuros esse falla-  
 ces, qui nonnulla signa faciendo, etiam ele-  
 ctos si fieri posset fallerent, adiecit vehemen-  
 ter commendans, & ait, Ecce prædixi vobis.  
 Vnde & Apostolus admonens, Spiritus autem  
 manifeste dicit, quia in nouissimis tempori-  
 bus recedent quidam à fide, intendentes spi-  
 ritibus seductoribus, & doctrinis dæmoniorum.  
 Porro si aliquis in hæreticorum memoriis o-  
 rans exauditur, non pro merito loci, sed pro  
 merito desiderii sui recipit siue malum siue  
 bonum. *Eodem cap. 16.*

## XIX.

Flagitiosi & facinorosi homines sunt Donatistis [*Iesuitis*] modestiores: quia cùm legibus diuinis & humanis aliquid pœnarum pro suis perditis moribus factisque patiuntur, non se martyres dicunt: isti autem [*Iesuita in Angliam excurrentes, Antichristi emissarii*] simul habere volunt & sacrilegorum vitam & innocentium famam, & in sceleratis factis nullam pœnam, & in pœnis iustis martyrium gloriam; quasi non tantò sit erga illos maior misericordia & patientia Dei, quantò magis eos partibus corripientis dat locum pœnitentiæ, & in hac vita flagella ingeminare non cessat, vt considerantes quæ patiantur, & quare patiantur, aliquando resipiscant. *Lib. 2. de baptis. contra Donatist. cap. 10.*

## XX.

Propter hoc eos inimicos habemus, quia vera dicimus, quia tacere metuímus, quia cessare ab instantia quantum possumus formidamus, quia obtemperamus Apostolo, dicenti, Prædica verbum, instā importunè, oportunè, argue, hortare, increpa: sed sicut Euangelium loquitur, Diligunt gloriam hominum magis quàm Dei: & dum reprehendi ad tempus timent, damnari in perpetuum non timent. Vident etiam ipsi quid mali faciant, vident non esse quid omninò (verè) respondeant: sed nebulas imperitis offundunt, cùm ipsi viui forbean-

beantur, id est scientes & agnoscentes intereant. *Eodem lib. cap. 11.*

## XXI.

Dicunt se nullum premere ad fidem, nisi prius discussa & enodata veritate. *De utilit. credendi, cap. 1.*

## XXII.

Ipsos animaduerti plus in refellendis aliis disertos & copiosos esse, quàm in suis probandis certos & firmos manere. *Ibidem.*

## XXIII.

Scripturæ legis planissimæ sunt, in quas isti quasi vulgò expolitas imperum faciunt frustra & inaniter. *Item.* Ea quæ non intelligunt, aut cur, aut omninò qualia sunt, quamuis iacentibus similia, subtilia tamen intelligentibus atque diuina, magno impetu orationis maledictisq; lacerantes, quia eis imperiti plaudunt, aliquid se proficere existimant. *cap. 6.*

## XXIV.

Omnes viam Catholicæ disciplinæ profitentur se tenere ac docere, & eis quos illectant rationem se de obscurissimis rebus pollicentur reddituros. *cap. 9.*

## XXV.

Quid infeliciùs ista superstitione inueniri potest, quæ non modò non exhibet scientiam quam promittit atque veritatem, sed ea dicit quæ vehementer sunt scientiæ veritatiq; contraria? *contra epist. Fundamenti, cap. 15.*



## XXVI.

In quæstionibus fingendis illi regnare se putant: quasi verò interrogare sit scire. Vtinam id esset, nemo me scientior reperiretur. Sed nescio quomodo sæpè in altercando magnæ quæstionis propositor personam magnam doctoris ostentat [*ut inter Iesuitas Hayus & Verro*] plerumq; ipso quem terret, in eo de quo terret, indoctior. Itaq; isti multitudini se præferendos arbitrantur, quia priores interrogant, quod cum multitudine ignorant. *Lib. de duab. animabus contra Manich. cap. 8.*

## XXVII.

Non sanè mihi videtur cogitare cum hominibus se agere, sed prorsus quasi pecora forent, qui eos audirent, vel eorum scripta legerent: sic abusi sunt imperitia suorum & tarditate ingenii, vel potius animi cæcitate. *Contra Adimant. cap. 4.*

## XXVIII.

Quamdiu Scripturam lacerare conantur, nullo modo permittuntur intelligere. *cap. 12.*

## XXIX.

Particulas quasdam de Scripturis eligunt, quibus decipiant imperitos, non connectentes quæ supra & infra scripta sunt, ex quibus voluntas & intentio scriptoris possit intelligi. *cap. 14.*

## XXX.

Legunt Scripturas apocryphas, quas etiam incorruptissimas esse dicunt. *cap. 17.*

## XXXI.

Nos re vera Catholicos nondum perfectos, sed quodammodo semi-Christianos, quos fallatis & seducatis vestra peruersitate infectamini. Sed si qui adhuc etiam tales sunt, si vos pseudo-Christianos [*pseudo-Iesuitas*] esse intellexerint, quamuis captiosis quaestionum vestrarum propositionibus, propter id quod eorum fidei deest, respondere non possint: non tamen sequendos, sed deuitandos vos esse cognoscunt. Sicut ergo vestra intentio est semi-Christianos quos decipiatis inquirere, sic nostra intentio est pseudo-Christianos, [*pseudo-Iesuitas*] vos ostendere, ut non solum Christiani peritiores vos conuincendo prodant, sed & imperitiores vos cauendo proficiant. *Contra Faust. l. i. c. 3.* XXXII.

Quomodo persecutiones & odia sustinetis propter iustitiam, quibus sacrilegia praedicare & persuadere iustitia est? *lib. 5. cap. 8.*

## XXXIII.

In vobis qui ficti sunt, mali sunt: & qui ficti non sunt, vani sunt. Vbi enim fides ipsa ficta est, & qui ea simulatè utitur, fallit: & qui eam veram existimat, fallitur: nec ex ea potest exsistere bona vita, quia ex amore suo quisque viuit, vel benè vel male. *Eodem lib. cap. 11.*

## XXXIV.

Qui in Euangelio quod vultis creditis, quod vultis non creditis, vobis potius quam Euangelio creditis. *lib. 17. cap. 3.*

## XXXV.

Christianis, fide non ficta pias mentes mundantibus, tanquam temerè credulis insultatis.  
*lib. 20. cap. 9.*

## XXXVI.

Isti, ea quæ non intelligunt reprehendentes, similes sunt hominibus quibus displicent ea quorum non capiunt vtilitatem: velut si surdus videns moueri labia loquentium, tanquã superfluos oris motus deformesq; reprehenderet: vel si quisquam cæcus laudata sibi aliqua domo, vellet palpando probare quod dicitur, & parietum leuitatem manu pertractans, in fenestras irrueret, easq; velut inconuenientes illi æqualitati redargueret, cauernasque ruinosas putaret. *lib. 22. cap. 7.*

## XXXVII.

Legunt Scripturas apocryphas, à nescio quibus sutoribus fabularum, sub Apostolorum nomine scriptas: quæ suorum scriptorum temporibus in authoritatem sanctæ Ecclesiæ recipi merentur, si sancti & docti homines, qui tunc in vita erant, & examinare talia poterant, eos vera locutos esse cognoscerent. *Eod. lib. cap. 69.*

## XXXVIII.

Videtis id vos agere, vt omnis de medio Scripturarũ auferatur authoritas, & suus cuiq; animus author sit, quid in quaq; Scriptura probet, quid improbet: id est, vt non authoritari Scripturarum subiiciatur ad fidem, sed sibi Scripturas ipse subiiciat: non vt ideo illi placeat  
aliquid,



aliquid, quia hoc in sublimi authoritate scriptum legitur: sed ideo rectè scriptum videatur, quia hoc illi placuit. *Lib. 23. cap. 19.*

## XXXIX.

In vobis maximè impletur, quod de seductoribus prædictū est ab Apostolo: Prohibent, inquit, nuptias. Neque enim tam concubitum quàm nuptias detestamini. *Contra Secundin. Manich. cap. 21.*

## XL.

Sunt plurimi carnales qui hæreses faciunt, non intelligendo Scripturas. *Contra Aduers. Legis & Prophet. cap. 17. 1. lib.*

## XLI.

Isti, litteriones potius quàm litterati appellandi sunt, qui legendo litteras nihil sapere didicerunt. *Eod. lib. 124. cap.*

## XLII.

Duæ maximæ sunt eorum illecebræ, quibus decipiuntur incauti, vt eos velint habere doctores. Vna, cū Scripturas reprehendunt, vel quas malè intelligi volunt: altera, cū vitæ castæ & memorabilis continentiæ imaginem præferunt. *Lib. de moribus Ecclesiæ Catholica, cap. 1.*

## XLIII.

Cū nouerit vestra conscientia eos, quos in sectam vestram introducitis, cū vobis familiarius iungi cœperunt, multa inuenturos quæ in vobis esse cū alios accusaretis, nemo suspicabatur: quæ tandem impudentia est, perfectionem in catholicis imbecillioribus quæ-

rere, vt inde imperitos auertas, & eam nullo modo apud te iis quos auerteris exhibere? *Eod. lib. 35. cap.*

## XLIV.

Plures sunt in eis [*id est, inter eos*] qui verū intelligere omnino nequeunt. Scio rursus esse quosdam, qui quanquam bono ingenio utcūque ista videant, mala tamen voluntate, quā ipsū quoque ingenium sunt amissuri, pertinaciter agant, & quærant potius quid aduersus ista dicant, quod tardis & imbecillis facilè persuaderetur, quàm vera esse consentiant. *lib. de morib. Manichaorum cap. 2.*

## XLV.

Tam multa & tam graua peccata in eorum moribus deprehenduntur, vt si quis accusare velit omnia homo alicuius facultatis, singula vt minimum, singulis voluminibus possit. Si vestram impleretis professionem, nihil vobis esset ineptius, nihil stultius, nihil imperitius. Cū autem laudatis & docetis ista nec facitis, quid vobis fallacius, quid insidiosius, quid malitiosius dici aut inueniri potest? *Eodem lib. cap. 19.*

## XLVI.

Cū flagitia vestra sint manifesta, & iis qui scire voluerint cogniti facillima, intelligitur quàm vera dicere soleant, qui hæc esse negauerint. Sed aliis defensionibus utimini quas ego non improbo. Aut enim dicitis aliquos, qui vestra præcepta custodiant, nec eos alio-

tura

rum criminibus debere perfundi: aut non oportere omnino queri quales sint homines qui vestram sectam profitentur, sed qualis sit ipsa professio, &c. *Eodem lib. cap. 20.*

## XLVII.

Et doctos litteris & indoctos errore suo prosequuntur, & cum promittunt veritatem à veritate conantur auertere. *lib. 1. de Genes. contra Manich. cap. 1.*

## XLVIII.

Volentes humanis coniecturis iustitiam Dei defendere, & ignorantes altitudinem gratiæ, fabulas improbables texuerunt. *lib. 1. de peccat. merit. & remiss. contr. Pelagianos, cap. 22.*

## XLIX.

Idonei sunt his rebus interrogandis, quibus intelligendis non sunt idonei. *lib. 3. cap. 8.*

## L.

Desinant & seipsos & alios fallere, contra gratiam Dei disputando. *De Gratia Christi, contra Pelag. & Celest. lib. 1. cap. 25.*

## LI.

Liberi arbitrii elati assertores dicunt, Quod possumus bene cogitare, Dei est, quod autem bene cogitamus, nostrum est: quibus respondent humiles gratiæ prædicatores, Non idonei sumus cogitare aliquid à nobis, quasi ex nobismetipsis, sed sufficientia nostra ex Deo est. *Ibidem.*

## LII.

Gratiam qua iustificamur, id est, qua



charitas Dei diffunditur in cordibus nostris per Spiritum S. qui datus est nobis in eorū scriptis quęcunque legere potui, nunquam eos inueni, quemadmodum confitenda est, confiteri, Propterea nunquam eos aduertere, sicut agnoscendi sunt, agnoscere filios promissionis. *Eodem libro, cap. 30.*

## LIII.

Ignorantes Dei iustitiam, suam volunt constituere, & longè ab illa sunt, quę nobis ex Deo est, non ex nobis, quam in Scripturis etiam sanctis, maximè canonicis, aduertere atque agnoscere debuerunt. Sed quia eas secundum sensum suum legunt, profecto in illis nec apertè contuentur. *cap. 42. eiusdem lib.*

## LIV.

Disputantes cum Pelagio & eius discipulis, primùm vixisse homines ex natura, deinde sub lege, tertio sub gratia, à gratia mediatoris iustos excludere conantur antiquos, tanquam Dei & illorum hominum non fuerit mediator homo Christus Iesus, &c. *lib. 2. cap. 20.*

## LV.

Noui hæretici, inimici gratiæ Dei, quę datur pusillis & magnis, per Iesum Christum Dominum nostrum, etsi iam cauendi euidentius apertiore improbatione monstrantur, non tamen quiescunt scriptis suis minus cautorū vel minus eruditorum corda tentare. *lib. I. cap. I. ad Bonif. centr. 2. epist. Pelagi. vii.*

## LVI.

## LVI.

Liberum arbitrium defendendo præcipi-  
tant, vt de illo potius ad faciendam iustitiam  
quàm de Domini adiutorio confidatur, atque  
vt in se quisque, non in Domino gloriatur. *cap.  
2. eiusdem lib.*

## LVII.

Isti elati & superbi, nec purgando defen-  
sores, sed extollendo præcipitatores liberi arbi-  
trii, non ob aliud nobis de gratia Dei differen-  
tibus indignantur, nisi quia in Domino glori-  
ari dedignantur. *cap. 4. eiusd. lib.*

## LVIII.

Istis non immeritò anathema dicimus, qui  
tam sunt inimici gratiæ Dei quæ venit per le-  
sum Christum D.N. vt eam dicant non gratis,  
sed secundum merita nostra dari, ac sic gratia  
iam non sit gratia, tantumque constituunt in  
libero arbitrio, quo in profundum homo de-  
mersus est, vt eo bene vtendo dicant hominem  
mereri gratiam, cùm nemo bene illo vti possit,  
nisi per gratiam, quæ non secundum debitum  
redditur, sed Deo gratis miserante donatur.  
*cap. 23. eiusd. lib.*

## LIX.

Manichæi meritis naturæ bonæ: Pelagiani  
autem [*jesuita*] meritis voluntatis bonæ perhi-  
bent diuinitus subueniri. Illi dicunt, debet hoc  
Deus laboribus membrorum suorum: isti di-  
cunt, debet hoc virtutibus suorum. Vtrisque  
ergo merces non imputatur secundum grati-

am, sed secundum debitum. *lib. 2. cap. 2.*

## L X.

Itane verò, filii superbix, inimici gratix  
Dei, noui hæretici, quisquis dicit, gratia Dei omnia hominis bona merita (opera) præueniri, nec gratiam Dei meritis dari, ne non sit gratia, si non gratis datur, sed debita merentibus redditur, fatum vobis videtur asserere? *cap. 6. eiusd. lib.*

## L X I.

Quis potest bona cogitatione ad bonum cor præparare? Absit vt aliqui sic intelligant, nisi isti superbi sui arbitrii defensores, & fidei Catholica desertores. *cap. 8. eiusd. lib.*

## L X II.

Prorsus non intelligunt quid de lege dicamus, quia id quod dicit Apostolus, quem non intelligunt, dicimus. Quis enim dicat non iustificari eos, qui sunt legi obediētes, quando si non iustificarentur, non possent esse obediētes? Sed dicimus lege fieri, vt Deus quid fieri velit, audiatur: gratia verò fieri, vt legi obediatur. *&c. lib. 3. cap. 1.*

## L X I I I.

Aut non valent intelligere, aut nolunt aduertere, aut calumniandi studio simulant se scire quod dicimus. Audiant ergo vel ipsi, vel potius illi quos idiotas & ineducatos decipere moluntur. Nostra fides, hoc est Catholica fides, iustos ab iniustis, non operum, sed ipsa fidei lege discernit, quia iustus ex fide viuit. *cap. 5. eiusd. lib.*

Nou



## LXIV.

Noui hæretici Pelagiani [*Iesuita*] religionis amatores & laudatores videntur sibi esse sanctorum, si non audeant dicere imperfectæ illos fuisse virtutis, cum hoc confiteatur vas electionis, &c. *7. bid.*

## LXV.

Isti non intelligentes, & calumniandi cupiditate cæcati, quàm diuersis modis Peccati nomen in Scripturis poni soleat ignorantes, peccatum Christi [*i. Christum peccauisse*] affirmare nos iactant. Dicimus itaque Christum, & nullum habuisse peccatū, nec in anima, nec in carne, & suscipiendo carnem in similitudinē carnis peccati, de peccato damnabile peccatū. *cap. 6.*

## LXVI.

Quicquid de laude legis & liberi arbitrii dicunt, ad hoc referre conantur, vt gratia non adiuuet nisi meritum, ac si gratia iam non sit gratia. Quicquid de laude Sanctorum, ad hoc, vt vita mortalis in Sanctis videatur non habere peccatum, nec sit eis necessarium pro dimittendis debitis suis precari Deum. *lib. 4. cap. 2.*

## LXVII.

Non tam contra hæreticos defendunt quàm contra Catholicos extollunt liberum arbitriū. Et per arbitrii libertatem destruere volunt gratiæ largitorem. *cap. 6. eiusd. lib.*

## LXVIII.

Verba vestra quò proficiunt, nisi vt appareat, vel quomodo de fidei causâ scire negle-

xeritis catholicorum sententia sermonesq; doctorum, vel si eos nosse curauistis, qua fraude conamini circumuenire nescientes. *Contra Iulianum lib. 1. cap. 2.*

## LXIX.

Si fideli diligentia quæreretis, nec ea quæ catholicæ fidei veritate atque antiquitate fundata sunt infideli oppugnaretis audacia, in ea quæ abscondita sunt sapientibus & prudentibus, & reuelata sunt paruulis, nutriti Christi gratia veniretis. *lib. 2.*

## LXX.

Dolus est in ore vestro, siue peccatores vos esse dicatis, & iustos credi velitis, siue profiteamini perfectionem iustitiæ, quam profecto in vobis non esse sentitis. *Eod. lib.*

## LXXI.

Vobis si credamus, & dicamus, Orate pro nobis, vt nec nos ista (id est, terrenarum illecebras & insultus cupiditatum) patiamur, ita vos inueniemus elatos & alta sapientes, vt respondeatis nobis, non solum ista vos non pati, verum etiam in hominis esse potestate, ne illa patiatur, nec esse causam cur ad hoc Lei poscatur auxilium. *Eod. lib.*

## LXXII.

Confitetur Dauid peccata iustorum, magis eos asserens in Dei misericordia spem ponere, quam de iustitia sua fidere, & ideo non est in ore eius dolus, imò in ore illorum, in quibus humius veracis humilitatis, vel humilis veritatis perhi-

perhibet testimonium. Qui dolus abundat in ore vestro. Vbi enim virtus non est, & tanta iactantia est, hypocrisis est: & vbi hypocrisis, vtrique dolus. Prorsus quantum sancti de misericordia Dei quæ magna est, tantum vos de vestra, quæ nulla est virtute præsumitis. Et quantum ipsi aduersus ingenerata vitia bellum gerunt, adiuti per Dei gratiam, tantum vos bellum geritis aduersus ipsam Dei gratiam. *Eod. lib.*

## LXXIII.

Cum in ipso motu pro nostræ voluntatis arbitrio non habeat vllum modum, in effectu autem regeneratus homo non sit moderatus, sed ei modum vigili certamine spiritus honestus imponat, quid est quod laudatis, homines mali [*liberi arbitrii patronos intelligit*] & ad Deum non clamatis, Libera nos à malo? *lib. 3. cap. 13.*

## LXXIV.

Nos deprimunt & dicunt, quod dubium non sit euerfionem sanctitatis, contaminationem pudicitiae, morum labem nostris conuenire imo inesse dogmatibus: neque nos id esse negaturos, qui ideo, sicut dicunt, in naturæ inuidiam malæ conuersationis sordes refundimus, ut peccantibus metum demamus, quorum obfœnitatem Apostolorum & Sanctorum omnium consolamur iniuriis, eo quod vas aureum Apostolum Paulum sæpe dixisse commemoramus, Non quod volo bonum hoc ago, sed



quod odi malum illud facio : & cetera huiusmodi. *lib. 3. 26. cap.*

## LXXV.

O ingrati Deo, ô inimici gratiæ Christi, & solo vocabulo Christiani ! Nonne pro suis inimicis orat Ecclesia ? quid orat obsecro, si ut eis sanæ voluntatis retribuatur pretiû, quid eis orat, nisi grande supplicium ? Quod iam contra eos est, nō pro eis. Orat autē pro eis. Nō ergo quia illis est voluntas bona, sed ut cōuertatur in bonam voluntas mala, quoniam præparatur voluntas à Domino. Et Deus est, ut ait Apostolus, qui operatur in vobis & velle. Sed, acerbissimi huius gratiæ inimici, exempla nobis opponitis impiorum, quos dicitis alienos à fide abundare virtutibus, in quibus sine adiutorio gratiæ solum est naturæ bonum, licet superstitionibus mancipatum, qui solis libertatis ingenitæ viribus & misericordes crebro, & modesti, & casti inveniuntur & sobrii. *lib. 4. cap. 3.*

## LXXVI.

Ab eo dicitis pulsantibus aperiri quī omnes homines vult saluos fieri, & in agnitionem veritatis venire, ut videlicet intelligamus doctibus vobis ideo non omnes saluos fieri, & in agnitionem veritatis venire, quia ipsi nolunt petere, cū Deus velit dare : nolunt quærere, cū Deus velit ostendere : nolunt pulsare, cū Deus velit aperire. Sed hunc sensum vestrum infantes illi ipsa sua taciturnitate conuincunt, qui nec petunt, nec quærunt, nec pulsant, imò  
etiam

etiam cū baptizantur reclamant, respiciunt, reluctantur: accipiunt tamen & inveniunt, pulsan- & aperitur eis, & intrant in regnum Dei, vbi fit eis æternitatis salus & agnitio veritatis, longè pluribus infantibus in istam gratiam nō adoptatis ab eo qui vult omnes homines saluos fieri, & in agnitionem veritatis venire. *Eod. lib. cap. 8.*

## LXXVII.

Quando animositatem qua tenentur vicerint, tunc veritatem poterunt tenere quā vincuntur. *lib. ult. contra Iulian. cap. 13.*

## LXXVIII.

Dum contra regulam veritatis diabolicis armis pugnare nituntur, nos sollicitudine respondendi faciunt cautiores: se verò decipiunt, antequam nostrorum valeant aliquem vulnerare. Cū enim cæci euacuare thesauros fidei concertant, spe fidei vacuati, faciunt plenitudinem fidei Ecclesiæ, opitulante Dei gratia gloriari: & dum in hypocrisi vigilāt nocituri, nos quodammodo excitant dormiētes, vt arrepto clypeo veritatis, falsitati eorū corde resistēte vigilemus, Evangelica tuba nostris auribus insonante, Vigilate & orate, ne intrētis in tentationem. Confidunt ergo hæretici, Catholicam fidem impugnantes, in virtute sua, id est, in audacia cordis sui, gratia desolati, & in abundantia diuitiarum suarum, in operibus scilicet voluntatis suæ gloriantes.

*Prefatione in lib. hypognoticon, contra Pelag.*

LXXIX.

Improbatio eorum facit eminere quid Ecclesia Dei sentiat, & quid habeat sana doctrina. *Confess. lib. 7. cap. 19.*

LXXX.

Propria vocabula, propriosque conuentus, non in sermone tantum, sed etiam in superstitione meruerunt. *De vera relig. cap. 5.*

LXXXI.

Plurimum profunt, non verum docendo, quod nesciunt, sed ad verum quærendum carnales, & ad verum aperiendum spirituales Catholicos. Utamur igitur eis, non ut eorum approbemus errores, sed ut Catholicam disciplinam aduersus eorum insidias asserentes, vigilantiores & cautiore simus, etiam si eos ad salutem reuocare non possumus. *De vera religione, cap. 8.*

LXXXII.

Aduersus nomen Christi, sub velamento tamen nominis Christi, ad exercendam doctrinam sanctæ religionis pullulant. *Epist. 3. ad Volusian.*

LXXXIII.

Non possunt habere martyrum mortem, quia Christianorum non habent vitam (doctrinam) cum martyrem non faciat pœna, sed causa. *Epist. 61. ad Dulcitium.*

LXXXIV.

Eorum inquietudine, ut Scripturas vigilantius perscrutemur, unde (ne ouili Christi nocent) eis possit occurrere, tanquam de somno igna-



gnauia, nostra excitatur industria. *Epist. 105. ad Sixtum.*

## LXXXV.

Animositas eorum semper inquieta est: & sicut Spiritus sanctus requiem præstat mitibus & humilibus corde, ita contrarius & aduersus immites ac superbos inquietudine exagitat. *Epist. 119. ad Ianuarium.*

## LXXXVI.

Si diligenter quæ ad Iesum Christum pertinent cogitetur, nomine tenus inuenitur Christus apud eos, qui tamen se Christianos [*Iesuitas*] vocari volunt: re verò ipsa non est apud eos. *Enchirid. ad Laurent. cap. 5.*

## LXXXVII.

Decipiunt eos qui negligentes sunt in Catholica fide, & ipsam fidem suam, quæ in Scripturis manifesta est, nolunt discere. *De agone Christiano, cap. 28.*

## LXXXVIII.

Scripturas Catholicas legunt, & eas non recte intelligentes, suas falsas opiniones contra earum sententiam peruicaciter asserunt. *De Genes. ad lit. cap. 9.*

## LXXXIX.

Multi, nomine Christiano animas decipientes, persecutionem patiuntur. Sed ideo excluduntur à mercede, quia nō dictum est tantum, Beati qui persecutionem patiuntur; sed additum est, propter iustitiam. *De serm. Domini in monte cap. 9.*

## XC.

Sub vocabulo Christiano doctrinæ resistunt Christianæ, quasi possent indifferenter sine vlla correptione haberi in ciuitate Dei, sicut ciuitas confusionis habuit Philosophos inter se diuersa & aduersa sentientes. *De ciuit. Dei lib. 8. cap. 51.*

## XCI.

Quantum in ipsis est, destruxerunt laudem quam ex ore infantium & lactantium perfecit Deus, dum quæstionibus vanis & scrupulosis exagitant paruulos, & eos nutriri lacte fidei nō sinunt. *In Psal. 10.*

## XCII.

Occiduntur. cū in Scripturarum testimoniis opprimantur. *Item.* Sibi blandiūtur, quod nullus melius credat illis, & quod nullus vincat populum ipsorum. *Homil. 10. in Apocalyps.*

## XCIII.

Neque natæ sunt hæreses, & quædā dogmata peruersitatis illaqueantia animas, & in profundum præcipitantia, nisi dum Scripturæ bonæ non bene intelliguntur, & quod in eis non bene intelligitur, etiam temere & audacter asseritur. *Tract. 18. in Ioan.*

## XCIV.

Prædicant Christum (*Iesum*) qualem sibi fingunt, non qualem veritas dicit: nomen habēt, rem non habent. Et quærendo gloriam suam, oues Christi sparserunt potius quàm congregauerunt. *Tractat. 45. in Iohann.*

## XCV.

## XCV.

Audacias figmentorum suorum, quas maxime exhorret sensus humanus, ab occasione Evangelicæ sententiæ colorare conantur, vbi Dominus ait, Adhuc multa habeo vobis dicere, sed non potestis portare modò: quasi hæc ipsa sint quæ tunc discipuli portare non poterant, & ea docuerit Spiritus sanctus, quæ palam docere atque prædicare, quantalibet feratur audacia, Spiritus erubescit immundus. *Tractat. 97. in Ioann.*

## XCVI.

Iesu Christi non est vera apud eos gloria, apud quos tamen frequentem famam videtur habere cum laude: nam & bonum putant esse quod bonum non est, & Christum (*Iesum*) putant esse quod Christus (*Iesus*) non est. *Tractat. 100. in Ioann.*

## XCVII.

De furtis Dominicis peculia sibi fecerunt, & greges non Christi, sed suos contra Christum pascere voluerunt. Plane in ipsis deprædationibus suis titulum illius (*nomen Iesu*) posuerunt, vt prædæ ipsorum quasi defenderentur per titulum potentis. *Serm. 61. in Ioann.*





DE STUDIIS  
IESVITARVM AB-  
STRVSIORIBVS, ET CON-  
filiis eorum sangui-  
nariis.

QVOD



V o p Marcus Cato olim dixit :  
*Mirum si Aruspex Aruspicem*  
*videns non mox rideat*; item quis  
 non incommode de Iesuitis  
 pronunciet, *Mirum si Iesuita Ie-*  
*suitam intueatur, risum cohibeat.*

Loquor autem non de simplicibus Iesuitis,  
 quibus vel ob ingenii debilitatem, vel religio-  
 nis opinionem, vel temporis breuitatem, ab-  
 strusiores Iesuitarum technæ ignotæ sunt : hi  
 namq; tanta disciplinæ seueritate coercentur,  
 vt nemo eorum, nisi sagacissimus, subodorari  
 possit, quid monstri subsit. Sermo mihi est de  
 ipsis Iesuitarchis, Regentibus, Patribus, Pro-  
 uincialibus, Generalibus, quorum tanta est,  
 cùm omnium flagitiorum, tum maximè scorta-  
 tionum, prædationum & Magicarum artium  
 communio atq; societas ; vt omnino mirum  
 videri debeat, si quis alteri repentinè fiat obui-  
 am, statimq; quasi quoddam exemplar intuea-  
 tur sui, non extemplo rideat effusissimè. Placet  
 igitur hoc loco nonnulla recensere, quæ maxi-  
 mam partem ipsemet vidi, partim à Iesuitis au-  
 diui, quos nominare possû, & certè nominabo,  
 si contra hæc vel hiscere ausint : omnia autem  
 nunc breuiter & rudi quadam delineatione,  
 at suo tempore, Deo volente, fusius, & prolixi-  
 us, assignatis omnibus circumstantiis.

Principio si ingrederis collegiû aliquod Ie-  
 suitarum, præcipuè in vrbe aliqua ampla & po-  
 pulosa constructum : at quid dico ? præcipuè ?

cùm nullum sit collegium in loco humili atque obscuro : si, inquam, tale aliquod collegium ingrederis, iam primum ab initio intueri diligenter Ianitorem, alterum Charontem, aut potius Cerberum. Is est plerunque senio iam confectus, aut si iunior, certè exploratissimæ fidei, & taciturnitatis. Hic, si quisquam alius, omnia mysteria Iesuiticæ Cabalæ nouit. Apud hunc reposita sunt omnis generis virilia & muliebria vestimenta. Hisce variis modis, quàm quisquam personam agere se posse confidit, induti Iesuitæ, mirabiles exercent imposturas. Nunc enim militari habitu conspicui per plateas & compita vagantur, & in publicis lupanaribus scortantur & heluantur. Nunc ciuicam vestem induti, se Lutheranos aut Calvinistas professi, explorant in diuersoriis, in foro, in tribubus, quid vulgò de se dicatur, quæ concilia voluantur, & ineantur. Nunc Doctoreo habitu clari, & annulis radiantes, & se ex professo Pontificios asserentes, vbi sciunt locupletiores è plebe quibus sunt filii, eos tanquam aliud quid sciscitaturi adeunt, & in eorum familiaritatem se insinuant miris modis, hortantur ad extremum, vt filios suos Iesuitarum disciplinæ committant : nam & se ajunt ipsis magistris vsos, & non  
pœni-



pœnitendos fecisse progressus. Nunc nobilem induiti, conducto foris veredo, Principum aulas frequentant, causa officii. Nunc exules præ se ferunt, sibi quæ subueniri perunt, præsertim à Theologis Protestantibus & Caluinianis, ut explorent quid contra se scriptitent: & tales omnino puto fuisse eos, qui vos hactenus, Viri Reuerendi, tam misere deceperunt, sed quo magis eiusmodi exploratores in posterum cauearis, dicam vobis postea quid consilii modò, modò, inquam, cœperint Iesuitæ.

Iam verò quorsum muliebres illæ vestes? Audite. Nullus Terentianus leno tam subducta ratione ad conciliandos meretricios amores fuit, quàm sunt hodiè Iesuitæ; ac præsertim is, quem dixi, Ianitor. nam quod alii in penetralibus & adytis templorum per auricularem confessionem consequi nequeunt, hic blanditiis & miris oblectamentis facile impetrat, maximè apud pauperiores vi-  
duas, & mulierculas quæ filios cò mittunt, acquirendæ causâ eleemosynæ: & adde nomina in ix, ut Lotrix, Netrix. Has ubi in nas-  
sam attraxit impurissimus Portitor, etsi illæ laceris & detritis squalent vestibus, tamen aliis quas habet in promptu splendide ipsas exornat, eas per varios amfractus & meatus ad venerabiles Dominos Patres deducit,

Isthæc autem non fiunt interdiu, sed sub serum crepusculum. Inde totam noctem helluationibus & tripudiis exigunt, iunioribus hæc non animaduertentibus. Habent enim ad hanc rem conductæ, & concameratæ, aut etiâ subterraneæ loca & laquearia, vt illi qui olim Romæ initabantur: quibus tam belluina fuit ad carnis lasciuia projectio, vt iram deorû veritus Senatus, lupanar illud funditus euerterit, sicut Liuius testatur. Hæc de Ianitore Iesuitico. Quib. & hoc addo, si qui fortè talem & tantum apparatus vestimentorum conspiciunt, miranturque quid sibi velit, his respondetur: Isthæc omnia conseruari, agendarum Comœdiarum gratia. Sed hic est finis minus principalis.

Iam porrò templum vbi es ingressus, ne dubites, quin sub ferreo cælo ambules, Mars tibi imminet cruētus, non Princeps ille pacis: subter te luridum inferni barathrum, & officina carnificum. Referam hîc bona fide, quæ ipse vidi. Pragæ supra templi laquearia aliquot milia ferreorum cestuum, & flagellorum inuenies, vt Bohemis ferè mos est. Ad latera disposita sunt tormenta bellica, & musquettæ quàm plurimæ interpositis lanceis & bipennibus. In medio, vbi coeunt arcus laquearium, prægrandium missilium lapidum aggeres conspicias quàm plurimos. Similem apparatus deprehendes etiam Cracouiæ. De reliquis collegiis non dubito. At in quem finem, quæritis, obsecro! Fateor & mihi rem ab initio mirabilem

&amp;

& prodigiosam visam: sed res sic habet. Sciunt Iesuitæ se in omnium propè hominum, etiam saniorum Papistarum odio versari, propter res turbulenter & nefariè à se gestas. Neminem enim curant, ne consortes quidem Religionis, dummodo Pontifici gratificentur, etiam cum totius orbis confusione & patriæ proditione. Quia igitur in perpetuis ciuium consternationibus hærent, maturè cautum sibi volunt eiusmodi apparatu bellico. Metuunt enim, vt ego met ab ipsis aliquoties audiui, ne sibi idem accidat, quod Templariis, qui licet impensè Pontificii essent, tamen propter nimiam ambitionem & auaritiam intolerabiles effecti, de consensu omnium Christianorum Principum & ipsius quoq; Pontificis approbatione, vno prope momento, per vniuersum mundum è medio sublatis, atq; extincti fuerunt. Idem accidit & Pythagoricis, Ethnicorum Iesuitis, in Italia. Verùm in templis potissimum reposita sua volunt præsidia, & arma, idq; propterea. siue enim exorto tumultu concursus fiat à Papistis auxiliandi gratia, vt subito armari possint: siue decipiendi & prædandi causa confluant alienæ religionis asseclæ, vt supernè telis & lapidibus obrui queant. An verò hoc non est ex domo orationis facere speluncam latronum?

Sed audite quæ magis miremini & detestemini. nam hæc sunt aurea & eburnea præ illis quæ sequuntur. Subter pauimentum templi,



Græcii, & alibi, sunt cauernæ & carceres subterranei, ad quos supernè descenditur per cochleas. Huc conferunt, vt Virgilianus ille Cacus, rapinas & thesauros suos, stipantque cauernis ingens argentum: & sic non modo summo cum voluntatis consensu, sed etiam incredibili cum voluptate; sunt pauperes, istamque paupertatem admirabili paupertate sufferunt, inuoluntarios pauperes, vt indignos tam beata cruce, diris deuouentes. Diuitias autem suas ita plerunque condunt, vt directè & perpendiculariter subiaceant Altari maiori & eminentiori: atque sic cum Missam cudunt, suprâ Marti, & infrâ Mammonæ sacra faciunt. In carceribus verò subterraneis, miram videas Bibliothecam, funes, fidiculas, gladios, secures, forcipes, tippos, numellas, faculas: quibus alligati miseri, artuatim distrahuntur, si qui deueniunt in istorum Mezentiorum & Phalaridum manus. Non desunt tragicæ vestes carnificum, pileus pyramidatus, atris plumis ornatus, thorax fimbriatus, & dissectus, caligæ hydropicæ & follicantes, ad talos vsque demissæ, vt vel intuenti horrorem ineutiant. In quem finem, malum, hæc officina parata est, à viris religiosis, & mirissimi Saluatoris nostri æmulis? Audi. istiusmodi instrumentis intellectum discipulorum

lorum captivum ducunt, sub obsequium Iesuiticum. Si quem enim non duraturum suspicantur in proposito, aut erupturum, aut arcana Iesuitica proditurum metuunt; hunc cippo inclusum, diuque fame & inedia maceratum, tanquam exquisitissimis tormentis, enecant. Nihil ipsis affingo. Scribo quod res est. Fuit Græcii ante biennium, Iacobus quidam Clusæus, præstantis ingenii adolescens. Hunc virgis & loris ob rem leuiculam miserrimè concisum, cum se profugiturum, & quæ præterea in se flagitiosè commisissent, palàm conquesturum affirmaret, eiusmodi carceri manciparunt; ex quo postea nunquam emerxisse visus. Nulli iuniorum dubitabamus, quin diris cruciatibus exspirasset.

Hoc inauditum Tyrannidis exemplum suo tempore consignatis omnibus circumstantiis, quod ipse miser Clusæus facturus erat, ego divulgabo. Quin & aliud huic non dissimile facinus in Martinum quendam (cuius parentes opinor adhuc viuunt Miltenbergæ aut Milbergæ) scelerato latrocinio à Fuldensibus Iesuitis admissum, omnium hominum oculis subiiciam. Ee quot existimatis istiusmodi barathro deuoratas & absunitas feminas? quot interemtos infantulos? quot luculenti & ampli pa-

trimonii sublato adolescentem? Ego quidem non existimo sed firmissimè statuo, quoties sub noctem auditi eiulatus, vagitus, suspiria, & lamenta longè miserrima, gelidissimum exigente metu per corpus sudorem, & pilis horrore rigentibus, crediderunt simplices esse animas recens defunctorum; ego credidi recens natorum occisorum. Ceterum nequid Iesuitis ad extremam diabolicam malitiam desit, solent illi nonnunquam in eiusmodi subterraneis locis, diabolo iucundum præbere spectaculum. Terrificas induti larvas, nouitiis ad hanc Tragœdiâ euocatis, horrendo cum boatu occurrunt, exploraturi eorum constantiam & præsentiam animi. Nam qui fracto & deiecto sunt corde, eos ceu degeneres, ad Magicarum artium penetralia non admittunt, sed ad inferiorum artium vestibula abiiciunt: audaciores diligenter notant & seriis studiis reseruant. Sed res sæpenumerò cadit infelicitè, vt Anno 1602 Pragæ contigit, dum quinq; Iesuitis primariis, sub diabolicis laruis iuuentuti obluentibus, immiscuit se sextus, & is quidem haud dubiè verus diabolus, qui vnum ex quinque fictis diabolis, medium complexus, sic pressit, vt triduo post moreretur. Factum id lippis & tonsoribus notum est Pragæ. Nec tamen Tragico isto exitu deterriti, in sacrilego Magiæ studio obstinatè pergunt. Inter omnes autem Iesuitas Magicarum artium peritia eminet, *Pere Cotton*, Gallus, quem Rex ipse tanti facit,



facit, vt Regiæ mensæ adhibeat, & familiares  
cum eo misceat sermones: de quo ipsi iactant  
Iesuitæ quòd speculū habeat constellatū, quo  
quidquid Rex scire aueat, perspicuè ipsi repræ-  
sentet. nec esse tam abstrusum, aut geri & con-  
sultari in reliquorum Monachorū & Mona-  
charū intimis conclauibus, quod illius con-  
stellari, vel potius condiabolari, speculi bene-  
ficio, non in lucem proferre possit. Et quidem  
huius Iesuitæ Magi opera confisi sunt Iesuitæ  
potentissimum quendam Imperii principem,  
cumq; Euangelicum, in partes suas pertrahere,  
quandoquidem is Magico studio mirificè de-  
lectatus fuisse dicebatur. Quos verò inter sese  
Nouitios huic artificio perdiscendo deputa-  
runt, iis explicant nongentas illas Propositio-  
nes, quas Mirandulanus ille comes Romæ af-  
fixit: item Iohannis Trittenii librum: item  
Cornelii Agrippæ tractatum de occulta Philo-  
sophia: item Theophrastum de constellatione  
& sigillis Planetarum: item nescio cuius Ab-  
batis Steganographiam: item artem Pauli ad  
conciliandas reuelationes. vbi diuum illum  
Paulum intelligunt, quem dicunt arte quadā  
Magica instructum, tantas percepisse diuini-  
tus reuelationes. eademq; calluisse dicunt &  
Iohannem, imò Christum ipsum omnibus nu-  
meris absolutissimum fuisse Magum non du-  
bitant, vt egomet ab ipsis non semel audiui &  
nominare possum à quibus. Et hætenus de  
Templo Iesuitico, quibus addo subterraneas

illas latebras, & Circæa antra, subesse plerumque choro, aut peristyllo, non vbi populus consistit.

Nunc vbi te contuleris ex Templo in Musæum (de Triclinio enim, cubiculis, & atea recreatoria, & de disciplina Nouitiorum, qui iam votis se astrinxerunt, & de conuictu ceterorum discipulorum, qui lesuitarum curæ sunt commissi, item de methodo & ordine studiorum, nihil nunc quidem dicam, sed in aliud tempus differam; & sunt pleraq; omnia aliunde nota) inquam, in Musæum te contuleris, ad dextrum latus te conuerte, videbis ibi lectissimam & exquisitissimam Bibliothecam omnis generis authorum, libri omnes in pelles aut membranas nitidissimas compacti auro & argento radiant: quorum vsus est quotidianus, illi pulpitis dispositi, in præloga tabula cum catenulis sunt alligati. Ad interiorem Bibliothecam solis ingredi licet Patribus, & libros inde mutuari quos volunt: Iunioribus prostant illi quotidiani, nec sine venia Regentis è reliquis vel apicem excerpere licet. Ceterum in hac Bibliotheca nulli sunt libri hæreticorum, sed probatissimorum auctorum & Catholici omnes. Indignos enim iudicant vt inter reliquos locum aliquem obtineant, & fortè metuunt ne pestifera contagione ceteros inficiant. Quare ad sinistrum tu respice, ibi cernes miseros hæreticorum libros, in luctu & squalore constitutos, & quidem atris pellibus, atris thembrianis ligatos,

ligatos, & atro colore desuper tinctos omnes. Ex his ne Patribus quidē eximere fas est quos desiderant, sine præscitu Regentis: Iunioribus autem ne petere quidē licet, nisi carmine prius, aut alio scripto, hunc ipsum autorem, cuius scripta cognoscere cupiunt, omni genere conuictorū prosciderint. Inter hasce Bibliothecas, medium occupat Musæum, multis cellulis cæruleo velo ad inuicem separatis distinctum: dextrum latus obsident Patres, sinistrum Iuniores qui iam ordines aliquot susceperunt. Reliqui Nouitii communibus conuictoribus sunt immixti, vt ipsos obseruent, eisq; Iesuitici ordinis suauitatem & excellentiam continuis vicibus depredicant, maximè locupletioribus patrimoniorum suorum vniciis.

De studiis Iesuitarum hîc nihil subiiciam, sed describam breuiter examen Prouincialis, quod nuspiam exstare arbitror. Vnusquisque Prouincialis ab ea prouincia, vel regno potius, quod inspectioni & curæ suæ commissum habet, denominatur. Eius officiū est inuisere collegia, eorūq; supputare redditus, & census insuper annotare diligēter, quinam ex magnatibus liberos in collegiis erudiri curent, & quot illorū sint numero? num quotannis fiat aliqua accessio discipulorū, & amplificatio fortunarū & opū? num qui sint & quot ex Lutheranismō cōuersi? Si nulli, aut etiā aliqua facta Pōtificiæ religionis imminutio, aut iactura bonorū; exprobrat negligentiam & socordiam, mandatq;



seueriter, vt acceptum damnum relarciant. Quod si gesserūt se egregiè, multos conuertebunt, multum comparserunt & corraserunt, omni laude cumulat, & cælo effert. Insuper sciscitatur, quænam sit vicinorum hæreticorum de ipsis opinio, quænam consilia magnatum? quales habeant conuentus, & quot, & vbi? quid decernant, quid volurent? Item, an hæreticorum Principes crebrius sint domi, an alibi? ad quosnā proficiscantur frequentius? quali quisq; sit ingenio? quibus rebus vt plurimum delectetur? an curam aliquam suscipiat Reipublicæ? an studio & amore aliquo teneatur religionis? an potius vino, veneri & venatui indulgeat? an quos habeat in aula Catholicos? quinam sint populares rumores de suis Principibus? num Ecclesiæ aduersariorum ferueant? num pastores Ecclesiarum sint viri docti & diligentes, an verò somnolenti & illiterati? num Theologica facultas in vicina Academia hæreticorū floreat? num crebriores habeant Theologi disputationes, & contra quos maximè? quos libros & de qua materia in lucem ediderint nuperrimè? Ad hæc & alia si respondeant Regens & reliqui Patres appositè, mirificè prædicat industriam & vigilantiam: sin minus, eosq; adeò rerum istarum nescios deprehendit, acerbè vituperat. Quid agitis, inquit, vos somnolenti & desides? cur perditum itis Romanam Ecclesiam? quomodo summo Pontifici hæc inertiam vestram probabitis? cur insinuat

vos agendis rebus? cur metuitis? cur non intrepidè rem aggredimini? Dudum hæc gesta, dudum perfecta oportuit. Videte vigilantiam hæreticorum incredibilem; & vos stertitis? His & similibus verbis ipsos increpat, & exacuit. Tandè quærit de discipulis, conuictoribus, Nouitiis & reliquis, quot eorum sint numero, quanti cuiusq; profectus? ad quod quisq; studium inclinet? num quis inter eos spinosior & scrupulosior? Talè enim à Theologico studio prorsus remouendum existimat, nisi scholasticis disputationibus probè exercitatū & opinione religionis imbutum. Quærit præterea, num qui em habeant in grege, qui pro amplificanda Romana Ecclesia laudabili aliquo facinore se obstringere, & vitam deniq; profundere non dubitet, siquidem necessitas aliquando flagitare videatur? Ad extremum omnia isthæc consignata Generali transmittit Romam, per quem immediatè significantur Pontifici. Atq; sic per totum orbem Christianum nihil geritur aut consultatur, quod non per hos Imperii proditores Papæ innotescat. Per Prouinciales etiam Iesuitæ ab vno collegio in aliud transferuntur, idq; fere triennio quolibet.

Addam postremò, loco Corollarii, miras Iesuitarum technas, quas nuper admodum communi consilio fabricatas ad subuertendum Ecclesiæ & Reip. statum in Imperio Romano in effectum traducere conati sunt, & conantur etiamnum hodie. Est enim hic eorum finis vni-

cus, quo pacto commissis inter sese Imperia Principibus, & sublatis è medio præcipuis Ecclesiæ Doctoribus, Hispanicam Tyrannidem & Primatum Pontificis in Germaniam subinferant. De qua re ipsum Prouincialem *Del Rio* verba facientem commemini. Consilia & machinæ ferè sunt eiusmodi vt sequitur.

Principio videndum & laborandum, quomodo potissimi Imperii Principes à se inuicem abalienentur. Hic finis est. Medium vt abalienentur, est ipsa Religionis inter ipsos diuersitas. Cæsar ita se declarer, Religionis libertatem locum non habere, nisi prius ablata restituantur post Passauiensem Transactionē. Hoc illi certò renuent, & excutient. Mittat igitur Principes, & idem flagitet à ciuitatibus Imperii. Illæ aut obediunt, aut non obediunt. Si prius, salua res est: si posterius, proscribat, & vicinis Principibus, & semper vni Caluiniano, alteri Lutherano diripiendas tradat. Non enim putarunt Pontificii tam prudentes fore Principes Protestantes in causâ Donawerdensi, quin se vel ad minimum Palatinus aut Wirtenbergicus oppositurus esset Bauaro, quo facto proscripi fuissent, & ipsi, & omnis conscissa pacificandi ratio, non modò cum Pontificiis, sed etiam Caluinianis. Quia verò consideratius egerunt, quàm existimatum fuit, ad has conuerterunt se fraudes Iesuitæ. Nam vnâ atque altera ciuitate Imperii proscripta, nullus sibi temperaturus est Principum, quin malit sibi potius, quam alte-



ri æmulo ex communi præda consultum. Hoc in genere. In specie autem adnitendum esse, vt commissis inter sese Saxonibus Principibus, potentia eorum frangatur. Id autem fieri posse commodissimè. 1. Si Primatus Magdeburgicus, qui nunc vacat, Electori Coloniensi Bauaro decernatur administrandus. id neq; Brandenburgicus, neque Saxo facillè concesserint. 2. Id si non succedat pro votis, aliquid causæ obtinendum, quare videatur aut videri debeat, ab Electorali dignitate remouendus Saxo. Si enim olim Imperii Proceres à Cæsareo culmine deiecerunt Wenceslaum, quia ipsis videbatur ignauior; habere etiam posse Cæsare iustam causam, quare Saxonem istum quotidie ebrium ab Electorali dignitate remoueat. Tradat & restituat igitur hanc dignitatem familiæ Winmariensi. Et quia Principes adhuc minores, administrationem committat Electuræ Henrico Brunsvicensi Principi litterato & vigilantissimo. Hæc res sine dubio incredibiles excitabit turbas per totam Saxoniam. Ita mutuis se conficient & atterent viribus, vt communi mox superuenturo hosti, resistere nequeant. Brandenburgicum & Pomeranos quod attinet, dandam operam, vt affinis Cæsaris Rex Polonia, cum patruo suo Rege Sveciæ Carolo sic paciscatur, vt Prussiam communi sectioni subiiciant, & in capita diuidant, contra quod se Brandenburgicus totis viribus opponet. Hassiæ verò Landgrauium adurgendum, vt cum

patrueli Ludouico diuidat hereditatē æquabiliter, & Hersfeldensē administrationē resignet Episcopo Herbipolensi : ni faciat, vt proscribatur, & Ludouico ditiones eius assignentur. Wirtembergicum porro ducem & Electorem Palatinum faciliē committi posse inter sese, si ad restitutionem cœnobiorum aliquot Dux adigatur, & si nolit proscribatur, assignatis Electori vicinis aliquot monasteriis, & inter ea cum primis vno, quod pridem desiderasse dicitur.

Hæc sunt funesta Iesuitarum consilia, quæ ex ore ipsorum audiui, summo cum stupore & admiratione; sunt quæ quàm plurima alia quæ non omnia mihi occurrunt. Et in hunc finem spectat pax Belgica & Turcica: sed Deum credo sic rem direxisse in Ecclesiæ salutē, vt quas illi inimicitias inter Germaniæ proceres serere nituntur, eas iam conspiciāt flagrare inter Cæsarem & fratrem eius Matthiam, Pontifici ad dictissimos & charissimos filios. Quin & hoc deliberatum & consultatum est à Iesuitis, vt emissis aliquot audacissimis sicariis, præcipuè Euangelicæ & Calvinianæ Ecclesiæ Doctores veneno tollant, tanta intoxicandi pericia instructis, vt patinas, salina, malluua, lebetes & quæ reliqua ad vsum quotidianum destinata sunt, sic inficere valeant, vt licet decies extergantur, tamen atrocissimi & præsentissimi veneni vim retineant. Quapropter omnes pios & sinceros Ecclesiæ Antistites hortor, vt in posterum sibi cauere velint, nec cuiq; facile fidem adiun-

adiungant ; nisi prius probè fidem exploraue-  
rint. Hæc in mentem mihi nunquam venire  
potuissent , nunquam etiam venissent , nisi à  
primariis Iesuiticæ colluiei sociis hæc singula  
& multo alia plura accepissem , quæ in patriæ  
& Ecclesiæ salutem in aprium producere de-  
bui , nunc quidem solum delineando , at suo  
tempore, Deo volente, omnibus coloribus &  
circumstantiis, loci, temporis & personarum  
exprimendo.

*Augusta Vindelicorum 21. Mar-  
tii, Anno 1608.*

IOHANNES CAMBILTON.



QVÆSTIONES  
SPIRITVI  
IMMVNDO AD  
EXPLICANDVM  
propositæ

A  
P. COTTONO

Societatis, quam dicunt, Iesu.

*ex autographo expressa cum fide*

LECTO.



SEXENNIVM abiit, cū die Purificationis, qui est secūdus Februarii, Lutetiam venit in ædes Aduocati in Parlamento celebris Domini *Toussaints Chauvelin*, vico Bernardinorū, puella *Adriana du Fresnes*, nata Guerbigniaci, sex milliaribus Ambiano, parentibus pauper- culis, & labore diurno vitā tolerātibus, quos & hodie superesse aiunt. Ostentabatur ea velut à Diabolo possessa, & crebro ad *D. Pictorem* deducebatur; vt coniurationib. & exorcismis restitueretur. Concurrerant ad id, aut spectaculū aut officiū, omnis generis homines, ii maximè quos Ecclesiasticos vocant: nec tantā tamē frequentiā Episcopi, quantā ad *Martham Brossier*, cuius ē corpore meminimus Diabolū, non istis formulis, sed iusto Parlamenti imperio depulsum. Frustrā verò in hac tentatis Ecclesiasticorū remediis, domū illa rediit: & cū anno 1604. eodem afflicta malo, Lutetiā repetisset, per duos mēses, aut ipsā, aut qui eā habebat, Dēmon impurus, multorū curam atq; industriam hominū exercuit. Confluebat ad eam turba ingens, spectandi quidā studio, alii experiūdi, si quid fortè succederet. Inter eos CORTONVS Pater, vt est ad omnia curioso & excellēti ingenio, & ipse in arenā descendit, strenuus gladiator: aliās certē verus, & sciens; hīc, nouus, nec satis gnarus artis: doctus capere & deuincire verbis homi-

num mentes; hic, audax ipsum aggredi Acherunta. Sed conscius inscitiae, ad libros confugit, quibus artis secreta continentur, vnum & alterum commodato accipit à viro docto & religioso: quibus perlectis, quæ legendo cognouerat, statim transferre ad vsum parat: neq; abstinit temerè, certus nihil esse tã difficile, quod non exsuperet ad omnia facti hominis labor improbus. Itaque legere, addiscere, atque tentare pergit: nec contentus vulgari effectu, suam hinc occasionem ratus, Dei mysteria, creationis arcana, abdita Naturæ, Principũ, Magnatum, etiam (vt est homo nihil humani à se alienum putans) muliercularum secreta, de Mundi Principe, illo mille artificii & multisocio, sed mendacii patre, *Diabolo*. cognoscere aggreditur. Ne quid memoriam fugeret, manu tua breuiculum conscribit: quod solet etiam in Confessionibus Societas, non satis vbique feliciter: in id coniicit *Quæstiones* omnis generis, *Diabolo* proponendas: diuinas, naturales, politicas, cœlestes, terrenas, inferas, meretricias; vt Luciani dialogi, varias. Nos verò, prophanos homulos, & viles, quid retulerit, scire nefas. Sed indicem suum prudens imprudens, libro inserit, quem ad discendam artem acceperat à docto, quem supra dixi, & bono viro: is libro recepto, in chartulam istam incidit manu Patris exaratam, cuius autographum visum multis illustribus & clarissimis viris, omniq; exceptione maioribus: nos, exemplum, augendo atq; illustrando

*Amphi-*



*Amphitheatro Honoris Iesuitarum*, producendū putauimus, si quī fortē ordinis eiūdem, humanæ infecitiæ misertus, breuius & obscurius proposita diducere atq; explicare; & sacrum ignē, fraude bona, non tamen ætheria, sed obscura Ditis domo subductum, inferre Gentibus uoluerit. His interim, Lector, utere pro tuo captu, & Valē.

**P**ER merita *S. Petri Apostoli, S. Pauli, S. Priscæ Virginis & mart. Sanctorum Mo-  
sis & Ammonis militis martyrum, S. A-  
thenogenis mart. & Theologi, S. Voluziani  
Turonensis Episcopi, S. Leobardi reclusi, S.  
Liberatæ virginis.*

*Quid Deus me vult scire circa R.R.*

*Quid circa commorat. in Curia.*

*Quid circa admonitiō pri<sup>a</sup> & publicas.*

*Quidquid circa viam & iter.*

*Quidquid circa confessionem eius generalē.*

*Quidquid circa commorat. cum patribus.*

*Quidquid circa de la Val.*

*Quidquid circa off<sup>n</sup> D<sup>num</sup>, cognitionem lin-  
gua Græcæ & Hebræicæ.*

*Circa vota sacrum, casus conscientie.*

*Circa conuerti<sup>onem</sup> animarum.*

*Quidquid circa canoniz<sup>em</sup> utrum urgere  
me velit.*

*Quidquid circa bellum cum Hisp. vel haret.  
Circamissionem in Franciam nouam, &  
totam oram aduersa America.*

*Circamiam, quam tenere debeo, ut sua-  
deam efficaciter.*

*Viam ut abstineat à peccatis.*

*Periculū cui ire obuiam possim cōtra Dam<sup>m</sup>.  
Procurarunt ut aperiatur.*

*An sit baptizata.*

*An periculum Illumi in Maria Valentia:*

*In dñam de la Faye Stand. de Clarencal.*

*An Sanctimonialis poss.*

*Circam exitum tuum dic horam, modum  
noctur.*

*An p<sup>m</sup> aliquod occultum cui obnoxius.*

*An Lingua à DEO.*

*Chamier, Ferrier, quo pacto.*

*De concionibus quo modo utilius, quibus li-  
bris, qua ratione.*

*Quod maius periculum nostrum.*

*Cui restitutioni obnoxius sit Rex.*

*Quid D. Acaria dici velit de d. Iard.*

*Quid fratribus, quid sororibus.*

*Qua apparitio illa fuerit in Occitania.*

*Expediat matrem Pasitheam venire.*

*Soror Anna de S. Bart<sup>o</sup> proficisci Pontimuss.*

*Circam R. & D. de Ron quid me scire.*

*Quid*

Quid sperari de conuers<sup>e</sup> eius possit.

Qui heretici ad fidē accessuri facilius in aula.

Quidquid periculi creatur in Societatem à  
Demonibus.

Quidquid in me.

Quid utiliss<sup>m</sup> ad conuer<sup>nem</sup> omnium hereti-  
corum.

Quis Pietas<sup>i</sup> Coll<sup>i</sup> funda<sup>nem</sup> maxime impe-  
diat, & quid.

Quid circa vocat<sup>em</sup> neptis sit.

Quis euidentiss<sup>i</sup> Scripturæ locus ad proban.  
Purgat. & ad probandam Inuoc. Ssrū.

Auth<sup>m</sup> Papæ & car<sup>m</sup> nostrum qua petit.

Quomodo potuerint animalia in arca Noe.

Qui filii dei filias hominum dilexerunt.

Pedibus ne ince<sup>rit</sup> erit serpens ante Adæ lapsum.

Quandiu in calo ipsi & in Parad. terren. pa-  
rentes fuerint.

Qui sunt septem Spiritus ante thronum Dei.  
Archangelorumne Rex.

Quid, ut firma pax cum Hisp<sup>i</sup>.

Si quid vult me scire per te Deus de tempore,  
quo heresis Caluini extinguetur.

Si quid de patre meo & statu eius, cura,  
& fratribus Ioanne & Ant<sup>o</sup>.

Quot boni ad fidem facientes fuerunt deprava-  
ti ab heret.



*Circa Geneva plagiarium quid velit Deus  
me scire per te.*

*Quid circa profectionem Patris generalis in  
His.*

*Aequare solo.*

*Quid circa breue & oleum Patris generalis.*

*Quid circa Baquewille & adolescentem, qui  
prope Dinam Mariam degit.*

*Quomodo in sula animalia acceperint & eo  
homines post Adamum peruenerint.*

*Vbi paradysus terrestris.*

*Qua ratione conuerti rex Anglia, regina &  
regnum maxime & facile queant.*

*Turca qua supplantari ratione, qua conuerti  
infideles.*

*Quota pars reciderit Angelorum.*

*Qua adoratio Dei in Cherubin.*

*Quo pacto referri potest.*

*Quo pacto reparare possim omnes defectus  
quos vel scribendo, imprndo libros  
commisi, vel etiam concionando.*

*Quid maxime illum urgeat in exor<sup>mo</sup>.*

*Et demones alios.*

*Quid circa Geneue conseruatione tam saepe.*

*Quid circa Regis sanitatem.*

*Quid circa compositionem animorum inter  
Regem & Magnates subditos.*

*Quo*

*Quo pacto iuuari possit dn̄s de Verdun;*

*Quid impalerit.*

*Quid circa vrbes obsidionales.*

*Quid circa Lesdegnerum & eius conuer<sup>tem</sup>*

*Quid circa honorem mearum reliquiarum.*

*Quid circa lras ad D. de Clarancal & illam potissimum.*

*Quid Ambianense coll<sup>um</sup> impediatur, quid Trecense.*

*Circa durationem heresis.*

Deuter. XVIII. 9.

*Quando ingressus fueris terram, quam DOMINVS DEVS tuus dabit tibi, caue ne imitari velis abominationes illarum gentium: nec inueniatur in te, qui lustrat filium suum aut filiam ducens per ignem: aut qui ariolos sciscitetur. & obseruet somnia atq; auguria: nec sit maleficus, nec incantator, neq; qui pythones consulat, nec diuinos, & querat à mortuis veritatem. Omnia enim hac abominatur DOMINVS, & propter huiusmodi scelera, delebit eos in introitu tuo, &c.*

Tertul. Apologet.

*Cui autem opus est perferutari super Cæsaris salute, nisi à quo aduersus illum aliquid cogitatur, aut post illam speratur, & sustinetur?*

Paulus I. C. v. sentent. tit. XXI. §. 9.

*Qui de salute principis vel summa Rep. Mathematicos, ariolos, aruspices, vaticinatores consulit, cum eo qui responderit, capite punitur.*

Iul. Firmicus ii. Mathes.


*Nec oportet, nec licet ut de statu Reip. nefaria  
curiositate dicamus. &c.*

Thomas in 2. 2. q. 90. art. 2.

*Non licet Dæmones adiurare per modum de-  
precationis, quia id ad benivolentiam pertinet, quā  
non licet ad Dæmones uti i. Cor. 10. ne socii Dæmo-  
num fiamus. Licet tamen per virtutem Diuini no-  
minis eos adiurando eiicere, ne noceant: non au-  
tem ut aliquid per eos discamus, aut conse-  
quamur.*

D. August. lib. xi. Confess. cap. 12.

*Ecce respondeo dicenti, Quid faciebat DEVS  
antequam faceret cælum & terram? Respondeo,  
non illud quod quidam respondisse perhibetur iocu-  
lariter eludens questionis violentiam: Alta, inquit,  
scrutantibus, gehennas parabat. Aliud est vide-  
re, aliud ridere. Hec non respondeo. Libentius enim  
responderim, Nescio quod nescis; quā illud  
unde irridetur qui alta interrogauit, &  
laudatur qui falsa re-  
spondit.*





CONSILIUM DA

TVM AMICO

DE

RECVPERAN-

DA ET IN POSTE-


RV M STABILIENTA

PACE REGNI POLONIÆ:

In quo demonstratur, pacem nec  
constitui, nec stabiliri  
posse,

*quamdiu IESVITÆ in Polonia  
maneant.*

Conuersum ex Polonico in  
Latinum.



## P R Æ F A T I O.



*V*OD Diogenes olim, viri  
 Proceres, ciuibus suis sub publi-  
 co periculo variè occupatis, do-  
 lium versando, ne otiosus esset,  
 fecit, id mihi hoc afflicto Rei-  
 pub. tempore, patriaq; laborante, vobisq; de  
 publica salute consultantibus, faciendum puta-  
 ui, idq; non fallendi otii caussa, sed vt ciuis in-  
 digena patria mea, quantum per tenuitatem  
 possem, talentulo hocce meo subuenirem. Illud  
 quantulumcunq; sit, obnixè rogo, vt pro vestra  
 benignitate boni consulatis: & si lubet, animis  
 vestris perpendatis: ac malis Reipub. patriaq;  
 iustis remediis subueniatis. Medicorum autem  
 more si quis per prognostica, indicia, & varias  
 circumstantias morbos Reipub. consideret peni-  
 tius, agnoscat faciliè eorundem genuinam sub-  
 stantiam, immensam magnitudinem, & admi-  
 randam planè varietatem. Deinde si morborū  
 publicorum caussa interius & foris diligentius  
 perpendantur, primam certè, & omnium ma-  
 ximè principalem, Iesuitarum exquisitissimas  
 artes


artes, & astutissimam omniū sibi subiectorum ad  
conatus suos promouendos DISPOSITIO-  
NEM, facile cordatus quisq; deprehendet: adeò  
ut quicquid vsquam malorum in Repub. nostra  
præteritis annis acciderit, magna ex parte solis  
illud Iesuiticis artibus imputandum veniat.  
quamuis ne illi quidem excusandi sint, quorum  
negligentiâ veneno huic concessum fuit tam pro-  
pè ad cor Reipub. penetrare. Et nisi maturè re-  
medium huic Reipub. morbo applicetur, & acer-  
rima illa bilis ex agro & ferè non absumpto Rei-  
pub. corpore remoueatur, nullum est dubiū, quin  
de salute patriæ nostræ actum sit: ita ut in poste-  
rum (quod Deus auertat) de funere Reipub. citi-  
us sit cogitandum, quàm de salute restituenda.

Et quia morbus ille inueteratus satis acutè  
patriam nostram hætenus affligit, curatio eius  
nulla alia suscipi, imò ne cogitari quidem poterit,  
nisi causa illius mali sine cunctatione de corpore  
Reipub. agro à radice remoueantur: hoc est, ut  
Iesuitæ, eorumq; dispositoria artes è Regno Polo-  
niæ prorsus eliminentur. Nam si ex aula Regia  
tantum, aut ex aliquibus ciuitatibus depellan-  
tur, siue etiam in ordinem redigantur, in mona-  
stèria occludantur, &c. Reip. corpus integra sa-  
nitati nunquam tutò poterit restitui. Dum enim  
ignominiam inultam Iesuitæ nunquam ferent,



*recrudescent protinus Reipub. vulnera, quando  
 isti socij quacunq; oblata occasione ad pristinas  
 Reipub. turbanda artes, tanquam ad professionis  
 suæ unicum & genuinum scopum, astutè recur-  
 rent. Vestrum itaq; est, Proceres, occasionem præ-  
 sentem non negligere. Deus & bona causa cõ-  
 tra hos socios pro vobis militant: Patriæ calami-  
 tas à vobis remedia suo iure postulat: Regia di-  
 gnitas consilium & auxilium expetit: Clerici con-  
 ditio subsidium rogat: Senatus authoritas idem  
 requirit: Nobilitatis status restitutionem in  
 integrum vrget. Oppressio denig; plebis, vidua-  
 rum, pupillorum vestrum implorat patrociniũ.  
 Vos modò, generosa pectora, forti constantia si-  
 ne mora remedium hocce adhibete, egregium  
 munus suscipite. Hoc ut feliciter ad Dei glori-  
 am, Reipublicæ salutem, & vestri no-  
 minis immortalem laudem perficia-  
 tis, etiam atque etiam  
 opto.*

PETIS



**P**ETIS à me, vt tecum per litteras consilia & cogitationes meas communicem, qua nempe ratione existimem præsentes Patriæ motus sedari, & publicis malis efficax aliquod remedium adhiberi posse. Quæ cura in te mihi, mi frater, vehementer probatur, optoq; vt Respub. tui similes ciues permultos hoc tempore habeat. Vtinam verò is egomet essem, qui heic non solum benè consulere, sed etiam præclare facere & efficere aliquid possem: nec tibi nec Patriæ opera isthæc mea defutura esset. Nunc autem nosti, quàm curta mihi sit ad res tam arduas diiudicandas supellex. Et vt multò ab hac parte locupletior essem, quàm me esse agnosco, non tamen video, quis in tanta rerum confusione priuato consilio locus superesse possit.

Quia tamen nil impedit, quò minùs inter amicos amicè, & si non tam exactè, pro modulo saltem de præsenti statu disquiratur: tuo desiderio, quantum à me præstari potest, satisfacere conabor.

Vtq; discursus mei exordium è re nata capiam, scire te velim, me, quando litteras tuas accepi, huiusmodi fortè autoris lectioni intentum

fuisse, qui inter cetera narrat: Priusquam scientia medica in artis formam redigeretur, gentibus quibusdam in more fuisse positū, ut ægrotos, qui grauius laborabant, in publicum deferri curarent, adiunctis eis certis hominibus, qui prætereuntes percontarentur, Num vel ipsi tale quid morbi experti sint, aut in aliis obseruauerint? Et qualia remedia, quoque successu contra illud sint adhibita. Hæc cum mecum animo reputarem, illæ mihi cogitationes inciderunt: Faxit Deus opt. max. ut hoc tempore Reipub. Polonica nostrum omnium Patri idem officium ab iis præstaretur, qui pro eius genuinis Filiis haberi volunt.

*Polonia saepe  
ut sit aliena in-  
fortunata euentus  
ad suam caute-  
lam obseruaret.*

Si quæris, qua ratione hoc fieri posse existimem? sic cogitabam, Eam ut nunc quàm maximè ægrotat, in publicum experientia Europæ forum producendam, eiusdemq; vicinos, quibuscum hanc mundi partem incolit, sedulo percontandos. Nunquid istius mali, quod ipsam premit & miserrimè affligit, ipsimet experti sint, & quibus remediis contra illud vsi sint?

Me autem spes certa fouebat, illud non frustra nec citra successum factitatum iri. Sic etenim iam dudum persuasus sum, Præsentem morbum, quo laboramus, planè eiusdem generis esse cum illis tumultibus, qui hætenus reliquæ Europæ Christianæ regna concusserunt & grauissimè afflixerunt. Quorum nempe contagiū à meridie & occidente in hunc extremum Orientalis septentrionis angulum ceu vi ventorū



ex opposita plaga continuò afflantium propellitur. Differentia saltem in eo est, quòd pestis hæc Poloniam, post reliqua Europæ regna serè omnia, vltimo loco inuasit. Qua in re benignissima Dei prouidentia Patriæ nostræ hoc præ multis aliis contulit, vt comparium suorū euentus & exempla hinc ad imitationem, illinc ad cautelam præ se habeat.

*Fatalis huius  
seculi Europa  
mala Poloniam  
serò inuadunt.*

Cum itaq; prædictæ Nationes non solum morbi vim, sed etiam curationis processum sustinendo magna ex parte superarint, quis dubitet, quin ab iisdem optimum malis nostris & efficacissimum consilium petere possimus? Ad quod obtinendum nullis nobis sumptuosis legationibus, nulla exploratorum opera opus erit, cum in tam parata rei librariæ facultate, vtilitati nostræ abundè iam prospectum sit. Dum in plerisq; Nationibus viri exercitatissimi, qui malis ipsis interfuerunt, Morborum suorū politicorum, & quæ sub ipsis perpassi sunt, grauissimorum symptomatū historiam accuratè descriptam in publicum emiserunt. Vbi interdum diuersarum partium, ceu dissidentium Medicorum factiosas quidem, sed elegantes & eruditas controuersias, quas sub ipsum morbi æstum ediderunt, nobis consulere licebit. Qua commoditate si tempestiuus vti voluissemus, malum, de cuius sanatione nunc ambigua successus spe deliberare cogimur, fortassis, auxiliante Deo, potuisset auerti. Cum verò occasio hæc nobis oscitantibus perierit, bonum

esset, si saltem medendi tempus diligentius obseruaremus.

Nec turbare nos debet, quod hæc medendi ratio eruditioribus Medicis non admodum probatur: qui nempe morbi ipsius naturalem dispositionem considerari, causasq; domesticas, ut ita loquar, expendi, & ad eandem remedia adhiberi iubent. Quem curandi modum, ut rationi consentaneum, non vitupero: quin potius opto, ut talis aliquis Æsculapius nobis contingat. De quo ipso tamen spes mihi admodum exigua affulget, cum peregrinis Medicis non immerito diffidamus, inter nos verò ex mille vix vnus inueniatur, qui à morbi contagio ita liber sit, ut cum spe alicuius profectus, cura hæc ei committi possit. Exterorum itaq; experientia omnia nobis in consilium sunt adhibenda.

Huius verò rei modum ut melius intelligas, mearum, quas iam superius attigi, cogitationum rationes aliquantò dilucidius explicabo.

Dixi, præsentis nostrates turbas ex eiusdem generis morbo promanare, quo hæctenus occidentalis Europa periculosè laborauit. Hoc ita velim intelligas. Certum est, omnes Europæ tumultus & intestinas passionibus ab hisce 40. & amplius annis per Executionem Concilii Tridentini excitatos esse, & ex eadem ortum traxisse. Si forte bellum Balthicum, quod inter Scandiæ reges ante annos 36. gestum est, & nuperimum Brunswicensium tumultum excipias.

Hæc

*Executio Concilii Tridentini capitalis scaturigo omnium turbarum Europæarum.*

Hæc inquam est illa præsentis sæculi Pandora, ex cuius fatali pyxide omnes Europæorum intestinæ calamitates hætenus mihi scaturire videntur, ita tamen ut eas non tam ipsa Concilii executio, quàm executionis modus pariat.

Hoc fortè ulterius tibi vis declarari? sic igitur habeto: Executionis modus in duabus *Modus Executionis Tridentina.* præcipuè rebus hætenus fuit repositus. Primum sedulo annexi sunt, quibus hæc cura incubuit, ut illos Reges & familias, quorum in Europa hoc sæculo præcipua est autoritas, secum inuicem adunirent, & sic adunitos ad Concilii Tridentini executionem exstimularent. Et hinc est illa famata Catholicorum unio.

Deinde ut per certos & qualificados homines impedimenta, quæ vel in politiis politiarumq; formis & legibus, vel populorum moribus negotio huic obstarent, quasi è via remouerentur.

Hac ratione prædicta Concilii Executio fuit instituta, quantum nimirum ad generalem conatum attinet. Opus profectò magnum & arduum, quod melioribus mundi temporibus peculiari fortunæ afflatu opus habuisset, quodque ipsius Alexandri M. victoriosum genium frangere & defatigare potuerit. Nunc autem pro ratione præsentis Europæ status infinita conatui huic & longè robustissima impedimenta extra ordinem fuerunt obiecta. Quibus tamen non obstantibus, res ab iis, quibus hoc per prædicti Concilii conclusionem mandatum est,



rat, fortiter & ingenti nixu tentata fuit: sed eo haftenus euentu, vt molimina ista turbas quidem longè maximas & valde horribiles vbiq; gentium in vulgus pepererint, ad exitum tamen nusquam perduci potuerint.

*Unio Regum  
Catholicorum  
vniūq; fructus.*

Regum enim adunitio partim per connubia, partim per confœderationes, pacificationes & similia media tentari cepit & promoueri: in tanta tamen nationum regnorumq; Europæorum discrepantia ferè consecutum est, vt pro ea, quæ sperabatur vnitione, infinitæ autoribus difficultates, subiectis autem populis variæ molestiæ emerferint. Cùm præsertim Reges ipsi, qui se interdum ad prædictam Executionem obtulerunt, negocium illud tam sincerè nunquam tractarent, vt sub eiusdem prætextu non sua priuata commoda quærirarent. Sicuti non ita dudum in Galliis licuit perspicere, quando Philippus Hispanus partium Catholicorum (hunc enim cucullum factio illa induerat) patrocinium & defensionem visus est suscipere: ibi inquam vel tandem apparuit, eum sub hoc obtentu Galliæ regnum affectare. Cum enim animaduerneret, plerosq; factionis illius procures ab Imperio Hispanico abhorre-re, oblitus personæ, quam agendam susceperat, manus auxiliatrices retrahere cepit, vt qui videret, se spe sua frustratum. Id quod Sixtus V. tempestiuè odoratus est, illudque ægerrimè tulit.

*Hispani sub  
gratextu propa-  
ganda religionis  
Monarchiā su-  
am amplificare  
voluerunt.*

Talia autem plura exempla adduci possent

ex iis etiam, quæ nos aliquantò propius tangunt. Ex his ergo personatis & malè fidis Regū molitionibus in vnionis istius agro perpetuarum simultatum copiosissimam segetem adhuc succrescere videmus, per quas prædictæ Executionis negotium, per se haud facile, turbatur, & Nationes iis, de quibus dictum est, difficultatibus implicantur.

Idem ferè in reliquorum impedimentorum remotione accidit. Cum enim Tridentinæ reformationi non solum diuersus religionis sensus, per vniuersam iam Europã latissimè sparsus, sed etiam Nationum, populorumq; priuilegia, libertates, leges & mores obstarent, illa citra tumultum ne moueri quidem potuerunt. Quæ omnia tamen à præferendis ingeniis, quibus hæc Prouincia non citra delectum demandata erat, non solum mora, sed acriter commota & vehementer perturbata esse constat. Hinc ergo turbæ, hinc simultates, hinc odia, <sup>Tridentina reformationis effectus in ipsis</sup> hinc diffidentia cum reliquis fatalibus Furiis, quibus nostro tempore status politicus infestatur, ceu ex Orco proruperunt. Id quod omnes Europæ nationes, quas hæc pestis peruasit, sonora voce profitentur: hanc & non aliam calamitatum suarū causam omnes, qui citra morbi affectionem iudicant, summo consensu allegant.

Videamus nunc ergo num malorum nostrorum Polonicorum eadem ratio sit, & num eadem generali causæ ascribi queant. Id quod

multis forte difficulter persuadebitur. Ego tamen illud constanter assero, & assertionis meæ has probationes assero.

Certum est, Clerum Poloniæ non minus hactenus laborare, vt Concilii Tridentini decreta intra regnum executioni mandentur, eorundemq; obseruationi omnes subiiciantur, quàm in plerisque hactenus Occidentis partibus laboratum fuit.

*Executio Con-*  
*cilii Tridentini,*  
*quomodo in Po-*  
*lonia instituta.*  
*Synodus Pe-*  
*triconiensis.*

In hunc enim & non alium finem, mox post ingressum modernæ Regiæ Maiestatis in regnū Synodus illa Petricouiensis celebrata fuit: quam ceu Filiam Poloniæ Medea illa Tridentina peperit. Ex cuius vultu prudentiores iam tum secururæ in regno administrationis omeri capiebant. Cuius etiam Decreta plerisque; vel eo saltem nomine suspecta fuerunt, quod tanto studio occultata fuerunt & suppressa.

Sed nec illud cuiquam dubium esse potest, ab his ipsis primo loco diligenter curatum fuisse, vt reges Poloniæ prædictæ Vnioni implicarent, eisdemq; cum Domo præcipuè Austriacæ quàm arctissimè coniungerent. Ex qua nimirum coniunctione, maximum ad prædictæ Executionis promotionem emolumentū sperabatur: vt quæ ad subditos in vtroq; Regno magis perterrendos & in ordinem redigendos permultum factura videbatur, quantumuis consiliis illis longè aliud pallium obduceretur.

*Succia amissa.*

Harum verò rerum praxis post infelicem illam expeditionem in speciem quasi renouata fuit,



fuit, vbi nonnullorum studia valde conspicua extiterunt. Eorum videlicet, quos præter iam dictas causas Sueciæ amissæ inuidia vrgebat, qua nempe ordinem suum premi sentiebant. Qui propterea omnem lapidem mouerunt vt nouis Regum amicitiiis accepti infortunii sensum nonnihil mitigarent.

Veruntamen vt inter vicina regna ferè fieri <sup>Austriacorum</sup> consueuit, <sup>studia Polonis</sup> Austriacorum studia nostratibus <sup>suspecta.</sup> semper suspecta fuerunt, ideoq; pro hac etiam vice ad Agentium illorum consilia promouenda tantum non contulerunt, quantum speratū fuerat. Cùm præsertim præter vulgares illas Regum regnorumq; vicinorum simultates & dissensiones, alia non pauca quotidie intra & extra regnum inciderent, quæ huiusmodi conjunctionem Reipub. nostræ minus commodā, ipsis etiam ciuib; formidabilem efficerent. Per eius itaq; attentationem nil amplius effectum fuit, quàm vt inueteratæ suspiciones periculosius recrudescerent.

Quod ipsum etsi iis, qui hæc agitabant, non ignotum esset, se tamē adeo non passi sunt impediri, publicamq; indignationem tam securè contempserunt, vt tantò potius confidentius in proposito perrexerint, illudq; tandem per fas & nefas ad exitum conati sint perducere.

Hic ergo molitionum iam antea suspectarum tam importunus feruor, eum tandem euentum sortitus est, vt offensa Nobilitate regnum factionibus mutuaq; diffidentia imple-

tum sit, & Rex ipsemet subditis, subditi verò Regi suspecti esse ceperint. Quam nostri proximam & compendiosissimam esse ad Reipub. dismembrationem & interitum viam. Et hac ratione prius illud Executionis Tridentinae turbataeque Europæ medium faris inter nos, ut opinor, efficaciter operatum est.

Ad alterum quod attinet, *Popularium* nempe *obstaculorum remotionem*, tu non negabis, opinor, In hoc regno maiora & robustiora eis obiecta fuisse & adhuc obijci, quam in vlla Europæ Natione. Concilium enim Tridentinū inter nos, ut quidem nunc res sunt, ad effectum, quem ipsi cupiunt, perducī nullo modo potest, nisi aut Hispanica Inquisitio, aut quiddam quod Inquisitioni illi æquiualeat, in regnum introducatur. Per quod nempe Polonia ad Hispanismi aliquam similitudinem redacta, prædictæ Executioni opportuna reddatur. Patria verò nostra ea corporum animorumque libertate hætenus vititur, qualem fortissimæ nationes & generosissimus quisque sibi optare poterit. Quis ergo non videt, quàm duro collisu hæc inter se committi oportuerit? Postquam in primis libertas illa, quatenus animum præcipue & conscientias concernit, non ita dudū per *Confederationem publicam* denuo & quasi extra ordinem confirmata est?

Quamuis autem Hispanicam Inquisitionē nemo nobis hætenus apertè & ex professo conatus sit obtrudere, quòd intelligerent, hoc citra

Tridentini Concilii executio etiam libertatis Polonicae prauitatem perfici non potest.

Confederatio publica Executionis istius obex.

citra periculum vix posse tentari : via tamen ad huiusmodi aliquam imperiosam coërcitionem variis artibus paulatim & quasi per cuniculos parata est, sensimq; muniri cœpit. Eo nimirum adhibito artificio, quo rem citra omnem mutationis sensum Practicantes illi se consecuturos sperabant. Tam cautè tamen & circumspectè incedere non potuerunt, quodq; agebant, tam probè nunquam potuit dissimulari; vt rerum è diametro pugnantium tamq; asperarum vel levis agitatio, non ingentem flammam vel tandem eliceret. De quo ipso, proh dolor, oculorum aspectus hodie testatur.

Hæc à me omnia verissimè dici ipsemet optimè nosti, & fatebuntur hoc illi, qui rerum nostrarium aliquam saltem notitiam habent, quiq; actiones nostras Comitiales ab aliquot annis vel è longè spectarūt. Nec diffitètur hoc il, qui in partibus adhuc inter nos eatenus hærent, vt & Concilium Tridentinum amplectantur, eiusq; studiosæ, per legitima tamen media, executioni faueant.

Adhuc ergo perspicuum est, Reip. nostræ mala non solum ex iisdem causis, quibus reliquorum Europæorum regnorum tumultus, sed etiam ex eodem operationis illorū modo proficisci.

In his igitur tollendis & amouendis opera nostra occupari debet, siquidem ordine procedere, Matriq; nostræ cum aliqua spe salutis opem ferre voluerimus.



Scio tamē quid tu heic dicere possis & haud dubiè dicturus sis, Me videlicet hæc differendo, Morbum ferè incurabilem ostendere, cū harum rerum studio, Concilii præsertim effectuosæ Executioni potissima pars Regni implicata sit, vt curatio ipso morbo difficilior, adde & periculosior futura videatur.

Non est de nihilo quod dicis, nō uique ego met multos prudentes viros in eo tibi consentire. Existimo tamē omnia opinione tua faciliora fore, si primū inter res ipsas earundemque abusum, deinde inter personas, à quibus illæ tractantur, accuratè distinguatur.

NB.  
*Austriacæ familia affinitas  
Potens per se  
nec inutilis nec  
inhonesta.*

Ad res quod attinet, nec Austriacæ Familiæ, inter Europæas haud dubiè eminentissimæ, nec quorumcunq; exterorum Regum & Principum cum nostris Regibus legitima & sincera coniunctio per se vel Nos vel Rempub. nostrā in minimo lædit: sed eidem potius præsidio & ornamento futura esset, si à Practicantibus illis ad sinistras suspiciones non tam densæ nostratibus occasiones præberentur.

NB.

Eadem ferè ratio est Concilii Tridentini. Ab huius enim executione nihil turbarum nobis esset metuendum, si modò ita institueretur, vt intra legitimū docendi modū consisteret, missisq; aliis parum conuenientibus practicis, tuentus Deo committeretur. Non igitur res istæ per se, sed earum abusus & peruersus tractationis modus Rempub. lædunt, & has in præsentia difficultates nobis pariunt.

Hæc

Hæc itaq; in rebus diffidentia si obseruetur, inter ipsas etiam personas manifestam nobis discriminis rationem ostendet: Vt nempe non omnes eos, qui prædictis rebus manum quocunq; modo admovent, pro veris calamitatis nostræ autoribus habeamus, vt curationis, de qua dicturus sum, actum ad omnes & singulos extendi oporteat: sed eos tantum qui prædicti abusus præcipuam culpam sustinent.

Si quæris, Quinam illi sint? Respondeo, si eorum, quos in hisce rebus periculosa experientia longo tempore erudit, consentiens testimonium admitteret: si præterea ipsam rerum euidentem inter nos experientiam in consiliū adhibere volumus, IESUITAS & INSTITVTVM IESVITICVM pro iis nobis necessario esse habendos. Hi inquam, sicut in supradictorum consiliorum executoriali praxi primas sibi ubiq; arrogat: ita alteram eius, & quidem odiosissimam & nostrarum imprimis rerum respectu perniciosissimam partem extra ordinem sibi suæq; actualitati desumpserunt. In qua agitata ita hætenus versantur, vt quod in hisce consiliis pessimum est, præcipue arripiant, arreptum peius efficiant, & vim eius maliciosissimam per subiectum Reipub. corpus, quo iure quave iniuria quasi transadigere, & per partes applicare conentur. Vt sic prorsus sentiam, si vni Iesuitæ non essent, Nos aut turbas huiusmodi nullas habituros, aut si quæ forte, vt ex consensu reliquarum partium Europæ-

NE. NE.  
cum 1.

*Iesuitarum vo-  
natu & seruo  
omnium intra  
Regnum excelsi-  
simum prædictis  
causis.*

rum, obortæ fuissent, eas multò facilius mino-  
riq; periculo consopiri potuisse.

*Consilii huius  
præcipua demõ-  
strationis capita.*

Hoc verò cùm illud ipsum sit, de quo inter  
nos quàm maximè controuertitur, iudicii hu-  
ius rationes tibi aliquanto accuratius erunt  
demonstrandæ. Quod ita faciam, vt tibi pri-  
mum ad oculum demonstrẽ: Instituti Iesui-  
tici, si per se consideretur, eam esse rationem,  
vt liberæ Reipub. valdè inimicũ & aduersum,  
Libertati verò Polonicæ imprimis formidan-  
dum sit. Deinde viuis aliquot exemplis osten-  
dam, quàm periculosè secta hæc statum Politi-  
cum hinc inde per Europam turbarit. Tertiò,  
obiectiones nonnullas diluam, quæ sententiæ  
huic à contrarium sentientibus ferè oppo-  
nuntur.

Quæ tria si à me demonstrata fuerint, quar-  
tum quod principaliter intendo, sua sponte se-  
quetur: Iis nempe qui Rempub. restitutam &  
saluam cupiunt, præcipuè operam dandam esse,  
*Vt Iesuita & Iesuitismus extra regnum elimi-  
nentur*, quo sic remotis hisce curationis inter-  
turbatoribus certa aliqua & firma pacis stabili-  
endæ ratio iniri queat.

*Ad primum* quod attinet, in eo tria consi-  
dero: *Ipsam Ordinis politiam: Finem ad quem  
tendit: Operationes sine praxin, per quæ hunc finem  
conatur assequi.*

*Instituti Ie-  
suitæ politia.*

*Politiam* si penitus introspeciemus, fatendũ  
nobis erit, eam in hoc genere accuratè disposi-  
tam, firmissimam & ad res magnas gerendas  
aptissi-



aptissimam esse: vt parti cui se applicauerit, permultum prodesse queat. Generalis dispositio purè Monarchica est, forma nimirum politia, ad mouendum & agendum commodissima. Monarchicæ dispositionis nerui in hisce rebus consistunt: Capite primùm vno regitur, deinde hoc ipsum caput vni etiam loco, vrbi nimirum Romæ alligatum est, vbi perpetuò residere cogitur. Quæ res sectæ huic inter alia hoc præstat, vt vno certo & vniformi aëre perpetuò regatur, & vegetetur, Romani nempe consistorii afflatu, prout nempe is ab iis, qui Romæ omnia possunt, afficitur. *Disciplina orbis* Disciplinæ deniq; forma Institutum hoc longè arctissima vititur, qua ciues eius ad cæcā obœdientiam (sic ipsi met loqui consueuerunt) astringuntur, in tantum, vt minoribus in nulla Maiorum vel absurdissima imperia inquirere liceat: nedum vt aliquis ea detrectare ausit. Quæ obedientia in Orbem Europæum hætenus optimos & planè desperatæ audaciæ sicarios progeniuit: ideoque Ordo iste à nonnullis cum Assassinatorum instituto comparatur, quod in Asia olim à Saracenis contra Christianos fuit introductum.

Hæc ergo formam illam Monarchicā cōstituunt, constitutam firmissimè constringunt, adeoq; faciunt vt actiones eius efficacissimæ sint, & ceu cuneus quidam penetrent.

Illā verò hanc compactionis soliditatem adiuuant, eandemq; solidiorē efficiunt: Quod

*His Instituti  
Iesuitici.*

primum communitalis huius basis per fixam illam Generalis sedem Romanæ sedi & consistorio, ut dictum est, quasi affigitur & implantatur. Deinde quod eandem Hispanico Imperio similiter inferunt, dum inter septem Generales, qui sibi huc usque, si rectè memini, inuicè successerunt, neminem elegerunt, qui non vel natione, vel ditione Hispanus esset, quæ res non caret mysterio. Tertio quod ex tot diuersis Clericorum ordinibus soli ferè Iesuitæ ab vtriusque Fori ordinaria iurisdictione exempti sunt: ut nullum prorsus in Nationibus nisi sui corporis Superiorem agnoscant, qui plerumque Italus aut Hispanus est. Ut sic Ordo Iesuiticus ab omni iuris coercitione solutus inter nos liberrimè versetur, suisque molitionibus securè incumbat. Quarto quod etiam in subdelegatis Imperiis hætenus diligenter carent, ne in Nationibus Prouinciales vnquam ex indigenis eligant, sed vel Hispanis vel Italis dignitates illas conferunt, aut saltem iis qui ex Anglia, Gallia &c. propter facinora aliqua profugerunt, & propter nimium Hispaniæ studium ex prædictis Nationibus proscripsi sunt. Seniores vero, Rectores & his similes inter nostrarissimè ex Nobilium Ordine, sed ex plebe tantum adoptant. Quod cur fiat, coniectura non est difficilis. Generosa nempe nobilitatis pectora erga Patriam ita affecta norunt, ut suis consiliis & practicis ea minus commoda & opportuna statuunt. Interim his rebus fit, ut cum Iesuitismi

*Nobilitas  
Polonica ad eccle-  
siasticam et  
diplomaticam par-  
tem idonea.*

*Polonia Iesu-  
itica, nunc,*

venter

venter nostras ferè sit, quem videlicet nostris opibus explere & suffarcire cogimur: caput tamen Hispanico & Italico cerebro repletum habeat, ad cuius nempe sensum reliquum corpus mouetur.

Hæ igitur ad Monarchicum robur iterum perquam multum faciunt, incursum Iesuitici imperum certissimè dirigunt, & sectæ huic ad consiliorum suorum executionem inuictam planè & penetrantem constantiam præbent.

Porro huic ipsi Imperii Iesuitici formæ per subordinatarum dignitatum distinctos gradus variasq; species egregiè contra omnes Monarchiæ incommoditates & vitia prospectum est: ut si ex humano sensu iudicetur, ei neq; à tyrannica oppressione, nec seditiosa dissolutione ullum periculum sit extimescendū. Quod ipsum etiam prædictæ Sodalitati ad res gerendas miram corporis agilitatem conciliat.

Quarum rerum omnium illustre documentum nobis historia postremi motus Galliæ præbet, ubi compertum est: In illa desperata totius Regni perturbatione, ex solo Iesuitarum Ordine neminem, ac ne vnum quidem Iesuiticum Individuum fuisse, qui Reipub. partes secutus esset: cum contra ex omnibus aliis Clericorum ordinibus permulti Regias Rei; publicæ partes fideliter tuerentur. Hispano autem hi ipsi Iesuitæ tam pertinaciter adhæserunt, itaq; feruidè studuerunt, ut factioni eius pro anima aut potius pro corde fuerint: de

NB.



*Resistimus cor  
Factionis Hispani-  
cæ in Gallia.*

quo vulgò dicunt, quod in corporis humani structura sit primum viuens & vltimum moriens. Prædicta sanè factio prius opprimi non potuit aut eradicari, quàm Iesuitæ regno exigerentur. Quod fidele & perdurans robur Instituto huic in tam variegata hominum colluuiæ nil aliud præstat, quàm ea quæ hactenus de Politicæ forma diximus.

Num verò hæc talia sint, à quibus sibi Resp. Polona metuere debeat, tibi cogitandum relinquo. Ego interim Factionem Iesuiticam inter nos non aliter æstimo, quàm agilem quen-  
dam & acutum gladium, cuius lamina quidem in vaginam Polonicam recondita sit, sed ita, vt capulum Romana Aula & Hispanus manibus teneant, & sic eum ad nutum suum vibrent. Id quod Instituti huius proprius finis aliquando clarius docebit.

NA.

*Finis Instituti  
Iesuitici.*

*Hic autem* & ipse quiddam singulare & ab omnibus aliis Monachorum ordinibus diuersum habet. Omnes enim aliorum Religiosorum Ordines in hunc finem vt plurimum inuenti & approbati sunt, & eò tendunt, vt popularis deuotio per eos augeatur, Religio Romano-Catholica magis splendeat, & Ordinis spirituum pomœria dilatentur, &c.

Iesuitæ verò etsi hisce rebus & ipsi pro virili studeant, sui tamen principalis finis longè sublimiorem scopum sibi præfixum habent. Qui nempe est, Vt Romanæ Ecclesiæ siue Imperii Ecclesiastici collapsam auctoritatem, non solum

recu-

recuperent, in quo studio reliquos clericos commilitones habet: sed ut subiectum præcipue Europæ Orbem ita corrigant & reformet, ut huiusmodi insultus, quos res Romana hactenus est perpeffa, in longum præcaueant: sublatis & quasi obstructis omnibus occasionibus, per quas antehac Hæreticis ad eandem oppugnandam aditus præbitus fuit.

Quas occasiones norunt non aliunde densius emerfisse, quam ex subditorum in hisce Septentrionalibus regnis, nimia, ut quidē Romanæ semper vifa est, libertate, illisq; barbaris legibus, quibus hactenus ita firmatur, ut Inquisitionis Hispanicæ intentatum iugum constanter repellat.

Horum igitur remotio & annihilatio Iesuitis per quartum illud & sectæ huic proprium votum extra ordinem iniuncta est. In hunc finem tot extraordinariis priuilegiis, bullis & Indultis instructi & muniti sunt, ut non solum agendi facultate reliquo clero vniuerso præpolleant: sed iam ipsis Episcopis & superiorū Prælatorum ordini graues & formidabiles esse incipiant. Nec ego dubito quin gens Iesuitica aliquando Romanæ Ecclesiæ horrendi schismatis occasionem præbitura sit. Interea in his ipsis rebus specifica differentia consistit Iesuitismi, per quam à reliquo clero discernitur, eiusdemq; genus quasi transcendit.

Cum verò hoc ipsi constanter negare contulerint, viuo illud exemplo tibi demon-

*Molitionum  
Iesuiticatum in  
hisce regionibus  
præcipua impo-  
dimenta.*

*Iesuitismi spe-  
cificus character.*

*Venetorum cō  
Pontifice con-  
trouersia.*

strandum est. Inter Venetos & Pontificem hoc maximè tempore controuersia intercedit super quadam Ducatus Ferrariensis particula, quam Veneti, vt audio, ante annos 130. aperto bello sibi acquisiuerunt: itemq; super constitutionibus quibusdam, quarum renouandarum occasionem Magistratui Veneto præbuerunt Iesuitarum artes testamentariæ. Pontifex autem eas in fraudem Ecclesiæ factas conqueritur.

Veneti hoc nomine à Pontifice compellati, iure suo cedere nolunt, sed palàm præ se ferūt, sibi in sua ditione supremam iurisdictionem, & sic etiam legum ferendarum potestatem, nō autem Pontifici competere &c. Quo animaduerso Pontifex Excommunicationis fulmine eos territat. Senatus hoc cognito Clerum suum conuocat, ius Reipub. eidem exponit, Pontificiæq; Excommunicationis iniquitatem demonstrat, eos deniq; pro autoritate hortatur, vt curato officio, Excommunicationem pro nulla habeant, &c. Quid sit? Antiquus Clerus vnanimi consensu Reipub. causam contra Pontificem probat, & de fide sua prolixè pollicetur: Recētiore verò Religiosi, quorum nempe regulæ præsentis temporibus conditioni accommodatæ sunt, Ducibus Iesuitis Reipub. causam damnant, stationemq; suam deserunt. Quamuis Iesuitæ Magistratus edicto nominatim expulsi, & in æternum relegati perhibeantur.

Hoc



Hoc autem Iesuitæ non aliam ob causam fecerunt, quàm quòd viderent, se stante & defensa Reipub. Venetæ libertate stantibusq; legibus nec stare nec instituti sui finem obtinere posse. Quod ipsum sanè discrimen illud, quod inter Iesuitas & quoscunq; alios Clericos constituimus, satis euidenter probat & confirmat. Tu ergo nunc, mi Frater, cogita, quid de Polonia nostra futurum sit, si internos omnia illa remoueri debeant, vt profecto illa remota cupiunt, per quæ in finis istius adeptione impediuntur? Adhuc de Fine.

Videamus nunc Media siue praxin, per quã <sup>Praxi Iesuitica.</sup> ad scopum illum perrumpere conantur, & hæc ex iis, quæ iam dicta sunt, facile intelliguntur. Hoc nimirum coniuncta opera feruidissimè agunt, vt primum Reges Europæos, quotquot possunt, vni cuidam Fœderi illigent: cuius Fœderis principem & directorem constituunt Hispaniarũ regem, Aurei istius velleris possessorem & custodem. Ad cuius videlicet nuntum reliqui se applicare cogantur, sub hac conditione, vt qui conatibus eius quacunque ratione intercedit aut quàm minimum aduersatur, de hæresi suspectus sit, & prædicti velleris perisclide indignus censeatur. Sed regnorum Septentrionalium ea ferè est ratio, vt ad Legum præscriptum, non autem ad absolutum Regũ arbitrium regantur. Ideoq; regiarum Personarum confœderatio parum illis prodesse poterit, nisi etiam subiecta regibus regna in eandem

*Venetorum ex  
Pontifice con  
trouersia.*

strandum est. Inter Venetos & Pontificem hoc maximè tempore controuersia intercedit super quadam Ducatus Ferrariensis particula, quam Veneti, vt audio, ante annos 130. aperto bello sibi acquisiuerunt: itemq; super constitutionibus quibusdam, quarum renouandarum occasionem Magistratui Veneto præbuerunt Iesuitarum artes testamentariae. Pontifex autem eas in fraudem Ecclesiæ factas conqueritur.

Veneti hoc nomine à Pontifice compellati, iure suo cedere nolunt, sed palàm præ se ferunt, sibi in sua ditione supremam iurisdictionem, & siceriam legum ferendarum potestatem, nō autem Pontifici competere &c. Quo animaduerso Pontifex Excommunicationis fulmine eos terreat. Senatus hoc cognito Clerum suum conuocat, ius Reipub. eidem exponit, Pontificiaq; Excommunicationis iniquitatem demonstrat, eos deniq; pro autoritate hortatur, vt curato officio, Excommunicationem pro nulla habeant, &c. Quid sit? Antiquus Clerus vnanimi consensu Reipub. causam contra Pontificem probat, & de fide sua prolixè pollicetur: Recentiores verò Religiosi, quorum nempe regulæ præsentis temporibus conditioni accommodatæ sunt, Ducibus Iesuitis Reipub. causam damnant, stationemq; suam deserunt. Quamuis Iesuitæ Magistratus edicto nominatim expulsi, & in æternum relegati perhibeantur.

Hoc

Hoc autem Iesuitæ non aliam ob causam fecerunt, quàm quòd viderent, se stante & defensa Reipub. Venetæ libertate stantibusq; legibus nec stare nec instituti sui finem obtinere posse. Quod ipsum sanè discrimen illud, quod inter Iesuitas & quoscunq; alios Clericos constituimus, satis euidenter probat & confirmat. Tu ergo nunc, mi Frater, cogita, quid de Polonia nostra futurum sit, si inter nos omnia illa remoueri debeant, vt profecto illa remota cupiunt, per quæ in finis istius adeptione impediuntur? Adhuc de Fine.

Videamus nunc Media siue praxin, per quã <sup>Praxi Iesuitica.</sup> ad scopum illum perrumpere conantur, & hæc ex iis, quæ iam dicta sunt, faciliè intelliguntur. Hoc nimirum coniuncta opera feruidissimè agunt, vt primum Reges Europæos, quotquot possunt, vni cuidam Fœderi illigent: cuius Fœderis principem & directorem constituunt Hispaniarũ regem, Aurei istius velleris possessorem & custodem. Ad cuius videlicet nutum reliqui se applicare cogantur, sub hac conditione, vt qui conatibus eius quacunque ratione intercedit aut quàm minimum aduersatur, de hæresi suspectus sit, & prædicti velleris periscelide indignus censeatur. Sed regnorum Septentrionalium ea ferè est ratio, vt ad Legum præscriptum, non autem ad absolutum Regũ arbitrium regantur. Ideoq; regiarum Personarum confœderatio parum illis prodesse poterit, nisi etiam subiecta regibus regna in eandem



Vnionis nassam concludant. Atqui hoc opus, hic labor est: cum heic eis infinitæ, vt iam dictum est, difficultates obiciantur, quocirca etiam opera illorum heic præcipuè enitet & omnium maximè conspicua est. Sic autem res suas hoc loco disponunt:

*Accipiter Iesuitæ non nisi in Aula rû pin-  
nis nudificat.*

Primum omnium hoc sedulò curant, vt in Aulis se insinuent. Hunc enim nidum hoc genus accipitrum sibi vbiq; præstruere inq; eodẽ oua sua deponere solet, priusquam ad ventum euolent. Iesuita etiam ibi peregrinis sibi & exul, immò capite diminutus videretur, vbi ab Aula arceretur. Fixo heic pede, vltèrius operam dant, vt clauum Reipub. in suam potestatem redigant, id est, vt vel Regi Reginae ex suo corpore Confessarium, vel saltem Hæredi regio Præceptorem dent. Aut si hac non semper succedit, illis dominantur, quorum in Reipub. administratione præcipuæ partes sunt & vires. Vtq; horum affectus, cupiditates & designationes penitissimè cognita & perspecta habeant: qua videlicet esca vnusquisq; alliciendus & captandus sit. Ad hoc autem feliciùs perficiendum Romana Aula, quicquid auctoritate, quicquid opibus, quicquid artibus & consilio valet & potest, Genti huic liberalissimè, vt iam dictum est, indulget. Aded vt Iesuitarû comendationes Romæ ad consequendas dignitates, & præbendas plus valeant, quàm potentissimorum Regum intercessionēs.

Quæ vnica res, si cetera abessent, ad cor-  
rum-

sumpendas omnes, OMNES dico, Europæ aulas, abundè sufficeret, sicut euentus pro dolor testatur. Quamuis hoc etiam tibi aduertendum est, Genio Iesuitico extra hoc quandam à natura occultam vim inesse, qua Ingeniis aulicis imperat & dominatur.

Vt autem de occultioribus Gentis huius artibus, quas in prædictis politiarum officinis exercent, nil dicam: duo sibi ibidem potissimùm paciscuntur, Primum vt ipsorum mellificatio ex hac Reipub. Arce non impediatur, Vtq; deinceps aduersariis suis nullum eò refugium pateat, illorumque querelæ, si quas eò deferent, vel prorsus negligantur, vel quoquo modo eludantur. De his duobus quamprimum Iesuitæ cautum est, ipse deinceps sibi ad reliqua perficienda sufficit.

Constructo & firmato hoc nido, pabulatores suos quaqua versum emittunt, suamq; venationem hac ferè ratione instituunt: Primum operam dant, vt in primariis Regni aut Proinciæ Urbibus Seminaria, collegia, templa quàm plurima, tanquam instantis messis suæ horrea, exstruant. Per hæc autem duo consequuntur, quæ eis ad finem suum, de quo diximus, valde proficua existunt: Regnum primum vniuersum his ceu vnguibus apprehendunt, & ita constringunt, vt ad suum nutum illud, quoties res ita postulat, cum singulis partibus circumagere queant. Quod vt facilius

*Iesuitarum in  
Aula postulas.*

*3.  
Iesuitarum  
vntus.*

NB.

consequantur seminaria sua in prædictis vrbl-  
bus, ita plerunq; construunt, vt suis ædificiis  
ipsa vrbiū mœnia complectantur, eademq;  
sibi noctu diuq; peruia faciant. Vt in arcibus,  
quas Craconia, Vilna, Calissii, Posnania &c.  
habent, videre licet.

*Polonorum in  
fouendis Iesuitis  
præcipuum pec-  
catum.*

Nec ego Gentis nostræ supinam negligenti-  
am & incuriam satis heic admirari, aut pro  
rei indignitate sufficenter detestari possum:  
Quod ad huiusmodi periculosas & Reipub.  
præiudiciales substructiones non solum con-  
nuimus: sed ad easdem materiem ceu propriis  
manibus congesimus. Cum sic existimem, si  
Rex aliquis tale quid machinaretur, vniuer-  
sam Remp. contra eum insurrecturam. Et his  
exteriorum Venatorum indagatoribus in no-  
stris nemoribus tantum licet?

Deinde eadem opera iuventutem nostram;  
spem posteritatis, ad suum cerebrum, disposi-  
tis & recoctis animis, regignunt, & sic inter  
nos Noui & Iesuitici Mundi sementem faci-  
unt. Dum autem intra Regni vrbes hoc il agūt,  
qui ad hæc donis idoneis sunt instructi, reliqui  
concionibus popularibus & audiendarum cō-  
fessionum operosissimo simul & quæstuosissi-  
mo artificio pro virili student. Quarum artium  
effectus iterum duplex est: Plebem enim pri-  
mariam, vt ille loquitur, hac ratione paulatim  
suam faciunt, factioniq; vires adiciunt. Pro-  
uisoribus deinceps qui Cameræ siue Aerario  
præfunt, viam vbique muniunt, vt in omnia publi-



publica & priuata bona aditus eis patefiat.

Et heic mihi latissima sermonis valua se aperiret, si auctupia illorum, quibus illi homines, *Iesuita sagaces aucupet.* Mulierculas præsertim, circumueniunt, explicare vellem. Cum verò instituti & occupationum mearum ratio mihi habenda sit: illud saltem præterire nolo, in quo etiam se etæ huius à reliquis Religiosorum ordinibus differentia aliqua perspicitur. Quòd nempe Iesuitæ vulgaria illa munuscula, quæ vulgo in Religiosos erogari consueuerunt, non curant, nec ea capiunt: quòd hoc eis fordidum & reliquo Ordinis splendori minus conueniens videatur. *Propter passerem vete non atolant.* Aequila enim currucam non captat. Et ipsi aliàs, vt exercitati Practici, benè norunt, *Pecuniam in loco negligere maximum interdum lucrum esse.* Nouiq; egomet simulationem hanc aliquando eò vsq; processisse, vt oblatum 50. aureorū Vngaricorum precium repudiarint.

Hominum verò opulentorum testamentaria legata, & cum his integra prædia adeò non fastidiunt, vt eo potius fraudum exquisitissimarum artificio illa aucupentur, vt Polonia, in hac etiam publica morum corruptione, vix quicquam simile experta sit. Hinc ergò istis pecuniæ neglectoribus, qui suam gratuitam operam nobis tam officiosè deferunt, illi regales inter nos Proventus, quos cum reliquis suis arcanis in Maiore Polonia Calissii, in *Iesuitarum avaria.* Minore Cracouiæ, in Russia Lublini, Vilnæ in Lithuania, Poltoui in Masouia, & Braunsber-

gæ in Borussia deponere & custodire dicuntur. Hæc inquam imperii Iesuitici inter nos æraria publica sunt & Chartophylacia, quæ si hoc tēpore excuti deberent, Poloniam haud dubiè de status sui qualitate rectius instructura esset, quàm tot hæctenus tumultuosa scrutinia præstare potuerunt. Et hæc de Praxi Iesuitica.

Hæc itaq; de primo designationis meæ capite, de politia nimirum Instituti Iesuitici pro tua instructione sufficiant. Tuum nunc erit cogitare, num is fallatur, qui Iesuitas Poloniis, Reique eorum publicæ vehementer formidādos & sedulò cauendos censet. De narrationis autem meæ veritate noui tibi melius, quàm mihi ipsi constare.

Supereſt nunc, vt quæ in genere de Gentis natura & moribus proposita sunt, per particularia exempla comprobentur, adeoq; demonstrētur, quàm periculosa harum rerum praxis Ordini Politico fuerit, quod secundum erat propositionis meæ caput. Hoc ipsum verò per domestica & nostræ experientiæ documenta satis copiosè explicari posset & demonstrari: spero tamen in exterorum historia rem magis conspicuam fore, quòd illorum casus extra factiōnum affectus positi, & sic ad instruendum aptiores sint. Ideoq; exemplis immorabor.

Inter plurima verò documenta, vix quicquam illustrius est eo, quod historia vltimi tumultus Galliæ suppeditat: ex quo nempe perspicitur, quantum Iesuitismi genius contra statum

*Praxis Iesuitica Ordini præcipuè Politico fatalis.*

*Virtutis Iesuitica illustre specimen in Gallia.*

tum regium ad eiusq; euerfionem possit. Res sic habet: Regni Galliæ ea est conditio, vt à prudentiæ politicæ studiosis ferè pro optimæ politicæ norma allegetur. Et quamuis in eo nobis cum ipsis non per omnia conueniat, certum tamen est, eam firmissimam esse: siquidem ad absolutæ Monarchiæ formam quàm proximè accedit: Contra tyrannidem tamen & seditio- nem iis legibus, ea Parliamentorum autorita- te, illa demum sanguinis regii reuerentia cor- roboratum & firmatum est, vt his solis rebus hæcenus inuictum perstiterit.

Et quantum ad sanguinis regii obseruantia attinet, Galli vulgò aliquid præ reliquis Natio- nibus in hoc affectu putantur habere. Illorum sanè regia familia vetustior est, quàm vlla Eu- ropæa. Contra hanc tamen firmissimam, vt Henricò III. haud dubiè videbatur, Arcè, Ie- suiticæ impressionis cuneus tantum valuit, vt quod in Galliis hæcenus inauditum erat, Re- ge in ordinem redactò, Familiæ regiæ autorita- tem ita penitus prostrauerint, vt & Personam regiam neci dediderint, & intensissimæ Gallis nationi ad inuadendum regnum viam longè lateq; còplanauerint. Et nisi peculiaris & pænè miraculosa Dei prouidentia conatibus eorum tam euidenter obstitisset, rem eò deducturi vi- debantur, vt Galli prodita regia familia, quæ inter eos per annos plusquam 600. tam altas radices egit, vt omnes ferè principes familias complexa sit, Gallici nominis perpetuum ho-

N.B.



stem & æmulum sibi Regem afficiuissent. Idq; sanè multo maiori miraculo, quàm si nobis antehac Demetrium suum Moscouiticum obtrusissent.

Heic autem vt magis perspicuum fiat, quomodo instituti istius Genius erga statû Politicum sit affectus, ex tot illorum molitionibus, quibus Henricum illum subuerterunt, vnum saltem, sed valdè insignè illorum strategema heic producam, cuius hæc est ratio:

*Quæstiones in  
Galliâ Iesui-  
tibus decisa*

Sub initium prædicti tumultus, quæstio illa in Galliis agitari cœpit, *Num pontifex R. Gallia populum à fidelitatis iuramento, quo Regi suo obligatur, in casu hæreseos absoluerè possit?* Ex hac oriebatur altera huic admodum affinis: *Num cuiuslibet priuato liceat Tyrannum propria autoritate occidere?* Intelligis, opinor, quantum Regis statusq; regii & vniuersæ Reipub. in horum problematum decisione intersit. Et quid putas Apostolos dicturos fuisse, quando Hierosolymis primum Concilium sub præsidio Spiritus sancti celebrabant, si Religiosus aliquis cum huiusmodi quæstione coram eis apparuisset? Neq; tamen in Galliis controuersia istæ nouæ erant. Ad priorem enim ventilandam Pontificum olim cum Galliæ regibus perpetua litigia perennem materiam suppeditauerant.

Posterior verò ante annos plus minus 200. post cædem nêpè Ludouici Aureliani, in Sorbonistarum collegio publicè agitata, & solenniter decisa erat. Vtraq; semper constantissimè fuit

fuit negata, adeò vt posterioris assertio & assertor Iohannes Pratus, ni fallor, in Concilio etiam Constahtienfi ex æquo damnati fuerint. *Iohannes Pratus*

Pro hac autem vice eadem quæstiones Galliam ad eum modum immutatam inuenerunt, vt bona pars Cleri & cum his totus Iesuitarum ordo vtriusq; assertionem probauerint, reuocata & annihilata Maiorum suorum p̄perpetua sententia: non aliter quàm si nouus interea Mundus successisset.

huius verò immutationis Iesuitas præcipuos autores extitisse, ipsa Sorbona post res sedatas publicè professæ est. Et Iesuitæ idem non obscurè agnoscunt, dum inter causas, propter quas olim Pontificia excommunicatio contra Galliæ reges minus efficax fuerit, hanc nominatim exprimunt, *Quòd Gallorum animi tam non sufficienter dispositi fuèrunt.* Hoc est, quòd tam acres seditionum concitatores non habebant, quales hodie Iesuitici concionatores sunt & Confessarii.

*Iesuitarum in  
disponendu animis  
p̄culiatis  
artificium.*

Hæc igitur Iesuitarum decisio (non tamen absq; Deo) Henrico necem attulit, & contra Parricidam absoluit, eumq; Ehudo isti Israelitarum liberatori æquipatauit. Quale nihil in vlla Christiani Orbis parte, inde à religionis incunabulis audirum, scriptumve est aut lectum.

Vbi tu tamen, vt rei indignitatem melius perspicias, notare debes, Sectam hanc Tyranni, eius nempe, quem ab vnoquoque priuato

*Tyrannus qui  
secundū Iesui-  
tam.*

impunè occidi posse contendunt, definitio-  
nem sibi suæq; discretioni reseruasse. Secundū  
quam is nobis pro huiusmodi mactationis pe-  
cude habendus est, qui quacunq; ratione in  
Romani Pontificis indignationem incidit, &  
ex Iesuitarum sensu excommunicatur. Id quod  
ideò heic addendum fuit, quòd in alterius  
quæstionis formatione ab ipsis insidiosè addi-  
tur, *In casu hæreseos*, vt hoc nempe fucos perfidi-  
am suā in supremum Magistratum incrustent.  
Cum constet Hæreticos illis esse, non qui pra-  
uas in religione opiniones sectantur: sed qui  
Iesuitarum artes quocunq; modo impediunt,  
aut ipsis non per omnia obsequuntur.

*Iesuitica defi-  
nitionis Hæresi-  
cum.*

Sicut vel ex Venerorum exemplo intelli-  
gere possumus, quos hæc secta per vniuersam  
Italiam pro pestilentissimis Hæreticis procla-  
mare dicitur, ideò saltem, quòd latis, seu poti-  
us, renouatis legibus, Iesuitarum cupiditati  
frenum iniecerunt, & quòd fortè etiam (de  
quo mihi constat) Inquisitoria potestatis libi-  
dinē intra nimis arctos carceres concluderunt.

*Henrici 3. hæ-  
resis.*

De Henrico verò certum est, eum, dum vi-  
xit, nullius vspiciam erroris ab vlllo Catholicorū  
insimulatum esse. Constat etiam eum in Ca-  
tholico-Romana communione vsq; ad extre-  
mum perstitisse. Furoris autem, quo eum per-  
secuti sunt, hæc vera causā fuit: *Quòd sceptrum  
regium non ei tradere volebat, quem sibi hi Socii,  
tanquam idoneum malitiorum suarum admini-  
strum, Gallia Regem destinauerant.*

Tu



Tu ergo nunc iterum vide, Annon per hoc Iesuitarum decretum omnium Europæorum Regum & quorumcunq; Magistratum Politicorum mors & vita ab arbitrio Iesuitici horoscopo suspendatur? Ut si hic illis dextrè ascendat, ipsi viuant & valeant, sin minus, pereant? Quæ de re prædicta Venetorum calamitas, Regis Britannia perpetua pericula, & illorum omnium metus, qui hunc Ordinem sibi infestū sentiunt, abundè testantur. Venetorum tamen exemplum præcipuè conspicuum est, quod Respub. illa, ut dixi, Romano-Catholicam religionem hætenus, tanquam Imperii sui Palladium, accuratè obseruet & acerrimè tueatur.

*Magistratum  
pericula.*

Quæ exempla quoties expendo, toties exhorresco, cum vidē am quàm facili sub præsentis rerum statu inter nos simile quiddam in alterutram partem accidere possit, postquam imprimis Gentis Iesuiticæ ad huiusmodi aliquem effectum tam pertinaces & feruidi conatus ab aliquot iam annis inter nos deprehenduntur.

Sed heic fortassis dicere voles, Inter nos nihil ab hac parte esse periculi, quod Iesuitis cum Rege nostro probè conueniar, &c. Mallem te dicere posse, Regi nostro cum Regni ordinibus & his cum regia Maiestate probè conuenire. Hoc enim ad Reipub. salutem aliquanto utilius, & ad securitatem nostram firmitus & efficacius esset. Nunc autem hoc abs te verè dici agnosco, neq; tamen hoc ipsum sollicitudinis meæ causam tollit, sed eandem potius auget.

*Regis vita &  
qua ab hac pen-  
det: Regni fortu-  
na Iesuitarū as-  
fectui obnoxia.*

Ecquis enim certò dicere poterit, quod hæc Regi nostro perpetuum futurum sit, vt Iesuitis tam propitiis vtatur? Quid si is aliquando deprehensus illorum artibus, à quibus eum hætenus pleriq; nequiter circumuentum existimant, animum mutet, & potiorem Reipub. respectum habere incipiat, ecquid tum eum sperare iubeamus? Annon tempus fuit in Galliis, quo Henricum III. ex Polonia redeuntem Natio hæc eo applausu excipiebat, vt laudum eius præconio exsatiari nequirent, dictitantes: *Huic vni Individuo omnes Constantinos & Carolos Magnos, omnes Ludonicos &c. inclusos esse. Hunc fortissimum, felicissimum, Christianissimum & inuictissimum Christi athletam, Ecclesie Catholicæ protectorem, Hereticorum malleum & pavorem à Deo Galliis prouisum?* Quid verò hæc omnia eum tandem iuuerunt? Cùm hic proiectæ assentationis affectus paulò post ita prorsus in contrarium mutatus sit, vt eum non solum occidi curauerint, sed occisi cadauer, quantum in ipsis fuit, sepultura prohibuerint: ipsumque Parricidam in Diuorum Catalogum retulerint.

Sed esto, inter nos tale nihil metuendum sit in præsentia, quis verò nouerit, qualis in posterum Regum rerumque nostratium status sit futurus? Nostræne itaq; Matri ita consulemus, vt tam ambiguae fructificationis semen scientes intra Reipub. viscera retineamus, tanta cura foveamus & ad posteros propagemus? Quis, inquam,

inquam, sanctis nobis suadebit ut fortunas nostras tam ambigui euentus aleæ committamus? Ut nempe Respub. non diutius salua sit, quam quousq; Regi Reive publicæ cum Iesuitis probè conuenit? Ut tunc demum nobis securis esse liceat, quando nihil inter nos est, quod sectæ huic offensionis causam præbere possit?

Dixi quāta vis sit aculei Iesuitici contra Reges statumq; regium, quoties hunc inolitionibus suis obfarcire intelligunt. Hæc autem te notare velim, eiusdem pestis non minorem efficaciam esse in oppugnanda Repub. atterendis Legibus, quoties nempe sentiunt, se ab his instituta sua venatione impediri. Et quod ad Leges attinet, hæc politicæ tinea illas præcipuè arrodere consueuerunt & exedere, quibus ius successionis in regno continetur, libertasq; & pax publica firmatur.

*Iesuitismi genus ipsæ Legibus infestum.*

Qualem in Galliis præcipuè inuenerunt legem illam Salicam, Matriculam & fundamentum illius Regni, per quam stirpis regię mascula proles, exclusis femellis, ad regnum sola admittitur. Cuius legis vigore successio Regni post interfectū Henricum III. ad Henricū IV. Regem tum Nauarræ deuoluebatur. Quod ipsum cum secta Iesuitica suum interitum interpretaretur, tantum efficere potuit, ut Galli hoc Reipub. suæ fundamentum ipsimet subruere conarentur, asscita contra hanc legem Philippi II. Hispaniarum Regis filia, quam ex Henrici II. Galliarum regis filia susceperat, in

*Lex Salica in Gallia.*



regni sui heredem. Operis totius promotoribus, & internuntiis Iesuitis. Quod autem Gallicis Lex Salica præstat, hoc Poloniæ adhuc Regum iuramenta conferunt, per quæ hætenus Reipublicæ liberæ electionis ius conseruatur. Quam periculose verò hoc etiam libertatis nostræ fulcimentum ab hisce tineis arrosum sit, egomet dicere nolo, nec publicum dedecus ipsemet diuulgabo. Eiusdem virtutis illustre specimen coram oculis nostris in vicina Hungaria, Austria, Styria, Carinthia &c. ediderunt. Eo nimirum successu, vt obtritis legibus, quibus prædictarum nationum & prouinciarum libertas nitebatur, partem earum penitus oppresserint, partem ad extremam desperatione adegerint. Hoc quidem rumor publicus hætenus constanter affirmat, in prædictis Prouinciis alicubi illustribus & antiquissimæ nobilitatis familiis publicè diem dictum esse, intra quem se aut coram Iesuitarum tribunali sistant, aut relictis patriis sedibus aliò migrent: quæ res fœtori isti malè vertat.

Heic ergò iam, mi frater, quæro, si fortè res in eum calum deueniat, vt Regiam Maiestatem Iesuitæ inter nos vel nunc vel posteris temporibus ita colant, vt eandem contra Rempub. contra leges & libertates nostras incitent: vt quando hætenus coram moderna Regia Maiestate, Pacem religionis, vnicum illud furoris Iesuitici repagulum, ita traducunt, vt eam Tartaricam & Mahometicam perfidiam nuncu-

*Homines nobiles sedibus pel-  
luntur, quod Iesuitis geniculari  
volint.*

*Tacem religionis Iesuitæ ut  
eane lapide pro-  
iectu admodum.*

pent,

pent, quam Regia Maiestas citra æternæ salutis suæ iacturam nec approbare possit, nedum ut eandem tueri debeat &c. quam inquam tu mihi spem facies?

Noui tamen quid etiam heic nonnulli excipiât, Non esse videlicet tantopere admirandû, si Confœderatio illa fortassis non omnibus probetur, sub qua nimirum tot abominandæ sectæ quotannis inter nos suppullulent, &c. Age itaq; cedamus eis (quod tamen citra Reipub. præiudicium fiat) hoc iure: quid verò ad illud mihi respondebunt, quod in proximis Comitibus Varsaviæ Dominica Misericordias Domini anno 1606. ex P. Scargæ ore audiimus, quando is conuerso sermone ad Regem, sic eum alloquebatur: *Eheu Rex, quorsum iam nobis res, tua intempestiua conuiuentia reciderunt? Reges olim Polonia de rebus ad Rempub. spectantibus cum solis Senatoribus deliberabant: Nunciorum istorum terrestrium, quos vocant, nulla in hisce rebus partes erant, ut qui non ita dudum introducti sint. Nunc verò tua & quorundam Maiorum tuorum socordia res eò, proh dolor, deducta est, ut quàm primùm feroculus aliquis Domicellus, qui se pro Nuncio forte terrestri gerit, votum suum proposuit, omnes ei protinus assurgere cogantur &c. Tuum, tuum erat, ô Rex, huiusmodi peruersas, quæ contra antiquos mores inoleuerunt, consuetudines cohibere &c. Vbi etiam manibus ceu nutu indicauit, quid fieri velit, Summa nimirum papa uera demerenda esse.*

*P. Scargæ cū  
Rege expositio.*

Hunc igitur Tubicinis istius aulici tenorem si reliqui tribules ita persequerentur, ut ad istorum consiliorum executionem operam & vires suas Regi aliquando in auxilium offerant, ecquid de nobis deq; nostra illa hactenus illibata libertate futurum censes?

Disputatur hodie inter nos de modo potestatis regiae, itemq; de Reipub. in rebus ad regni salutem spectantibus autoritate. De hac autem controuersia quid Iesuitae sentiant non est obscurum. Regi nempe regiaeq; Maiestati, quamdiu in conatibus ipsorum promouendis constanter pergit, tantum adiectum cupient, quantum Henrico III. olim & eiusdem successori Henrico IV. propter oppositam rationem detraxerunt. Quomodo verò vice versa in Rempub. animati sint, P. Scarga iam nos docuit, & tu nos adhuc dormire velles?

*Iesuitarū ne-  
quitia suas ubi-  
que applausores  
habet.*

Hæc igitur etsi palam inter nos practicentur, ita ut animi affectus citra ruborem ipsimet in publicum prodant, sunt tamen qui Iesuitarum inter nos patrocinium suscipiāt, & omnia sedulo conquirant, quibus hæc sub aliqua probabilitatis specie vel prorsus negari vel saltem palliari & excusari quocunq; modo posse confidunt.

His igitur deinceps nonnulla respondenda sunt: nam hoc tertium nobis designationis nostræ caput constitutum fuisse meministi.

Qui itaq; Iesuitas omnium feruidissime propugnant, primo loco Catholicam religionem  
allega-



allegare consueuerunt, à cuius interitu sibi metuunt, si in Iesuitas grauius aliquid deberet statui. Estq; hic defensionis Iesuiticæ longè splendidissimus & maximè plausibilis prætextus, ad quem amplificandum congeruntur Ordinis istius res gestæ, Barbarorum nimirum infidelium sub utroq; Mundi axe, sicut & Hæreticorū in hisce partibus plurimorum felicissima conuersio. Quibus hodiè inter nos adduntur diuini illi & miraculosi gentis illius successus in Moscouia, & augusta spes, quam ex illo tractu & nobis & Romanæ Ecclesiæ ostentant &c.

Ad hæc igitur quid dicemus? Hæc nempè, Primò heic admirari cogor, quibus rationibus sibi persuaderi patiantur, Catholicam religionem citra Iesuitarum operam in Polonia consistere non posse, ii qui credunt, Romano-Catholicam religionem, qualis illa nunc est, paulò minus quam mille quingentos annos per Orbem durasse, antequam Ignatius Loyola in terris natus est: ita videlicet, vt in nostra etiam Polonia tot centenos annos egregiè floruerit? Deinde dico, Christum & Apostolos inde ab initio non solum religionis propagationi, sed etiam æternæ eius conseruationi per sufficientia media abūdè prospexisse. Vt Ecclesiæ quàm diu in veritatis tramite simpliciter incedit, nullis nouis & extraordinariis Mediis opus sit. Hi autem non Iesuitas, quod quidem ego sciam, sed Episcopos, Presbyteros, Doctores, Pastores, Diaconos, &c. ordinarunt: istorum verò

*Religionis Romano-Catholicæ conseruatio & propagatio.*

*Qui putat Religionem citra Iesuitarum operam consistere non posse, ordinariū iterum pudenda ignavia arguit.*  
*Iesuita religionis pretextu pro illicite uiuunt.*

officiorum cū non solū nomina, sed etiam personæ inter nos supersint, quibus illorū cura demandata est, quis dubitet, quin hi, dummodo officium faciant, religionem rectè sint curaturi, ut maximè Iesuitæ in Polonia nulli sint? Tertio ulterius sic dico, Religionis curā & propagationem Iesuiticæ designationis minimam partem esse: quam nimirum ipsi amplius non curant, quā quatenus pretextus illius eis ad principaliorē Instituti sui finem, de quo dictum est, viam munit. Id quod vel hinc apparet, quod inter eos partes docendi in Ecclesia inferioribus ferè committuntur, ut primicerii huius ordinis & qui ingenio præstāt, illis, quas diximus, sublimioribus artibus in Aulis liberius vacare queant. Quarto experientia testatur, quod etiam virorum doctissimorum, quos vel Iesuitæ ipsi pro Catholicis coguntur agnoscere, calculo confirmatur, Iesuitas religioni Romano-Catholicæ intra Europam magis obstitisse, quā ut eandem promouerint. De quo aliquot inter nos præstantissimorum virorum, ex ipso etiam Ecclesiastico Ordine, querimonias me non semel audire memini.

Hoc ipsum verò cū multis prorsus incredibile videatur, his illud rationibus ulterius declaro. Ad experientiam quod attinet, negari non potest, solius Iesuiticæ bilis præferuida æstui imputandum esse, quod Romano-Catholica religio hodie in amplissimo Britannia maioris

ioris regno tanto studio premitur & opprimitur, vt nunc etiam post exactos Iesuitas, Sacerdotum secularium vsu penitus priuentur, & sic Regis clementissimi beneficio gaudere nequeant. Eandem calamitatem Catholici ante annos non adeò multos in Scotia Iesuitarum culpa perpeSSI sunt. Cum enim illorum nonnulli in Regno illo Coniurationis cuiusdam, quæ contra Regem Scotiæ in Hispania à P. Crichtonio Iesuita instituta erat, tabulas hinc inde inter Catholicos clanculum circumferrent, quibus illi subscribere debebant: re prodita, ex primaria Scotiæ nobilitate complures, qui hætenus ceu columnæ religioni Romano-Catholicæ in prædicto Regno tuerat, extremæ vitæ fortunarumq; omnium discrimen adierunt. Sed & reliqui Catholici omnes cum ipsa religione, cui Rex antehac non admodum aduersari videbatur, in iustissimum Regis odium incurrerunt: ea ratione, vt in hunc vsq; diem miseri illi facinoris Iesuitici pœnas luere cogantur. Et quid aliud Hungaros & Transsylvanos non ita dudum ad eum modum exacerbauit, vt vnâ cum Iesuitis omnes Catholicos sacerdotes, quos nancisci potuerunt, malè tractatos ex finibus suis expulerint, quam importunus ille Iesuitarum feruor? Dum hi supremi Magistratus autoritate & fauore freti, prædictarum Pro-  
uinciarum reliquas libertates tanto impetu in-  
uadunt, vt incolæ, qui hætenus omnia pertu-  
lerant, has vltimas Iesuitarum iniurias perferre

*Calamitas Ca-  
tholicorū in An-  
glia immediatè  
auctores Iesuitæ.*



nequiuertint, & extrema potius remedia am-  
 puerint: ad quod eos haud dubiè vicinarum  
 Prouinciàrum perspecta calamitas animabat.  
 Nec ego dubito quin inter nos etiam rebus  
 turbatis Catholicæ religioni magnum aliquot  
 infortunium conflaturi sint, siquidem diutius  
 inter nos conuersari debeant. Cuius rei cum in-  
 ter nos tum alibi hæc abundatissima causa est,  
 quod hic liuor illa, quæ nobis tantopere com-  
 mendatur, docendi facultate non contentus,  
 machinationibus suis publicam Magistratus  
 auctoritatem prætendit. Quæ res ut fortè ple-  
 beculam territat, ita cordatiores quosque ve-  
 hementer offendit, studia eorum suspecta fa-  
 cit, & quod iniquissimum est, Magistratum, si-  
 cut & ipsum Clerum, publico odio exponit;  
 eiusdemq; auctoritatem subditis contemptibi-  
 lem reddit. Hæc igitur Catholicæ religionis  
 damna si cum profectibus comparentur, quos  
 Iesuitæ intra Europam in eiusdem propagatio-  
 ne fecerunt, tantum fortassis vix superfuturum  
 est, ut gloriabundæ illorû iactantiæ respondeat.

Veruntamen ut huius etiam infortunii cul-  
 pam eis condonemus, si doctrinam Iesuiticam  
 per se & extra hos excessus æstimemus, in ea-  
 dem nihil, quod tanto præconio dignum sit,  
 deprehenditur. Religio enim vel voce, vel ho-  
 neta vitæ conuersatione, vel scriptis propaga-  
 tur & defenditur. Vocis ministeriû Conciones  
 & audiendarû confessionum artificium com-  
 prehendit. In Concionibus Iesuitæ, ut pluri-  
 mum

*Iesuitæ quales  
 concionatores.*

mū subtiles, disertī & in concitandis affectibus acres, vehementes, & imperuosi esse consueuerunt: vt imbecilles & incautos animos mouere & percellere possint. Hæc autem qualescunq; dotes, quæ in sinceræ pietatis schola nō perinde æstimandæ sūt, corrumpit & cordatioribus suspectas facit, primū Elocutionis siue actionis (hanc quidam hypocrisin vocari dicunt) gesticulatoria leuitas, nīmiūq; fucandi sermonis studium, & qui sub hoc præluceat, ardentissimæ ambitionis affectus. Quorum vtrunq; nesciō quid non Apostolicum sapit. Deinde deformat eas ista inexhausta calumniandi & conuitiandi libido, qua plerumque in aduersarios debacchantur. Idq; tantum vt plebis animos incendant & exasperent: cum interim aduersarios, quos lucrari debebant, magis indurent. Me quidem hæc ita offendūt, vt vilissimi pagi parochum interdum concionantem audire malim, quàm qui in vniuersa Polonia inueniri queat, disertissimum Iesuitam.

Ad confessionarium artificium quod attinet, non inficiaseo, hoc venationis Iesuiticæ præcipuum instrumentum & perquàm commodum rete esse. Neq; tamen hoc ipsum tam cautè hætenus disponere potuerunt, vt illa omnium arcanorum perscrutatio peccatorumq; interdum non satis pudicum examen, cum satisfactionis illa insidiosa, multoties etiam avara impositione, non plurimos offenderit & à

*Decipula Confessionaria.*

Catholica communione ita repulerit, vt ab eadem propter ipsos præcipuè Iesuitas penitus abhorreant. Quantum ad vitæ conuersationē; eam quidem ita hætenus instituerunt, vt nimis conspicua illa vitiorum vlcera, quibus Cælurus hætenus ad eum modum deformatus, Laicisq; exosus redditus fuit; studiosè vitarint. Neq; tamen in hoc etiam proposito tam constantes aut circumspecti fuerunt, vt non in opposito arboris scientiæ boni & mali fructus se in iisdem præderent. Dum enim ab vna parte miraculosam quandam vitæ continentiam, angelicam castitatem, religiosāq; pietatis deuotum studium ostentant: ab altera parte profundæ auaritiæ tam dira lues, & circumueniendarum nobilium Familiarum viduarumq; & orphanorum decipiendorum tam callidum artificiumprehenditur, vt hoc ipsum prudentioribus in hominibus tam religiosis summæ admirationi fuerit. Vt interim superiorem artium Iesuiticarum chorum heic intactum relinquam, de quibus tam multa iam dicenda fuerunt.

*Iesuitæ & ipsi  
de arboris scientiæ  
boni & mali  
gustarunt.*

*Scriptio Iesuitica.*

Restat scriptio Iesuitica, in qua ferè summus Instituti huius excellentiæ gradus constituitur, nec id prorsus vanum censeri debet. Negari enim non potest, dictionis Iesuiticæ characterem per se tersum & argutum. Orationem etiam, si artificium spectes, floridam simul & neruosam esse. Quæ scriptionis virtutes ad illectandam & capiendam iuuentutem non exiguum



quam vim habent, quæ etiam Iesuitas harum præcipuè rerum admiratione suspicere & sectari solet. Qui verò serio pietatis studio afficiuntur, hæc tantò minus curant, quanto in hisce rebus nimia Iesuitarum affectatio euidentior est: non aliter quàm si omnibus veteribus & recentibus Sophistis aut ipsis etiam rabulis palam vellent præripere. Veritatis autem sermo simplex est & esse debet: inprimis verò Christianæ religionis tractatio huiusmodi fucata & colorata orationis lenocinia auersatur & respuit, tanquam corruptarum prurientium aurium non satis castum delinimentum. Prudentissimi deniq; quiq; incorruptissimè iudicant, sic sentiunt, Iesuitas suis hætenus argutiis & concitatis scriptis eatenus saltem profecisse, vt Catholicos suos inflammatos concitauerint, partem verò aduersariam acuerint & obfirmauerint: vt sic bellum illud religiosum, quo ceu Causone quodam Europa adhuc amburitur, tantò periculosius exarserit. Quemadmodum nostris ipsimet oculis cernimus.

*Iesuitica scripti-  
onis effectus.*

Quod autem de barbarorum in vtraq; India conuersione pro Iesuitis adducitur, illud ex iis locis petitum est, ex quibus aliquis non solum verum dicere, sed etiam securè mentiri possit. In Polonia præsertim & in illa explorationis difficultate, postquam Castilienses & Lusitani nullum extraneum in illas regiones admittunt. Ideoq; his nil aliud quàm vulgatum illud respondeo: *En Rhodus, en salins.* De Hæretico

*Iesuitarū au-  
rea & argentea  
argumenta.*

rum in his terris conuersione rem non prorsus nego, vt de qua oculorum aspectus testetur. Opus tamen ipsum non tam doctrinæ Iesuiticæ extraordinariæ virtuti, quàm argumentorum aureorum & argenteorum ponderi ascribendum censeo, quibus vtuntur, quorumque perennem copiam eis Pontificis Romani fauor Aulæq; Polonicæ iucundus calor sufficit: inter quæ tamen heic inter nos quandoq; vitrea concurrunt, pro quibus alibi in vicinias ferrea substituunt. Quod genus conuersionis Paulus Apostolus haud dubiè euersionem seu potius corruptionem dixisset.

*Moscouia in-  
consuln & pe-  
nitiosa rēitio.*

Ad rerum Moscouiticarum successus quod attinet, illi reuera nobis hactenus non citra factum ostentati sunt: quorum etiam præcox spes Gentem Iesuiticam ad eum modum inflauit, vt omnia sibi deinceps licere putaret. Qualia verò nunc ex iis locis per repetitos nuncios constanter afferantur, te non ignorare credo: Iesuitas quidem audio narrationi huic acerrimè contradicere, quod ipsum indicio est, rem ipsorum ibi agi, vt quicumq; effectus (vtinam bonus) secuturus sit, non aliis eum quàm ipsis imputare possimus. Interim tu nosti, quale meum ab initio, quàm primum consiliorum istorum aliquid in vulgus emanauit, de molitionibus illis iudicium fuerit. Ipsi nempe causæ in genere melius fundamentum optabam: Deinde rem per se periculi plenam esse apertè profitebar. Meministi etiam me de hisce conatibus Horatianum illud vīrpare:

— — — — — & arma  
*Nondum expiatis vincta cruoribus;  
 Periculosa plenum opus alca,  
 Tractas, & incedis per ignes  
 Suppositos cineri doloso.*

Deniq; sic præ me semper tuli, si Iesuitæ negotio huic se immiscerent, nullum eius bonū euentum expectandum, hos enim omnia turbaturos. Et si res felicissimè cadat, Imperium illud ab ipsis perturbatum & motibus intestinis repletum iri, qui nobis tempore fortassis non æquissimo negotium facessere possent; quemadmodum in Suecia nobis non ita dudū accidit. Quàm verus autem & falsus in his omnibus fuerim, ipsum tēpus reuelabit, & tum nos etiam de Iesuitarum in conuertendis barbaris studio rectius poterimus iudicare.

*Religionis* Conseruatrici propagationi subiungitur *Instituenda iuuentutis nescio quod occultum & exoticum artificium*, propter quod Respub. (si vtiq; Ecclesia iacturam hanc negligere posset) Iesuitarum opera carere nullo modo queat. Et hic prætextus superioribus æstimationis pondere non multum cedit, cuius tamē vanitatem viri in omni disciplinarum genere exercitatissimi, qui Romano-Catholicam religionē publicè profitentur & defendunt; iam dudum Orbi demonstrarunt. Rationibus firmissimis euidenter ostendentes: Iesuitas primum & Iesuitarum Institutum bonis littèris & earum refluorescenti splendori plus offuisse;

*Iesuita iuuentutis instituenda artificiosissimi Magistri.*



quàm easdem promouerint. Ostendentes insuper, Disciplinam Iesuiticā meram corruptellam esse ingeniorum : quorum videlicet aciem retundat, & pro eo quod illa liberali institutione informare & excitare debebat, quendam potius eis stuporem inducat.

Qua de re aliquot inter nos præstantissimos non semel conquerentes audiui, qui hodie in præcipuis Reipub. muneribus versantur, cùm dicerent, se coactos esse Iesuiticæ institutionis vitia aut peregrinando corrigere, aut eadem postquam iam ad Rempub. animum applicauerant, ipso rerum vsu dediscere. Quorum iudicio Experientia astipulatur, cùm constet, inter ipsos Hæreticos, quos hæc Gens nempe pro talibus tractari vult & haberi, Viros inueniri in omni disciplinarum genere exercitatos, qui ad omnia Reipub. munia idonei essent, nisi inuidia eos premeret : etsi Iesuitica institutione nullo vnquam tempore vsi sint. Quomodo-  
cunq; tamen hæc se habeant, illud apud me fixum manet : Si quæ Iesuitis hac in parte ab aliquibus tribuuntur, omnia verissima essent, & ipsi in Poloniam nostram alteras Athenas importassent, illud tamen nimis vile precium esse æstimandum, pro patria libertate, quam pro hac opera licitantur. Cùm præsertim eruditæ doctrinæ fructus aliunde non minus commodè, quàm à Iesuitis habere possimus.

*Iesuita actualis.*

His tertio loco à nonnullis subiungitur, *Iesuitas tamen homines esse actuales, quorum in rebus arduis*

*arduis expediendis magna sit dexteritas, eximia fides, &c.* Multis hoc in ore est, qui pro Iesuitis nituntur, quos equidem admirari soleo. Quòd nempe actualitatem hanc Iesuitis ita tribuant, vt propter illam eos laudēt, eosdemq; propterea retinendos & fouendos statuunt. Nimis enim mirabile mihi hoc in Religiosorum tam religioso Ordine epitheton videtur, cū hoc potius Dauī alicuius Terentiani attributum sit, qui sua veteratoria calliditate & panurgia omnia turbat & inuoluit. Ego itaq; Poloniæ Milites potius & Aulicos, mihi verò Seruitores actuales, Ecclesiæ autem Monachos & Religiosos pios, doctos & deuotos opto. Veruntamen si quod res est fateri volumus, Epitheton hoc Iesuitis nimis verè competit, de quo totus Orbis, inprimis tamen Europa adeò luculenter testatur. Et nos etiam hactenus actualitatem illorum ita sumus experti, vt si inter nos ad hunc modum diu pergere debeant, de illis Comicum illud rectè vsurpaturi simus: *Quod si annitantur, ex vnīs nuptiis geminas nobis effecturi sint*, duplicato nimirum, quo in præsentia vrgemur, infortunio. Sed quid putabimus Augustinum reliquosque istorum temporum Patres de huiusmodi actualibus Monachis fuisse dicturos? Aut quis etiam in secularibus negotiis tam demens fuit, vt in seruo nequam veteratoriam calliditatem laudarit, aut Exploratoris exteri solertiam ita commendarit, vt cum propterea sibi fouendum existimasset? Te

igitur heic etiam scire velim, ingenio præstante & versatili nihil perniciosius esse, si vires suas ad res malas applicet. Ideoq; hanc ipsam Iesuitarum actualitatem egomet inter iustissimas metus nostri causas refero, quæ nobis veterum excutere, nosq; ad seriam rerum nostratiû curam excitare deberet.

*Iesuitarum in  
rebus turbandis  
(expediendis di-  
cere volebam)  
dexteritas.*

Illud autem quod de expediendi dexteritate adiicitur, testimonio destituitur. Quid enim egregiè Natio hæc inter nos præstitit, quidve tam dextrè expedit, aut quod potius bonum non impediuit? Nisi fortè amissam Sueciam, afflictam Galliam, tentatâ Scotiam, Anglicas conspirationes & tot nobilium hominum tragicum interitum, Venetianas practicas, Moscovicicas turbas, perturbatam Vngariam, oppressam Styriam, Carinthiam, Carniolam, & quæ hæctenus in Polonia ediderunt aulica progymnasinata, pro Iesuiticæ dexteritatis operibus nobis sint habenda? Ad res quidem arduas aggrediendas & inuadendas satis adhuc audax est hæc secta, audaciæ verò illius euentus is hæctenus ubiq; sequitur, vt turbæ maximæ ab illis excitentur: tales nimirum quæ citra infiniti ferre sanguinis effusionem adhuc nec sisti nec sedari potuerunt. Quem igitur hæc agendi dexteritas delectat, is videat & prouideat, ne quid Respub. Iesuitica detrimenti in Polonia capiat.

Nec id quod de illorum eximia fide prædicatur certioris fidei est: quod tamen illis foræ  
persuas



persuaderi poterit, qui vel Iesuitarum arcanas designationes prorsus ignorant, vel quibus illi os aliàs ita oblinunt, vt propter certas causas ad eorum palatū omnia dicant & faciāt. Quod si tamen aliquis fidem Iesuiticam verbis extollere velit, dico eam, quanta quanta est, totam exteris, & quidem citra vllum boni Polonici respectum, addictam esse & arctissimè obligatam. Huiusmodi inquam exteris, qui etsi corpore à nobis absunt, consiliis tamen & occultis machinationibus, nimium interdum familiariter inter nos conuersantur. Cū his ergo si forte aliqua nobis controuersia incidat, ecquid illi nobis de Iesuitarum fide polliceri poterūt? Annon verò in Galliis, Anglia, Scotia, Vngaria, Venetiis satis iam conspicua fidelitatis suæ documenta in publicum ediderunt, si ad nostratia utiq; cæcutimus? Et quid in re manifesta verbis opus est, cū nulla hodie Europæ Christianæ natio sit, quæ non de Iesuitarum perfidia, aut saltem perfidiæ suggestionem & excusationem conqueratur, si vnā Hispaniam excipias.

His deniq; à nonnullis additur, *Inconueniens esse, vt Iesuitas Poloni expellant, cū Galli, qui propter longè grauiore causas eos eiecerant, eosdem reuocauerint, ubi etiam adhuc citra vllum Reipub. incommodum vuant, &c.*

Ego verò noui Iesuitas in Galliam reuersos esse, sed quod à Gallis reuocati fuerint, ne ipsi quidem, quamuis multa dicant, facile dicturi

*Iesuitica fides  
Polonia inutilis*

*Gallia Iesuitas  
recepit.*

sunt. Interim verò artes, quibus se in Galliis denuò insinuarunt, tales sunt, vt propter illas ipsas eiectionem eorum inter nos maturadam existimem. Ex illis enim liquidissimè perspicitur, quátum hic Genius intra Europam in versando & circumagendo rerum cardine polleat. Sic enim nosse debes, Iesuitas in Galliam non propter aliquem eorum vsum, quo regnum illud carere non posset, receptos esse: sed ad vehementissimam Romani P. instantiam. Quem videlicet Rex in tam infida cum vicino potentissimo pace offensum nolebat: cui tamen serium Catholicismi studium vix probaturus erat, quamdiu Iesuitas regno arceret. Interea ne illud quidem dubium est, eos qui Pontifici in restitutione illa promouenda operam suam apud Regem præstiterunt, maiora præmia consecutos esse, quàm omnes, quicunq; hætenus Reipublicæ vel inter nos vel alibi militarunt. Quamuis non desint qui existiment, Henricū IV. hac etiam ratione securitati suæ consulere voluisse, quòd aliàs à Iesuitarum insidiis nunquam tutus esset futurus. Quod autem hætenus pacatè dicuntur viuere, id si verum est, admirationem meretur: quantumuis causas grauissimas habeant, cur se in tam recente actorum memoria ad tempus cohibeant, sub illius præsertim Regis imperio, cuius auctoritatem, quam sibi rebus gestis comparauit, non immeritò verentur & metuunt. Quid autem futurum sit, si præsentì rerum Gallicarum capi-

*Iesuita cum in  
Gallia pacatè  
vuant.*

piti aliquid humani accideret, rerumq; administratio, vt antehac factum meminimus, ad minorennes heredes deuolueretur, facile erit diuinare. Cum verendum sit, Galliam tum demum commissi in recipiendis Iesuitis erroris effectum suo magno malo sensuram. Nos verò hactenus caussa nulla, per Dei gratiam, vrget, vt Gallorum similes facti, tam ambigui iactus aleam subeamus.

Hæc fere pro Iesuitis ab iis afferuntur, qui persuasi sunt, nec Reipub. nec Ecclesiam gentis istius opera commodè carere posse. Præter quos etiam alii sunt, qui etsi Iesuitarum acta omnium minimè probent, in eosdem tamen nil grauius statui patiuntur, quòd hoc citra maxima Reipub. incommoda ne tentari quidem posse existiment. Itane ergo Polonis res iam eò redierit, vt aut Iesuitæ & Iesuitismus nobis tollerandi, omnesq; illorum machinationes cum tam præsentis Reipub. periculo perpetiendæ sint, aut extremum rerum discrimen adendum? Vbi ergo tunc manebunt illa Ordinis istius elogia, quibus ab initio nobis commendati sunt? Quòd homines sint innocentissimi, pacifici, quòd spiritualibus contemplationibus toti addicti, in quibus Poloni huiusmodi prorsus Clericos habituri sint, quales iam dudum desiderauerint? Ab his ergo talibus ecquid nobis timendum erit?

*Iesuitarum religiosam modestiam parum fidendi.*

Ego tamen iamdudum noui, Bilem hanc citra molestiam ex Reipub. corpore nunquam



euacuatum iri, postquam iam nostra incuria ad viscera tam altè penetrauit, ipsasq; præcipuè vitales partes tam arctè obsedit. Existimo tamē periculum aliquanto minus futurum, quàm pleriq; sibi imaginentur.

*Incommoda quæ  
Iesuitarum ex-  
pulsionem secu-  
tura sint.*

*Pontificis of-  
fensio.*

Quæ enim incommoda nobis narrant, quæ Iesuitarum expulsionem secutura sint? Pontifex, inquiūt & Hispanus grauissimè offendetur. Magna profectò numina, quorumque ira nobis haud leuiter æstimanda est. Quid enim de Polonia futurum existimabis, si Saturnum & Iouem Europæum tam malè dispositos habebat? Ego verò heic serui illius Comici expositione vti possem, *Possū'ne scire quot mihi heic Domini perferendi sint?* Ne tamen nimis aliqui confidens & securus videar, de vtroq; aliquid dicendum erit. Ad Pontificis itaq; offensionem quod attinet, de ea quidem nullus dubito, quin nimis certò secutura sit, agnosco etiam eam nobis formidandam esse. Cum verò à Iesuitis longè grauiora cogamur metuere, existimo hanc indignationem Polonis non nimium esse pertimescendam. Spero etiam ad eandem auertendā legitima media nobis non esse defutura. Pontifex enim aut bonus est & talis, qui memor sui officii, Regni Poloniæ æquè ac omnium aliorum Christianorum regnorū optimū statum promotum & conseruatum cupiat. Cum tali itaq; sperandum esset nobis facile conuenturum: si nempe missis legatis ei ad oculum demonstrauerimus, Rem Polonicam

nec

nec cum Iesuitis nec cum Iesuitarum hactenus  
vſitatis artibus diutius conſiſtere potuiſſe, &c.  
Nec dubito quin is tempori ceſſurus & indi-  
gnationem, ſi quæ oborta fuerit, Reipub. faci-  
lè remiſſurus ſit.

Aut idem malus talisq; eſt, qui ſuæ tantum  
libidini, citra vllum Reipub. aut æquitatis re-  
ſpectum indulgeat, omniaq; prius ſuſum de-  
orſum ferri patiatur, quàm vt quod malè cœ-  
ptum eſt corrigi ſuſtineat. Tum verò iram eius  
ne curandam quidem exiſtimo. Neq; enim vl-  
la vel diuina vel humana Lex Polonos obligat,  
vt aut ſuum ipſi periculum ſibi ſcientes accer-  
ſant, aut Romani P. iniuſtæ ſibiq; præiudiciali  
voluntati ſe per omnia conforment.

Qua in re ſi meum tibi iudicium ſuſpectum  
eſſet, Maiorum exemplis te patiaris erudiri, vt  
cogites, quid ipſi in ſimili calu fecerint. Noſtri  
etenim, quanta animorum contentione Ro-  
mani Pontifices olim Crucigeros contra regnū  
Poloniæ defendendos ſuſceperint, quàm atro-  
cia Regibus noſtris plerunque minitati ſint.  
Reſque tandem eò proceſſit, vt circa annum  
1456. ſi Æneæ Syluii epistoſis credimus, Ro-  
mæ Excommunicatio contra Regem, regnum-  
que Poloniæ decreta fuerit. Neq; tamen hiſce  
minis, quantumuis ipſius etiam Imperatoris  
Friderici III. indignatio eas acueret, ad eum  
modum ſe perterriti paſſi ſunt Maiores noſtri,  
vt non potioſem ſalutis Reipub. quàm indi-  
gnationis Pontificiæ reſpectum habuerint. Q-

*Maiores olim  
noſtri Reipub.  
ſalute nihil an-  
tius habue-  
runt.*

uum autem quo tam simile nunquam esse poterit, quàm benè Iesuitarum Institutum, mores & actiones cum Crucigerorum ordine rebusq; gestis conueniunt. Nam ortus ratio & occasio ferè eadem vtrobiq; fuit: vtrumq; institutum ad vnum eundemq; finem per diuersa saltem media fuit directum: forma politica exceptis paucis circumstantiis eadem fuit: vterq; ordo progressus longè celerrimos fecit, dilatataq; per eos Christianæ religionis & imperii laudem tulit: vterq; tandem à seipso ita degenerauit, vt iis, pro quorum defensione instituti fuerant, graues & molesti esse cœperint. Differētia saltem in eo consistebat, quòd Crucigeri professi Milites erant, remq; apertis armis contra Maiores nostros gererent, quorum legitima remedia Polonis nunquam deerant: hoc verò malum intra viscera nostra hærens iis artibus nos oppugnat, quarum Polonia antehac prorsus imperita fuit. Quæ res facit, vt existimem, eos nouæ illius sectæ institutū omnium rectissimè æstimare, qui *Iesuitas Crucigerorum spurios* dicunt. Cùm itaq; Maioribus nostris olim Pontificis nec indignatio nec auctoritas obstiterit, quò minus Crucigerorum iniurias acerrimè vindicarent, regnumq; tuerentur, cur in simili casu huiusmodi spectris nos terreri patiamur?

Sin tamen hæc aliqui fortè nimis antiqua viderentur, illi recentius exemplū habent, quod Auorum memoria accidit.

Sigif.



Sigismundus I. quē inter optimos suos Reges Polonia non immeritò recenset, quem etiā Romana sedes adhuc pro genuino obœdientia filio agnoscit & prædicat, Albertum Brandenburgicum cum ditione Borussia in fidem & clientelam suam recepit, tum quando propter abdicatum Crucigerorum ordinem & desertam religionē Romanam non solū à Pontifice, sed ad huius instinctum ab Imperio Romano sub potentissimo Imperatore Carolo V. excommunicatus & proscriptus erat. Aula tamen præcipuè Romana fremebat & indignabatur, quòd tota Borussia hac ratione ab Ecclesia abalienaretur. Nec Sigismundo parsura fuisset, si Excommunicationis aliquem potentem executorem potuisset habere. Hic enim desiderabatur: quod tamen is susq; deq; tulit. Et quid ego de Regibus nostris dico, cū nostra hæc ætas eiusdem magnanimitatis & egregiæ fidei in Rempub. illustre exemplum in ipso regni Primate habuerit? Fuit is Iacobus Vchanski, Archiepiscopus Gnesnensis, cui cū Romanus P. Excommunicationis telum intentaret, quòd animaduerteret, eum in consiliis publicis, maiorem salutis Patriæ, quàm sedis Romanæ respectum habere: is se adeò non passus est à proposito dimoueri, ut Pontifici potius rescripserit, se si pergeret ei Reipub. nomine molestiam exhibere, intentatum fulmen in ipsum retor surum. Quo responso ictus Pontifex Archiepiscopum missū fecit, ut qui nosset

*Alberti Brandenburgici ex-  
plum.*

hoc ei in Polonia facilius factu quàm dictu fuisse. Cuiusmodi libertatis spiritus, si ex illius successoribus hodie, sub hac inquam Iesuitica animorum dispositione aliquis sibi usurpare præsumeret, ecquid tu de eo futurum putas? An non ille quanto ocyus ad Patres ire cogeretur? Hæc igitur masculæ virtutis exēpla quoties in Maioribus nostris considero, toties admirari cogor, quæ res hodie nostratium Prælatorum animos ita immutarit, ut in multò leuioribus casibus tantas sibi difficultates imaginentur. Dum interdum Pontificis hæscio quæ Regalia allegant, quæ inuiolata retineri volunt, sed & Regem ita loqui docent: non aliter quàm si Polonia iam duos Reges haberet, vnum Cracouiæ, alterum Romæ. Dum etiam exterorum offensiones sæpius ultra modum exaggerant, Rei quæ publicæ se tam difficiles præbent. Quæ admodum iam aliquoties in deliberationibus de Moldauia, Walachia & tandem etiam Transsylvania fieri vidimus. Ideo quæ sic tandem existimo, eos qui à Pontificis offensione sibi tantopere metuunt, siquidem Iesuitæ paullò durius tractari deberent, eo ipso satis demonstrare, quàm frigidè erga Rempub. affecti sint, & suspicionem de se non exiguam præbere, quòd priuata commoda illis Patriæ salute potiora sint. Quales si Maiores nostri fuissent, Borussia nobis hodie carendum & in hunc vsque diem cum Crucigeris colluctandum esset. Sed & hanc scrupulosam in hoc ordine conscientiam nulli

*Clerus Polonicus à Iesuitis corruptus.*

nulli alii rei hodie, quàm Iesuiticæ, de qua dictum est, dispositioni debemus.

Vbi tamen mirari cogor, quid hi, qui eis hæc in parte eatenus astipulantur, vt Pontificem nulla in re offendi patiantur, posteritati aliquando responderi velint, si nempe illa ex nostrorum temporum historia resciscat, Rempub. Venetam propter repetitas à Pontifice aliquas Ducatus Ferrariensis particulas, & propter improbatas quasdam non maximi momenti constitutiones, pro libertatis suæ defensione, Iesuitas ex dominio suo vniuerso expulisse, & intentatam propterea Pontificis excommunicationem, vsque ad aperti belli periculum contempsisse: cum interim Maiores sui in Polonia libertatis alumna tam ineticulosi fuerint?

Quod si etiam in hisce rebus, nos ad eum modum à Pontificis arbitrio patiemur suspendi, Polonorum conditio multò deterior, adde & seruiior futura erit, quàm ipsorum Moscorum: qui in consiliis de Repub. nulla alia quàm ipsius Principis Rei; publicæ Regalia respectant, aut attendunt.

*Ad Hispanum* quod attinet, ego non video, quæ ei iusta offensionis causa à nobis præbeatur, si nos nostræ Reipub. pro rerum nostrarum exigentia pro virili studeamus consulere, citra vllum eius præiudiciū? Curetiam Regem illum potentissimū magis offendat, quod nos Iesuitas expellimus, quàm nos hæctenus offen-

*Hispani offensus quanta Polonia in hoc casu astimanda.*



dit, quòd ipse eos, vt sibi commodos, tam in-  
dulgenter fouet? Quid si verò Rex Hispaniæ,  
Rex Poloniæ audire vellet, (quod equidem  
quo minus ad libitum consequatur per Iesui-  
tas non stabit) num ad cauendam eius indi-  
gnationem hoc ei concedendum esset? Si de-  
niq; eò nos demiserimus, vt domi nobis nihil  
agere aut tentare liceat, nisi quod aureo velleri  
probetur, ecquiam Rempub. in Polonia habi-  
turi sumus?

Verùm heic nonnulli adhuc pergunt exci-  
pere, *Etiam domi & intra parietes multos offen-  
sum iri.* Cui aliqui adiiciunt, *si Iesuitæ extra re-  
gnum proscribi debeant, etiam alios, & illos præci-  
pue Euangelicorum ministros vnà exterminan-  
dos, &c.*

Ad prius quod attinet, de multorum intra  
domesticos parietes offensione, ego primùm  
nescio, quinam illi multi futuri sint, quorum  
offensionem nobis tam periculosam imaginari  
debeamus, si præsertim reliqui Cleri securitati  
caueretur? Cùm enim heic nil aliud quàm sa-  
lus Reipub. eiusq; in longum propagatio quæ-  
ratur, nemo hinc tumultuandi occasionem ha-  
bere poterit, nisi fortè fortunas suas cum Iesui-  
tis ita coniunxerit, vt cadentibus illis, ipse sta-  
re nequeat. Et hi ferè illi sunt, qui eis omnium  
molitionum & consiliorum, fortè etiam con-  
tra regnum, sunt conscii. Et quamuis verendū  
sit, eorum plures esse, quàm expediat, ne ho-  
rum tamen offensio perinde nobis æstimanda  
est.

*Quibus ferè  
Iesuitarum ex-  
pulsio omnium  
in gratissima sit.*

est. Cùm nemo dubitet, quin bonorum, qui Rempub. saluam cupiunt, multò maior pars in omnibus Regni partibus futura sit.

Sed esto, vt heic fortè aliquid nobis molestiæ sustinendum esset, num propterea Medicinam respuemus? Quæ purgatio ægroto vnquam tam feliciter cessit, vt non aliquid ex illius operatione torminum senserit? Quòd si Iesuitarum expulsionem illos fatales tumultus auertere & præcauere possemus, qui hactenus plerasq; Europæas Prouincias tam duriter affligerunt, quo de egomet planè sum persuasus; res nẽ digna censebitur, propter quam etiam incommodi aliquid patiamur? Si publicæ libertati, si regno nihil periculi est, si priuatorum corpora & fortunæ in tuto sunt, ecquid tumultuamur? cur exterorum insidias & conspirationes metuimus? Sin verò hæc omnia nobis ita imminēt, vt Iesuitas eorum, si non principales autores, perniciosos saltem actores, promotores & internuncios nouerimus, vt omnes præ se ferunt, ecquid amplius cunctabimur?

Ad alios verò, Euangêlicorum præsertim Ministros, quod attinet, si in eadem turbata pacis & oppugnata publicæ libertatis culpa cū Iesuitis hærent, nil equidem causæ dicam, quò minus & illi & quicunq; crimini huic quocunque modo affines deprehenduntur, cum eis expellantur. In suspitione enim turbata Reipub. neminem quodcūq; vitæ genus tueri potest, aut eidem patrocinari debet.

*In pauca  
Pacis publicæ  
perturbatoribus  
non persona, sed  
factum respici-  
endum.*

*Ministorum  
Euangelicorum  
intra regnum  
conditio.*

Sed nunquid heic res cum re aut caussa cum  
caussa conferri poterit? Quemnam Pontificem  
aut Hispanum Ministri illi intra aut extra re-  
gnum habent, cui hunc agrum arent aut serāt,  
aut ad quem eis, rebus heic perditis, perfugi-  
um pateat? Quales etiam in Aula & circa Rei-  
pub. clauum, illorum partes sunt, aut in æter-  
num esse poterunt? Aut quæ prædia hi in de-  
trimentum Nobilitatis coemerunt, quasve im-  
munitates in fraudem Reipub. consecuti sunt?  
Et quæ etiam illorum vires sunt, propter quas  
Reipub. formidabiles aut saltem suspecti esse  
debeant? Quorum diuitiæ ferè omnes in lace-  
ra & detrita vt plurimum Reuerenda, vt no-  
strates loquuntur, & Bibliorum, adde si res lau-  
ra est, Augustini codice, nudaq; & numerosa  
sobole consistit? Ipsi denique Euangelicorum  
Ministri, annon vniuscuiusq; pagani Præfecti  
superioritatem agnoscere, eidemque se sistere  
eoguntur? Collatio itaq; hæc prorsus inepta,  
adde & ridicula est:

Sunt fortassis & alia quæ pro Iesuitis ab illo-  
rum fautoribus nobis obiici possent, sed ea vix  
maioris momenti erunt, quam quæ hæctenus  
allata sunt. Ideoq; hæc tibi sufficient, vt ex qui-  
bus reliqua faciliè diiudicare poteris:

Ex his ergo, quæ hæctenus demonstrata sunt,  
firmiter tandem concludo: Iis qui hoc tempo-  
re Rempub. restitutam, sanatam & in posterū  
saluam cupiunt, si ordine procedere, si labo-  
rum suorum fructum aliquem sibi polliceri vo-  
lunt,



sunt, ante omnia operam esse dandam, ut Iesuitæ extra regnum abigantur: sed ita ut abactos obditio pessulo reditu prohibeant.

Expulsa autem & expurgata hac acri & arrodente bile, Morbi nostratis paroxysmus in genere & paulatim lenietur, reliquæ partes affectæ, Clerus præcipuè, sanabiles & tractabiliores reddentur, poteritq; quod luxatum est, per oñiũ, citra grauioris alicuius symptomatis metum curari & restitui.

*Expulsionis Iesuitarum qualis effectus sperandus.*

Quamdiu verò hic Incendii febrilis fomes intra Reipub. viscera retinebitur, nulla nobis salutis & securitatis spes relinquitur. Quodcunq; enim machinabimur, quibuscunq; emplastratis vulnera ligare & obducere studeamus, opera & oleum nobis peribunt, malumq; in hac corporis Polonici Cacochymia ad leuissimam quamque occasionem recrudesceat. Neque enim Iesuitæ, ut cetera omnia sanentur, ad Regni Poloniæ legumq; Polonicarum similitudinem in æternum reducentur, ut illa sub hoc, qui adhuc qualitercunq; durat, statu probent.

Ideoq; ne eos quidem audiendos censeo, qui ut res minus odiosa sit, non vniuersalẽ purgationem censent instituendam, sed per partes tantum bilis istius detractionem & imminutionem faciendam putant. Verbi gratia, sunt qui eos tantum extra regnum propellendos existimant, qui vel clandestinarum machinationum contra regnum cooperatores aut saltem

*Particularis purgatio quomodo secundum nonnullos instituenda.*

conscii fuisseprehenduntur, vel quorum scditiosus feruor publicæ paci præcipuè periculosus censetur. Sunt qui hanc Iesuitismi diminutionem à locis incipiendam suadent. Ut nempe ex primariis Regni Urbibus aut vbiçunque ab eis Reipub. insigne aliquod periculum metuendum esset, remoueantur. Sunt deniq; , qui putent, publicæ securitati sufficienter prospectum iri, si latis legibus, in arctiores carceres redigantur. Hæc igitur consilia paucis discutiamus.

De his primum in genere sic dico: cum quacunq; Iesuitarum offensione, siue eos in vniuersum expellamus, siue audaciam illorum ad certam quotam restringamus, Pontificiæ indignationis inuidiam nobis ex æquo metuendam esse: quam tamen pleriq; omnium maxime cauendam censent. Hoc saltem discriminis erit, vt si partem aliquam Iesuitismi intra viscera retinuerimus, tanto plus nobis periculi ab eodem Pontifice futurum sit. Cùm igitur cum particulari offensione tantundem difficultatis subeundum sit, quantum cum totali expurgatione, cur non hanc, vt vtilissimam & certissimam, præferemus? Immò hanc ego tibi ceu Maximam præscribo: *Iesuitas facilius ex regno expulsus, quàm intra regnum in ordinem redactus iri.*

Dico amplius eos vehementer errare, qui sperant, Bilẽ hanc ita cautè posse moueri, vt nõ protinus exardescat & exasperetur, & vt non omnes

Particularis  
expurgationis  
incommoda.

N.B.

omnes vindictæ occasiones studiosissimè con-  
 quirituri sint, quodcunque fortè ad tempus,  
 propter præsentem necessitatem simulèt. Quæ  
 occasiones ingeniis istis intra & extra regnum  
 nunquam defuturæ sunt. Quod si ergo, resum-  
 tis aliquando animis & viribus, denuò aliquid  
 & fortè periculosius quiddam moliantur, quid  
 tum factò opus erit? Num quotannis in Iesui-  
 tarum gratiam Generalem Rokosch celebra-  
 bimus? Deinde in specie iis qui nocentissimū  
 quēque ex Iesuitis exterminandum censent, *Iesuitarum o-*  
 respondeo: Nec causam nec culpam earum re- *rationum equalis*  
 rum, quarum Iesuitæ insimulantur, ita partiri *culpa.*  
 & separari posse, vt alter altero mitius aut du-  
 rius tractandus sit. Sic enim iam ostensum est,  
 sectam hanc tam arctè inter se compactam esse,  
 vt totum corpus & cum hoc omnia eius Indi-  
 uidua membra, in harum præcipuè rerū praxi,  
 de quibus nobis sermo est, in vnum conspirent,  
 & ad vnum scopum mente & corpore ferantur.

In vna itaq; eademq; culpa omnes æquali-  
 ter hærent: differentia, si quæ est, in ingenio-  
 sarum virium saltem inæqualitate consistit, vt  
 quod vnus, aut alter fecit, omnes facturi fue-  
 rint, si vires aut occasio non defuissent. Nec  
 credo te audiuisse, quòd Iesuita aliquis à tribu-  
 libus suis, ob quodcunq; etiam detestandum  
 facinus, publicè damnatus aut etiam reprehē-  
 sus sit. In hoc enim genere non peccant, dum-  
 modo facinoris perpetratio in illum finem di-  
 rigatur, quem Iesuitis in specie propositum est.



se ostendimus. Quod autem de nonnullorum  
 leditioso feruore affertur, illud per se specio-  
 sum est, ego tamen sic existimo, illos nondum  
 pessimos, aut etiam Reipub. periculosissimos  
 esse, qui Cracouiæ, Posnaniæ &c. ædes exurunt,  
 Cœmeteria inuadunt, sepulcorum corpora re-  
 fossa immaniter violant. Contra hanc enim ra-  
 biem, licet in hunc vsq; diem impunita mæse-  
 rit, vel tandem remedium aliquod inuenietur.  
 Sed illas potius vulpeculas nobis obseruandas  
 censeo, qui per Sudetas montes, Alpiumque  
 iuga hinc inde commeantes, exoticarum artiũ  
 spiritum ferunt & perferunt. Deniq; remedi-  
 um hoc, si tam benè caderet, vt nocentissimi  
 qui sunt, exterminarentur, nos tamen saltem  
 ad tẽpus releuaret, dummodo releuaret: tam  
 diu nimirum, donec his alii septuplo peiores  
 submitterentur. Num verò hoc satis iustum o-  
 peræ præcium censerì debet? Illius inquam  
 operæ, quam Reipub. tantis sumptibus, tanta  
 Nobilitatis defatigatione, nec sine nostro pe-  
 riculo præstare conamur?

Qui verò eos ex Aula & primariis Regni Vr-  
 bibus expellendos suadent, illi quidem aliquã-  
 to fortius consulere videntur, sed non multò  
 plus, quàm priores proficiunt. Videntur qui-  
 dem certæ Reipub. partes nonnihil subleuari,  
 videntur etiam Iesuitis præcipuæ nocendi oc-  
 casiones eadem ratione præcidi. Egoq; iamdu-  
 dum ita persuasus sum, nullum grauius in Rẽ-  
 pub. peccatum à nobis commissum esse, quàm  
 quòd

*Iesuitarũ stu-  
 dia qua nocen-  
 tissima.*

quòd Iesuitis in hisce Regni arcibus ad expediendas suas machinas tantum spaci concessimus, Id quod forte tum demum sensuri sumus, si aliquid fortassis periculi à meridie & occidente nobis ingrueret.

Heic tamen admirari cogor, quibus rationibus consilii huius autores ducantur, quòd in Reipub. curatione, potiozem Urbium, quàm equestris Ordinis, ipsiusq; adeo Cleri respectum habeant? Eos itaq; libenter interrogarè, quid putent singularis auxilii ad Rempub. redditurum, si primariae Regni ciuitates exonerentur, & peltis hæc interim liberè in Nobilitatem grassetur? siq; peregrinismo huic liceat reliqui Cleri animos continenter sollicitare & intransuersum agere? Ecquam illi tum rebus nostris spem securitatis faciunt? Hi ergo in eo periculosè falluntur, quòd existimant, malum Iesuiticum intra Urbium ædificia ita contineri, vt ibidem tantum aut saltem potissimum Reipublicæ noceat: cùm hæc primum ipsius Aulæ, vt ostensum est, deinde publica animorum pestis sit, à qua Nobilitati & Clero & per hos demum Reipub. præcipuè metuendū sit.

Quin imò, dum Iesuitas in vniuersum extra regnum propellendos suadeo, in eo Cleri Polonici quàm maximum respectum habeo, cuius excessus non aliter, quàm bilis huius feruentis subtractione corrigi posse existimo. Ex his ergo iterum perspicitur, ne huius quidem consilii, eum inter nos effectum sperandum

*Secundi consilii  
absurditates.*

*Propter Cleri  
præcipuè Iesui-  
ta sunt expellendi.*

esse, quo nobis ad res nostras componendas & firmandas opus est.

*Restant* ii, qui Iesuitas non solum ex Aula remouendos & ex Urbibus expellendos, sed etiam latis legibus intra Monachorum claustra redigendos & Ordinariorum iurisdictioni, hoc enim à nonnullis additur, subiiciendos consulunt.

Videntur & hi aliquanto longius progredi, quibus ego ad vitandam maiorem inuidiam, omnino parendum suaderē, si vlla saltem consilio huic spes subesset. Sed hanc sequentia mihi in vniuersum præcidunt. Primum Iesuitas ita animatos esse certò noui, vt omnia potius moturi, omnia turbaturi sint, quàm vt splendoris & exultationis illius, qua ipsorum ordo hactenus supra reliquos Religiosorum ordines, ipsumq; Clerum vniuersum eminet, vel minimam iacturam subeant. Iesuita autem si ex Aula excludatur, si in versando Reip. clauo, non omnibus aliis præpolleat, si à publico ita arceatur, vt claustro inclusus, alium quàm proprium militiæ suæ Ducem superiorem agnoscere cogatur, si denique omnium arcanorum explorandorum occasio ei adimatur, à summo ad infima sibi redactus videbitur, vt qui iam nil amplius quàm vulgaris Monachus futurus sit. Quod dedecus Gen̄s ista non mitiori indignationis affectu auersatur, quàm si nobilis aliquis Regniq; dignitarius, subito in abiectissimæ plebis censum detrudatur. Cælum itaque  
potius

*Tertii consilii  
vix vltus esse  
sperandum.*



potius ruere patiētur, quàm vt hanc in se ignominiam admittant.

Esto tamen vt heic eos patientiores offendamus, quàm ego sperem. Quæro igitur secundo loco, quibus vinculis eos constricturi simus? Certis legibus, inquires, publicisq; constitutionibus. Benedicis, Egoq; fateor hæc iusta esse in Foro politico coercendæ libidinis media, quantumuis hætenus per illa non pro spe profecerimus.

Verùm heic vltcrius quærere cogor, Eccui huiusmodi legum & constitutionum, si quæ factæ erunt, executionem commendaturi simus? *Ordinariis locorum*, respondebis. Ego verò agnosco ad ipsos munus hoc ex Regni legibus spectare: sed quid si ipsi tam odiosam Prouinciam recipere nolint, aut excommunicationis Pontificiæ metu non ausint? Veruntamen siue recipiant, siue repudiant, ne sic quidem Reipub. securitati prospicietur. Primum enim antiqua illa disciplinæ seueritas, apud nos hodiè multum remisit, qua apud Romanos olim parentes de liberis, si fortè in Rempub. peccassent, supplicia sumebant. Verendumq; propterea erit, ne optimo cuiq; ex hoc ordine, & qui aliàs in Rempub. rectè affectus est, illud in hac custodia vel imprudenti accadat, quod Vir ille Dei 3. Reg. 20. in historia Achabî sibi euennisse fingit: vt dum ipse aliis rebus intentus est, captiuus, cuius custodiam susceperat, aufugerit. Deinde experiētia testatur, Ordinarios lo-

*Iesuitismi inclusi anepsi & periculosa custodia.*

*Iesuita super  
riorum prælato-  
rum pædagogi.*

corum hætenus magis Iesuitis parere & obnoxios esse, quàm quòd hi illorum auctoritatem aut iurisdictionem multum curent. Quin immò hi pro Episcoporum pædagogis se gerunt, quos etiam, ut Aulæ Rom. Corycæos, metuere & obseruare coguntur. Qualem ergò coercitionem ab iis expectare poterimus?

*Confederatio  
quàm ciuilitas  
hætenus à Ie-  
suitis tractata.*

Tertiò sic dico, quodcunq; de his omnibus fiat, Nos tamen contra gentem hanc Legibus nostris nihil profecturos, in quo me experientia ipsa iam erudiit. Quid enim? *Confederatio publica* annon Lex est, annon Constitutio est, annon Polonorum ius est, publicis Regis & Nobilitatis iuramentis sancitum & confirmatum? Sed quid per hanc eandem hætenus contra hanc pestem Politicam proficimus? Annon rabies ista per hoc efficacissimum (sic quidem Maioribus nostris videbatur) remedium irritata potius est, quàm cohibita? Quàm petulantia lingua stiloq; Satyrico liuor iste hoc salutare institutum incessit, deridet & exsibilat? Tam laxum & molle capistrum Dæmon iste tam impatienter fert, qua igitur ratione arctius duriusve quiddam feret? Cumq; hoc isti constitutioni faciant, per quam Iesuitismus propriè non læditur, ecquid de illis fiet, quas in suam perniciem factas recordabuntur?

Et quid tandem Iesuitis nos præscribere tētabimur, cum suis ipsimet constitutionibus, quæ contra hanc, de qua conquerimur, intemperiem ad speciem inter ipsosmet lata sunt.

**non**

non pareant? Anno enim superioris sæculi 93. Iesuitarum superiores cùm animaduertent, res Gallicas suorum potissimum scelere iam fermè perditas, coacto Romæ generali totius Ordinis conuentu, statuto sanxerunt:

*Patres societatis Iesu, cum omnibus qui ordini illi*  
*asscripti sunt, à causis & negotiis secularibus in v-*  
*niuersum abstinere debere, &c.* Huic igitur decre-

*Statutum con-*  
*uentus Iesuitici.*

to ecquomodo hætenus inter nos paruerunt? Sic igitur tandem contra hos etiam conclu-  
do, cōsultius esse vt tam fera Bestia prorsus ab-  
dicetur, quàm vt Cauæ intra domum inclusa,  
cum perpetuæ sollicitudinis cruciatu custo-  
diatur.

Dixi autem, Iesuitas non solùm expellen-  
dos, sed etiam contra reditum omnia diligen-  
ter præcauenda esse. Neq; enim expulsi quie-  
scunt, vt non omnem lapidem moueant, quo  
ipsis redire liceat, vt sic hanc vestì Iesuiticæ in-  
iectam maculam vicissim eluant. De quo nos  
Gallia admonere debet, in cuius Aula Iesuita-  
rum absentium practicæ tantùm potuerunt, vt  
cùm excussis Dentis in ore regio lacuna resarci-  
ri nunquam posset, Iesuitæ tamen, reclamanti-  
bus Parliamentis & obnitente prudentissimo  
quoq;, non solùm restituti sint: sed etiam Py-  
ramis illa, perpetrati sceleris æterna index, fue-  
rit demolita.

*Morbi causa*  
*ita tollenda ut*  
*agroto etiam cō-*  
*tra recidivā præ-*  
*spiciatur.*

Hoc autem inter nos hæc fortassis ratione o-  
mnium rectissimè præcauebitur: Si primum  
bona illorum immobilia in alios vsus ad publi-



*Bonorum Ie-  
suiticorum dis-  
pensatio.*

cam Regni, præcipuè tamen Nobilitatis, cui maior illorum pars detracta est, vtilitatem conuertantur. Quod sic commodissimè fiet: Si bonis litteris consultum cupimus, quarum videlicet interitum pleriq; sibi per Iesuitarum expulsionem imaginantur, detur opera, vt ex iisdem Cracouiensi Academia de viris bonis, doctis & in omni disciplinarum genere probè versatis extra ordinem prospiciatur: aut si ita placeat, præter hanc alia intra regnum Academia instituatur. Deinde alibi in regno scholæ hinc inde aperiantur, in quibus non solum eruditis Præceptoribus honesta stipendia constituantur: sed etiam pauperibus Scholasticis, iis nempe qui ingeniis valent, sed propter fortunæ tenuitatem, litterarum studia commodè profectui nequeunt, de victu & sustentatione prouideatur. Idq; tanto maiori cura, quòd ex Nobilitate etiam omnibus temporibus inueniantur, qui huiusmodi studiorum subsidiis opus habent. Et hæc ego districtum in regno ceu publica Gymnasia esse vellem: quorum cura & inspectio certis ex Nobilitate vtriusq; ordinis viris & qualificatis personis commendari posset. Hoc si fieret, Iuuentuti nostræ, quæ in ipem honorum & ad Reipub. ministeria educatur, cum pietate & bonis literis Patriæ Legumq; patriarum & reuerentia à teneris implaretur, & Reipub. de viris idoneis ad eum modum prospiceretur, vt eidem ab exterorum factionibus & insidiis minus periculi esset. Iesui-

tarum

tarum etiam expulſorum deſiderium, ſi quod erit, intra paucos annos prorsus euaneſceret & obliſſeretur.

Tertiò ſi quid ſuper eſt, vt omninò ſuper- futurum puto, publica ex eo Noſocomia inſti- tuantur, in eorum uſum, qui in bellis ſe pro Repub. ſtrenuè geſſerunt, & vel vulneribus de- bilitati ſunt, vel per ætatem militiæ labores nò amplius perferre poſſunt &c. Vt hæc militaris virtutis quaſi Aſyla conſtituantur, vbi bene- meritorum & emeritorum illa non turpis ſe- nectus honeſtè & liberaliter ſuſtentetur. Cuius ſanctiſſimi & vtiliſſimi Inſtituti exempla, in Urbibus Belgicis me videre memini, cuius et- iam ſpecimen nobis præbuit laudatiſſimæ me- moriæ R. Stephanus, quando Warſaviæ hu- iusmodi pro debilitatis militibus Xenodochi- um inſtituit & dotaui. A cuius tamen præcla- ra & planè regia voluntate & intentione, nimis citò recèſſum eſt.

Nec ego video, quomodo Ieſuitarum bona vel ſanctius vel vtilius collocari queant: ita ni- mirum, vt quæ ſemel piis uſibus deſtinata ſunt, iſdem maneat, & ipſius interim Nobilitatis damnum, quod à Ieſuitis Ieſuitarūq; artibus ſe accepiſſe queritur, aliquo modo reſarciatur, & ſic Reipub. commodis vtrobiq; optimè conſu- latur.

Facta ad eum modum bonorum Ieſuitico- rum diſpenſatione, per peculiare ſtatutum ſub infamia aut alia aliqua ſeuera pœna interdici

*Militum eme-  
ritorum Noſo-  
comia.*

*Statutum de  
Ieſuitis non re-  
uocandis.*

posset: Ne quis primum de reuocandis aut admittendis Iesuitis vlllo tempore publicè aut priuatim mentionem facere ausit. Neve deinceps vlla ex Regno iuuentus, nobilis præsertim à cuius salutaris institutione Patriæ salus pendet, ad Iesuitas extra regnum se conferat, iisdemq; se disponendam committat. Ne dum domi in expurgando Iesuitarum fermento laboramus, illud ab extra nobis nihil tale suspicantibus obrepât:

*Typographi  
frenum inici-  
endum.*

Tandem opinor diligenter prouideri oportere, ne per Officinas Typographicas talia in publicum spargantur, quæ præsentis Reipub. statui & Regni huius libertati quocunq; modo aduersantur. Qualia nimirum illa hæcenus fuerunt, quæ Iesuitæ adhuc sub modernæ Regiæ Maiestatis regno, Cracouiæ & alibi contra Confœderationem publicam in vulgus ediderunt. Taliâ inquam quæ per ipsorum iugulum reditura fuissent, si Legum publicarum vigor, ea obseruantia in Polonia esset, qualis in benè constituta Repub. esse debet. Vbi tamen vafriciës ista hoc insuper dolo vt plurimum vsa est, vt huiusmodi pestilentia scripta sub alienis, certorum nimirum Prælatorum, nominibus emiserint: vt nimirum hac ratione vniuersum Clerum in inuidiæ publicæ confortium pertraherent, & disperso in plures facinore, eius vindicationem Reipub. difficiliorem facerent.

Hac inquam ratione, si in Matris nostræ Reipub. Polonicæ curatione procederetur, ita  
nimirum;



niturum, ut in huiusmodi processu fororum  
eius Europæarum antegressa vestigia intentè  
obseruaremus, tum demum de mediationis  
successu spem aliquam mihi imaginari & tibi  
etiam, mi Frater, polliceri possem. Sic etenim  
peregrinissimum illum, ut ita loquar, à quo  
nobis non abs re metuimus, inter nos eradica-  
tum & penitus obtritum iri confiderem: Ut i-  
psum primum Clerum, cuius ad efficiendum  
statum publicum permagnam vim esse nosti,  
commodiorem, & publicarum legum, sicut &  
patriæ libertatis studiosiorem, simus experturi;  
quàm hactenus eum in rebus maximi momen-  
ti experti sumus. Deinde si in Reipub. admini-  
stratione, circa rerum Polonicarum caput ali-  
quid vitii apparuit, aut negligentia aliqua no-  
ta fuit deprehensa, opinor & illud remota hac  
corruptela paulatim emendari posse & resti-  
tui, idq; citra omnem tumultum & perturba-  
tionem. Tandem in ipsa etiam Aula illud fa-  
ctionum studium, quod hactenus iustitiæ val-  
dè inimicum sumus experti, paulatim reside-  
bit & extinguetur. Sublataq; & quasi obstru-  
cta hac capitali diffidentia & publicæ indigna-  
tionis scaturigine, omnes regni partes & ordi-  
nes sub vnanimi pacis studio denuò inter se  
coalescent, & sic tandem Reipub. totius corpus  
pristinæ sanitati restituetur.

Quàm diu verò hoc negligetur, nostris legi-  
bus, constitutionibus, confæderationibus,  
congregationibus, nil amplius efficiemus,

quàm vt irritato malo Reipub. scissuram amplificemus, dum ignis qui ad momentum sopitus videbitur, denuò erumpens maiorem fragorem edet.

Hæc sunt mi Frater, quæ in præsentia de rerum nostratum statu eiusdemq; correctione mihi in mentem venerunt, quæq; tuo iudicio subiicere volui. Si quæ autem præter hæc desideraueris, illa vel aliunde commodius petere, vel eorundem disquisitionem in nostrum congressum differre poteris. Vale

Deo, Patriæ, tibi  
tuisque.

\* \*

, \*

E X E M -

EXEMPLAR  
LITTERARUM  
BONONIÆ  
Datarum.


*In quibus*

Excellentia & perfectio PATRUM  
SOCIETATIS IESU ostendi-  
tur: multaq; simul ipsis Patrib:  
& eorum institutis factæ  
obiectiones resol-  
vantur:

R



PERQVAMILLV-  
STRIS, ET FILI IN-  
star dilectissime in Do-  
mino.



SPRÆ deuotissimi quondam  
pātris tui animæ renunciaretur  
de relictis abs te studiis, &  
spretā gubernatione mea; cer-  
te tui huius instituti rationem  
vbicunq; etiā locorum dege-  
ret, quā maximè esset improbatūra. Siqui-  
dem vltra modum amans te pater, & salutis  
tuæ cupidus, quum neq; meliori præsidio, neq;  
tutelæ magis securæ; quā nostræ, committi te  
posse intelligeret; ab ipsis mox incunabulis, &  
vixdum etiā pedibus rectā incedentem ad  
Ecclesiam & Collegium nostrum adduxit: vbi  
te omnibus Patribus cognoscendum exhi-  
bens, singulatim commendauit. Et quia tunc  
ego præter reliquos omnes, in doli tuæ viuaci-  
tate, & forma huic conueniente captus me illi  
obtuli, vt tui curam haberem, teq; erudiendo  
instituerem: ille, cum primis se fortunatum  
inde prædicans, palàm confessus est, sibi in hac  
vita nihil isto iucundius accidisse. Ac quoniam  
aduersa

aduersa aliquando vtens valetudine, Beato Ignatio Fundatori nostro te deuouerat; sapius affirmauit, nolle se, vt vnquam à me separare-  
ris, sed potius, vt in Societate hac nostra me-  
cum viuendo, vitam tuam finire. Neq; verò  
ego promissioni huic meæ vlla vnquam ex par-  
te defui, sed sincero animi affectu operam dedi  
atq; effeci, vt; quod manifestum est omnibus,  
breui temporis spacio plus morum atq; erudi-  
tionis apprehenderis, quàm pro annorum nu-  
mero in hac iuuentute tua potuit desiderari:  
idq; tanto cum honore Domus nostræ, & tan-  
ta mea cum gloria, quantam nemo prætereà  
scholarium vilo vnquam tempore nobis attu-  
lit. Quæ etiam indies magis magisq; augeba-  
tur expectatione illà omnium, quæ breui futu-  
rum sperabatur, vt, quod patri tuo vnicè erat  
propositum, in Fratrum & Nouitiorum no-  
strorum numerum recipereris, egoque annos  
meos cum amabilißima hac conuersatione tua  
essem finiturus. Sed tu è contra paternorum  
præceptorum parum memor, & cum salutì  
tuæ, tum voluntati ipsius planè contrarius, dū  
tantopere à me vituperatæ Cucullatorum illo-  
rum Religiosorum conuersationi, à quorum  
ramen vitiis falsisq; institutis semper te dehor-  
tatus fueram, te adiunxisti, & tanto tempore  
ab hisce scholis subduxisti; omnem fidem &  
spem nostram in dubium vocasti, meq; in pri-  
mis omni solatio priuasti. Scio equidem, te  
multis illorum captiosis Syllogismis illectum

persuadere tibi, quasi manibus cœlum tangas; sed tandem peccatis & pessimæ doctrinæ implicatus & inuolutus animaduertes, nouæ istius amicitiae fructū non esse alium, quàm quod perniciosæ cuidam Libertati te commiseris, certissima cum iactura magni illius meriti; quod mediante singulari obœdientia, qua nobis obstringebaris, iam acquirere cœperas. Quo nomine grauius doleo; & magis etiam affligor, quod ætatis tuæ florem in ocio conteras, & pulchritudinem illam atq; spiritus viuacitatem, quam largitus tibi est Deus, ut ad Religionis suæ cultum atq; vsum eam impenderes, inaniter consumas. Etsi enim florentes hi ætatis tuæ ætati dignum te excusatione aliqua apud me quidem reddunt: non est tamen; quin si toties mihi factæ promissiones tuæ, & iuramenta in conspectu DEI, atq; ipsius Ecclesiæ præstita aliquādo innouerint; apud notos & familiares, atq; adeò Ciuitatem vniuersam, maximè id tibi reprehensionem & perfidiæ notam sit allaturum. Sed quid Ciuitatem & amicos dico? Ipsemet DEVS petitis offensus, poterit aliquando seuerum aduersus te exercere iudiciū, & nec flagella in cœlo præparata euitantur: neq; illis vel iuuentutē, vel corporis robore obstititur; sicuti ex multis historiis typo commissis certior huius esse potes: sed serius aut citius, nisi à peccato destiteris, suum ea sortientur effectum. Excute igitur improbum illum Angelum ab humeris tuis, recedendo



dendo à præcipitio, ad quod te ille stimulat; & ad bonam mentem reuersus considera, de quanta virtutum & morum sublimitate cecideris, infernali barathro & æternæ damnationi approximando. Considera etiam, quòd et si pater tuus è viuis decedens tantas tibi opes reliquerit, quantas vix alius nobilissimus quisq; , ita tamen comparatum sit, vt exiguis cum facultatibus, in tanto fratrum numero nequeas hoc seculo viuere, atq; cum splendorem tueri, què Natales tui, & familiæ vestræ Amplitudo requirunt. Quamuis enim iam quidem & humanitate & liberalitate adiutus vitam non absq; honoris aliqua specie agas: tamen inuidum tempus iuuenilem hunc vigorem & cordis hilaritatem, quæ omnia & iucunda facit & suauia, mox tibi eripiet, & mille infirmitatibus te grauatum ( quum pœnitere iam amplius nō licuerit ) in angustum miseriarum carcerem, vbi Fortuna somnolentos & nihil certi apud se constitutum habentes vanæ spei fumo pascit, ager præcipitem. Scito, iuuentutis indigentiam & pueriles affectus, qui primis nos annis habent sollicitos, facilè posse sedari; quandoquidem Natura, multiplicationis siue augmentationis cupida prouiderit, vt quouis in loco nascantur & reperiantur, quæ iuuentuti & pueritiæ sint commoda: at in adulta ætate, & via ad senium nos ducente, quando instar auium è nido euolare valentium, à patre & matre descrimur, atq; ipsimet nobis necessarium pro-

curare victum cogimur; tunc & passiones & necessitates sese produnt, & nec ea, quæ ad supplendos defectus nostros ordinata erant, amplius suppetunt: imò cibi & alia, quæ iuventuti ad annorum maturitatem tendenti vsui esse solent, noxia cum primis & lethalia existunt: si quidem Natura nouis intenta operibus, & parùm de nobis sollicita, permittit vt prius illud totum consumatur & deuastetur. Vnde priusquam anni tibi immutentur, & eiusmodi perturbationes superueniant, prudenter feceris, si certam vitæ rationem inieris: & si multis incommodis atq; infortuniis tibi impendentibus te volueris subtrahere, rectius agere non poteris, quàm si de consilio meo subito ad nos fueris reuersus, atq; Societatis huius habitum receperis: vbi cum animæ tuæ tranquillitate in promptu & parato reperies ea, quæ in hac vita animo generoso, & homini nobili, qualem te esse scimus, necessaria esse queunt: & vt summatim dicā, quæ vel in seculari aut mundana vita, vel etiam apud vllam aliam Religionem siue Ordinem nunquam consequeris. Nec verò austerum illud Religiosi nomen, aut vanum Clausuræ præsuppositum te deterreat. Tantùm enim abest, vt quidquam inde damni metuendum sit, vt plus etiam lucri, quàm vlli hominum è qualibet civitate, aut etiam alia congregatione ciuili possit contingere, hinc sperare licet. Religiosus enim, si vniuersim consideres, præterquàm quòd sacrorum

crorum ministeriorum exercitio, re profectò quouis preciosissimo thesauro venerabiliore, occupatur; absq; labore viuit, cultus & honoratus ab omnibus, tam in ceremoniis publicis, quàm priuatis, subleuatus in necessitatibus, à personalibus factionibus & militia exemptus, à quouis onere & exactiōe immunis, ad duellū huc singulare certamen non adstrictus, & multis denique falsis ac popularibus opinionibus minimè obnoxius. Similiter & Clausuræ illæ non ita se habent, ut ipsimet Religiosi sub his veluti conclusi teneantur; sed ut aliorum bona in iis adseruentur, atq; ut ipsi haud magna cum molestia, Dei laudes commemorando, vita magis libera & securā fruamur. Deinde si ad particularia perueneris, tum verò longè meliorem conditionem hanc nostram inuenies, quandoquidem Societates nostræ Clausuris istiusmodi, uti & alio extraordinario vinculo disciplinæ, vigiliarum, & ieiuniorum (quæ certè homines & stupidos faciunt, & conuersationi, tum negotiis ad proximi salutem necessariis minus reddunt idoneos) nequaquam sunt obligatæ: sicuti antiquæ illæ Religionēs siue Ordines omnes, nullo Romanæ Ecclesiæ vsui existentes, eius generis apparentibus, & in oculos incurrentibus operibus necessum habent. At nos à Choro, à Processionibus, ab Exsequiis liberi & immunes, veluti simplices Sacerdotes seculari quadam libertate gaudentes, omnes operationes nostras ad ea studia di-



rigimus, quæ homines circumspectos & admirandos reddere, atq; insuper etiam sanctam sedem Romanam valde exaltare, & magis magisq; illustrare queant. quamobrem etiam digni ab Ea sumus iudicati, ut quemadmodum veteribus illis Religionum Ordinibus, propter exiguam nimirum, quam habent Sedis ipsius euehēdæ aptitudinem, cotidie privilegia & indulta auferuntur; ita nobis econtra veluti utilissimis eius Ministris singulis ferè horis ea dilatentur & augeantur. Quæ sigillatim ita considerata, præterquam quod certum te reddere possunt facilitatis Institutorum nostrorū, perspicue etiā cognoscendā exhibere queunt Superioritatem illā, qua cōgregatio nostra omnibus aliis præeminet Ordinibus. Idq; non absq; grauissima ratione: quoniā isti in Extremis fundati, domi apud se nō admodū sunt durabiles; foris autem etiam animis periculosi. Monachi namq; Maiorum ordinum solis diuitiis cumulandis operam dantes, serui euaserunt peccati & mundi: & ob id etiam exosi redditi, cotidie Epicediis precationibus incumbunt, officium hoc suum ea tantū in parte impendētes, quæ redditibus ex alieno statu hauriendis, ad subleuandam Prælatorum & Curia Romanæ necessitatē commoda esse queat & vtilis. Mendicantes deinde propter affectatam paupertatem suam contenti, quamcunq; etiā minutissimam Eleemosynā collectum circumeunt, vel ad pagos vsq; mendicando: & ad postulationem

tionem cuiusq; etiam abiectissimæ mulierculæ  
in ipsis ædium Epistyliis, & priuatorum casis  
sanctissima Missarum sacrificia vilissimo pretio  
celebrant, diuinâq; mysteria communicando  
distribuunt, seculo sese immiscentes, atq; iis  
sele inquinantes erroribus, vnde vrgens nata  
est occasio de Reformatione, & si illa non suc-  
cesserit, de vniuersali Ordinis illius destructio-  
ne cogitandi. At nostra Societas quæ benè in-  
stitutâ Respublica est, prudentia & sagacitate  
Patrum nostrorum, in Mediocritate collocata,  
super Monachicam opulentiâ sese non effert,  
& nec tamen ideò ad infimam mendicitatem  
defleat, sed tantum ab vna atq; altera, quan-  
tum ad DEI cultum opus est, participans, cum  
certa animæ salute hunc sibi finem semper ha-  
bet propositum, quomodo Romanæ Catholi-  
cæ fidei grauiora & maximi momenti beneficia  
possit promereri. Vnde Pontificibus grata, à  
Principibus obseruata, & à Populo culta, atq;  
circuli solaris æmula, cum filiis suis in omnibus  
terrarum partibus gloriosa erit, in cælo beata.  
Hinc nascuntur inuitæ illæ voces, à depressis  
æmulis nostris contra mores & exemplarem  
doctrinam nostram effictæ: quæ auribus tuis  
insusurratæ haud dubiè in causa sint, quod o-  
culis meis subductus, & à Domo ista fueris di-  
stractus. Incusant nos primùm Superbiæ, quod  
Sociorum titulum vsurpemus, & aliorum Or-  
dinum homines vix Seruorum nomine digne-  
mur, quasi quisquam sit, qui sincero animo iu-

dicans non intelligat, Nos diuina prouidentia in normam & correctionem aliorum electos esse, ideoque iustum, dilectam hanc congregationem eius, insigni & specioso aliquo vocabulo à tot Monachorum & Fraternitatum inutilibus sectis distingui. Præterea & hoc reprehendunt, quod recusemus ciliciis vestiri, aut cibis pasci rusticis: sed illudentes, dicunt, nos vestibus uti ex lana tenuissima, & cutem tegere candidissimo linteo, nutritos optimis & delicatissimis cibis, qui vel in Vrbe, vel territoriis vicinis reperiantur. Insuper, nolle nos in pagis habitare, aut sub tectis humilibus: sed cum à Patribus nostris, varias mundi partes peragrantibus, omnis commoditas atque venustas excogitata sit; possidere nos (dicunt) in omnibus regnis & prouinciis Christianissimi, meliores & præstantiores situs atque Palatia, quam alibi haberi queant, non quidem in Villis & Castellis casas fundantes, sed in Urbibus primariis, & iis rebus abundantibus, quæ generi humano possint sufficere. Sed neque sic Ædes illas acceptari, nisi prius & reditus, & habitationes pro Patrum & Coadiutorum temporalium numero ibi fuerint præparatæ. Non animaduertunt autem affectibus corrupti obrectatores, id, quod de vestimentis, cibis & habitationibus dicunt, ad summam laudem Societatis totius, & Patris Ignatii primi Institutoris nostri vergere. qui ut omnium hominum sapientissimus vestes incultas, cilicia, & cibos agrestes,  
quæ



quæ miræ corporis afflictiones sunt, ipsum etiam spiritum affligere & debilitare intelligens, vsu illarum rerum nobis interdixit, & voluit de iis vestibus & alimentis nobis esse prospectum, quæ ei conueniant, qui ad exaltationem Ecclesiæ Catholicæ Romanæ mentem in studiis, linguam verò, ad Sanctorum Apostolorum exemplum, in persuasionibus publicis & priuatis exercet. Habitationes verò quod attinet: quis non videt, ad decus & ornamentum sanctæ Religionis siue Ordinis hoc fieri? idque ita vt fiat necessum esse: siquidem in his fouēda sunt seminaria eorum hominum, quibus Ecclesia & tota Christianitas regatur? Quantum postea ad doctrinam: quum Maledici isti ad vera dogmata sustinenda inhabiles sint, ne impotentes dicam, ad operas & labores Societatis nostræ exæquādos, eo fatigantur, vt in DEI gratiam & voluntatem omnia reponentes, vanum esse demonstrēt grande illud meritum nostrum. Ideoque Pelagianos nos vocant & Epicuri discipulos: propterea quòd ex assertione nunquam satis laudati Molinæ dicamus, Deum nolle physicè moueri animos hominum, sed in æterna quiete sua expectare, vt sua gratia ad hoc destinati, cum merito bonorum operum, ipsimet per se Paradisum acquirant. Cæci! non vident Deum in diuinitate sua immobilem, & immediatè, & variis modis gloriam suam amplificare: & nobis in hunc finē deorsum à Maiestate illa concessum esse

esse, Regnum ipsius propagare, & mediantibus  
Regulis nostris, librisque spiritualibus, homi-  
num animos persuasionis vi, quam nobis lar-  
gitur, mouere, & facilem ad cœlum viam red-  
dere cunctis fidelibus, qui exsati omni politica  
curiositate, nostris duntaxat præceptis saluti-  
feris obœdierint. Et quod maius aut certius  
bonitatis & integritatis doctrinæ nostræ signū  
Mundus desiderare potest, si publici errores  
maximarum Vniuersitatum, singulariter verò  
Regiæ Urbis Parisiorum per nos fuerunt cor-  
recti? Ibi enim, paucis quibusdam seniorum  
Literatorum exceptis, reliqui omnes Moder-  
ni & iuniores Doctores faciliè doctrinæ nostræ  
accesserunt non amplius scribes, Roma-  
norum Pontificum errores, quantumuis exor-  
bitantes, à Conciliis posse corrigi, aut verò de-  
fendentes, licitum esse Gallorum Regi liberā  
administrationem rerum Ecclesiasticarum im-  
pedire: & si quæ aliæ eius Regni Maximæ sunt  
siue Regulæ alicuius momenti aut ponderis.  
Etsi enim ob multas rationes, & Scripturarum  
allegationes ab antiquissimis & celeberrimis  
Doctoribus approbatas, itemque vanos mul-  
torum labores inexpugnabile id existimaba-  
tur: constat tamen, a nostris id ipsum Patribus  
iam esse euictum: dico illam tantopere decan-  
tata Gallicanæ Ecclesiæ libertatem: quæ ex-  
pugnata, & veluti monstro à nouis illis ut ita  
dicam, Theologiæ Herculis sepulto, libe-  
rum omninò à quouis impedimento in omni-  
bus

bus Principatibus rursus euasit absolutum sanctæ Sedis Romanæ dominium. Nonne eius rei indubitatam quoq; fidem facit, cum vides, quomodo apud nos contra hæreticam prauitatem omnes scientiæ diuinæ & humanæ floreat? & quod hic Viri insignes & Magistri in omni disciplina celeberrimi reperiatur? à quibus absque auidâ illa pecuniæ spe (quem sibi finem alii habent propositum) maior & melior pars iuuentutis Christianæ instituitur: & quidem in dedecus & confusionem malè affectorum & suum saltè commodum inde quærentium Pædagogulorum. qui, cessantibus commoditatibus & emolumentis illis, quibus quamprimùm Patres nostri apparuerunt, destituti fuere, variis imposturis curârunt laudabiles operationes nostras inquinare, in vulgus spargentes, Ad scholarium eruditionem Nos vtilitate & voluptate moueri, non verò charitate, aut proximi amore. Idque inde liquere, quod ad diuites & formosos duntaxat animum applicemus, de aliis verò parum simus solliciti; Vtrum maiores progressus faciant, quàm qui ad apparentiam illam conseruandam, qua cognatos & parentes eorum perpetuò nobis veluti mancipatos habeamus, sint necessarii. Hoc amplius subiungunt, Nos sub Religionis sanctissimæ prætextu in teneros animos subditorum aut Ciuium, scholas nostras frequentantium, contemptus & inobedienciæ semina aduersus naturales eorum Principes spargere;



persuadentes eis, quòd illi solummodò principi, quem Nos veluti Monarcham omnium constituimus, credendum & obœdiendum sit. Et cum eiusmodi quidem diabolicis inuentio-  
nibus ausi fuerunt hoc agere, vt scholæ nostræ prohiberentur. Sicuti in nobili quadam Italiæ ciuitate hoc illis successit, extremo cum damno  
tùm illius; tùm aliarum ciuitatum liberorum nobilium & primariorum, qui studiorum causa ad eam concurrerant. Quibus calumniis, à  
linguis lucripetis, siue suum spectantibus cō-  
modum profectis, prolixè quidem responderi posset. sed præstat eas, secundum regulas nostras logicales, silentio præterire. Hoc tantum  
dico, fortunæ bona necessaria esse ei, qui litteris animum est applicaturus: & pulchritudinē  
verum viuacitatis spiritus, & ingenii bonitatis signum esse atq; indicium. Vnde si iis, qui eiusmodi dotibus sunt præditi, incumbimus, facimus hoc tanquam in subiectis aptis ad disciplinam natis; non autem voluptatis ergò, aut  
facultatum comparandarum gratia. Denique, cum videre licet, scholas nostras vndique vel  
ab ipsis etiam Principum filiis, tanto cum concursu (solitis illis præceptoribus repudiatis) appeti: hinc infallibilis sequitur conclusio, quē  
admodum Nos & existentia & reputatione omnes alios Ordines superamus; ita etiam doctrinas è Domibus & Collegiis nostris prodeuntes, reliquas itidem omnes, siue Diui Thomæ, siue Scoti sint, & pietate, & dogma-  
tum

tum soliditate excedere. Quo etiã sit vt quod aliis prohibitum est, nobis liceat libros & scripta tenere atq; perlegere: ex quibus quandoq; ob publicum bonum, impiorum nomine sublato, & celebris cuiusdam Patris nostri in vicem eius substituto, in publicũ ea rursus emittamus. Tuq; hac ætate tua nõ iam audies amplius Aristotelem & Ciceronem, monstruosa gentilitatis monumenta: sed cathedras auctoribus longè illustrioribus ornatas cernes, & in vniuersum solos ibi Aluaros, Toletos, Molinas, atq; alios Societatis nostræ Doctores graues legi audies: vt ita hæc atq; aliæ detractiones, à maleuolis ad conspurcandam doctrinam & inculpabiles mores nostros excogitatae non secius æstimandæ sint, quàm aurum & margaritæ: quæ, vti per rationem liquere potest, quò magis adfrictæ fuerint, eò lucidiores semper & splendidiores inde reddantur. Quod si fortè vllum ab Assentatoribus istis dubium antea fuit motum: non solum clarum tibi illud, si de eo mecum contuleris, & perspicuum reddam: sed & participem te factum veritatis, in hoc magis magisq; confirmatum mihi spero, vt optima mea consilia amplexeris. Certus etiam sis, te apud nos quouis genere commoditatis & gustus faciliè inuenturum esse viam & modum, quo ad honores & gradus summos, generosæ stitpi tuæ conuenientes eucharis. Ac poteris scientiarum nostrarum facilitate, & mediante viuacitate ingenii tui, aut prædicando, aut do-

cendo celebris euadere. ex quorum vno atque altero maximam vtilitatem & non exiguam existimationem referes: quandoquidem à Viris, à Mulieribus, à Populo, & Magnatibus ipsis coleris atque subleuaberis: nec quicquam tibi in mentem veniet, quod non ilicò, quam primum fuerit rescitum, promissuri tibi sint & donaturi. Tibi priuatorum aedes erunt apertae: tecum de maximis rebus ciuitatis consultabitur: te secretorum suorum quilibet faceret participem: & quando animum ad hoc, prout decet, applicueris, extrinsecà illà pietatis ymbrâ simplicis multitudinis opinione attrahendo; pro arbitrio tuò ex Magistro aut Praedicatorè, non quidem specietenus, sed re ipsa Imperator & Monarcha fies: & non solum tibi ipsi commodum & honores conciliabis, verum etiam gloria ita auctus Societates nostras illustriores & ditiores reddere poteris: sicut multis Patribus in Polonia, Transyluania, Austria, Bauaria, Hispania, atque aliis in locis vsuuenit: quinimò in ipsis etiam Indiis, vbi noua vinea Christi, maxima Societati nostrae Monarchia erecta est & plantata. Quocirca perquam mihi gratum foret, si exactam informationem illius, quod scribo, curiosius apprehenderes: Sic enim deprehensurus esses, prouincias Ferdinando Archiduci subiectas Suprema inspectione Societatis nostrae regi, & vel inde felices esse, quòd omnia Patrum consiliis gerantur, siue de dignitate & Magistratibus conferendis,



ferendis, siue de belli etiam apparatu tractetur. In Bauaria quoque omnia Patrum nostrorum prudentia gubernatur. Ipsaque Transylvania à solo administrata fuit Patre Cariglia, qui Deo inseruendo curauit, ut Imperatoris manui & potestati ea subiiceretur. Nonne Gallia & Regem ipsum Pater Cotto in presentiarum gubernat? Et in Polonia, non obstante paucorum satis Christianorum tergiversatione, Rex sanctitatis nostrae spiritu atque instinctu uiuit. In Hispania, Lusitania, Belgia, Italia & Sicilia cui ignotae sunt diuitiae & auctoritas, qua pollemus? Sed quid de Patre Personio dicam? qui Romae agens, plus auctoritatis habet in Anglia (ubi Religio Apostolica Romana uniuersim quasi proscripta uidetur) quam Rex ipse: nec Comes ibi est, Marchio, aut Praelatus Catholicus, quin pro Superintendente aut Gubernatore conscientiae suae aliquem ex Societate nostra habeat. Ac ut summatim concludam; Generalis noster, sicuti manifestum est omnibus, Romam regit, & Pontificatum. Quam ob rem nescium te esse nolo, nos certo Obœdientiae voto sanctae Sedi obstrictos teneri, ut scilicet *non petito viatico* eò nos conferamus, quocumque etiam locorum ab Ea fuerimus destinati. Inde nos ipsius Sedis Ministri facti confidentissimi, & grauissimorum Secretorum eius conscii, id quod in commodum nostrum cedit, Pontificibus persuademus, omnes, qui ad functiones aut Praelaturas adspirant, necessitate obstrin-

gentes, vt ad intercessionem nostram confugiant. Atq; hoc Pontificio ministerio insigniti, & excitata in nos totius Mundi opinione, in Ciuitates, Regna, & ipsorum Principum corda penetramus. Ita fit, vt cum hi dominium super vitam & bona subditorum teneant; Nos ex permissione diuina possessionem voluntatis cum Principum, tum subditorum occupemus. Et quemadmodum sancta Fides, vbi vbi innotuerat, maximos faciebat progressus: ita & nos, vbiq; agimus, sub nomine Iesu, insensibiliter, tale obsequium acquirimus, vt postea in Principum potestate non sit, inde nos depellere. Cui rei fidem facere potest amplissimum & potentissimum Gallie Regnum, suis illis turbis nouissimis. Quapropter Arbitri sapienterò contentionum non tantum inter Principem & Principem, verum etiam inter Dominos & Vasallos constituti, pro lubitu nostro & bellum & pacem Mundo adportamus: non absq; euidenti prætensione, quod Sanctæ illius sedis possessio, in Patribus aliquando nostris casura, successivè postea perpetuari queat. Quod cum euenerit; tam insignè incrementum capiet Catholica Religio, vt spes sit, breui videri posse ex Principatibus Christianis & Mundo vniuerso factum esse *Vnum ouile, & vnum Pastorem*. Nec verò propter votum illud veluti ligati tenemur, aut quidquam imminuitur libertas aut præminencia nostra: quinimo ob concitatum in nos omnium timorem & existimationem non dubi-

dubitamus quandoq; pro maiori securitate, etiam aduersus ipsos Pontifices, ex Religionis zelo calamos & linguam stringere : singulariter verò, si Interesse vel emolumentum Magnarũ quorundam, quorum in nos beneficia constāt, interueniat. Econtra nemo est, qui aduersus Nos auctoritatem Pontificiam regentes quidquam proferre auit. A nostris enim oppugnatus, pro hæretico & schismatico ab omnibus habebitur : sic vt cœlesti hac gratiâ etiam Sacrosanctos & inuiolabiles nos conseruemus. Quòd si forsan animus tibi non fuerit, grauioribus Mundi negotiis te immiscere, aut Principum sectando familiaritatem, incertam subire fortunam : arbitrii tui erit, in qua Domo aut Collegio tibi quàm maximè placuerit, felicissima frui quiete, & in Ecclesiis sermocinando, pietatem in hominum timidorum, & muliercularum deuotarum pectoribus fouere. quod ipsum maiorem quoq; honorem & commodũ tibi comparabit. Nam si eos, qui peccata sua tibi confitentur, recensione rerum terribiliũ, & miraculorum à Patribus nostris ad hoc collectorum, in officio, vt à peccatis abstineāt, continueris; tum de facultatibus & p̃sonis eorũ dispones, in honorem Dei, quomodocunq; tibi placuerit. Ac tamen si sanctus hic zelus noster ex inualitiosa interpretatione sinistrè accipiat, & passim spargatur, Nos eandẽ rem diuersimodè huic atq; illi referentes, discordiam & lites disseminare inter maritum & vxorẽ, patrem



& liberos, fratres & cognatos; atq; hac ratione  
ad trutinam consiliorum nostrorum suspectos  
habētes priuatos, Ciuitates, & integra Regna,  
dominium Nos & absolutam tyrannidem in  
quoslibet vsurpare: omnino tamen actiones il-  
lae reprehendi nequaquam possunt: cum omne  
id ad animarum salutem sit directum, Nosq; in  
hoc conformes reddamur verbo Euangelico,  
quod habet: Non veni mittere pacem, sed gla-  
dium. Veni enim separare hominem aduersus  
patrem suum, & filiam aduersus matrem suam.  
Vnde pro errore habendum non est, loqui aut  
tractare contradictoria, & cognatorum ac ciui-  
um animos disungere, dummodo id totum in  
utilitatem cedat Ecclesiae, & sanctae Sedis: in  
cuius seruitio & magnitudine vera pietas sum-  
maq; Religio consistit. Et vt scrupulos aliquot,  
qui ex vulgi obmurmurationibus menti tuae  
potuerunt esse iniectiones, tibi eximam; aduertere  
te volo, quod cum primarii Domini, & nobi-  
lissimae ciuitatum matronae, ex deuotione sua  
ad Ecclesias nostras concurrant, tum inuidi bo-  
num in malum detorquentes, id singulari arti-  
ficio nostro fieri dicant, & hac illae disseminet,  
quod in confessionibus audiēdis difficiles qui-  
dem plebeiis atq; pauperibus nos exhibeamus,  
eosq; à nobis fugemus, in absolutionibus rigi-  
di, in reprehensionibus asperi, & in poenitentia  
iniungenda intolerabiles. Aduersus diuites au-  
tem, & mulieres viduas, aut coniugatas aliter  
procedentes, paruula aut nulla indicta poeni-  
tentia,

rentia, sapè etiam absq; auriculari confessione, sola schedula consignatorum errorũ inspecta, grauiſſima eis peccata remittamus, exigendo à quolibet Pœnitente confessionem generalem, licet à Deo non mandatam, haud minus tamẽ animarum ſaluti neceſſariam, vt naturalibus Pœnitentium inclinationibus detectis, peccata eorum conformiter iuſtificare, atq; his rebus vti eis ac frui permittere liceat, quas alii Religioſi nunquam conceſſerint. Magnam verò illam patientiam, quam imbecillis Mulierũ animis à ſcrupulis & ſuperſtitionibus, quibus naturaliter ſubiectæ ſunt, expurgandis ſuſtinemus, Maleuoli malitioſè interpretantes, Nos cum illis aiunt, longis & frequentibus ſolere vti alloquiis, quibus ita mediãtibz, quidquid deſiderauerimus modò, ab ipſis obtineamus, & ſilentio earum ſanctiſſimis Sacramentis cõfirmatò, illis nos ſpirituale matrimonio deuinciamus, in id incumbentes, vt vbiq; veluti examina Vrſularum, Clericatarum, Diaconiſſarum appareant: quibus etiam in caſu magnæ cuiuſdam neceſſitatis vt ſanctiſſima Sacramenta adminiſtrare poſſint, concedamus, idonea ad hoc inuenta à nobis repræſentatione, per quam licitum illis ſit, loco hoſtiæ apprehendendæ, toreuma quoddam conſecratum & ad formam A G N I D E I effigiatum Sororibus in cõuenticulis ſuis oſculandum porrigere: quo ipſo eas vinculis hiſce noſtris inuicem coniunctas enẽamus, & ſanctæ Sedis in caſu politicæ reſi-

stentiaē strictissimè obligatas, in tantum, vt hæc  
eorum deuotio in secreto habeatur, atq; ipsos  
etiam maritos, parentes, liberos & alios con-  
iunctos lateat. Id q̃ summa utilitate, emergēte  
non ita pridē occasione vsurpatū quidem fuit,  
tandem tamen aliqua ex parte in lucem pro-  
rupit ob penetrantem æmulorum nostrorū sa-  
gacitatem, & simplicem deuotarum istarum a-  
nimularum confidētiam, ab oraculis consilio-  
rum nostrorum longè dissitarum, & necessario  
fragilitatis suæ fulcro priuatarum. Ceteroquin,  
vbicunq; etiam commoremur, non est quòd  
metuamus, ne actiones nostræ vnquam propa-  
lentur: siquidem cum Magnatibus duntaxat  
commercium habeamus, à quibus, præter co-  
ridiana honoraria, omne publicum secretum  
cognoscimus. Ita fit, vt vel proprius honor ipsis  
os occludat: contrario planè modo, quàm aliis  
Religiosis vsu venire soleat: qui sine discrimine  
cum quolibet conuersantes, absq; sanctis hisce  
artificiis difficulter possint fragilitatē suam oc-  
cultare. Verùm etiam hæ nebulæ facilè dissi-  
pari queunt: quoniam & has, & omnes alias  
operationes nostras cum mysterio peragimus:  
quandoquidem in pauperem plebeculam non  
ea cedit peccatorum qualitas, aut graui-  
tas casuum, ad quorum resolutionem opus  
sit singulari & exacto intellectu, aut dis-  
cursus profunditate: sed delicta illa vulgares  
quidam errores sunt & consueti. quibus cum à  
quouis Fraterculo satisfieri possit, ingrati sanè  
diui-



diuinæ maiestati fuerit, si elaboratæ operæ nostræ in his inutiliter consumerentur. Et quamuis confitentibus nobis, asperos nos atq; seueros exhibeamus : tamen hoc non ad repellendos eos fit, sed vt ordinariorum siue consuetorum peccatorū pertæsi à grauioribus abstineant. Id quod diuitibus non vsuuenit : qui ob facultatum & negotiorum publicorum, in quibus versantur, tractationem, multis scrupulis & dubitationibus periculosus sunt suppositi : ideoq; in magnam animarum ipsorum vtilitatem vergit, si à Viris doctis & sapiētibus, prout sunt Patres nostri, examinentur & corrigantur. quæ de causâ libenter eos ad Ecclesias nostras recipimus, & leniter tractamus, ne ad desperationem adigantur, sed potius, vt ex opibus illis, quæ ipsis peccandi causam præbuerunt, largas Eleemosynas Domibus & Ecclesiis nostris facientes, & cœlum lucrantes, à via, quæ eos ad infernum ductura erat, declinent. Sic & aduersus feminas, propter sexus fragilitatem mitè & absq; rigore procedimus : &, quò facilius eos ad diuinorum præceptorum obœdientiam perducamus, res quædam parui momenti iis permitti solent, dummodo id quod res est cognoscentes, tanquam creaturæ Dei, debitas ei gratias reddant. Sed neq; ab his aut illis confessionem generalem exigimus, vt appetitui illorum obsecundemus, sed potius, vt prauilli affectus, & malæ inclinationes naturæ detegantur : quibus postea cum discretionē, & quidem

suam cuiuslibet singulatim medicinam applicamus; non verò, ut veteres illi Religiosi, omnibus confusim peccatoribus idem remediū adhibemus. Modus profectò salutaris, & à Deo, ad exaltationē fidēi suæ, nobis reuelatus! cum quo detectis etiam animis resolutis & fortibus, multoties eos, mediante Camera Meditationum nostrarum (quarum secreta reuelare non est licitum) ad internecionem hæreticorum & inobediētium inimicorū sanctæ Sedis Romanæ consultò exstimulauimus; & quidem non priuatorum tantum, verum etiam magnorum Principum & Regum; heroicis istis factis boni illius Aodi, de quo in sacra Scriptura legitur, figurā representantes, & immortalī cum laude congregationis nostræ, sedes Paradisi, Sanctis atq; Martyribus complentes. Cui rei testimonia esse queunt multæ effigies, quæ variis typis æneis passim videntur impressæ. Et sanè quilibet commemoratorum virorū atq; mulierum de sanctissimis Sacramentis non alibi, quàm in nostris Ecclesiis debebat participare, & confessionem exercere: ubi præter facultatem & priuilegia, quibus à qualis culpa quilibet expiari potest, à summis Pontificibus concessa, faciliem habituri essent modum animas suas saluandi modum, inquam, à nobis inuentum, qui in propriæ solummodò voluntatis priuatione, & in hoc consistit, ut absq; laboriosa requisitione alterius, sequaris eius præcepta, qui propter te studiis infudat & delatiga-

tur: id quod Patres hi spirituales faciunt. Et quidem omne peccandi periculum hoc modo tollitur, non viſo aut cognito ab aliis Religioſis: qui in veteri illa ſimplicitate educati, dum Pœnitētes ſuos in libertate illa relinquunt, parum ſemper profecerunt, atq; etiamnum proficient. Ac licet à Politicis, atq; aliis mundi huius ſapientibus hæc noſtra doctrina hæreſis dicatur: non tamen hoc illorum dictērium in vllam conſiderationem trahendum eſt: cum videamus illam ab Episcopis, Cardinalibus, & omnibus Pontificibus eſſe approbatam. Et vt concludam: quod plus, quàm vlla res alia eos releuat, qui Eccleſias noſtras frequentātes ſanc- tam iſtam obœdientiā amplectuntur; id verò eſt, quod participes ſunt innumerabilium meritorum, quæ diuina Maieſtas ſufficiētia eſſe iudicat non ſolum ad tollendum delicta iam præterita, ſed & ad cancellandum vel annihilandum ea, quæ in poſterum committi poſſent, & ad redimendum quameūq; animam, quæ ad Purgatorium fuerat condemnata. No- lim verò te vereri, ne commemorata commodæ & honores ſectaturus in difficultatē aliquam offendas: quando quidem viæ, quæ in Societate noſtra ad eos ducunt, ita tritæ, & tanta cum prudentiâ accōmodatæ ſunt, vt quilibet, abſq; vacillatione vlla, eorum obtinendorum atque fruendorum ſpem habere poſſit. Ibi enim aſſidue de Verbis & Rebus tractatur: & quicquid vel publicum vel priuatū ad aures noſtras per-



uenerit, de eo consultatur: nec quisquam ulli rei vnquam adhibetur, nisi examinata prius natura eius, & perpenso talento eiusdem à Patre Generale (qui omnibus exploratis signa & notas exquisitè distinctas habet ) aptus ad eam perficiendam deprehendatur. Admonito postea illius, quod hoc vel illo die dignum consideratione occurrit; deregitur id ei familiaribus colloquiis nostris, aut per confessionē nobis deuotorum. De eo namq; conferentes inter nos, & litteris à collegio ad collegium scriptis, ei quod sequuturum est, aut sequi poterit, anticipando semper obuiamus, in quemcunq; casum præparati. Eiusmodi consultationibus, aut collationibus, quibus nullum dubium remanet indecisum, Seniores & sapientissimi, quos habemus, Rectores assistunt: qui in quauis materia quàm maximè versati definiunt, quo modo viris & mulieribus, viduis aut maritatis, obsequium & beneficentia erga collegia, & particulatim etiam erga nos ipsos debeat persuaderi, quo modo itidem Paradisi iter sit ingrediendum, & qua ratione Principium gratiæ quis insinuetur, quibus mediis voluntas eorum capteretur, & quibus in possessionem animi & opinionis Populorum perueniatur.

Laborent sanè in hoc inimici nostri, cœlestis voluntatis ignari, & obloquantur, Nos hisce regulis & rationibus damnum priuatorum domi-

domibus & Principatibus huius mundi adferre. Alii quidem; dum asserunt Nos rerum horribilium commemoratione, quas simplicioribus pro concione in templis, & domi animam exhalaturis ingerimus, nosmet ipsos & collegia nostra ditantes, debita hereditate liberos & parentes eorum spoliare. Alii verò; quòd simulata quadã seruitute Principes Christiani ad instantiam Ecclesiasticæ Maiestatis, fidei nostræ se committentes, imprudentibus consiliis quandoq; eò redigantur, vt & statum & vitam perdant. Singularem quoq; pietatem illam, quæ pro auctoritate sanctæ Sedis dilatanda exercetur, improbi illi Politici traditionum & rebellionum à nobis perpetratarum nomine denigrantes, mundo exosam reddere fatigentur sanè, affirmantes scilicet, prædicationes, & diuitiarum atq; laudum præmia, ad hæreticos extirpandos à nobis inuenta, proditorios esse modos aduersus Principes, & voces adulatrices, quibus veluti sanctitatis & Martyriorum inuolucro quodam parricidia obregamus. Exclament, sed falsò, Nos per has ipsas destructionum vias, contra veram Iesu fidem, Iesuitarum nomē mereri, per quas Scipio Carthaginensium Imperium euertēs, Africani nomē sit consequutus. Ceterum re tota, prout decet, cōsiderata liquet, pro peccato istud nequaquã haberi posse, sed veram demum pietatem esse, quæ in Catholica Romanæ Ecclesiæ com-

modum, animarumq; ei deuotarum seruitium resultat. Inprimis enim non inconueniens est, vt pater propriæ salutis gratia filium, & cognatus cognatum hereditate priuet: eò quòd ex Euangelica doctrina quilibet animæ suæ magis, quam patri, matri, aut liberis sit obligatus. Atq; ita opus quoq; erit meritorium, si subditi eius principis, qui de Iurisdictione sua, & cōmodo subditorum magis, quàm animæ salute sollicit<sup>9</sup>, Pontificiis præceptis obœdire recusat, fidelitatis iuramento exsoluantur, iisdemq; significetur: quandoquidem ipsimet se regere nequeant, vt alii principi Catholico, qui quidem obsequens sit aut Romano Pontifici confœderatus, adhæreant. Ac si propter inobædientis illius principis potentiam & robar ad eiusmodi apertas declarationes perueniri non poterit: tum Legibus Canonicis & sanctissimis Decretalibus minimè erit contrarium, occultè eum, peccatorum absolutione aut præmio intersectoribus proposito, è vita tollere: asserente id ipsum etiam doctissimo historico nostro Iohanne Mariana, in quodam tractatu suo ad magnum Hispaniarum Regem: vbi venena, & horum compositiones, tanquam tutissima media proponens, concludit, in eum finem ipsa venena ita præparata cuilibet bono Catholico semper debere esse in promptu. Et in sacrosanctis Bibliis exemplo Ieroboam & aliorū legitur, quàm grauitè Reges & Populi dilecti à Sacerdotibus & Prophetis, propter inobædi-

entiam



entiam fuerint castigati. Quinimò maximam in Populi vtilitatem cessurum esset, si pestifero semine Politicorum sublato, & temporali Dominio cum spiritali coniuncto, solummodò à nobis Ecclesiasticis regerentur & gubernarentur: sicut enim maiori cum pietate forent tractati. Atq; hic mentis conceptus, à Patribus nostris vbique locorum prædicatus, non minus, quàm articulus fidei debuerat observari: quādoquidem alii quidem stertant, nos autem pro salute eorum semper vigilemus. Ac quoniam animo tuo iam maxima ex parte constare opinor de prudentissimo Regimine, aut Republica nostra, nunquam à Philosopho aliquo tam perfectè descripta, sed à celebri illo Ignatio Loiola miraculosè fundata: qui anno 1521. Caput exercitus Castiglionei in Panpelsona constitutus, cū Excommunicationis Iulii Secundi vim contra Reges Gallia & Nauarra sustenrasset; virtute illa sua exserta, & corporis tolerantis plagis, dignus à Deo fuit æstimatus, vt etiam Caput & institutor esset Societatis huius erigendæ, quæ ad ipsius exemplum & nunc & in perpetuum, defensionem & exaltationem auctoritatis Ecclesiasticæ & Romanorū Pontificum debeat continuare. Igitur hoc quoque scire te volo, quemadmodum multæ Bonis viæ hic apud nos patent ad laudabilem actionum suorū præmium adipiscendum: ita etiam in puniendis delictis multa nos circumspectione vti: & cū alii poenitentis illis eosque & corpor-


ris afflictivis, proprios defectus mundo prodant, Nos iuxta Evangelicum præceptum à scandalis nobis temperantes, subitis & secretis Ostracismis, aut verò honestis & longinquis relegationibus, quosuis errores expurgare: de quibus postea, sub grauissimi peccati pœna, aduersus neminem & nullo omninò tempore licet mentionem facere; sed æqualiter & perpetuò de omnibus benè loquendum. Ac vt summam dicam, nihil omninò est, quod te remorari debeat: siquidem omnia, quæ primo quidem ad spectu difficilia & infesta videri possunt; tamen ponderando & cogitando tecum, quàm apta ea sint ad honorem & commodum Patribus & filiis Collegii nostri conciliandum; talia ea deprehendes, vt quemlibet inuitent ad cogitationes suas eò dirigendum, quomodo particeps horum fieri queat. Optarem saltem, tantò te tempore nobis videndum præberes, quantum sufficiat ad detegendum, quæ commoda & quæ suauitas, sub rigido, sed sancto illo Religionis zelo reperiatur: singulariter verò honores & voluptates, quas in humilitate ista & vitæ exterioris abiectione, Filii Domuum & Collegiorum nostrorum percipiunt. Certus enim sum, te mutato consilio, quàm primum tibi propositurum esse, subito ad nos redire. Et nisi vereretur aliqua scriptis committere, atq; id quod verum est, pro hyperbolè accipi; demonstraturus tibi essem, quomodo Ecclesiæ nostræ Veri nidi sint spiritualium oblecta-

lectationum; & Domus atq; Collegia nihil aliud, quàm Tabernæ sanctissimæ cuiusdam vrsuræ, in quibus is, cui intrandi facta fuerit potestas, inodum inueniat omnē affectum absq; scandalis euomendi, & sine forte vlla, maximas commoditates, non mediocribus cum diuitiis acquirendi; quas inuicem possidere, iisq; vti frui queamus: sicuti ipse fiet quoq;, cum solenniter professus à turba aliorum, quæ simplici tantum voto adstricti sunt, te subtraxeris, & absoluti illius imperii atq; auctoritatis Primatum nostrorum & exinde etiam cultus atq; obsequii particeps fueris factus, re ipsa cognosces. Quamuis autē hæc quæ ad te nunc scribo in proximam enim eorum partē consulto iam taceo; verè ita se habeant: quia tamen ex ipsa praxi ea desumpta sunt; commodius sanè fuerit, si coram & te præsentē pluribus hoc fuerim prosequurus, loca tibi digitis ostendendo, & in rem præsentem te ducendo. Tu itaq; animo tecum euoluens ea, quæ tibi à me narrata sunt, intelliges, quāto sincerior sit amor hic meus illo adulatorio, quo miserè es inescarus: quamquam illum etiam ex aliis humanissimis officiis meis tibi perspectum credo: maximè verò cum in teneriore ætate tua, protectione mea oblectat<sup>r</sup> Domum hanc nostram frequentares: ego quæ Inuenturis tuæ custos constitutus omnium cupidissimus, ipsis Patribus & Fratribus capitalis factus sum hostis: neq; vnquam permisi, vt vel obtutu, nedum manibus illis immorigeris, vti



nunc fit, iuuenilis illa ætas tua rangeretur aut  
 contaminaretur. Quod si licentius quando-  
 que tecum, quàm par erat, fui iocatus: per-  
 missum id fuit artificium in Collegiis nostris;  
 eo quasi dulcore discipulos adueticare, vt  
 & promptius præceptoribus obædiant, & stu-  
 diis diligentius incumbant. Impulsus præ-  
 terea ad hoc fui nimio illo amore, quo salu-  
 ris tuæ causa erga te ducebar, atq; etiamnum  
 ducor; non autem eo fine, vt te offenderem,  
 aut contumelia afficerem. Sit itaque iam finis  
 tantæ tuæ absentia, & instar filii illius prodigi  
 ad Patrem tuum spirituale & Magistrum re-  
 uertere. Recordare, te mortalem esse, & extra  
 hunc Societatis nostræ numerum paucos, aut  
 fortè neminem saluari posse. Imple vota &  
 promissa; & peccatum tuum co-  
 gnoscens, Dei vindi-  
 ctam effuge.

✠(†)✠



## SALVVS - CONDVCTVS

## I E S V I T A R V M.



RANCORVM Bellona ferox cū  
linqueret arua,  
Laurigera Paci cedere iussalo-  
cum,

Tro meritis Dea cuique dedit sua  
symbola amoris,  
præmia militibus distribuenda suis.

Ante omnes socios speciali affecit honore

LOYOLÆ, (immeritò nec Dea grata fuit,  
Gens ea plus reliquis, plus quàm feralis Erinny  
Præstitit, in Dominos tota animosa suos.)

Conductumq; dedit saluum loca cuncta adeundi,  
Et Phlegeihontai regna tremenda Iouis.

Hoc dono latata magis quàm munere Clymphi  
Turba fuit, patrias quod datum adire domos.

Sed simulac Stygias tandem penetrasset ad oras,  
Terribilis tristi vox Acheronte data est:

Hinc fuge dira lues, qua nil trisculentius unquam  
Exstitit, hic tutò non licet esse tibi.

Imperat hic solus Mundi aduersarius, at tu

Non solum Mundi, ast antagonista Dei.

Ille timet Dominum rerum cui summa potestas,

At tibi non hominum cura, nec ulla Dei.

Nullum ipsi quamvis tecum certamen, at ille  
Interca socios nec patitur Dominos.

Ergo aliò tua sceptrà, aliorum dirige gressus,  
Solut enim Sathan hic sua regna tenet.

Quin potius summa vi PURGATORI honores  
Atque nova Imperii sceptrà tuere tui.

Illic & titulos, fascēsque & nomina Regum,  
Erigere hand ullo te prohibente potes.


Surgat ibi Imperium longis quod floreat annis,  
Semper ab invidia tue remotus eris.

Quicquid ubique vides Domini est, tellusque polusque,  
Infera sed soli sunt data regna mihi.

Quod reliquum est, totum cedat tibi, respice maior  
Et melior quanto fors tua sorte mea est.

ADMO-





ADMONITIO  
ad Regem Christianissimum  
HENRICVM IIII.  
SVPER RESTITVTIONE  
Iesuitarum,

**F**RANCORVM sūmas qui nūc moderari shabenas,  
*Inrag, Francigenis summa cum laude ministras  
Inclyte Rex, sit pace tua mihi pauca referre  
Concessum, facilisque animo mea dicta reconde,  
Vera canam, liceat tantum mihi dicere vera.*

*Tertius HENRICVS, cuius nunc sceptratueris,  
AVGERIVM coluit patris instar, eique salutem  
Credidit, & summo semper veneratus honore est,  
Ignorans quod CHRISTE tuum qui nomen ubique  
Et vitam iactent, studia in contraria currant:  
Tantum saepe valet sancta simulatio vite.*

*Sed postquam sese falsa sub imagine recti,  
Mendacique diu pietatis fallier umbra  
Sensisset, moresque tuos IŪDAITA notasset,  
Tandem pœnituit: Quis enim mage crederet illis,  
Nomine qui CHRISTI scelera atq; piacula velant?  
Queis magis in votis nihil est, quam nomine SANCTI  
FOEDERIS, e solis Dominos depellere auitis,  
Et Reges iugulare pios, populumque fidelem  
In proprios animare Duces, & ad arma ciere,*

Sceptraq<sup>3</sup> Francorum raptori tradere IBERO,  
Cunctaq<sup>3</sup> terrarum PAPÆ submittere habenis?

Nec satis impune est scelera hæc committier; ipso  
Instinctore Deo fieri, numenq<sup>3</sup> supernum  
Iratum posse haud aliaratione moueri  
Vnanimis uno ore canunt, scelerumq<sup>3</sup> magistros  
Et percussores Regum, calumq<sup>3</sup> mereri,  
Deberiq<sup>3</sup> Deo toties repetuntq<sup>3</sup> docentq<sup>3</sup>,  
Indigetesq<sup>3</sup> vocant Regumq<sup>3</sup> Ducumq<sup>3</sup> latrones.

Quæ m. s. nt vera equidē nosti Rex maxime, nosti,  
Si meminisse voles, neque longē exempla petenda:  
Intus habes, nam tu, vel nemo, conscius horum  
Esse potes, si vel dentis, vel cetera vitæ  
Tempora perpendas; vix, nec vix tutus in aula  
Nunc hodie es, licet ipse sacros amplectere PAPAS,  
Et veluti primus dicaris filius esse.

Præteriti memor esto, animoq<sup>3</sup> futura reuolue,  
Si potes, atque tibi sit LVSITANICVS HEROS  
Perpetuo exemplo. Quis enim maiore adamauit  
Trogeniem hanc zelo, similig<sup>3</sup> affectu honore?

Qua mercede? iacet Regno sfoliatus auito,  
Et procul à patria peregrinis casus in oris  
Consilio IYDAITA tuo deceptus & arte.

Iiac benefactorum merces, tantig<sup>3</sup> fauoris  
Præmia sunt scelerata lues, hæc gratia Regi  
Reddita pro meritis. Sed quemnam seruii in usum  
Hæc dixisse tibi toties, eademq<sup>3</sup> referre,  
Si mens certa manet tristes renocare Sinones,  
Harpyiisq<sup>3</sup> animarum antiquas reddere sedes,  
Atq<sup>3</sup> iterum innumeris Regnum obiectare periculis?  
Quid inuat ad surdas facere irrita verba procellis,

Et

*Et frustra infandum toties renouare dolorem?  
Sæpe adimit mentem summi Moderator Olympi  
Principibus, meritis statuit cum plectere pœnis  
Et Regem populumq; suum non aqua ferentes.*

*Sit forte putas hinc terq; quaterq; beatum,  
Induperatorem quia te IVDITA salutat,  
Quodq; tuas vires lateq; patentia sceptrâ  
Prædicet, atque tuas in laudes orare soluat:  
Falleris ô Princeps scelerati fraude COTONIS.*

*Cantando paruer teque & tua perdere Regna  
Iamdudum ille parat, nec enim noua crimina tentat  
Antiquus scelerum structor, doctorg; Magis.*

*Nonne vides nil posse prius neque sanctius esse  
Mancipis PAPÆ, Stygi quam iussa parentis  
Fraude doloque pari ad decretum ducere finem?  
Respice quid statuunt: te solo nomine Regem  
Et titulo tenus, at proprio nil iure potesse,  
A Patre latronum nisi sit concessa potestas,  
Quem penes arbitrium faciunt Regni que tuique.  
Sic te, quæ Regē & Dominum Rex maximus vnxit,  
Hac lege agnoscunt, PAPÆ SI IUSSA MINISTRES.  
Quo sine nulla tuis reuerentia debita sceptris:  
Qui (modo sic libeat) peregrino tradere Regna  
Vestra potest, Dominoque alii committere habenda.*

*I nunc, rursus illas recipe in tua regna Cicadas,  
Materiamque nouam Vertumnis prabe nocendi,  
Sanguinis effusum haud satis est: si forte furores  
Et rabiem illorum validis cohibere lupatis  
Concessum esse putes specie lactaris inani,  
Nequicquam tui prætendis robora Regni,  
Nil prodesse queunt Regalia sceptrâ tuorumque*



*Auxilia Heroum, fortesq; in prœlia dextra:  
 Obstricti remanent specialis nomine VOTI,  
 Quod violare nefas vel cum discrimine vita.  
 IUSIVRANDVM ipsum, si VOTO fortè repugnat,  
 Servandū esse negant. Quid enim magis esse profanū,  
 Aut mage turpe potest, quàm sacris ludere pactis,  
 Vinclaq; diuini violare sacerrema iuris?  
 Tantāne at impietas à tanto Rege ferenda est?*

*Scrutare ipse, licet: (nec enim nisi iusta requiro)  
 Quid IYDAITA pareat, penitusq; introspecte, & omnes  
 Doctrina partes, vitæq; enolue recessus:  
 Aspicias nitida veluti depicta tabella  
 Inclita gesta Patrum, (qui falsò nomen IESV  
 Presignant fronti, titulisq; illustribus ornant.  
 Quo mage sancta cohors, mage quo venerāda propago.  
 Occultis studiis, & multa callida fraude  
 Præluce aliis, vulgoq; imponere posset.)  
 Et quæ præterea non ullis cognita seclis  
 Occurrent, Rex magne, tibi, & mea dicta probabunt,  
 Non unquam euomui magis execrabile monstrum  
 Tartarus immutis, non pestis amarior ulla  
 Christi adum terras corrumpit & infestant.  
 Non scelus admissum est IYDAITIS inde remotis:  
 Singula quid referam? Quis enim scelera illa referre  
 Rite queat, quibus est inuisa propago referta?  
 Immunes operum, contemptoresq; sacrorum,  
 Impuri, immutes, scelerati, & dira laporum  
 Semina sunt, agni celantes vellere viras,  
 Et Stygiis genitore sati qui præsidet umbris.  
 Certior est aliunde fides, propria inspicere tantum  
 Scripta Patrum, arburio stabit sententia destro,*

*Ipsa licet voluas operosa volumina sancti* (ironus  
 RICHOMEI, summus IVDAITARVM esse pa-  
 Qui modo sustinuit multis è millibus unus:

*Sug<sup>3</sup> comes MARIANA, illisq<sup>3</sup> adiunge COTONEM;*  
 Omnia cognosces, propriisq<sup>3</sup> docere libris.

*Non aliunde decet quam sint hac vera probari.*

*Insuper ab faciet miseranda Ecclesia cunctis*  
*Gallica nostra fidem, qua nunc sub pondere vasto*  
*Vix animam trahit innumeris oppressa statutis,*  
*Servitiumq<sup>3</sup> tuosq<sup>3</sup> Esauita exosa furores,*  
*Antiqua deflet proh Libertatis honorem.*

*Aurea Libertas, sic sic calcabere? sicne*  
*Illatibi frænum iniiciet IVDAITICA pestis,*  
*Ultima fex hominum, Cacodæmonis excrementum,*  
*Quo nil terra tulit peius nec foedius unquam?*

*Ergone Libertas, quam tu LODOICE tuorum*  
*Virtute, & proprio peperisti sanguine, nobis*  
*Eripienda data est? Ergo hac tibi lege relictum*  
*Aproanis, tritaniq<sup>3</sup> tuis BORBONICA proles*  
*FRANCORVM Imperiū? tandem circūspice, tandē*  
*Erige te, rursusq<sup>3</sup> antiqua imitare tuorum*  
*Gesta patrum, priscosq<sup>3</sup> at auorum respice honores.*  
*Cessatum satis est; sanam tandem arripe mentem,*  
*Atque animo perpende tuo, tecumq<sup>3</sup> renolue,*  
*Officium prestare pium, cuiusq<sup>3</sup> fidelis,*  
*Qui quantum in sese est, pro Libertate tuenda*  
*Prospicit Imp<sup>3</sup>, & Regi sua iura reservat*  
*Integra, quiq<sup>3</sup> t, ne quid Respublica damni*  
*Accipiat, prisco ve suo vidueatur honore.*

*Contra etiam vestrum esse putare subinde,*  
*Ne quid forte noui perturbet publica rerum*



*Commoda, ciuilesque ciat mala factio motus,  
Sic poteris Rex esse diu, populoque praesse,  
Quem diuina tibi commisit cura regendum.*

*Ergo si quis amor, si te qua cura fatiget  
Imperii, populiue tui, propriaque salutis,  
Ne temere admittas inferno Acheron teremensam  
Progeniem, rursumque caput, regnumque tuosq;  
Obiice mille malis, quibus haud virtute resisti,  
Nec telis, armisue potest; sat viximus eheu  
Pestiferis agitati odiis, scelerumque referti,  
Conuenit haud aliunde nouis accersere terris  
Foedifragos, tenera deceptoresque inuenta,  
Sat natura mali per se corrupta ministrat.* (dieq;

*Cuinam hominum ignotum est I V D A I T A S nocte  
Nil meditari aliud, quam qua ratione modo ve  
Prisca statuta queant patriasque euertere leges,  
Inque locum, antiquis totum in contraria, nobis  
Iura dare, & sanctos priuata ad commodam ritus  
Flectere, nulli vnquam quod post mutare licebit?  
Et te dein placitis cogent subscribere, teque  
Pro libitu ad nutum ducent, decretaque condent  
Duratura magis quam quae sculpuntur in aere,  
Aut quae Dalmatico fulgent incisa metallo.*

*Det Deus omnipotens, penes est quae summa potestas,  
Inclyte Rex, ne tu, deceptus fraude C O T O N I S,  
Melliti alloquio capiare, aequamque remittas  
Iram, animumque tuum iustas qui exarsit in iras,  
Et poenas merito scelerata a gente poposcit.  
Sufficiat l i c r y m a s s e tuos, poenasque dedisse  
Francigenas toties, dubium haud quin postmodo nobis  
Plura ferenda manent mala, quae quae sensimus olim,*

*Aucto-*



Auctores scelerum rursus si in viscera regni  
Admittas, facilisque illorum audire querelas  
( Ut fert fama ) paras, priscoq<sup>3</sup> in honore locare.

Parce tibi, nobisq<sup>3</sup> simul, communia utrosque  
Fata manent, prohibe instantem subitamque ruinam  
A regnis populisque tuis, nam te sine Raris  
Permissum nihil, At crimen fautore lenatur.

Quid inuat à vitiis Regnum purgasse, suaque  
E ditione procul sceleratos inde potenti  
Eiecisse manu, propria si denique culpa  
Restaurentur, & in multo maiore habeantur  
Respectu? è quibus heu lateri constanter adhæret  
Alter, ita excultus magicis virtutibus, ut se  
Scire canat que vos semper fortuna manebit,  
Sic mentem atque oculos obiectis fascinat umbris  
Viribus inferni pollens & fraude parentis.

Alter ita est fidens, tantumque pudore remotus,  
Defunctum ut Regem serpente nocentior omni,  
Non dubitet scriptis proscindere, & interea ille  
Hoc impune licet, nullo cohibente furores.

Quo tandem erumpet monstrosa licentia? Reges  
Sicne licet lacerare sacros, mortemque minari?

Jam, iam tempus erit Regū Rex maxime, mentem  
Dirigere hūc, populumque tuum, regnumque tueri.

Quo res nostra loco, qua sit fortuna videmus:

Vester honos agitur, mundi pulcerrima tellus

Opprobriis vexata iacet, reliquisque pudori

Gentibus est, miserere tui, miserere tuorum,

Iura patrum, ritusque sacros, legesque at auctorum

Restitue, afflicta sua da medicamina genti,

Non indigna peto, propriam quoque resstice famam,

Et nomen regale tuum, titulosq; decoros,  
Ne tua ROMA salax, manibus post terga reuinctis,  
Colla premat, priscoq; tuo te fraudet honore.

Perpetuum Imperium, longanos Nestoris annos,  
Deniq; calestem requiem tibi quisque precatur  
Inclyte Rex, & ne videar mutescere solus,  
Hac eadem tibi vota fero, & quia dicere coram  
Non mihi concessum est, fungatur epistola nostro  
Officio, & tutum teneant mea carbasia portum.

Pratercà hac nostris accedant vota tabellis,  
Fimbriisq; Regni IVDAITAS pellere CHRISTI  
Nominis digneris, regnisq; auertere pestem,  
Quam vestro, & populi capiti impendere videmus.

Haud incerta queror, nec qua ventosa per orbem  
Ventilat, indignis pascens rumoribus aures  
Fama, tibi obtrudo, sed cunctis obuia, qua non  
Immerito iniuciant Regi, populoq; pudorem. (turba

Non latet hoc quemquam, quantū IVDAITICA  
Afferat Imperius tandem populisq; malorum:  
Quo semel illa pedem fixit, torrentis ad instar  
Cuncta rapit, viduasque opibus, domibusque potentes  
Exiit, & fama, & titulis defraudat auitis.  
Nec satis hoc, Regna euertit, penitusque superbis  
Deiicit è solius Reges; quis talia demens  
Vlterius perferre queat? si exempla petantur,  
Scilicet haud opus est peregrinos voluere fastos,  
Scriptaque maiorum sedulo scrutarier: ipsa  
Tempora nostra dabunt qua nos meminisse pudebit,  
(Si pudor ullus inest;) quid enim non ante malorum  
Perpepsi sumus? ah! quos non fixauimus amnes  
Sanguine, & infestos misere satiauius hostes!

Impius

*Impius interea grassatur Barbarus, & nos  
Turca ferox ridet, miseranda Ecclesia iustas  
Vix lacrymas retinere potest; eheu, ubi prisca  
Religio, sanctique patres, atq; inclita Regum  
Gloria, quo tandem miseri peruenimus? ah qua  
Quæ non pertulimus, quæ non ventura timemus!*

*Serius hoc vidit, vidit tamen, ultimus HEROS  
VALLESIAE stirpis, qui quamuis se esse putarat,  
Delitias PAPÆ, primasque in amore tenere,  
Nil minus interit sica violatus iniqua.*

*Ne tibi quid simile ah vereor, Deus omen auertat.*

*Qui semel euasit scopulos, Scyllamque voracem,  
Neptuno monstrante viam, ventisque secundis,  
Naufragus immerito fluctus incusat & imbres  
Immitesque Deos pelagi, sanamque Charybdim,  
Neglecto custode Deo, si incauta carina  
Obruitur, tandem & sterili sepelitur arena.*

*Stabat Roma potens, & adhuc cum laude superbis  
Ius dabat Imperiis, cum prudentissimus Heros  
Occasum interitumque CATO prediceret, eheu!  
Det Deus ô Princeps similis quandoque ruina  
Ne subeunda detur Regi miseroque popello,  
Insidiisque dolisque & iniqui fraude COTONIS.*

*Hic sermo mellitus & hæc dulcissima verba,  
Ille quibus vestras, Rex maxime, detinet aures  
Incantator atrox, magico sunt plena veneno,  
Permittente Deo: qui, quando imponere finem  
Imperii statuit, meritasque exposcere pœnas,  
Iudicio, sensuque omni Regesque Ducesque  
Exiit, & tandem populum cum Rege relinquit.*





IN IESVITAM COR  
REGIS HENRICI IV.

petentem.

QVEM nō mille manus, nō mille pericula mortis  
*Quem nec & insidius sternere quivuit Iber,*  
*Quem nequit Mars ipse ferox, fera sica peremit,*  
*Sica HENRICORVM sanguinolenta nece.*  
*Scilicet occubuit scelerata fraude petitus*  
*Arte, dolo, insidiis Rex, IVDAITA, tuis.*  
*Quid sceleris latuit tanti sub corde Monarchæ,*  
*Vt scelerate tuo vulnere concideret?*  
*Sedibus eximiiste, & rursus in honore locavit,*  
*Dinitiusque auxit, muneraque ampla dedit.*  
*Et plus quàm par est, & spe maiora tulisti,*  
*Gratia pro meritis hac referenda fuit?*  
*Vt cumulo adiiceret, proprio te CORDE beavit,*  
*Quid maius proprio quis dare CORDE potest?*  
*Nunc cape COR toties à te mucrone petitum,*  
*HARLÆVS votis annuit ipse tuis.*  
*Sed pariter cùm DENTE, COR ut referatur eodē,*  
*Non sunt diuersis contumulanda locis*  
*Que Natura simul iunxit, que Parca reuulsit,*  
*Vsa instrumentis pestis amara tuis.*

F I N I S.

the 1990s, the number of people with a mental health problem has increased by 50% (Mental Health Foundation 2000). The prevalence of mental health problems in the United Kingdom is estimated to be 10% (Mental Health Foundation 2000).

There is a growing awareness of the need to address the needs of people with mental health problems in the community. The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.

The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.

The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.

The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.

The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.

The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.

The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.

The Department of Health (1999) has identified the need to develop a new approach to mental health care, which is based on the principles of recovery, self-help, and self-management. The Department of Health (1999) has identified the need to develop a new approach to mental health care, which is based on the principles of recovery, self-help, and self-management.



IN IESVITAM COR  
REGIS HENRICI IV.  
petentem.

QVEM nō mille manus, nō mille pericula mortis  
Quem nec & infidus sternere quivuit Iber,  
Quem nequit Mars ipse ferox, fera sica peremit,  
Sica HENRICORVM sanguinolenta nece,  
Scilicet occubuit scelerata fraude peritus  
Arte, dolo, infidijs Rex, IVDAITA, tuis.  
Quid sceleris latuit tanti sub corde Monarcha,  
Ut scelerate tuo vulnere concideret?  
Sedibus eximijs te, & rursum in honore locavit,  
Dinijsque auxit, muneraque ampla dedit.  
Et plus quam par est, & spe maiora tulisti,  
Gratia pro meritis hac referenda fuit?  
Ut cumulo aduiceret proprio te CORDE beavit,  
Quid maius proprio quis dare CORDE potest?  
Nunc cape COR toties à te mucrone petuum,  
HARLÆVS votis annuit ipse tuis.  
Sed pariter cum DENTE, COR ut referatur eodē,  
Non sunt diuersis contumelanda locis  
Que Natura simul iunxit, que Parca reuulsit,  
Vsa instrumentis pestis amara tuis.

F I N I S.



the 1990s, the number of people with a mental health problem has increased by 50% (Mental Health Foundation 2000). The prevalence of mental health problems has increased in the general population, and the incidence of mental health problems has increased in the prison population.

There is a growing awareness of the need to address the mental health needs of prisoners. The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.

The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.

The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.

The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.

The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.

The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.

The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.

The Department of Health (2000) has published a strategy for mental health services, which includes a commitment to improve the mental health of prisoners. The Department of Health (2000) has also published a strategy for mental health services, which includes a commitment to improve the mental health of prisoners.



IN IESVITAM COR  
REGIS HENRICI IV.  
petentem.

QVEM nō mille manus, nō mille pericula mortis  
Quem nec & insidius sternere quivuit Iber,  
Quem nequit Mars ipse ferox, fera sica peremit,  
Sica HENRICORVM sanguinolenta nece.  
Scilicet occubuit scelerata fraude peritus  
Arte, dolo, insidiis Rex, IVDAITA, tuis.  
Quid sceleris latuit tanti sub corde Monarchæ,  
Ut scelerate tuo vulnere concideret?  
Sedibus eximiis te, & rursum in honore locavit,  
Diniitiisque auxit, muneraque ampla dedit.  
Et plus quam par est, & spe maiora tulisti,  
Gratia pro meritis hæc referenda fuit?  
Ut cumulo adiiceret proprio te CORDE beavit,  
Quid maius proprio quis dare CORDE potest?  
Nunc cape COR toties à te mucrone petutum,  
HARLÆVS votis annuit ipse tuis.  
Sed pariter cum DENTE, COR ut referatur eodē,  
Non sunt diuersis contumelanda locis  
Que Natura simul innoxia, qua Parca renulsi,  
Vsa instrumentis pestis amara tuis.

F I N I S.

